

PRO TVEN-

DO SACRO COELIBA-

TV AXIOMA CATHOLICVM: AV-

thore Reuerendo in Christo Pa-

tre Roberto, Arboricensi

Præsule, Doctore &

ordine & origine

Parisiensi.

PARISIIS

Apud Ioannem Roigny, via ad D.

Iacobum, sub Basilisco, &

quatuor elementis.

1 5 4 5.

PRO TVEIN

DO SACRO CORAM

IN

IN

IN

IN

IN

IN

IN

IN

IN

IN

IN

IN

IN

IN

IN

IN

IN

IN

IN

IN

IN

IN

IN

IN

IN

IN

3

AD SPECTABILEM, MERITOQUE suspiciendum ac venerandum patrem D. Godefridum Tilmannum, apud Vallis, viridis cœnobium in pomœriis Parisiensibus Cartusianum ordinem professum, ac bene merentem, liminare præloquium.



VIX commodius unquam, felicius-ue cecidisse potuit immensa & in-exhauste semper ac perpetua benignitatis alea, venerāde Pater, quā ut re ac nomine simul verè macarij, hoc est, verè beati: eiusdemque ter maximi, hoc est, philosophi, iudicis, ac theologi, Areopagitæ causa ab his defenderetur, tuendaque susciperetur: qui vel hoc uno nomine à toto orbe Christiano bene audiunt, quòd censeantur Areopagitis omnibus reticentiores: quorum claustra & cœnobia ex totius professo ordinis non Pythagoricum modò, hoc est quinquennale, imò verò perpetuum ac perenne silentium observāt: ut iam non dicantur silētiora claustra, imò verius mera atque ipsissima silentia. Sic morum paritas hominum pectora conciliare solet, etiam dum nihil tale ipsi aut meditantur, aut cogitant. Tu igitur ex perpetui silentij assiduus cultoribus (hoc est Cartusianæ professor

familia) vnus nobis conspicuus ades, qui Areopagitam silentarius, deiuidum ac theosophum theologus, sapientem, multiscium trilinguis philosophus, ab iniuria illata vindices: & ea maximè, quæ cæteris sauior esse solet, nempe plagiatus. Emerferunt enim his diebus plagiarij nonnulli, qui gnesios ac verè germanos Areopagita Dionysi foetus ab ipsius parentis sinu surripere voluerunt, hoc est cœlestis atque ecclesiastica Hierarchiæ sanctissima opera. Quorū eum, qui antesignanus est, ita corripis ac flagellas, vt huiusmodi exemplo cæteri effici debeant ad similem inferendam iniuriam tardiores, ni velint ipsi fieri toti fabula mundo. Ita enim traduci merentur, qui impudentia magis ac temeritate, quàm alia acti ratione, aduersus priscos, & eos quidem sanctissimos patres, huiusmodi plagiatus flagitium committere non verentur. Et quando semel accepta occasione sermo super his rebus incidit, cum à primæuo ecclesiæ nascētis initio præterlabentium annorum variam conditionem mecum conféro: alterius generis laborem huic nostri cui ecclesiæ imminere video, quàm qui priscus eam olim premebat temporibus. Olim siquidem summus labor, curaq; maxima Patribus erat sacrorum axiomatum inficiatores ac pertinacissimos eversores suis (quibus maximè pollet) inuictissime veritatis armis confutare, propriisq; in hoc maximè confectis telis eorum domare cōtumaciam: nunc inficia-

torum loco ac manifestorum hæreticorum obrepere
 cœperunt amphib. enæ quædam, virinque homini-
 bus arridentes, à capite tamen & cauda noxiæ: qui-
 bus quicquid opponas, nihil abnuunt: tantum omnia
 in ambiguo ponunt: hoc scientes, quod ubi fixa alio-
 qui columnia semel inclinare in partem aliquam cœ-
 perit, facile trahi possit in ruinam. Hi sunt ecclesia-
 sticorum dogmatum versutissimi calumniatores, du-
 bitatores delicatissimi, in quamvis partem deflectere
 parati, arundines leuissimo agitate vento, qui in re-
 bus etiam fide certissimis ut tremula arboris fron-
 des statim trepidant, & ad omnes flatus vacillant.
 Hi sunt, qui de credulis opinatores, de fidelibus eua-
 dunt planè academici ac prorsus infideles: cum ne-
 mo nesciat dubitantem in fide infidelem esse. Ita ec-
 clesiæ decretis occipit obuertunt, facie penitus con-
 uersa in hæresim, (tamen si longè ab ea se abesse vi-
 deri velint:) ut nemo nisi admodum oculatus depre-
 hendere possit, an pro catholicis, an pro hæreticis po-
 tius habendi sint. Hos tamen iure & quidem opti-
 mo asserere ausim esse manifestis hostibus longè per-
 niciosiores. Hæreticos siquidem apertos qua parte
 adoriri possis, in promptu occurrit: istos vix agno-
 scas, qua via inuadere queas. Nam modò aiunt, modò
 negant, modò neutrum agentes solùm hæsitant. Cum
 culos sibi effodiunt, rimulas sibi parant: ut dum vnâ
 nequeunt via, alia saltè sibi effugium adornent. Nec

coelo adherentes nec terræ, in medio suspensi vol-
 unt: ut quicquid agas, quicquid moliaris, in quam-
 cunque partem te vertas, prorsus ignores quo tene-
 as nutum Prothea nodo: adeo sunt omni euripo in-
 stabiliores. Hi scilicet sunt nostræ ætatis hæretici, ac
 malè creduli, nihil quàm dubitare aut hæsitare sci-
 entes aut docentes: ut saltem quādo aliud non possunt,
 de fidei malè credulum reddant, opinatores potius
 quàm fideles: ut ea quæ fidei sunt, in opinionem com-
 migrare faciant, modò dubitantes de autoribus li-
 brorum canonicorum, modò hæsitantes qui libri pro
 canonicis habendi sint: nunc an nostra editio sit Hi-
 eronymi: an non denique sacramenta omnia à deo in-
 stituta sint necne pro controuerso habemes: sicque in
 omnibus pro credendi sciendique methodo artem du-
 bitandi obtrudunt. Hos dubitatores magis quàm do-
 ctiores, & dissimulatores potius quàm professores
 merito dixeris. Doctoris enim & professoris est du-
 bia non tam proferre, quàm prolata diluere. Atqui
 omnibus est in procliui, etiam verum omnium igna-
 ris, ad omnem hæsitare quæstionem: doctoris verò
 est obuios quosque enodare nodos, & occurrentes
 quaslibet controuersias euoluere, ac dissoluere quæ-
 stiones. Quare satius illis fuerat, quæ incidebant du-
 bia non opponere, quàm prolata in ambiguo relin-
 quere. Et tamen vel hoc vno nomine sibi placent,
 quòd leuissimis etiam ac vanissimis rationibus (ut

Et ipsi leuissimi sunt) agitati, catholica axiomata
 apud imperitos in ancipiti relinquant: cum nemo ne-
 sciat, multo facilius esse, trabem in puteum deicere,
 quam deiectam sursum erigere. Deuiciunt autem, qui
 dubia mouent: erigunt, qui mota dissolunt. Verum
 quid dicam de huiusmodi hominum ineptia, qui ra-
 tiones dubitandi nedum non a se excogitatas profe-
 runt, sed a priscis patribus iam pridem Et in lucem
 editas, Et sua luci (hoc est extra ambiguitatem) red-
 ditas, quasi ex sua proferunt officina? Atqui illud
 maxime mirum est, si non pigebat eos leuissimas has
 proferre argutiolas: cur etiam non proferebant soli-
 diores obiectis rationibus solutiones? Et certe illud
 eis erat in proclui, si vel a limine tantum veterum
 monumenta perlustrassent. Verum quid facias his
 opinatoribus opinatissimis? quibus ea una cura fu-
 it, ut lucida in obscura, candida in nigra, deniq; axi-
 omata in prob'emata conuerterent. In quibus dubi-
 tator insignis, imo Et dubitatorum antesignanus,
 mihi Erasmus visus est. Quē iccirco, ut video, inse-
 ctaris mi Godefride suauissime: non tã ut odiose illi
 noceas, qui iam apud iudicem, quem nihil latere po-
 test, suã causam peregit: quàm ceteros sequaces (qui
 proh dolor plurimi extant) ab huiusmodi exemplo
 absterreas. Qui utinam non tam odiose fuisset inse-
 ctatus ecclesiasticam disciplinam: quam sic tractasse
 visus est, ut de tutoris partibus ad desertoris signa

confugisse videatur. Ob id enim therapeutices, hoc
 est sacris ritibus religionis detraxisse visus est: ne
 ab ipso, quem utinam non temerè deseruisset, ordine
 malè audiret: aut si forte audiret, haberet ad manum
 quod retaliari posse videretur. Sic dum quis timet
 sibi à conuicio, conuiciatorè probris incessere ac præ-
 uertere laborat, ne incruentum à se hostem abire si-
 nat, etiam si iustissime fuerit ab eo impetitus. Tu ve-
 rò mi Godefride nutantem hunc Prothea ita mediū
 tenes in hac silētiarij tui Areopagitæ causa, ut diu-
 turnum silentium nunc pro voce habeatur, & ea
 quidem vocalissima, imò vero tubali potius: quæ fa-
 cile queat aduersus huiusmodi calumniatores are ci-
 ere viros, Martemque accendere cantu. Horum ca-
 lumniatorum quis non miretur astutiam? A quibus
 si quis percontetur, prolata in affirmatiuam partem
 ratione: Sintne Areopagitæ opera, quæ circumferun-
 tur? Audito statim argumento, dicent se non prorsus
 inficiari, quin ipsi Dionysio Areopagitæ tribui pos-
 sint: verum illud negari à quibusdam. Rursum si cō-
 tendas ea non esse Areopagitæ: dicent, Nec id quidē
 carere ratione, esse tamen aliquos qui contrarium as-
 serant. Sicque anguilla elabitur è manibus, re ipsa in
 medio derelicta. O doctores egregios, imò verius du-
 bitatores (si fas est dicere) strenuos: qui nihil aliud do-
 cent, quàm nihil scire, nihil credere. Atqui, inquires,
 an non erat illud sapientis Socratis omnibus numeris

absolutum elogium, Hoc tantum scio, quod nescio?
 Bona verba quaeso. Illud quidem quadrat rebus hu-
 manis, si quis modestiae causa hoc dicat et agnoscat:
 in rebus autem fidei tantum hoc abest ab honestate, ut
 vix cogitari possit quicquam magis impium. Quae
 enim impietas maior esse potest, si quis nec sciat nec
 credat, quae ex incumbente officio & scire tenetur,
 & credere? Facessat hoc loco Socratis sapientia in-
 sipiens, ubi de fide credendusque agitur: cedaque sapi-
 entiori, qui ait, Nisi credideritis, non permanebitis.
 Cedant inquam tenebrae verae luci, neque Paulino do-
 gmati, qui ait, Corde creditur ad iustitiam, ore autem
 confessio fit ad salutem. Credere oportet omnes: cre-
 enda autem explicare & profiteri necesse est eos,
 qui de sacrorum dogmatum interpretatione gloriatur.
 Nam declinantes in obliuationes adducet dominus
 cum operantibus iniquitate. & Qui in minimo va-
 cillat, statim corruet. Atqui facilius multo est in una
 tantum partem declinante sursum erigere, quam in qua
 velis vacillantem stabilire. Sed cur ita nutantes va-
 riantesque perseverant in huiusmodi impietate perdi-
 tissimi homines? Certè non ob aliam causam, quam
 quae à Psalmista recensita est, qui ait, Deum non muo-
 cauerunt: illic trepidauerunt timore, ubi non erat ti-
 mor. Alioqui (ut idem ait) Si populus meus audisset
 me: Israel si in viis meis ambulasset: pro nihilo forsi-
 tan inimicos eorum humiliassem. Quid autem sequitur?

nempe istud, Dimisi eos secundum desideria cordis
 eorum, ibunt in adinuentionibus suis. Quibus & illud
 congruit, Nutantes transferantur filij eius, & men-
 dicent. Tu igitur mi Godefride, cum in hac arena de-
 sudes, ut ex priscis Gracorum voluminibus iam pri-
 dem delitescentem atq; reclusam eruas veritatē: ut
 iam coepisti, perseuera: & totis ingenij viribus con-
 tende, ne quid deinceps latere sinas in vetustis Græ-
 corum exemplaribus, quod ad elucidandam pernicio-
 sissimas in fide controuersias suffragari possit. Spero
 non defuturum coelitus his tam piis conatibus, numinis
 afflatum. Nam præter huius causæ incredibilem pie-
 tatem, nunquam tibi deerunt pientissimi patris Prioris
 (cuius orationibus obnixè cōmendari cupio) totiusq;
 Cartusianæ familiæ indefessa orationum suffragia.
 Porro quanta tu religiosissime pater indole ac eru-
 ditione monastici instituti fontem, primamq; origi-
 nem ex venerandæ antiquitatis latebris erutam, orbi
 conspicuam feceris, quid attinet dicere? cum nemo, qui
 tua scripta vel à limine salutarit, id aut ignorare, aut
 dissimulare queat. Id ego cum tecum attentius con-
 siderarem: coepi cogitare, si qua ratione in eo puluere
 ac sudore versanti suffragio aliquo adesse possem:
 ut scilicet adminiculum aliquod præberem florentis-
 simæ nec non & frugiferæ vineæ monastici status:
 cuius vinum profert virgines, quodq; deum latificat
 & homines, & sincera paupertatis cultiores etiam

per talēta loqui facit. Videbā huic odoratissimæ & succosissimæ vineæ (quam vndequaq; nostræ ætatis vulpeculæ nihil aliud quā demoliri & euertere curant) opus esse aliquo pedamento, cui veluti paxillo inniti posset. Est autem Cœlibatus therapeuticæ tam necessarius, quā paxillus vitæ: quem hac nostræ ætate disciplinæ monasticæ osores hostiliter insectantur, vt eam saltē aliqua ex parte nutantē funditus evertant. Ego igitur pro cœlibatu tam sacerdotali quā monastico à nuptiariorū (quos Epicureos rectē appellaueris) iniuria vindicando, pro mea virili studiose (quoad fieri per me potuit) conatus sum in arenam hanc descendere. Qua in re si quid promouerim, diuinæ gratiæ referatur acceptum: sin minus, optem te tuiq; similes (qua etiam infirmiora soletis) æquanimitate suscipere. Tu igitur quicquid id est, boni consulito: & par pari referre cupientē ea, qua soles benignitate, hilari fronte excipito. Per me interim valebis recta utriusque hominis valetudine.

Ex Arboricensi nostro incolatu. 1545.

Tuus, quē quoties desiderabis, agnosces iuis desiderii implendis propensissimum, Robertus diuino munere Arboretanus Episcopus.

AD LECTOREM PARACLESIS.

SCio non defuturos, hac potissimum contentiosissima etate, plurimos candide Lector, qui mihi obnixè imploranti de his, quæ huic nostræ opella inspersa forsitan occurrent, erratis, veniam planè sint denegaturi. Id quæ tetrici illius censoris Catonis exemplo, qui cùm Græcè scripturientem virum Romanum, Latine tantum linguæ peritum veniam petere intelli geret, vel ob id maxime quod atticismi se ignarum profiteretur, nec in ea lingua sufficienter eruditum, eum nec audiendum quidem pronunciauit, inquiens, à nemine fuisse cōpulsum, ut se in huius lapsus discrimen coniceret, cùm eum nemo ad scribendum impu lisset. In pari igitur causa, parè mihi expectandam esse sententiam promptum est suspicari, nisi eā quæ se conspicuam præbet obiectionē iusta aliqua defen sione diluero. Fateor, Christiane lector, nullius me, priuato imperio, in hanc arenā tuendi Sacri Cœliba tus descendisse, pia tamen (et ea quidem publi ca) ho nestate ad id fuisse adaectum, ac penè cōpulsum, quod scirem plerosq; vndecunq; obrepfisse Christianæ di sciplinæ osiores, et antichristianæ potius licetia, quā libertatis veræ christianæ assertores, speciem quandā pietatis præferentes, in eam partem esse propensissi mos: ut scilicet nuptias sacerdotio iungendas, fucato

quidem, verum pestilentissimo errore existiment,
 quem etiā & velint & prædicent publica lege de-
 bere decerni. Quos ea ipsa nota inurēdos haud dubiè
 crediderim, qua tercio Officiorū Cicero Caliphonem
 & Dinomachum notandos censuit: Quo magis (in-
 quiens) reprehendēdos Caliphonem & Dinomachū
 iudico, qui se controuersiam dirempturos putauerūt,
 si honestatem cum voluptate, tanquā hominem cum
 pecude copulassent. Huic albo inscribēdos nemo du-
 bitauerit eos, qui nuptiariorum sacerdotum gregem,
 hoc est, Epicuri de grege porcorum, turbam incondi-
 tam constituere atq; erigere tentant, vel ob eam ma-
 ximē causam (si diis placet) vt scilicet saluti eorū cō-
 sultatur, qui frequentioribus carnis stimulis agitātur.
 Sed quenam est ista pietas (vt Augustinus ait) im-
 pia: Quæ misericordia, immisericors: vni subuenire
 aut parcere, & multos in discrimen adducere? Nam
 quò tandem euadent, extincto sacerdote nuptiario, et
 vidua & eius liberi orphani? Neq; enim sacerdotiū
 deuoluetur ad liberos, ad vxorem minus. Nihil igitur
 illis superesse vides, Lector oculatissime, nisi
 post sordidam atque infelicissimam vitam, despera-
 tionis laqueum. Vix suppetunt vndecunque eleemo-
 synæ vel tenuissima alendis pauperibus, qui hodie
 omni ex parte scatent: qua igitur arte, qua industria
 ex coniugio sacerdotali in immensum dilatanda tur-
 ba liberorum ali poterit aut foueri? Hocce est, vni

parcendo, innumeros miseria & inedia impatientes
 in desperationis barathrū cateruatim immittere? Et
 id quidē minutulū est, si reliqua cōsideres, quæ ex hoc
 vno semel admissso errore, scaturiunt incōmoda, quæ
 latius ac fusiꝯ in nostri axiomatis progressu expli-
 cata videbis. Hac ego ratione inductus atq; impul-
 sus, ne hac in parte deesset imminenti ruine, fulcrū
 aliquod ac veluti appendicē opponendā esse existi-
 mani, vt tandē scires, Christiane lector, non tam scri-
 pturiendi libidine adactū, quā pia quadā necessi-
 tate impulsus, ad id operis me accinxisse. ne scilicet
 existimet aduersarius rei nuptiarie male feriatuꝯ pā-
 tronius, deesse quid illi opponi possit: cū scriptū esse
 sciam, respondendum esse stulto iuxta stultitiam suā,
 ne sibi sapiens videatur. Habes itaque instituti no-
 stri qualemꝯque rationem: qua cognita, spero me
 si non ex animi beneuolentia gratiam, ex æquō sal-
 tem & bono veniam à te impetraturū: diuinæ quod
 superest cetera clementiæ committo, cuius auxiliū
 tuis precibus adiutus expeto & expecto. Vt ergo
 vno verbo omnia cōplectar: tibi persuādēas velim;
 me huic vni scopo intendisse, idq; potissimū curasse:
 vt quā à patribus accepi ecclesiasticæ disciplinæ cum
 summa honestate coniunctā auctoritatē, sacrosanctā
 illā atq; ab omni iniuria tutā posteritati omnibus vo-
 iis cōmendatam esse cupiam. Absoluto ad hunc mo-
 dum præloquio, præstare superest quod pollicemur.

DE COELIBATV SACER dotum, & sacris initiatorum, ac mo- nastico, aduersus Nuptiarior catholicum Axioma.



VO IVRE, NE DI-

cam iniuria (vt blasphemi aiunt) diuinó ne
an humano sacerdotibus indictus sit coeli-
batus, pronúciaturus, Christi Iesu nomé,
ac numen appello & inuocó: vt ore domi-

ni consulto felicius ad veritatis lineam, honestique regu-
lam dicenda succedant: quo etiam animis lectorum insidé-
re queat pura ac sincera veritas. Quod facile spero futu-
rum, si oculosynceros, pectus defœcatum ista lecturus no-
bis attulerit: adeó pronum est & proclive veritatis causam
protegere ac tueri. Pro qua etiam si tacerimus, lapides ipsi
clamabunt. Iam in ipso negocij vestibulo definitionibus a-
liquot nonnihil ad rem nostram facientibus viam parabi-
mus, assumptis præloquiis, quæ statim per se, patebunt au-
dita: si tamen controuersia statum constituerimus. Qui to-
tus in hoc versatur, Recténe an perperam maiorum edicto
indicta sit sacerdotibus continentia. Quam, qui hostiliter
insectantur nostra ætate, legem non solum iniquam pronú-
ciarunt, imo vero diabolicam, à satana ortam, detestabilem,
erroneam, hypocriticam, impudentissimè declamarunt.

Neque hoc scelere contenti, typis æneis excusam impiam
declamationem vulgo visendam, lætandamque tradide-
runt. Insuper & impium illud dogma aliquot vanis ratio-
nibus auctum & fultum, auctius & locupletius reddere nul-
latenus erubuerunt. Aduersus huiusmodi supplementum
apologeticum ad præsens mihi res est. Rem igitur aggressi,
à definitionibus ordiemur. Primum quid lex, quid in-
stitutum, edictum, consuetudo, quid continentia, quid coe-
libatus, definiētes.

Lex, est recta in iubendo vetandoq; ratio. Alij ita de-

finiunt: Lex, est sententia, qua recta præcipiuntur, & mala vetantur. Gratianus ita: Lex, est scripta constitutio.

Institutum, est ius scriptum, quod tamen rectum habet authorem, quem reliqui imitari non erubescant.

Consuetudo, vsus eruditum, bonorumue consensus.

Morem ita diffiniunt: Est institutum pertinens ad religionem ceremoniasque maiorum. Aliter: Mos, est observatio, non lege, sed iudicio & opinione confirmata.

Plebiscitum, est quod plebs rogata statuit, atque decrevit.

Edictum duplex est. Quoddam, quod omnes respicit, vel inuitos. & illud primaria obligatione obligat. Aliud edictum particulare seu conditionarium, ligans quidem, sed volentem, neque inuitum, neque omnes attingens, statui, non personæ necessitatem imponens. Et hac ratione duplex est obligatio. Primaria vna, relata ad personam. Secundaria altera, quæ solum vim habet obligandi ratione status.

Sequuntur prænotamenta, quibus admonitum cupio esse lectorem.

Primum.

Edictum de cœlibatu neque omnes tangit, neque inuitos. Item non personam respicit, sed conditionem & statum.

Secundum.

Lex inuitum tenet, ligat, stringit: Edictum de cœlibatu non nisi volentem, & sese mittentem in compedes.

Tertium.

Hoc edicto qui ligatur, non patitur iniuriam: quando scienti & volenti non fit iniuria, neque dolus. Nec censetur dolum passus, nec iniuriam, cuius meliorata sit conditio.

Quartum.

Eunuchus Christianus symbolum habet cum eo, qui est natura vel violentia impotens, quoniam ferro excisus uti necessitate arceatur à concubitu, sic iste vinculo voti vel conditionis. Nam de illis dicit Christus, Sunt eunuchi, qui se ipsos castrauerunt propter regnum dei. Neque enim Pontifices eos, sed ipsi seipsos consensu fideque præstita, fixo firmoque proposito, sibiipsis ius dicunt, se adstringunt: & ut

sic dicam, castrant seipſos propter regnum dei. Exemplum ſumito huius caſtitaſis ab Agnete, quæ ait: Diſcede à me pabulum mortis: quia ab alio amatore preuentum ſum, cui ſoli ſeruo fidem.

Quintum.

Chriſtiani, vt ſic dicam, ſpadones huic albo inſcribendi non ſunt: niſi quibus eſt iuris facultas denegata aſpirandi ad nuptias. Cæteri quidem caſti ſunt, at non ſe caſtrauerunt. Quòd enim ſe caſtrauerunt, hoc fuit voluntatis, non violentiæ. quando violentum eſt, cuius principium eſt foris: reliquum verò eſt neceſſitaſis ſeu impotentia, non facti ſed iuris. Et hunc exiſtimo germanum ſacræ literæ ſenſu: ad quem veluti ad ſcopum ſequentia referre conueniet. Hoc vnum per ſe ſufficeret ad obtundendam totam aciem rationum, falſo & ineptè contra cœlibatum inſtructarum: quandoquidem ſunt illis omnia tenui pendentia filo.

Sextum.

Nihil eſt tam conſilio humano relictum, tamque in hominis voluntate arbitrioque poſitum, modo illud honeſtū ſit: quod non citra libertatis iniuriam cadere poſſit ſub obligatione: adeo non inter ſe pugnant neceſſitas ſibi legem dicere volentis, & arduus ille caſtitaſis apex. Quid enim eſt homini tam liberum, cui tamen perſoluendo non ſe obnoxium reddat voto aſtrictus, vel iuramento? Audi nō me, ſed dominum, Deutero. vigefimo tertio, Cum votum voueris domino deo tuo, non tardabis reddere. Si nolueris polliceri, abſque peccato eris: ecce libertatem. Quod autē ſemel egreſſum eſt de labijs tuis (hoc ſi de re qualibet fiat honeſta) obſeruabis: & facies ſicut promiſiſti domino deo tuo, & propria voluntate, & ore tuo locutus es. Adde & illud Eccleſiaſtes quinto: Si quid voueris deo, ne moreris reddere. Diſplicet enim ei infidelis & ſtulta promiſſio: ſed quodcumque voueris, redde. Vides quod vniuerſaliter loquatur, nihil excipiens, neque ipſam quidem caſtitaſem perpetuam. Ita enim ſe caſtrauerunt voto aſtricti, vt non ſit eis integrum reſilire, ſicut neque caſtrato per naturam rei vxoria operā dare.

HIS laetis fundamentis, pronum eſt & proclue aduerſæ aciei vim & impetum fundere penitus ac ſu-

gare. Hac via obturabuntur ora loquentiū iniqua. Et quē-
admodum Aquilo dissipat nubes, ita huiusmodi considera-
tio facile euertet linguam continentix detrahentem. Vti
ergo natura impotens est naturalis eunuchus, ita ex perpe-
tuo consensu euangelicus rei vxoriæ nullatenus operā da-
re potest.

Pronunciatum septimum.

Conducturus ad opus aliquod peragendum obuios
quosque mercenarios dominus, quam volet conditionem,
(iusta modo ac honesta fuerit) proponere potest. quam qui
propositam receperit, implere teneatur. Qua semel rece-
pta, nullus est resiliendi locus. Alioqui auditurus est refra-
ctarius tergiuersator: Nōne ocul⁹ tuus nequā est, quia ego
bonus sum? nōne possum facere quod volo de rebus meis?
Qui autem dixerit iniquam fuisse latam de cœlibatu con-
ditionem: impingit in sponsum, eiusque immaculatam spō-
sam ecclesiam, vt qui ausu temerario & impio dicat eccle-
siam ita statuentem in fide errasse & moribus. Proinde qui
talis est, pro hēretico haberi debet. Vt ater ille Melāchthō,
qui nomine réque niger est, quem tu Romane caucto. Id
enim iubet qui ait, Hæreticum hominē post primā & secū-
dam monitionem deuita.

Aliud pronunciatum.

Non in lege tantum gratiæ, imo vero & ante Christi
aduentum, emerfit certa aliqua professio virorum, qui sibi
quisque successoribus perpetui cœlibatus legem indicerēt,
atque imponerent. Qui Iosepho oculato testi, Plinio vero
aurito tantum Essæni dicti sunt. Verba Plinii referam lib.
5. cap. 17. Ab Occidente littora Essæni fugitant vsque quā
nocent, gens sola, & in toto orbe præter cæteras mira, sine
vlla fœmina omni Venereæ abdicata, sine pecunia, socia pal-
marum. In diem ex æquo conueniarum turba renascitur,
largè frequentantibus, quos vita fessos, ad mores eorum
fortuniæ fluctus agit. Ita per seculorum milia (incredibi-
le dictu) gens æterna est, in qua nemo nascitur. Tam fœcū-
da illis aliorum vitæ pœnitentia est. Infra hos Engadda op-
pidum fuit, secundum ab Hierosolymis fertilitate, palme-
torumque nemoribus: nunc alterum bustum. Inde Mesada

castellum in rupe, & ipsum haud procul ab Asphaltite. Et hætenus Iudæa est. Hæc ille.

Non igitur nouitia res est apud certam hominū conditionem cœlibatus professio. Quòdq; magis mireris, cōmendatur à Iosepho (& quidem amplissimè) Essæorum, (Essænos alij vocāt) contubernium, vel hoc vno potissimū nomine, quòd cœlibatum syncerè semper atq; illibatè obseruent. Cuius verba ex lib. 2. belli Iudaici, cap. 7. huc afferenda censui. Tria (inquit ille) apud Iudæos sunt genera philosophiæ. Horum vnum Pharisei profitentur, alterum Sadducei, tertium vero (quod etiam probabilius habetur) Essæi colunt, gente quidem Iudæi, verū inter se mutuo amore coniunctissimi: & qui præter cæteros, voluptates quidem quasi maleficia vitarent: continentiam vero seruare, neque cupiditati succumbere, virtutem maximam ducerent. Itaque nuptias quidem fastidiunt, alienos vero filios, dum adhuc molles sunt, eruditioni traditos, pro cognatis habentes, suis moribus diligenter instituunt. Non quia cōiugia vel humani generis successionem censcāt perimendam: sed quia cauendam putent intemperantiam fœminarum, nullam earum vni viro fidem seruare credētes. Quin & diuitiarum contemptores sunt, rerūque apud eos communicatio admirationi habetur, neque inuenias alteri alterum opulentia præstare. Legemque sibi dixerunt, vt qui disciplinam suam sectari vellent, bona contubernio publicarent. Ita enim fore, ne vel paupertatis humilitas, vel diuitiarum dignitas appareret: sed permixtis facultatibus, velut inter fratres, vnum esset omnium patrimonium. Probro autem ducunt oleum, & si quis vel inuitus vnctus fuerit, munditijs corpus abstergere, quoniam squalorem decorem putant, dummodo semper in veste sint candida. Designatos autem communium rerum procuratores habent, & ad vsus omnium singulos, indiuisos. Non est autem illis vna ciuitas certa, sed in singulas multi domicilia transferunt, & aliunde aduenientibus sectæ suæ professoribus, quicquid habeant promptum, exhibent quasi proprium. Denique tanquam consuetissimi ad eos ingrediuntur, quos nunquā antè viderunt. Hinc est quia cum peregrinantur, propter latrocinia tantum armantur: neque præterea quicquam fe-

runt. In singulis autem ciuitatibus, ex eodem collegio specialis curator hospitum constituitur, qui eorum vestimenta ceteraque vsui necessaria tueatur. Amictus autem cultusque corporis, omnibus pueris, in metu & sub cura magistri agētib⁹ par est. Nec vero vestitū siue calceos mutāt, nisi aut omnino conscissis prioribus, aut longi temporis vsu consumptis. Nihil autem inter se mercantur aut vendunt, sed egeni quisque quod habet præbēs, refert ab eo quod ipse nō habet: quamuis etiam sine permutatione cunctis libera sit facultas, à quibus libuerit accipiendi quod opus sit. Præcipue circa deum religiosi sunt. Nanque ante solis ortum nihil prophani loquuntur, sed ei patria quædam vota celebrant, quasi vt oriatur precantes. Deinde ad quas venerunt singuli artes, à curatoribus dimittuntur. Cumque ad horam quintam studiosè fuerint operati, rursus in vnum cōgregantur. Lintheisque præcincti velaminibus, ita corpus aquis frigidis abluunt. Atque hac lustratione facta in eadem secreta coeunt, quo neminem alterius se&æ hominem aspirare concessum est, ipsique purificati, velut in sanctum quoddam tēplum in cœnaculum veniunt: quibus ibi cum silentio residentibus, pistor quidem panes ordine: vnum autem vasculum ex vno pulmento singulis coquus apponit. Deinde voce cibum sacerdos antecuenit. neque gustare quenquam fas est, nisi prius deo celebretur oratio. Post finem quoque prandij vota repetunt. Nam & cum incipiunt, & cum desinunt quasi datorem victus, deum laudibus canūt.

Tunc veluti sacris illis depositis vestimentis vsque post meridiem, ad opera se conferunt. Similitérque inde reuersi cœnant, confedentes etiam hospitibus, si quos fortasse interuenisse repererint. Neque vero clamor vnquam testum illud neque tumultus inquietat cum etiam loquendi ordine alijs alii cedant. eorumque silentium extra testum constitutis, arcanum quoddam videatur horribile. Cuius quidem rei perpetua sobrietas causa est, quodque apud eos edēdi aut potandi modus saturitate diffinitur. Sed quamuis aliquarum rerum nihil sine præcepto faciunt curatoris, tamen in his duobus, hoc est in iuuando & miserendo, sui iuris sunt. Nam & subuenire dignis, cum opus est suo arbitrio, cuique licet, atque indigentibus alimenta porrigere,

Sane cognatis dare aliquid sine curatoribus, interdictum. Idem iracundiæ moderatores iussi sunt, indignationem cohibent, fidem tuentur, paci obsecundant: & omne quod dixerint, iureiurando fortius habent. Ipsum autem iusurandum quasi periurio deterius vitant. Iam enim mēdacio condemnatum arbitrantur, cui sine deo non creditur.

Summum autem studium veterum scriptis adhibent, ea maximè inde, quæ animæ & corpori expediant, eligentes.

Hinc illis morborū remedia, stirpes medicæ, quamq; vinā propriā singuli lapides habeant, à rimantibus conquiruntur. Sectæ vero suæ studiosis non statim cum eis vna collectio: sed per annum integrum extrinsecus commoranti, cuique eundem victus ordinem tribuunt: dolabram quoq; & quod prædictum est perizoma, & albam vestem tradentes. Cum vero processu temporis experimentū continentię dederit, accedit etiam ad communem cibum, & purioribus, ob castificationem scilicet, aquis participat, neque tamen in conuictum assumitur. Post ascensionem quippe cōtinentię, duobus annis aliis mores eius probantur. Cumq; dignus apparuerit, tunc demum in consortium assumitur. Prius vero q̄ incipiat cōmunem habere cibū, magnis execrationibus adiurat se primū quidē colere deum, deinceps quoq; erga homines seruare iustitiā, & neq; propria sponte nocere cuiq;, neque ex præcepto obesse, quinimo iniquos omnes odisse, & collaborare sēper iustitię sectatorib⁹, fidē omnibus seruare, maximè vero principibus. Neque enim absque voluntate dei, quenquam posse ad principatus potentiam accedere. Si vero ipse cæteris præsit, nunquam abuti, nunquam se abusurum viribus potestatis ad contumeliam subiectorum, sed neque veste aut ambitioso aliquo ornatu reliquis eminere: veritatem semper diligere, & habere propositum conuincere mentientes. Manus vero à furto, & animam puram seruare ab iniustis compendijs, & neque aliquid de mysterijs consecratos celare. Neq; prophanis eorum quippiam publicare, etiam si intentata quispiam morte compellat. Super hæc autem addunt, nihil se de dogmatibus aliud quàm ipsi susceperint, tradere. Fugere autem latrocinia, & conseruatum iri similiter dogmatis sui libros: angelorum nomina his quidem execratio-

nibus explorât, & quasi præmuniunt accedêtes. Hæc ille.

Neque his contentus adiungit: Viuunt autem quàm longissimè propter simplicitatem scilicet victus, quod eis nimirum accedere puto propter institutionem bene in eis ordinatam. Quorum etiam in aduersis constantiam, supra communem cæterorum aleam, miris laudibus attollit idem Iosephus: Prodidit (inquit) eorum in omnibus negotijs animos, bellum quod gestum est cum Romanis. Tunc siquidem per artuum confractiões, & ignes, ac per tormēta omnigena transeuntes, vt videlicet vel in legislatoris aliquid loquerentur iniuriam, vel ciborum quippiam quod non solent, ederent, ad neutrum horum potuerunt compelli: sed neque deprecari suos tortores, aut inter ipsa flere supplicia: in medijs quinimo cruciatibus subidentes, & eis qui tormenta admouerant, illudentes, constantes animos cum quadam hilaritate reddebant, scilicet quasi qui eos essent denuo recepturi. Hæc ille.

Hic mihi vide quis Apelles, aut si quis Apelle proferri potest artis pictoriæ obseruantior, veris ac viuis coloribus aptius conuenientiùsue suam depingere queat imaginem, quàm author iste Essænorum continentissimos mores, per singula pene lineamenta ad viuum depinxit. in his enim cernere est vniuersam Therapeutices panopliam suis absolutissimè coloribus ornatam. Et hinc quis nō in promptu colligat vitæ monasticæ formulā tam abesse à nouitio inuēto, vt Euāgelicæ etiā legis tempora transcendat? Erubescat igitur frons perfricta Bucheri, quod futurum mihi facile persuaderem, nisi ad solam impudentiam nata videretur.

Atqui in Phariseis aut Sadducæis non pauca circa eorum dogmata se offerunt, quæ merito reprehēdas, vt qui Christi Domini censurā (& eam quidē acerrimā) nō effugerint. Essænos autem malè aliquando audisse, Christo quæ fuisse infēsos, nusquā reperiās. Vides igitur vt nec priscis æte Christiū temporibus defuerint frequentissima hominum contubernia, quæ cœlibatum inconcussa obseruatione coluerint.

Aliud pronunciatum.

Liberum fuerit selectæ alicui virorum communitati certas aliquas, à se, suisque posteris obseruandas, indicare leges. Cuius generis sunt innumera toto orbe

Christiano dispersa sodalitia. Visum itaque est, & id quidem iustissimè, priscis Ecclesiæ Patribus, vnam aliquam statuere professionem hominum selectorum, qui quod reliquum esset vitæ, sacro Cœlibatui perpetuo deuouerent.

Et hi sunt qui ad sacra tractanda propius accedunt. Iam quid stupidius aut dici possit, aut cogitari, si quis oblata conditione neglecta, spretoque onere velit ambire honorem? Quasi vero seruus legem imponat domino, non dominus seruo. Audiendus itaque est in ea re diuus Augustinus, qui vt Distinct. 4. recēsetur, cap. In istis, sic ait, In istis temporibus legibus quanquā de his homines iudicent, cum eas instituunt, tamen cum fuerint institutæ & firmatæ, non licebit iudici de ipsis iudicare, sed secundum ipsas. Hæc ille.

Novissimum ex Hilarij sententia præloquium.

Dicitorum ratio ex causis est assumenda dicendi. Neque enim sermoni res, sed rei sermo debet esse subiectus.

His, quæ præloqui oportuit, præmissis, in rem præsentem veniamus.

Legem de perpetua castitate seruanda, ex sacris scripturæ fontibus haustam demonstrare.

Perpetui Cœlibatus institutum non tam humanitus adinuentum, quàm ex diuinis fontibus haustum deriuatumque; vtriusque organi pagina demonstrat, veteris scilicet ac recentioris: potissimumque euangelica & apostolica doctrina rem ipsam, quod dicitur, acu demonstrat. Quid enim apertius perseuerantis ad mortem usque virginitatis exemplum ostendit, quàm intemerata semper Virginis manifesta professio, qua se perpetuo integritatem seruaturam ingenuè profiteretur, dum ait, Quomodo fiet istud, quoniam virum non cognosco? Quibus verbis non in præsens tantum, verum & in posterum viri copulam se negat habituram. Nam si diceret, Virgo sum, & omnis copulæ virilis expers: illud non satis impleret literæ sensum. Nam audire potuisset, Non est mirum, si nondum cognoueris mox viri copulam expertura, ac deinde susceptura prolem. Dicit ergo se ex professo in futurum carnalis copulæ expertem. Id quod pulchrè tradit Gregorius Nisenus, hæc scilicet vir-

ginis verba indicare futuræ virginittis tenax propofitum. Nam fi copula coniugali Iofeph deſponſari voluiſſet, cur admiratione ducta eſt, dum ſibi narratur futura cõceptio, cum mox poſſet effici mater iuxta legis naturã, niſi obſtaret futuri propoſitum cœlibatus? Nunc autem humanitus impoſſibile probat maternitatem futurã, vel ob id maxime, quod etſi Iofeph ſponſum agnoſcat, nunquam tamen ſe virum cognituram declarat. Iam enim ſuper ſua virginittate ſtatuerat, cum necdum ſibi ſponſum delegiſſet: vnde & maternitati virginittatem opponit. Mox autem vt audiuit ſuperuenturum numinis aſſatum, quis non intelligat decretum ſeruãdæ virginittatis altius increuiſſe? Fuit ergo in deiſera matre perpetuæ virginittatis inſtitutũ.

Hanc verborum intelligentiam agnoſcit Diuus Bernardus his verbis, Cum ſciat dominus meus teſtis conſcientiæ meæ votum eſſe ancillæ ſuæ non cognoscere virum: qua lege, quo ordine placebit ei vt fiat iſtud? fiat nihilo minus voluntas eius. Hæc ille. Cui & Beda conſentit, dum ait, Quomodo, inquit Maria, fieri poteſt, vt concipiam, pariamque filium, quæ in caſtimonia virginittatis vitam conſummare diſpoſui? Hactenus Beda, Auguſtini ſententiam imitatus, qui libro De ſancta virginittate cap. quarto ſic ait, Priuſquam conciperetur (ſubaudi Chriſtus) iam deo dicatam, de qua naſceretur, elegit. Hoc indicant verba, quæ angelo Maria reddidit, Virum non cognosco. Quod proſecto non diceret, niſi deo virginittatem antea vouiſſet. Sed ideo deſponſata eſt viro iuſto cuſtodituro, quod illa iã vouerat. Hæc Auguſtinus: Quis iam hoc perpetuæ virginittatis votum non diuinitus potius dilapſum, quàm humanitus dicat adinuentum? Hoc certe verbum, Non cognosco, non tam virilis copulæ negat actum, quàm perpetuæ continentiæ indicat propoſitum. Hoc ipſum non obſcurè recenſet cap. Beata Maria xxvii. quæſt. ſecunda. Quomodo enim ipſa perpetuæ virginittatis candorem, quem cæteræ virgines ſponte domino obtulerunt, vna præ cæteris deo non deuouiſſet, cum ſcriptum ſit, Adducetur regi virgines poſt eam, proximæ eius afferentur tibi in lætitiâ & exultatione? Nec obſtat coniugij cum Iofeph fœdus initum, cum de partium conſenſu feliciter ob-

feruari possit sacer iste cœlibatus : vt abunde docet Cardinalis de Turre Cremata eo loco . Nam cùm matrimonium sit traditio potestatis corporis in vsum copulæ, si petatur, & oraculo certior effecta fuerit virgo beata, nunquā repetendum copulæ carnalis vsum: in nullo secum pugnant & coniugij fides, & perpetuæ candor virginittis deo deuotæ ac dicatæ, cum etiam (quod fortius est) & virginittis honor, & genituræ prouentus sese mutuo amplexati sint. Quod quidam hoc carmine recensuit,

Partus & integritas, discordes tempore longo,

Virginis in gremio fœdera pacis habent.

Ita vt hæc secum merito asseueranter dicere potuerit,

Sum quod erā, nec erā quod sum, nunc dicer vtrunq; . Mansit enim quod erat, nempe virgo : nec erat quod est, videlicet mater : nunc vtrunque dicitur & virgo & mater. Quandoquidem, vt Isidorus ait in cap. Coniuges, eadem causa & quæstione, coniuges verius appellantur à prima desponsationis fide, quamuis adhuc ignoretur inter eos coniugalis concubitus. Et vt Chrysostomus sentit, Gratiano recedente in cap. Matrimonium, Matrimonium non facit coitus, sed volūtas. Item & Ambrosius, dum virginem instituit cap. sexto, Non defloratio virginittis facit coniugium, sed pactio coniugalis. Id quod manifeste constat de Adam & Heua, de quibus necdum inita copula carnali dictum est, Quos deus coniunxit, homo non separet. Sed hæc par erga. Huc ergo omnia spectāt, vt intelligamus deiparam semper virginem perpetuæ virginittis decus, insignemque triumphum deo deuouisse, cùm diceret, Virum non cognosco, hoc est, nte perpetuo non cognituram virū decerno. Nec enim satis dixeris, Non cognoui : sed omnino, Non cognosco. Id quod Erasmus agnouit, dicens, magis impleri sensum scripturæ, si legatur, Non cognosco: vt & ipsa Græca exemplaria monstrant. Ambrosius tæctū videatur legere, Non cognoui : apertissime tamē in hanc recidit sententiam, cum dicat Mariam credidisse futurum, vt virgo pareret, non tamen legisse quomodo id fieret. Quod cum ita se habeat, quid aliud intelligitur, quā de seruanda etiam in posterum virginittate tenax fixūque propositū? Dum enim vidit se virginem parituram, quid aliud quā

virginitatem suo animo præfixit? Proponebat igitur se nūquam virum cognituram. Vides, vt nostro proposito mirè alludit & arridet germanus literæ sensus. Huius autem perpetuæ virginitatis in voto & effectu perseuerantiam luculenter aperit Diuus Ambrosius sexto cap de institutione virginis, Dilectus, inquit, domini vt maternæ virginitatis perseuerantiam suo comprobaret iudicio, quasi filius de matris pudore sollicitus, ne quis eam tanto conuicio temeratę integritatis aspergeret: dignum quippe erat, vt qui latroni veniam donabat, matrem dubio pudoris absolueret. Dicit ergo ad matrem, Mulier ecce filius tuus. Dicit & ad discipulum, Ecce mater tua. Ipse est discipulus, cui mater commendabatur. Quomodo marito vxorem tolleret, si fuerat Maria mixta coniugio, aut vsum tori coniugalis cognouerat? Hoc autem ad perpetuæ propositum virginitatis pertinere non obscurè demonstrat Ambrosius esse, cum ad Eusebium scribat, eum commendans, quòd Ambrosiam filiã perpetuo virginitatis voto addixerit, huiusmodi institutū confirmans autoritate Apostoli priore ad Corinthios 7. Qui statuit in corde suo firmus, non habens necessitatem, potestatem autem habens suæ voluntatis: & hoc iudicauit in corde suo seruare virginem suam, bene facit. Si ergo commendatur, qui alium deuouet: quanto laudabilius agit, qui se perpetuo tradit obsequio? Et alio loco ait idem Ambrosius, Hæc est Maria, quæ nobis non solum virginitatis incentiuum attulit, sed etiam deum intulit. Vnde letus & exultans tanto munere dicit Esaias, Ecce virgo concipiet, & pariet filium. Christus per hanc vnam descendit, sed multas vocauit. Egregia igitur, quæ signum sacræ virginitatis extulit, & intemeratæ integritatis pium Christo vexillum leuarit. Hæc ille.

Aliud præterea ex huius intemeratæ virginis exemplo se nobis conspicuum præbet documentum, quo delirantiū error exploditur: qui aiunt neminem posse suam deo vouere virginitatem, nisi qui certo fuerit edoctus oraculo, quo constet se in ea perseueraturum. Sed & hunc virgo beata elidit errorem: quæ necdum oraculo admonita perpetuæ sese addixerat virginitati, futuri euentus nondum præscia: aliàs non fuisset turbata in sermone angeli, secū cogitans

quæ nã foret ista salutatio. Ideoq; August. ait, Proposuit se perseveraturam virginem, nisi aliter deus ei reuelaret, cõmittens virginitatem suam diuinæ dispositioni.

Docet & hoc Annæ matris Samuelis facinus egregiũ, quæ ita futurã, si quam deus cõcederet, prolẽ perpetuò deuouit, vt domino perpetuò deseruiret. Quo exẽplo promptissimũ est suũ domino polliceri cœlibatum, si votis aspirare dignetur. Sic & baptismali voto omnes pollicemur nos abrenunciaturos diabolo, & omnibus põpis eius. Quæ res & futura, & non nisi diuino præstari potest auxilio. Si igitur nemo vouere poterit, quod vel à futuro pēdet vel à subsidio externo: nemo ex voto aliquod aggrediatur opus, nec pœnitens abstinentiæ rigore, nec diues eleemosynam, nec religiosus animo conceptã polliceri audebit orationẽ: imo nec aliquod opus bonũ, cum scriptũ sit, Sine me nihil potestis facere. & illud, Omnia opera nostra operatus es in nobis. Vouere igitur possumus, quæ ex nobis exequi nequaquã valemus. Pollicemur deo fidẽ nostrã, quæ tamẽ donum dei est. Nam dominus si quod habet, non vult: quæ so, quid accipiet? Denique sicut à deo petimus panem nostrũ, ita illi promittimus donum suum, & futurã in castitatis aut abstinentiæ proposito perseverantiã, etiam citra futuri euẽtus oraculũ. Ad hoc enim sufficit bona mēs cum diuini imploratione auxiliij. Nam qui cœpit, ipse pficiet bonũ opus. Quot enim hominũ milia de deo bene sperãtia citra diuinũ oraculũ quẽ humiliter vouerãt, fideliter præstiterũt? D. itẽ Paulus in Corinth. 1. epistola cap. 7. satis supq; ostendit minime expectandã sup futura perseverantiã apocalypsim, priusq; deo deuouetur virginitas, cum oēs velit esse sicut seipsum. At non ab omnibus exigendã cēsset reuelationem. Quis enim credat oibus ad pfectionẽ tendẽtib; reuelatiõe opusesse? Quin & de virgine satis esse ducit, si potestaté habeat suę volutatis: & hoc iudicat in corde suo, vt serueĩ virginitas. Spõtaneavolũtas hic exigĩt cũ humili imploratiõe, de oraculo expectãdo nulla mētio. Itẽ, Beatior erit, si sic p-mãserit virgo: non dicit, recepto prius oraculo. Illud certe constat, quod fidelis dominus non sinet nos tentari vltra id quod possumus: sed faciet in tẽtatione puentũ, vt possimus sustinere. Illud nobis oraculum instar omnium esse debet.

Amplectendum potius diui Augustini consilium, qui vigesimo nono de virginitate ait: Præsumite, fide, roboramini, permanete, qui vouetis & redditis domino deo vestro vota perpetuæ continentię, non propter præsens seculum, sed propter regnum cælorum. Nemo, inquam, diffidat, cū scriptum sit apud Esaiā quadragesimo octauo: Qui sperant in domino, mutabunt fortitudinem: assument pennas sicut aquilæ: currēt, & nō laborabunt, ambulabūt & non deficient. Christus itē ait: Omnia possibilia esse credēti. Et Paulus, Omnia, inquit, possum in eo, qui me cōfortat Christus. Iam quid illi satis esse possit, cui isthæc minus sufficiēt oracula? Bona igitur mente, & humili oratione opus est: quādo oratio humiliantis se, nubes penetrat: nec quiescit, donec appropinquet: nec consolabitur, donec acceperit. Hæc est, quæ vincit inuincibilem, & ligat omnipotentem. Qui & ipse ait: Si vos, cum sitis mali, nostis bona dare hominibus: quantō magis pater vester cælestis dabit spiritum bonum petentibus se? Qua de re ita Hieronymus: His datum est, qui à deo petierunt, qui voluerunt, qui vt acciperent, laborauerunt. Vt autem ait Chrysostomus, Ideo non omnes capere possunt, quia non omnes volunt. Palma proposita est: qui concupiscit gloriam, non cogitet de labore. Hoc auxilium gratiæ volentibus nō denegatur. dicit enim dominus: petite, & accipietis. Hoc igitur vno deiparæ virginis exemplo perpetua stabilitur integritas, & noxia eliditur falsitas.

Nunc ex alio euangelii loco superest stabilire perpetuum virginitatis votum. Matthæi videlicet decimonono Christus ait: Sunt eunuchi de matris vtero sic nati: sunt, qui ab hominibus facti sunt: & sunt, qui se castrauerūt propter regnum cælorum. Hic euangelicus locus omni solidior Adamante (si quis alius) in hoc pronunciatu videtur ad fundandum perpetuę virginitatis institutū. Quis enim est spiritualis ille eunuchus, nisi qui (cū natura potens sit) voto à se exemit omnem libidinis amplexandę facultatem? At nemo ex omnibus est, nisi qui voto perpetuæ se addixit castitati. Huic certē intelligentiæ omnes ad vnum ecclesię proceres conspirant, atque consentiunt. Diuus Hieronymus sic ait: Tertiū sunt, qui se castrauerunt propter regnū

cælorum: qui cùm possint esse viri, propter Christum eunuchi fiunt. Hic certè (vt ita dicam) eunuchismus omnem libidinis actum in posterum adimit. vt quod natura facit in altero, in isto faciat voluntas. Aitenim Chrysostomus: Qui se castrauerunt, non membrorum dicit abscissionem, sed malarum cogitationum interemptionem. Verùm vtroque implicita est necessitas quædam: vna ex natura, altera ex tenaci firmoque proposito. Consentit Origenes ita inquit: Magna res propter regnum dei suscipere eunuchizationem, quod non capiunt omnes, sed quibus datum est. Datum est autem omnibus, qui huiusmodi sibi gladium petunt à deo. Atqui gladius iste nihil aliud est, quàm voto firmatum propositum perpetuò abstinendi à venereis. Diuus Ambrosius in hoc evangelico pronunciato stabiliendæ virginitatis proram puppimque constituit lib. de virginibus tertio: dum initiatas sacris mysteriis & consecratas integritati puellas nubere prohibet: negans hoc esse improbum, vel nouum, vel inutile. Nam si esset improbum, ergo improba essent vota omnium, & improba forent ea, pro quibus præmia constituta sunt. Sed neq; nouū. Christus enim integritatem hanc docuit in spadonibus, qui se castrauerunt propter regnum cælorum. Itaque, inquit, iam tunc dominus docuit esse debere intemerata studia castitatis. Vnde & apostoli eam cæteris præeminere cernentes, dicebant: Si ita est causa viri cum vxore, non expedit nubere. Quo dicto & grauiora iudicarunt onera vinculi coniugalibus, & veræ integritatis gratiam prætulerunt. Post hæc ita colligit: Est ergo cælesti voce probata virginitas, dominicisq; expetenda præceptis. Verùm quia nonnulli sunt, qui huiusmodi votum non faciliè admittant, nisi in grandæua iam ætate caducis: huic errori ita obuiat Ambrosius: Non abnuo, inquit, sacerdotalis esse cautionis debere, vt non temerè puella veletur. Spectet planè, spectet ætatem sacerdos, sed fidei vel pudoris. Spectet & maturitatem verecundiæ, examinet grauitatis caniciem, morum senectam, pudicitia annos, animos castitatis: deinde si matris tuta sit custodia, comitum sobria sedulitas: si hæc præsto sunt, non deest virgini longæua canicies. Si hæc desunt, differatur puella tam moribus quàm annis. Non ergo ætas relinquitur

florentior, sed animus examinatur. At certe Theclam non senectus, sed virtus probavit. Et hinc quid plura contexam, cum omnis ætas habilis deo, perfecta sit Christo? Denique non virtutem ætatis appendicem dicimus, sed virtutis ætatem. Nec mirere in adolescentulis professionem, cum legeris in paruulis passionem. Scriptum est enim: Ex ore infantium & lactentium perfecisti laudem. An dubitamus, si eum usque ad continentiam sequatur adolescentia, quem usque ad mortem confitetur infantia? Et quasi incredibile putamus, si puellæ nobiles Christum sequantur ad regnum, quæ etiam pueri sequebantur in desertum? Sicut legimus, quia saturata sunt de quinque panibus quatuor millia hominum: exceptis, inquit, pueris & mulieribus. Nolite ergo à Christo arcere infantes: quia & ipsi pro Christi nomine subiere martyrium. Talium est enim regnum cælorum. Vocat eos dominus, & tu prohibes? De ipsis enim dominus ait: Sinite eos venire ad me. Nolite adolescentulas arcere, de quibus scriptum est: Propterea adolescentulæ dilexerunt te nimis, & introduxerunt te in domum matris sue. Hec ille. Quæ idcirco longius protracta recensui, ut discant, si queant erubescere Epicuri de grege porci: qui omnes ordines, gradus, ætates, ab amplectendæ castitatis desiderio impudentissimè absterrent. Quos aptissimè depinxit Sapiens, dum ait: In via stultus ambulans, cum ipse insipiens sit, omnes stultos æstimat. Qui potius antesignanum nostrum Christum imitantes, invitare debuerant ad præmium: ut præfecti suos milites ad ardua invitent, dicendo, Qui potest capere, capiat: hoc est, tametsi non omnes ad hæc ardua assurgant, se tamè quisque excitet periculum facturus, an rem tam insignem assequi possit. Dicit autem, Qui potest capere: ut à deo potius expectemus auxilium, quàm de virium nostrarum mensura. Non enim sumus sufficientes ex nobis quasi ex nobis, sed sufficientia nostra ex deo est. Capere igitur monemur, non præstare hoc egregium margaritum: facilius autem est capere ab eo qui offert, & nos invitat ut petamus, quàm ipsi ex nobis præstare valeamus. Ut autem hic vela complice-mus, non obscurè monstratum est in his Christi verbis nobis proponi perpetui cœlibatus indiuulsum propositum, qui scilicet eunuchus spiritualis à se abdicat omnem libidi-

nis nedum vsuri, imò etiam facultatem, iurisq̃ue si non facti potestatem. Nam eunuchismus iste necessitatē dicit nō naturæ, sed obligationis. Hos nimirum euangelicæ legis eunuchos euangelicus & ipse propheta Esaias futuros pronunciauit quinquagesimosexto cap. ita inquit: Non dicat eunuchus, Ecce ego lignum aridum: quia hæc dicit dominus eunuchis, Qui custodierint sabbata mea, & elegerint quæ ego volui, & tenuerint fœdus meū: dabo eis in domo mea, & in muris meis locum, & nomen melius à filiis & filiabus. nomen sempiternum dabo eis, quod non peribit. Quibus verbis, si quibus aliis, designantur castitatem suam deo deuotū apud deum reposita præmia. Nam de his maximè doctores sacri hæc verba intelligi volunt. In quibus est Ambrosius de virginitate. Quorum etiam ordo commendatur ab eodem Esaiâ quinquagesimoquarto. Cui & Paulus succinit quarto ad Galatas cap. Lætare sterilis, quæ non paris: ordo videlicet continentium eorum, qui ex professo cœlibatum seruant. Erumpe, & clama, quæ non parturis, quia multi filii desertæ, magis quàm eius quæ habet virum. Nam vt Hieronymus ait: Virginitas replet cœlum, & humana connubia terram, & ex cœlibatu innumera prodiit spiritualium soboles puerorum. Nec enim suis eunuchis caruit veterum patrum prisca ætas, plurimum alioqui coniugio & proli suscipiendæ intenta. Habuit enim suum Abelem, cuius virginitatis candor roseo martyrii sanguine aspersus, in futuras retrò generationes triumphat; dum iusti meretur epithetum ab ipsa veritate pronunciatum, dum sanguinem Abel iusti appellat, quod nomen excellentius est à filiis & filiabus. Quid quòd ex virgine terra primus parens prodiit, ex cuius etiam virginis costa prima omnium mater Heua emerfit. Huic succedere posteriores cœlibes. Iosue, de quo sic ait Hieronymus aduersus Iouinianum: Ostende mihi Iesum Naue vel vxorem habuisse vel filios. quod si monstrare potueris, victum me esse fatebor. Nazareus Senon vel hoc vno titulo posteritati commendatur, nisi hoc laudi eius detraxisset, magna parte honoris adempta, quòd vxorius plus æquo factus est hostium præda. Contrà verò hoc ad gloriæ cumulum accessit in filia Iephthæ, quòd hinc virgo migrare

potuerit . Quo nomine congaudendum illi potius erat, quàm dolendum, quando (vt Hieronymus ait) nuptiæ finiuntur morte , virginitas post mortem incipit coronari.

Huic catalogo inscribendi sunt Helias & Helisæus, etiam si rumpantur ilia stupido Iouiniano . Ioannes enim Baptista in sua virginitate perdurauit, quem Christus dominus venisse asserit in spiritu & virtute Helix : sed neque dissimili corporis integritate ac puritate . Hic autem nemo dubitauerit innumerum prophetarum chorum, qui sub Helix atque Helisæi signis militabant, abiecta re vxoria & familiaribus curis, imò nec eis vel de limine salutatis , cœlibatum diligentissimè coluisse, cum Ioannes Baptista fuerit Helix viuum quoddam simulachrum, Helisæus vero seueræ semper abstinentiæ antesignanus fuerit . Quid memorem Hieremiæ prophete deo dicatam ab vtero purissimam castitatem ? De quo Hieronymus in prologo , fuit Anathotites, qui est vsque hodie vicus tribus ab Hierosolymis distans milibus : Sacerdos ex sacerdotibus, & in matris vtero sanctificatus, virginitate sua euangelicum virum Christi ecclesiæ dedicans, qui & vaticinari puer exorsus est . Daniel cum suo trium puerorum comitatu non tam corporali eunuchismo, quàm perpetuò ex animo castitate seruata posteritati gloriosus euasit, vt qui non tantum cœlebs, sed cœlibatus apud posteros exemplum dici meruit . Neque enim filios habere potuit, qui adhuc puer in captiuitatem ductus est: nec vllos sua iustitia filios liberare potuisset, nisi ex laterali cognatione prognatos .

Accedente autem euangelica luce impleri cœpit areæ domini virginum continentiumque immenso examine. Huius virginitatis antesignanos enumerabimus, Ioannem apostolum vel hoc vno nomine plus cæteris dilectum, & à puero apostolorum adscriptum collegio. Quem idcirco ad prælaturam assumptum Hieronymus negat, cum foret ipse virgo, quia, vt ait, ætati delatum est . Petrus enim senior erat: ne adhuc adolescens ac penè puer progressæ ætatis hominibus præferretur . Tantum tamen apud hunc valuit virginitas, vt arcana & hauserit & exposuerit, quæ nuptiæ capere non potuissent : vnusque

in hoc delectus sit ex omnibus, cui virgini virginem matrem dominus commendaret. Ioannis Baptistæ seuerâ castitas, & casta seueritas omnes ad se in desertum suo etiam trahebat silentio: vsque adeo totus mons fumigabat, eo quod dominus descendisset super eum.

Paulum fuisse virginem nemò citra pudorem audebit inficiari, qui modò hoc vnum apud se cogitauerit, quod lapidantium Stephanum vestimenta reposita essent apud pedes adolescentis, qui dicebatur Saulus. Quòd si adolescens fidei colla submisit: quomodo illi vacasset coniugij vincula subire, qui mox non acquiescens carni & sanguini abiit in Arabiam, quiq; postea consulturus erat, quòd qui habent vxores, sint tanquam non habentes? Et quod apertius est: Solutus es ab vxore, noli quærere vxorem. Hoc autem omni dubio procul virginem eum demonstrat, quod ait priore Corinthiorum septimo, Volo autem vos omnes esse sicut meipsum. Quod certe citra inuidiam velle non poterat, nisi virgo fuisset. Quis enim citra iniuriam optet virgines à suo gradu excellentissimo ad viduitatis deiicere statum, hoc est, à tribunali ad subsellia? Alioqui dicturus erat, Vellem omnes fieri plusquam meipsum, nempe virgines. Nec enim, qui se abortiuum profiteri non erubuit, inferiorem à virginitate gradum à se abnegasset, si solum viduus, non virgo fuisset. Quis enim solum viduus ac verè pius virginibus sese nedum æquiparare audeat, quin potius sibi in infimo stanti in supremo sedis honore triumphantes virgines assidere cogat? Hæc igitur satis apertè docent Paulum fuisse ac permansisse virginem. Nam quod quidam obstrepunt de potestate mulierem circumducendi, quasi vxorem habuerit Paulus, quam circumduceret, vnius illis Hieronymi autoritas satis esse debet, qui ait, Vbi de comedendo & bibendo, ac de administratione sumptuum præmittitur, & de mulieribus sororibus inferitur, perspicuum est non vxores debere intelligi, sed eas, quæ de sua substantia ministrabant. Nam quòd additur, sorores, tollit vxores: & ostendit eas germanas in spiritu fuisse, non coniuges. Nam si vxorem Paulus

*Citradu-
nus cognos-
si epta ad phil-
delphenses*

habuisset, dicturus erat, Nos qui vxores habemus, si-
 mus tanquam non habentes. vt mirum sit, quàm præ-
 posterè Erasmus collegerit Paulo fuisse vxorem, cum o-
 mnino contrarium hinc eliciatur, nisi quòd spiritali-
 bus oculis illi opus erat. Nam quis non potius diceret
 se optare coniugatos redigi in ordinem innuptorum,
 quàm innuptos in ordinè coniugatorum? Sic cancer dum
 progredi se putat, regreditur. Atqui in via dei non pro-
 gredi, regredi est. Vult ergo Paulus innuptos mane-
 re innuptos, sicut ipse est: aliàs vellet omnes esse con-
 iugatos. Sic solet affectus nimium propensos in rem
 quampiam transuersos agere. Quod Psalmista non ta-
 cuit, dicens, Ipsi obliquati sunt, & ceciderunt, nos au-
 tem surreximus, & erecti sumus. Nec satis habuit Era-
 smus hoc delirasse loco, nisi & eadem semper chorda ab-
 errans, in Philippenfis quarto cap. pronubi partes a-
 gens, Diuum Paulum, & eum quidem virginem, inuitum
 trahat ad nuptias. Qui mos est nuptiatoribus istis pecu-
 liaris, vt magnatum exemplo sua imperfecta tegant. Qui
 de germano compari mulierem vxorem facit, refragante
 etiam dictione, vbi pro virili genere scæmineum vult in-
 telligi. Dum enim legitur, Germane compar, gratius ha-
 bet, si legatur, Germana coniunx, noua quadam meta-
 morphosi, virili sexu in scæmineum verso, refragante, ni-
 hilomin⁹ Theophylacto, imò & exèplari Græco, & inter-
 prete Hieronymo, vbi dictio *γῆραι*, virili effertur gene-
 re. Adeò nuptiator, litera etiam refragante, propensus est
 in rem nuptialem, vt etiam nihil minus cogitantes, imò
 prorsus auersantes coniugia, trahat ad nuptias. Verum
 hæc larua nec diu, nec multis inponit. Quod autem
 pseudohieronymi, vt ait, auctoritatem eleuat, qui ger-
 manum nomen dicit esse hominis, & compar officii, illud
 scire oportet eum non esse Hieronymum, sed potius Pri-
 masium Diui Augustini per omnia æmulatorem, sicut &
 Theophylactus Chrysostomi imitator est. Quod autem
 dixi Primasii esse opus, quod operibus Hieronymi inferi-
 tur, id quidem primo intuitu constabit, vbi quis exempla-
 ria inter se conferet. Verbis enim paulum immutatis, nul-
 lum est sententiarum discriminè. Atqui Primasii apud omnes

non levis est autoritas. Maneat igitur suus ecclesię sensus solidior, quàm ut inturbari possit vnus Eusebii sententia ecclesiasticę historię libro tertio: quando ne Hercules quidem contra duos, quanto minus contra omnes, qui præcesserunt, quique sequuti sunt syncerę pudicitię fautores & illustratores? Eusebii siquidem scripta quanti Hieronymus æstimet, vel hinc conicere licet, quod ait, ad Minerium & Alexandrum scribens, Ego & in adolescentia & in extrema ætate profiteor Origenem & Eusebium Cæsariensem viros esse doctissimos, sed errasse in dogmatum veritate. Nam præter citatos sic ait Ambrosius, Non diceret Paulus, bonum est innuptis ut sint, sicut & ego, nisi esset integer corpore. Nec diceret, Yellem omnes esse sicut meipsum habens vxorem. Nam hoc dicens, virgines esse nolle, quod absit, quin & iuenculus anticipatus est gratia dei. Hæc Ambrosius in priorem ad Corinthios septimo. Alio item loco dicit Hieronymus ad Eustochium de custodia virginitatis. Neque audiendi sunt, qui Paulum vxorem habuisse confingunt, cum de continentia differens, intulerit, Volo omnes esse sicut meipsum. Non potest tantorum virorum levis esse autoritas de sensu scripturę medullitus hausta, nisi quod nuptiarores isti malunt alieno velamine suam impuritatem tegere, quàm propriam detegere turpitudinem contrarias extollendo virtutes.

Iam si cæterorum apostolorum discipulorumve conditionem percurrere libet, inueniemus eos magna ex parte nuptiarum fuisse expertes. Id autem satis cõstat, quod si qui ex eis vxorem habuerint, fuerunt quasi non habentes. Nulla certe, paucis exceptis, vel vxorum vel sobolis ex veterum scriptis extat memoria: quin & si qui vxores habuerint, eas acceperunt, quo tempore euangelium nesciebant: quo assumpto negocio, coniugale officium à se abdicarunt. Constat nihilominus Lucam medicum octogenarium in virginitate perdurasse. De Iacobo autem fratre domini, quo modo illi vacasset rei vxorię operam dedisse, qui, ut recensuit Hegeſippus, de vtero matris sanctus fuit, vinum & siceram non bibit, carnem nullam comedit, nunquam attonsus est, nec vnctus vnguento, nec vsus balneo,

& cætera? Ioseph, vt diuo Hieronymo placuit, virgo virgini desponsatur. Et mirantur nostræ ætatis Epicurei, vnde irrepserit cœlibatus ipsi ecclesiæ catholicæ: qui potius mirari debuerant, quomodo non amplius diffusus sit in omnes ordines. Si tamen expenderent, quantum diffusa fuerit per Alexandrinam ecclesiam, diuo Marco auctore, continentia, quam, vt diuus Hieronymus ait, sic radicitus inseruit, vt omnes ad continentiam suo exemplo cogere videretur. *Qua* de re idem Hieronymus in Philone, Apparet, inquit, talem primum Christo credentium fuisse ecclesiam, quales nunc monachi esse nituntur & cupiunt, vt nihil cuiusquam proprium sit, nullus inter eos diues, nullus pauper, patrimonia egentibus diuiduntur, orationi vacatur & psalmis, doctrinæ quoque & continentia, quales & Lucas refert primum Hierosolymæ fuisse credentes. Pendet itaque à diuino instituto & apostolico exemplo, qui hodie sacerdotali adhæret ordini, cœlibatus.

Tertius iam stabiliendæ continentia locus occurrat ex diui Pauli testimonio, qui priore ad Timoth. quinto ad hunc præcipit modum, Adolescentiores viduas deuita. Cum enim luxuriatæ fuerint, in Christo nubere volunt, habentes damnationem, quia primam fidem irritam fecerunt, qua scilicet voto adstrictæ tenebantur. Quandoquidem hunc locum omnes vno ore ecclesiæ proceres de voto castitatis interpretantur, vt apertè docent post Chrysostomum Theophylactus, & post Augustinum Primasius. Sic enim Theophylactus ait, fidem irritam, conuenta dicit & passionem, quas inanes fecerunt. Eas tamen cum Christo pepigerant, quocirca damnationem acquirunt. Primasius autem sic ait, Primam fidem irritam fecerunt: quia fecerunt sibi illicitum, quod licebat, vouendo castitatem. Et hæc, inquit, regula non solum in viduis, sed & in virginibus tenenda est. Hinc diuus Augustinus ad Iulianam, In electa & deo voto oblata non solum capefferè nuptias, sed velle nubere damnabile est. Nam & hoc demonstrat apostolus, dicens, Nubere volunt, habentes damnationem, quia primam fidem irritam fecerunt, etsi non nubendo, tamen volendo, non quòd malæ iudicentur au-

ptiz, sed damnatur propositi fraus, damnatur fracta voti fides. Et super psalmo septuagesimoquinto, Quid est primam fide irritam fecerunt? scilicet vouerunt, & non reddiderunt. Et ita aliis plerisque locis interpretatur Augustinus.

Huic sanè interpretationi de integro astipulatur consilium Carthaginense quartum cap. vltimo, & consilium Toletanum quartum cap. quinquagesimoquinto. Consilium item Auraicense cap. vigesimo septimo, conspirantibus Aurelianensi & Elibertino consiliis. Aurelianense quidem decimo septimo capite, Elibertinum vero decimo tertio ista confirmant. Nec ab huiusmodi scopo abscedit Ambrosius, qui ait tenerarium esse profiteri, quod ætati adhuc iuuenili credi non debet. Damnationi enim sit obnoxius, qui ab hoc declinat, quod rectè fecerat. Cæterum Augustino per omnia fermè consentit Anselmus, eisdem penè verbis hanc confirmans sententiam, vt vix prodire possit, etiam si sit impudentissimus, qui celeberrimum hunc patrum cōsensum nedum lacerare, sed nec arroderere queat.

Nunc progrediendum ad vltiora.

Apostolorum collegium vsu non caruisse votorum, leui manu demonstrare.

Constat ex his, quæ nuper protulimus ex scripturæ sacrae thesauris desumpta, voti deo placetem hostiã ex spiritus sancti instituto emerxisse. Nunc (quod ipsi magis mirabuntur nuptiatores hæretici) palàm faciemus nec apostolico quidem cœtui vsum defuisse votorum, paupertatis inquã atque cœlibatus. Quæ vota in ipsa primitiua ecclesia tantisper magna ex parte perdurauerunt, donec ipsa in vinculis charitatis perseveraret: necdum Iudææ limites egressa adhuc angusta populo, cum nec ad cæteras toto orbe diffusas nationes peruenisset. Quod posteaquam factum est, ea bonorum communicatio contracta est ad certos quosdam therapeutarum conuentus, qui dei cultores speciali nomine vocabantur. In quarum congregationum locum subire, qui hodie monachi & cœnobitæ vocantur, & à Dionysio Arcopagita therapeutæ. Quòd

ergo in vniuersitate populi Christiani seruari non potuit, ad therapeutarum collegia contractum est, nempe bonorum in commune possessio, & perpetua observatio castitatis. Hanc enim vitam observationemque apostolicam vocat Augustinus, quasi illa à fontibus apostolicæ observationis ad cœnobia conuentusque monasticos deriuata sit. Huius rei locupletissimi testes nobis erunt Philo Iudæus de ecclesiæ Alexandrinæ laudibus, ac diui Marci illius institutoris. Diuus item Dionysius Areopagita, qui de therapeutice plurima disseruit. Cui adstipulatur Georgius Pachymeres, huius diui Dionysii interpres, qui ante mille abhinc annos viuere desiit. Qua de re fusius proximè differemus. Illud ad præsens stabiliendum erit ipsos apostolos ex professo in primitiua ecclesia sua bona in cœmuni tenuisse, ac cœlibatum, quoad licuit, obseruasse, ut qui ante euangelium vxores habuerant, ipso illucescente fierent tanquam non habentes. Qui vero rei vxoris molestias nondum contraxerant, ab inito sacerdotio nunquam inière iugum coniugii. Quam quidem obseruationem etiam ipsa Orientalis ecclesia agnoscit. Quæ quauis ad sacerdotium recipiat coniugatos, nunquam tamen eos, qui cœlibes sacris fuerint initiati, ad nuptias transmigra- re permittit. Nunc igitur probandum est apostolos rerum alioqui suarum proprietati ex professo abrenunciasse, & loculis quidem vsos, sed in cœmuni. Cuius rei, etiam si cætera desint, hoc vnum fidem facere potest & quidem certissimam, quod Matthei quarto dicitur. Illi continuo relictis retibus sequuti sunt eum, nempe Petrus & Andreas: quòdque de Iacobo & Ioanne subiungitur, Illi relictis retibus & patre, sequuti sunt eum. Cuiusmodi abdicatio qualis fuerit, abundè Gregorius docet. Multum (inquit) reliquit, qui sibi nihil retinuit: multum dimisit, qui cum re possessa etiam concupiscentiis renunciauit. A sequentibus ergo tanta dimissa sunt, quanta à non sequentibus concupisci potuerunt. Ex quo elicere promptum est, apostolos non res solùm, quin & facultatem sibi acquirendi ac priuatim possidendi abdicarunt. Chrysostomus huic alludens ait, In hoc nos docuerunt, quia nemo potest terrena possidere, & perfectè ad cœlestia peruenire.

Huius autem priuatæ possessionis abdicatio ex alio colligitur loco, nempe Matthæi decimonono, cum Dominus dicat: Vade, vende omnia quæ habes, da pauperibus, & sequere me. Cui diuino instituto obtemperasse apostolos Petr^{us} profitetur, præmium inde requirens his verbis: Ecce nos reliquimus omnia, & sequuti sumus te: quid ergo erit nobis? *Caietan*us autem verbum (omnia) ad negotia refert, non ad possessiones: sed pudendo nimium errore. Nam hoc verbum Christi: Vade, vende omnia quæ habes, & da pauperibus: quis nisi stupidus de negocijs intelligat, & non de rebus possessis? quasi vero Dominus velit, aut nobis consulat vendere sollicitudines nostras, & dare illas pauperibus. Hoc certe (vt rectissime *Catharinus* ait) est scripturam non exponere, sed corrumpere ac peruertere. Non ergo secus hæc verba intelligi possunt, quàm de rerum possessionum abdicatione. Atqui huiusmodi abdicatio non solum in præsens, imò & in posterum facta fuisse intelligenda est, id quod non nisi voto fieri potest. Apostoli itaq; facultatem rem aliquam priuatim possidendi à se penitus abdicarunt, qui nihil nisi in communi possidebant. Nec solo proposito, nisi voto firmato, huiusmodi facultas auferri potest. Quod Christus confirmandus ait: Vos qui reliquistis omnia. Omnia dicit, nihil excludens: ergo & futuram rerum in priuato possessionem. Aliàs non omnia reliquissent, qui sibi ius priuatim & negociandi & possidendi reseruassent. Si mihi diffidis, audi Augustinum dicentem: Dixerant potentes illi, Ecce nos reliquimus omnia. Hoc votum potissimè vouerant. Sed unde hoc eis, nisi ab illo de quo dictum est: Dans votum vouenti? Huiusmodi abdicatione apostolos vsos dicere habet, qui modo intelliget in apostolis æqualem fuisse rerum mundanarum abdicationem. Atqui Diuus Matthæus sic sua reliquit, vt spem futuræ possessionis omnium procul ab se abijceret. At æqualis in omnibus fuit abdicatio rerum, si non in re, certe in proposito. omnes ergo ius priuatim possidendi à se abdicarunt. Cum autem dominus dicat, Si quis dimiserit patrem, uxorem, filios, aut agros propter nomen meum, centuplum accipiet. Constat agros non alienari, nisi in perpetuum. Est igitur huiusmodi abdicatio perpetua. Vfus autem rei uxoriæ nullo alio quàm voto abdicari po-

test. Iá si quis obijciat, ad retia & remos redijſſe piſcatores apoſtolos. Hoc certe factum eſt, vt in cõmune rebus vterentur, non vt priuatim aliquid poſſideret. Sed quid op^{us} eſt ampliore testimonio, cum in Actis legatur ſecundo, quartoque capitibus: Multitudinis credentium erat cor vnum, & anima vna: nec quiſquam eorum qui poſſidebãt aliquid, ſuum eſſe dicebat: ſed illis erãt omnia communia. Porro qui omnia in communi poſſidet, nihil priuatim ſibi reſeruat. Nec eſt quod quis hæſitet in verbo, poſſidebant. Poſſidebant quidem, ſed in communi. At nemo puto exiſtimabit diſcipulos aliud ore pronunſiaſſe, & aliud concepiſſe animo. Si igitur dicebant omnia eſſe communia, non aliud corde cogitabant, præſertim quum Petrus ob mendacii cauſam extremo ſupplicio affecerit Ananiam & Sapphiram. Voce igitur & ore amplectebantur apoſtoli rerum inter ſe communionem. Cui ſententiæ adſtipulatur id quod nuper relatum eſt de Anania & Sapphira, quos increpans obiurgat Petrus, dicens non eos mentitos hominibus, ſed deo: cui ſane non mentirentur, niſi quod à pollicitis receſſiſſent. Præceſſerat igitur promiſſio, quæ non niſi voti rationem habet. Quod autem ibi dicitur: Nonne manens tibi manebat, & vñundatum in tua erat poteſtate: illud ad poſſeſſionem in communi pertinet. Nam cum non eſſet egens inter illos, & cuique daretur prout illi opus eſſet: perinde erat, atque ſi vñdens precium agri apud ſe retinuifſet.

Nam qui nullius eget, ſatis poſſidet. Nec ineptè tamen aliam ſequi poterimus coniecturam, ſi intelligamus tunc primum voto fuiſſe abrenunſiatum rerum priuatæ poſſeſſioni, quum diſtractæ rei precium ſubſterneretur apoſtolicis pedibus. Quod ſignum erat efficax ſolennizati voti.

Re itaque nondum exhibita prædium poſſeſſori manens manebat: & rei venditæ precium adhuc ſubiacebat poteſtati venditoris, donec ſponte traditio fieret per abdicationẽ rei pedibus apoſtolorum exhibitæ: ſicq; votum ſequens tñ primum prioris priuatæ poſſeſſionis extinguebat libertatẽ. Hæc per ſe ita liquent, vt mirum ſit Caietanum inuerſo ſenſu aduerſam huic hauiſſe ſententiam. Quod ſi in ea re hæſitabat, conſulere debuerat ſanctiſſimorum patrum interpretationẽ: quæ (ſi quando occurrit dubium) nobis vice o-

raculi esse debet. Quandoquidem Hieronymus ita declarat, Quod licitum erat, per votum sibi fecit illicitum: sicut Ananias & Sapphira, quibus post votum de precio possessionis suæ retinere nihil licuit, illicitè tenuerunt: ob quam causam subita morte prostrati sunt. Idem Paulinum monachum instituens, sic ait: Iam non sunt tua quæ possides, sed dispensatio tibi credita est. Memento Ananiæ & Sapphiræ. Illi sua timidè seruauerunt. Tu considera, ne Christi substantiam imprudenter effundas, id est, ne immoderato iudicio rem pauperum tribuas non pauperibus, & secundum dictum prudentissimi viri, liberalitate liberalitas pereat. Quod autem, sua, Hieronymus dicit, id quidem verum in communi, sed non priuatim. Qui iccirco peccabant, quod de communibus priuata facere tentarent. Conspirat in hanc sententiam Gregorius, qui ad Venantium ait, Ananias pecunias deo vouerat, quas diabolica victus persuasione subtraxit. Denique exemplum istud omnibus est in digitis, quoties execrari volumus vitium temerati voti paupertatis. Quod fieri minime deberet, si huiusmodi exemplum nihil haberet, cum voto commune. Recensentur hæc à Gratiano in capite Ananias, decima septima, quæstione prima. Comprobantur ea quæ diximus, diui Clementis Romani pontificis sententia: quam recenset Gratianus in cap. Dilectissimis 12. quæst. 1 his verbis: Istius consuetudinis more retenti etiam apostoli, eorumque discipuli communem vitam duxerunt. Erat enim (vt bene nostis) multitudinis credentium cor vnum, & anima vna &c. A qua tamen sententia Cardinalis de Turre Cremata Humbertum secutus resedit: negans ex voto, sed tantum ex charitate bona fuisse communia. Verum quia vrgetur hoc nomine votum ex verbis glossæ, quæ Ananiam dicit votum vouisse sicut & ceteros, tamen admittit votum, sed temporale in præsens tantum, non in posterum duraturum. Deuouebat, inquit, ea quæ tunc habebat: non tamen abrenunciabant ex voto omnibus videlicet in posterum acquirendis. Huic tamen sententiæ reclamationem sacrorum turba doctorum, quin & res ipsa. Nam apostoli usque ad mortem in eodem proposito perdurarunt, videlicet relinquendi omnia, & sequendi Christum. Non igitur fuit temporale, sed perenne votum. Alioqui mittentes manum ad aratrum, respexissent re-

trò. Nec legitur vbi aut quâdo hunc ritum communicatio-
nis bonorum mutauerint: quin potius Gregorius hoc ver-
bum, omnia, ad præsentia & futura extendit: vt suprâ mō-
stratum est. Sed quid opus multis, cum toto suæ vitæ
stadio apostoli pro regno cœlorum militarent? Qui semel
omnia reliquerant, relicta quomodo resumere potuissent,
quum eadem semper caussa in eis perseverauerit omnia
relinquendi? Illud tamen non negauerim hanc pro-
prietatis abdicationem non fuisse inter omnes Christia-
nos: verum potissimum inter eos qui se adnumerabant col-
legio apostolico in Iudæa. Et hanc iterum abdica-
tionem confirmat Urbanus Papa in cap. Scimus. eadē cau-
sa & quæstione: vbi de communi vita voto firmata loqui-
tur. Et hunc viuendi ritum apud suos non adinuenit, sed
hausit potius Augustinus, vt non tam dicendus sit author,
quàm regulæ apostolicæ imitator, vt est in cap. Nō dicatis.
Non est igitur humana hæc constitutio, sed diuina potius
& apostolica. Quin & totâ cœnobiticæ disciplinæ pano-
pliam ab apostolicis fontibus sumpsisse exordium abundè
docet Abbatis Pyramonis capitulū quintum collationis 18.
apud Cassianum, Quo perlecto nihil superest, quod ad fi-
dem huius rei faciendam vltrâ defyderare possis.

*Qua ratione cœlibatus perpetuus ordinibus sacris
adhaerit, pluribus argumentis demonstrare.*

P Alâm ex prioribus fecimus non paupertatis tantum,
sed & perpetuæ castitatis votum, tradente scriptura
sacra, diuinitus institutum: nunc qua aut ratione,
aut modo sacris ordinibus medullitùs hæserit, ape-
riendum est. Huius enim origo longo abhinc repetenda
est initio, à prima siquidē origine traditæ legis Mosaicæ.
Si quando tractadæ rei sacræ se offerret occasio, primùm
omnium publicitus indicebatur: sanctior quædam à ma-
ritali commercio abstinencia. Exodi decimonono, quum
lex à domino tradenda foret, audiit populus, Estote
parati in diem tertium, & ne appropinquetis vxoribus
vestris. Quid igitur censendum est de his, qui ad singu-
la pene momenta altari assident, & res tractant sacratissi-
mas, cuiusmodi sunt, sacerdos, diaconus, & hypodiaconus?

Iam si sacerdoti pro veteris legis usu nuptialis concedebatur facultas : ea erat tot, tamque variis adstricta repagulis, ut pene eligibilis foret uxorem non duxisse. Nam semel amissa uxore, alterius ducendæ nullus supererat locus. Atqui difficilior continet carnis semel expertus delicias, quam qui semper fuit tori maritalis expertus. Et id quidem erat alius ad futurum euangelicum cœlibatum. Sic enim parua leuem faciunt ad grauiora viam.

Deinde cum libertas orandi à continentia pendeat (ut diffuse tradit diuus Paulus in Corinthiis priore, septimo) quid nisi perpetuo cessandum est à nuptiali sollicitudine, cui semper est orandum, cuique semper alrari oportet assistere? Nam & Zacharias, Lucæ primo, à domo & familia aberat, donec impleretur dies vicis suæ atque officij. Hinc prodiit celebris Bedæ sententia, Huic conuenit semper continere, cui semper incumbit orare.

Ad hæc, 1. Reg. 21. munditiem puritatemque triduanā exigebat sacrorum panum delibatio, dicente Achimelech ad Daud, Non habeo laicos panes ad manum, sed tantum panem sanctum. Si mundi sunt pueri à mulieribus, manducant. Et hic aberat longe à pane illo vero: quin potius ab illo distat, quantum cœli à terra: de quo dictum est, Non Moy ses dedit vobis panem de cœlo, sed pater meus dat vobis panem de cœlo verum. Nam authore Hieronymo in epistola ad Titum, Tantum interest inter panes propositionis & corpus Christi, quantum inter vmbra & corpora, inter imaginem & veritatem, inter exemplaria futurorum & ea ipsa quæ per exemplaria figurabantur.

At hic mihi dicturus est coniugij propugnator, fateri se immunditiam omnem debere procul esse ab huiusmodi sacrorum administratione: coniugium autem non esse de genere immundorum, cum scriptum sit, Honorabiles nuptiæ, & torus immaculatus. Cui respondendum, quod uti aurora per se quidem lucida, meridianæ luci collata obscura & tenebrosa censetur ita & huius coniugij usus immunditiæ quandam rationem habet, si cum sacrorum administratione conferatur, etiam si per se culpa vacet. Id ne effectum à me putes, ecce promptum tibi scripturæ testimonium nuper prolatum, Si mundi sunt pueri à mulieribus, mā

ducent panes. Hinc diuus Hieronymus aduersus Iouinianum ait, Panes propositionis, quasi corpus Christi de vxorum cubilibus consurgentes, edere non poterant. Contemplandum est, quod dixerit Achimelech, Si mundi sunt pueri ab vxoribus, videlicet quod ad mundiciam corporis Christi, omnis coitus immundus sit. Hæc ille. Huc spectat Augustini præclara sententia libro quaestionum veteris & noui testamenti. Nunquid omne quod ante cæteros licet, ante imperatorem licet? Quanto magis in dei causis. Ac per hoc antistitem eius puriorem cæteris esse oportet. Ipsius enim personam habere videtur, quia necesse habet quotidie Christi vicem agere, aut orare pro populo, aut offerre, aut tingere. Et huic non solum concubitus non licet, verum etiam ministro eius: quia ipse mundior debet esse: quia sancta sunt, quæ ministrat. Nam sicut ad comparisonem lucernæ tenebræ non tantum obscuræ, sed etiam sordidæ sunt: ad comparisonem autem stellarum lucerna caligo est: ad solis vero comparisonem stellæ nebulosæ sunt: ad dei autem claritatem sol nox est: ita quæ ad nos munda & licita sunt, ad dei dignitatem quasi illicita & immunda sunt. Quanquam enim bona sunt, dei tamen personæ non competunt. Nunquid non tunica mediocris hominis quauis munda, imperatori tamen sordida & illicita est? Similiter & saxonitiam senatori? Ac per hoc antistites dei puriores esse debent, quàm cæteri: quia & Christi habent personam, & ministros dei mundiores esse oportet. Nemo enim imperatori ministrat, nisi vestimentis claris & mundis indutus. Deus autem quia natura clarissimus est, ministros eius natura magis quàm vestibus mundos esse oportet. Hæc Augustinus. Si ergo huius vitalissimi panis vsus est sacerdoti euangelico continuus, quomodo ergo vsus hunc non cõtina sequatur continetia: vt qui indefinenter sacrificat, indefinenter se castitati deuoueat, iuxta Origenis sententiam in lib. Numerorum, homilia 21. Alludit Hieronymus aduersus Iouinianum, Habuerunt quidem vxores nonnulli apostoli, sed quas eo tempore ceperant, quo euangelium nesciebant: qui demum assumpti in apostolatam relinquunt coniugale officium, cum Petrus dicat, Ecce nos reliquimus omnia, & secuti sumus te. Hinc & Paulus, Tempus breue

est, qui habent vxores, sint tanquam non habentes. Quod si nec illis permittitur vti, quas legitime duxerant, vxoribus: quomodo igitur sacerdoti euangelico licebit ducere nondum habitam? Itemque Paulus ait, Qui sine vxore est, sollicitus est quæ sunt domini: qui cum vxore est, sollicitus est quæ sunt mundi, & diuisus est. Atqui contemplationis vnitas non admittit diuisionem, & ministerij assiduitas non recipit huiusmodi intermissione.

Docent, quod hoc loco persuadere nitimur, innumera, quæ sacerdotale coniugium sequerentur, incommoda. Primum rerum pauperibus distribuendarum iniqua distributio, quæ non sine grauissima pauperum iactura tota in vsum familix cederet. Exemplo nobis esse debet filiorum Heli intemperata lasciuia. Deinde si omni statui cœlibatum adimas, adeo vt omnes omnium locorum ordines generationi vacari oporteat: continuo experietur vel vnus ætas hominis orbem ipsum minime suffecturum ei, quæ mox successura est, soboli. Huius à me pronuntiati si quis experimentum scire velit, sibi ob oculos suæ mentis constituat quatuor ex vno generationes, in quibus omnes educendæ proli daturi sint operam. Iam, si ex vno quinque prodeant liberi, secunda generatio quincuplatam prolem educet, tertia vero centum viginti quinque liberos proferet. Quarta vero sexcentis vigintiquinque ex vno progenitis filii, qui oppidum implere sufficiant, familiam oneratam videbit, idque infra sexaginta annorum interuallum. Iam mihi vide, nisi huic effrenatæ ac luxuriantî propagini modum aliquem imponat cœlibatus, quis tandem locus capiet homines? Bene igitur Sapiens ait, Tempus plantandi, tempus euellendi quod plantatum est. Tempus amplexandi, & tempus longe fieri ab amplexibus. Ab initio orbis nascentis tempus erat plantandæ syluæ: nunc autem vtendum est syluæ cædua, non quod occidatur, qui nati sunt, sed vt modus ponatur nascituris: qui nulla re melius adhiberi potest, quam per cœlibatum. Ex huius continentix commodo collige in laxis coniugij habenis irreparabile incommodum.

Pepererunt hæ sacerdotales nuptiæ graue in toto ordine discrimen. Inde enim tumultuosus emerfit à plebe aduersus sacerdotium contemptus, etiam vsque ad seditionem,

idque circiter annum domini millesimum septuagesimum quartum, authore Roberto abbate diui Michaelis. Cum enim in Neustria à sede apostolica madata prodissent super huiusmodi cœlibatus obseruatione sub Gregorio septimo, qui antea Hildebrandus appellatus est: quiq; vsum nuptialem sacerdotibus interdixit, extantibus super hoc canonibus, vt in cap. Preter hoc. xxxii. distinct. Itēq; lxxxiii. distinct. cap. Si quis episcopus. Cum igitur Gregorius iste septimus celebrata synodo & simoniacos anathemate, & nuptiariorum sacerdotes suspensione officii plecteret: absterrendo etiam plebem ne concubinariorum, qui se legitime coniugatos fuisse contendebant, sacris, dum ab eis celebrarentur, adfisteret in eorum confusionem. Graue inde scandalum ortum est, quale vix ab initio nascentis ecclesiæ fando auditum sit: aliis pro coniugio, pro cœlibatu aliis animose contendentibus. Et hinc captata occasione tantus horror sacerdotalis nominis apud laicos obortus est, vt de plebe etiam vilissimus contra ordines sacros insurgeret, & ecclesiasticæ prælaturæ iugum excuteret: ventumque est vsque ad sacramentorum contemptum, dum omnia aut temerantur, aut in dubium vertuntur. Suos quisque baptizat infantes: & quibus sacrum deerat oleum, aurium pruritum vice olei sibi quisque desumebat, eo humore pro oleo vsus. Et hi quidem cum vitæ dies vltimus instaret, viaticum à coniugatis sacerdotibus omnino recipere renuunt: obsequia sepulturæ ab eis aut præstata, aut præstanda paruipendentes. Decimas alioqui debitas aperte denegant. denique vsque ad sacrosanctæ ac omni honore dignissimæ eucharistiæ contemptum, conculcationemque deuentum est. Et hoc odium pene inextinguibile laicorum mentibus irrepfit ob sacerdotes, quos videbant coniugatos: cum tamen verus esset concubinatus, quàm coniugiū. Hi scilicet erant fructus sacerdotalis incontinentiæ: qui diuelli non potuerunt, donec vno consensu sacerdotes cœlibatum amplecterentur. Vt enim cætera taceam, quis libens ac volens sacerdoti coniugato suæ conscientiæ secreta committat: sciens uxorem eius ac liberos vix sibi temperaturos à probri & conuiciis, si forte vir uxori saltem imprudens huiusmodi secreta reuelet?

Præterea ut perspicuum sit nuptiatoribus istis, quantū à gradu deiiciat nuptiale negociū sacro ordini coniunctū ipsos sacerdotes: ponam illis ob oculos miserā ac infelicem coniugij sacerdotalis conditionem, ut à Brochardo monacho describitur in Syria obseruari, in itinerario suo Hierosolymitano, cuius rei se oculatum testem asserit. Enarrationis tenor ita se habet: Nota quòd Catholicus ipse & omnes alij prælati sunt monachi, nec quisquam nisi monachi ad hæc ecclesiastica admittuntur officia. Clerici vero seculares & sacerdotes fere nullam habent authoritatem, nec aliud agunt, nisi quòd diuina celebrant officia. Ad omnes horas signum faciunt cum tabula lignea (non enim campanas habent) & tunc nocte surgunt ad matutinas preces, excitantque se mutuo, ut omnes conueniant: nec iterū dormitum eunt post illas absolutas preculas, sed sedent in ecclesia docentes populum vsque ad auroram. Sacerdotes omnes sunt vxorati: nec aliquis permittitur exequi sacerdotis officium, nisi legitimum habeat vxorem. Sabbato duntaxat & die dominico missas celebrant: reliquis diebus per hebdomadam amplexibus vacant. Mortua vero vxore sacerdos continebit, nec aliam poterit ducere vxorem. Et si fornicatus aut adulteratus fuerit, sine spe vlla amittit officium & ecclesiam. Quòd si vxor eius adulterium perpetraverit, sacerdos maritus eius aut continebit, aut officium & ecclesiam perdet. Vxor vero adulterans nasum perdet: & vir qui cum ea concubuerit, castrabitur, etiam si legitimam habuerit vxorem. Id ego semel fieri oculis meis vidi. Mortuo vero sacerdote, vxor eius relictæ continebit: & si aliud præsumpserit inire matrimonium, comburetur: sin meretricari libuerit, nil mali patietur. & id sæpe apud illos euenire solet. Et hæc mihi videtur potissima causa esse, quòd tot in illis terris inueniuntur meretrices. Nam vxores talium continere nolentes, meretrices efficiuntur. Fures committentes furta non admodum nociua, & alij malefactores, qui mortem non commenerunt, castrantur, ne filios generent paternorum morum imitatores. Id scio, quum essem apud regem Armeniæ, habuit regina plures quàm sexaginta eunuchos. Rex cum omnibus principibus & nobilibus suis libenter audit verbum dei: quibus etiam singulis diebus ho-

ra tertia illud à monachis, quos Vetrapethe vocant, deuote ex sacris libris proponitur, vtentibus expositione Ioannis Chrysostomi, Gregorij Nazanzeni, atque Cyrilli, quem ipsi Kyrillum proferunt. Deuoti & morigerati sunt in ecclesia: nec facile vllum ibi videas dissolutum aut indisciplinatum. Quum episcopus sacrum facit, habet astantes suos ministros, puta diaconum, subdiaconū & acoluthum: & cum magna grauitate ceremonias solitas celebrat. Haec nus Brochardus monachus. Cuius enarratio quid aliud ostendit, quàm monachorum, qui cœlibatū obseruant, excellentiam: contrā vero nuptiatorum abiectissimam & infelicissimam seruitutem, vel ob hoc vnum, quòd cum spiritu cœperint, carne consumantur. Quocirca rectissime censuit pius iuxta ac doctus, vir sane integerrimus, Iudocus Clichtouæus: qui ita perspicax est iudiciòq; puro, vt quod ante oculos situm est, non satis habeat intueri, sed rerū exitus sua metiatur prudētia, quæ vere spiritualis est, cum ait, Quòd aperta nuptiali in sacerdotio fenestra, totius ecclesiastici ordinis status decolor statim appareret, ac fœda informitate conspurcatus. Iam cum nec summus ipse pontifex statuere possit quicquam, vnde decoloretur status ecclesiæ, constat matrimonij vsum sacro ordini admisceri iure non posse. Eademque opera retunditur insulsum penitus & infatuatum Erasmi cōsiliū, qui pro Matrimonio declamans sic ait, Mihi sane videtur non pessime consulturus rebus ac moribus hominum, qui sacerdotibus ac monachis ius indulgeat coniugii. O stupidum consiliū, quod nec amplecti dignantur, qui sunt apud Syriam semichristiani. Nullas enim monachis permittunt nuptias, etiamsi seculus nedum sentiat, imo & consulat Erasmus. Quàm graphice Christus dominus carnalem istam sapientiā depinxit qui ait, Si sal infatuatum fuerit, in quo terra salietur? Ad nihilum vltra valet, nisi vt conculcetur ab hominibus. Sic dominus solet infatuare Achitophelicorū istorum cōsilia. Quæ cū aliis mala sint, sunt tamē ipsis pessima cōsultorib⁹.

Vt autem in viā redeamus, plane intelligit lector oculatus ex his, quæ diximus, minime secum conuenire & assiduam in sacris operam, & nuptialis curas negotii: quando vt Brochardus nuper enarrauit, iugo maritali alligati sa-

sacerdotes maxima parte temporis arcentur à sacris. Hi enim sacra potius delibât, quàm de integro perficiant: quâdo vna tantum die hebdomadæ sacris vacare liceat nuptiariis istis sacerdotibus. Sic domino visum est olim Israelitico populo cœlestis Mannæ dulcedinem non prius imperitari, quàm exhausta foret penitusq; consumpta, quam secū ex Aegypto tulerat, farina.

Nunc quando semel enumerandorum discriminū viâ, quæ coniugiū sacerdotale circumstant, sumus ingressi, libet pauca ex multis delibare, quibus liquido cōstabit, quòd (si ita se habet causa matrimonij in sacerdotio) omnino non expediat sacerdoti nubere, etãsi liceret. Licet enim, & non expedit id, quod cū culpa vacet, attingam (vt sic dicam) secum attrahit culpam: veluti, de naphtha dicitur, quòd cognatas ad se euocet flammâs. Primum quidem ecclesia Græca, cui visum est huic cœlibatus iugo colla subducere, vt nec vasa sua deo sancto & vero sacrificatura munda accurate seruet, iam seruit cum filiis suis; ablatumque est ab eis regnum, nempe intelligentiæ scripturarum, datumque est genti facienti fructū. Quid minorem curarū ac sollicitudinū turbam inconditam, quæ nuptiatores obruere solet? Primū quidem, vt poeta ait,

Semper habet lites alternaque iurgia lectus,

In quo nuptia iacet: minimum dormitur in illo.

Vides vt coniugij diuisio hominem distrahit ab vnitate ac solitudine, cū tamen dominus dicat vnum esse necessarium, nempe contemplationem, sacerdoti. Hec enim est pars optima, quæ ab eo auferri non debet, qui semper adstittit altari. Hoc inquam, est breue compendiū, quo ad diuini nominis contemplationē itur & reditur. Nam qui sine vxore est, vt Paulus ait, sollicitus est quæ sunt domini, quomodo placeat deo. Vt igitur nulla esse potest conuentio lucis ad tenebras, ita nec bene ac feliciter cum connubio sacerdotioq; conuenit. Agnus enim immaculatus puros ac sedulos exigit ministros, qui ait, Sancti estote, quia ego factus sum dominus deus tuus.

Ceterū non lōge abest huic cōnubio sacerdotali (neq; id quidē leue) imminens periculū, nēpe irregularitatis, non ex parte tantū viri, imo vero & vxoris, si forte aliquē ex vi-

ri cōsanguineis carnaliter cognoscēs postea ad viri sui cōcubitū reuertatur. Hinc mille tricae, & laquei innumeri cōnubiis suboriri solēt: à quibus longe abest cōcubitus.

Ut ne interim omittam, quōd rerū ecclesiasticarū vsus & cōmoditas in varias transmigratura sit familias vnius beneficium cōcubitus. Non enim transibit ad posteros, sed ad quosuis beneficii vacātis capaces & idoneos. Alioqui à patre infra septa eiusdem domus perpetuo demigraret in filios, si coniugii locus datur apud ordinatos. Nam quid frequentius accidere potest in huiusmodi familia sacerdotali, q̄ perpetuum sacrilegium: dum scilicet filiorū & hāredum turba necdum expectato cadauere (id quod nec vultures faciunt, quā cadauera expectant) vniuersam supellestem harpyarum more dilaceratam fœdarent? Quis enim modus dari potest huic furori, dum sibi quisque consulit, ne perpetua laboret inopia: quando nec hodie turba ipsa nepotū, quæ longius absistit à stipite, arceri potest à praeda acrapina? Quid igitur censeas de vxore & filiis, cū melius muscæ sequantur, cadauera lupi: ita & prædam sequatur turba, non hominem?

Rursum quis tam Stoicus seu apathicus, vt carnem suā aliquando odio habeat, & non curet eam? At latissime distat Stoicus ab Epicureo. Cura igitur familiæ semper torquebit animum sacerdotis, & in diuersa misere afflictam mentem distrahet quotidianæ necessitatis curis implicitā, nisi hic vnus cōcubitus huic morbo medeatur.

Quid, quod indecorum est, si filius patri in altari ministret: ne dicatur hāreditate possideri sanctuarium dei? Quare vna opera antiquari oporteret in eā rem editos canones. Atqui vt canis à corio vix absterrebitur vncto, ita & egre, imo & difficilius multo fili⁹ diuelleret à latere patris. Quem licet expellas furca, tamen vsque recurret.

Hic mihi videant antichristianæ licentiæ assertores, q̄ belle consulant, vt videri volūt, Christianæ (vt aiūt) libertati. Hoc enim non est liberare à malis, quin potius in malorū lernā retrudere sacerdotiū. Id quoq; perspicuū est vel cōmuni naturæ iudicio, cuius solius impulsu sacerdotis vxor cōtinuo pudore suffunderetur, vbi audiret se aut presbyterissam, archidiaconissam, canonissam vē appellari. Hic pu-

dor innatus docet minime cōuenire sacerdotibus cōiugia:

Adde quòd tota diametro à se inuicem distāt animi puritas vitæ sacerdotalis comes indiuidua, & rei venereæ (vt sic dicam) brutalitas: quando (vti diuo Augustino visū est) nihil ita mentem virilem de arce deiicit, quàm attactus fœmineus. In eo enim brutescit vis tota rationis humanæ. Qui igitur inter coniugium & sacerdotium concordiam somniat, prius efficiet, vt placidis coeant immitia, vtq; serpentes aubus gementur, tigribus agni. Iam quis non videt ex his tori maritalis deliciis dilatandā effrenatæ multitudinis turbam: quæ tamen absterreri debuerat vel vnus feueritate cœlibatus? Quis demum infinitæ multitudini occurrere poterit, si semel liceat rei vacare vxoriæ, vnâ cum sacrorum cultu ordinum? Quisque enim vnâ cum vili ministerio frui volet sacerdotio. Et quo tandem deueniet portio illa designata pauperibus, cum omnia peritura sint inter manus filiorum & hæredum? Iam nemo, nisi cæcus, intuetur, neque vtile, neque expediens, sed neque omnino decorum congruūve sacerdotio admiscere connubium. Id quod plane intellexerūt viri spirituales, quorū expectandum erat iudiciū. Nam spiritualis omnia diiudicat, etiā secreta dei. Quibus ea cum primis non infima cura fuit, nedum auertere à nuptiis sacerdotium, imo id efficere, vt ipse nuptiæ transmigrando euolarent ad cœlibatum. Id quod fieri posse censuit Eusebius Papa circiter annum Domini trecentessimūquintum: vt recenset Gratianus in cap. Desponsatam. 27. quæst. 2. Carnales vero nuptiatores quid nisi contemnendi sunt? Quorū probris insectanda veniūt iudicia, cum spiritualis istorū iudex oculatissimus Paulus dicat, Carnalis homo nō sapit quæ dei sunt. Stultitia enim est illi. Nemo tam fuerit stupidus, vt aut canū latratus inanes curet, aut certe cæcorū velit imitari vestigia. Omnes ad vnum viri spirituales legem de cœlibatu aut tulerunt, aut latam cōmendauerunt. Negligendi ergo sunt Epicurei isti lasciuie libidinūq; præcones, in quibus sensum communem merito desideres. Legè si lubet Cardinalem de Turre Cremata in cap. Diaconus, 27. distinctione. Item ex canone Apostolorū 27. In nuptis autem, qui ad clerum promouendi sunt, præcipimus, vt si voluerint, vxores accipiant, sed

lectores cantoréſque tantummodo.

HABES Christiane lector, ſi huc oculos admonere libet, rationem cœlibatus ſacerdotio adiuncti euangelico. Nunc quis in ea coniunctione modus ſeruatus ſit, paucis accipe. Mox ab illuſcente euangelico ſacerdotio ita ſe habuit coniugiũ ad ſacerdotale munus, vt ferme ad lucẽ tenebræ: quãdo vbi ſemel acceſſerit ſacerdotiũ, nullus ſuperẽſt cõnubio locus more vtriq; eccleſiæ cõmuni & ſemper illibato: eccleſiæ dico Oriẽtali & Occidẽtali, Græcæ inquã & Latinæ. Verũ ante Syricii Innocentiũq; expleta tẽpora coniugio præeuntĩ accedere & ſuccedere potuit ſacerdotiũ, iure quidẽ non tam laudato propter excellentiam, q̃ indulto propter neceſſitatẽ. Iſtud Hieronymus non ſiluit, qui aduerſus Iovinianũ ait, Eligebantur mariti in ſacerdotiũ (prima ſcilicet eccleſiæ ætate) non nego: quia non ſunt tãti virgines, quãti neceſſarij ſunt ſacerdotes. Nã in exercitu aſſumuntur infirmiores, vbi non ſubẽſt numerus fortiũ: ita non ſuppetẽte numero virginũ aut continentĩũ, aſſumebãt cõiugati. Et id quidem coniugiũ uſu coniugali licitũ erat, ſed magna ex parte mutilum orationis, ſacrificij, aut prædicationis cauſa. Quorum uſus continuus vertere cogebar vxores in ſorores, ita ſuadente diuo Paulo, Tempus breue eſt, qui habent vxores, ſint tanquam non habentes. Atqui in hoc coniugio cœlibatus multo poſt tempore manſit in conſilio, non autem in præcepto, uſq; ad tempora Syricij & Innocentij, ad annũ videlicet reſtauratæ ſalutis quadringentefimũ. Adhuc meſſis erat in herba, necdũ albefecebant ariſtæ, vt falx continentix ſacerdotio admoueretur: nec erat durioribus præceptis lignũ fumigãs extinguendũ. Satis erat cõſuluiſſe, q̃ qui vxores haberẽt, eſſent tanq̃ non habẽtes. Accedebat igitur ſub id tẽpus ſacerdotiũ cõiugio, nõ cõiugiũ priori ſacerdotio, uſq; dũ frugib? iã adultis falceſeges reſecãda foret. Datũq; eſt in mandatis, vt ad ordines ſacros non eligantur, niſi vel virgines, vel vidui & ppoſito ac voto, ſimũlq; eccleſiæ catholico inſtituto in æternũ pudici. Id quod elegãti carmine expreſſit Arator in Actis apoſtolicis Eccleſiæ nunc alma fides ſine ſine pudicos Pontifices iubet eſſe ſuos: & quærit in omni Cauta tribu quos rite probet: nec ſanguinis iſte,

Sed meriti successus erit.

Attendentes igitur ecclesie proceres, quod quos noctu die-
que oportuit pro plebe orare, oporteret etiam & mūdiores es-
se, & nuptiali sollicitudine carere (vt censuit Ambrosius pri-
ore ad Timoth. 3.) hanc sacerdotio legē indixerūt, vt nec
coniugiū sacerdotio, nec sacerdotium accederet coniugio:
tāetsi nonnūq̃ sacerdotiū succedere possit, cōnubio alterius
partis morte dissoluto. Iam si quis furibundus opponat
humanā esse huiusmodi constitutionē ac sanctionē: fateor
illud quidē, sed quā nemo in ecclesia euertere possit: vt quę
sit ex diuinis iuris fontibus hausta, quo scilicet inre cauetur,
Mūdi estote, qui fertis vasa domini. Veluti si quis sinū Per-
sicam aut Indiēū vocet, qui tamē vere pars est maris Ocea-
ni: ita & vniuersalis cōstitutiones ecclesie humanitus qui-
dem promulgatę sunt, sed diuinitus excogitatę & infusę
mētibus humanis, vt non purę & humanę, verū quadate-
nus diuinę appellādę sint: quemadmodū sinū recessus ab
Oceanī appellatione non prorsus abhorrēt. Et vt riuus p-
cedit à scaturigine fōtis, ita & hęc institutio à iure diuino:
præsertim cū per ecclesiā lata sit, quę nec in fide, nec in
moribus errat, & cui omnes subesse oportet. Ius ergo huma-
num est, sed diuino annexū. sponsę lex est, sed quę nunq̃
præsentē careat spōso. Cui instituto ecclesia occidētalis ad-
hæsit: hoc cauens, nequis deinceps sacris insigniretur ordi-
nibus, nisi qui spōte cœlibatū amplecti vellent & ita ample-
cti, vt ad continentiā posthac sese adstrictū vel suo silentio
profteretur: cū illi pponitur, vt aut ordini cedat, aut ex-
pectationi futuri cōiugij. Quā in re nullus queri potest sibi
aut illatum dolum, aut factam iniuriam, cū scriptum sit,
Multo melius est non vouere, quā post votum promissa
non reddere, Ecclesiastes quinto.

Vt autem grunientium porcorū strepitus supprimatur,
qui ex Epicuri grege prognati Christianorū nomine glo-
riantur: quos propria malitia ita excecavit, vt quærant im-
pietatem in domo iusti, suis pedibus sancta conculcantes:
docēdū est hanc legem ex omni parte iustam esse, & nul-
li adferre iniuriam, quando nemo cogitur. Nemo enim cō-
gi potest ad asperiores vitam, nisi sibi fecerit præiudiciū:
alias in pœnam peccati cogeretur ad seueriorem viuendi

ritum, vt est in cap. Præsens. 20. quæst. 3. & in cap. Puella, 20. quæst. 2. vbi sola taciturnitas facit præiudicium. Hic autem nemo cogitur, vt præclare docet Bernardus in tractatu de dispensatione & præcepto his verbis, Regula omni homini proponitur, imponitur nulli: prodest si deuote suscipitur, & tenetur: non tamen, si non suscipitur, obest. Quod autem in voluntate est suscipientis, non in potestate proponentis, volūtarium merito dixerim, non necessarium. Attamen hoc ipsum quod dico voluntarium, si quis ex propria voluntate semel admiserit, & promiserit deinceps tenendū: profecto in necessarium sibi ipse conuertit, nec iam liberū habet dimittere, quod ante tamē non suscipere liberū habuit. Ideoq; quod ex volūtate suscepit, ex necessitate iam tenebit: quia omnino necesse est eū reddere vota sua, quæ distinxerunt labia sua: & ex ore suo aut condemnari iam aut iustificari. Hæc ille. Et ob eam causam non ociose legislator Moses Exod. 18. cap. retulit in literas, Quod cum cetera de manu sua indumenta altaris ministri reciperent, sceminalia tamen seu subligacula quisq; sibi de more aptabat: vt hinc intelligeremus nemini iugū castitatis imponi, quin potius onus illud vnūquenq; scientē ac volentē pro arbitrio in se recipere. Subligacula enim sibi quisque aptabat, nemo alteri. Neq; aliud diuus Paulus voluit, cum diceret De virginibus præceptum non habeo: consiliū autem do. Nam de ceteris ornamentis ita legimus, Porro filiis Aaron tunicas lineas parabis, & balthecos ac tiaras in gloriam & decorem: vestiesque his omnibus Aaron fratrem tuum, & filios eius cum eo. Secus de sceminalibus. Facies inquit, sceminalia linea, non vt eos induas, sed vt ipsi ea sibi componentes operiant carnem turpitudinis suæ à renibus vsque ad scemora, & vtentur eis, quando appropinquant ad altare, ne iniquitatis rei moriantur. Hæc igitur aptandorum subligaculorum religio manifeste probat cœlibatum assumi non tam alieno imperio, quàm priuato eius, qui ordinatur, arbitrio.

Vt autem obiter dicam, casu accidere potest, vt quis libertate coniugii priuetur etiam inuitus publicæ utilitatis causa: cuius tuendæ gratia etiam vita exponenda est: sicut membrum, ne reliquum corpus pereat, periculo so-

opponit naturali quodam instinctu. Quemadmodum si quis expressis, non tamé animo conceptis, matrimonij verbis coniugium se velle ipire simularet: in fauorem tamen matrimonij consentire cogitur, nisi prius consenserit. alioqui nulla esset in contractibus humanis firma securitas, & naturalis fœderis regula semper & vbique nutaret, si audiretur, suam simulationem profiteri volens. Nam cui nō creditur prius affirmanti, nec credendum est etiā neganti.

Pari certe ratione in voto emissio, aut habitu religionis per annum gestato, aut si vxor coniugem viderit ad meliora vota transire, dissimulando sibi præiudicium facit: & ubi antea continentia non consenserit, consentire cogitur. aliàs fenestra aperiretur dissolutioni votorum omnium, nec vlla esset in huiusmodi sacris ritibus fixa perseverantia.

His casibus ad partem relegatis, sua cuique manet aut continendi, aut secus, integra libertas: quæ in nullo læditur, etiam si conditio aliqua honesta, vtpota deinceps continendi, sacro ordini annexatur: exigenda ab his, qui sese deinceps offerent paratos huic prouinciæ subeundi. Nam qui accedunt, nulla offenduntur iniuria, si eis ordo denegatur, ad quem nihil adhuc iuris habent, nisi præstita promissæ quæ eis præstanda declaratur, conditione. Frustra igitur queritur sibi factam iniuriam, cui denegatur id, in quo nihil iuris habet. Iam quàm recte annexa fuerit ordini sacro huiusmodi cōstitutio cœlibatus, vel hinc patet, quòd optimus quisq; officio tam insigni vix censeatur idoneus.

Quid igitur mirum, si honestis conditionibus ad perfectiora inuitentur ordinandi? Interuenit ecclesiæ authoritas, quæ in fide & moribus non fallitur. Lenissima quæque collegia honestas posteritati cōditiones imponere possunt & leges: quas nisi quis receperit, suo cōsortio censeatur indignus. Iniqua foret conditio ecclesiæ & grauius onerosa, si staret in sacerdotio coniugium. Nam sacerdotia ipsa deuoluerentur ad filios plerumque inutiles futuros, neglectis vtilioribus: qui ad id officium eligendi venirent. Nec vnquam sacerdotium aliquod ab hæreditaria possessione eximi posset sine dura & graui querela: aliàs filij bonis paternis inhiantes, cum summa inopia & inedia calamitosam vitam ducerent: quibus incommodis solus medetur cœli-

batus. Ideoque hanc prouidam legem eleganter commendat Arator poeta, dum exigit à sacerdotio castitatem, vt habeat quos rite probet: nec hæreditate, sed prouida electione possideatur sanctuarium Dei. Iusta igitur & sancta est lex cœlibatus instituti, quæ multa secum adfert perfectionis morumque compendia: nemini ius suum adimit, & plurima dispendia vitat. Nec obstant qui interim committuntur abusus. Non enim culpa vini est, sed culpa bibentis. Aliàs cœlum & ipsa elementa de medio tollenda veniret, à quibus pestilentissimus aer nonnunquam oboritur, totum quandoque orbem magna ex parte vsque ad interuersionem vexans & flagellans. Sicque tollenda esset ab hominibus voluntas ac libertas: quæ nisi adesset, infernus non foret. Tolle (vt Augustinus ait) libertatem, infernus non erit. Hæ sunt pseudoeuangelicorum stupidissimæ argutationes, plures beaque ac stupida iacula: quibus nihil imbecillius aut dici aut cogitari potest. His certè incantationibus & carminibus Circe socios mutauit Vlyxis, nempe ex hominibus in porcos, ex catholicis in hæreticos. Vt autem Grilus ille apud Plutarchum nulla ratione adduci potuit, vt abiecta feritate humanitatem resumere vellet: cui non solum vita porcina placebat, imo vero multis probris humanæ fortis conditionem insectabatur, hoc ipsam nostris hæreticis accidit. Quamquam ratione & honestate catholicos à bonis institutis diuellere non possint, scommatum ac blasphemiarum plaustra sibi vndecunque coaceruant, vt vel solo odore vel gustu continentiarum sacerdotalis prætereuntibus immittant fastidium. Quod si circumspectos & oculos suis nequeant irretire sermonibus, fumos saltem offundant incautis, & hoc ab improbis impetrent, quod modestioribus persuadere nequeunt. Verùm illis relinquamus suos deos iratos.

Non incongruum fuerit hoc loco Orientalis ab Occidentali ecclesiæ varia instituta, variumque ordinem, suis distinguere limitibus. Cuius rei apicem diligenter exequitur Cardinalis de Turre Cremata in capite, quod autem, vicesima septima distinctione. Rem autem paucis accipe. Hoc inter Græcos conuenit & Latinos, quod in minoribus seruantes à coniugali copula non absterrentur: qui maiora

res vero semel adepti sunt, ad matrimonium contrahendū prorsus sunt inhabiles. Maiores appello à diaconatu supra. Fuit enim quando subdiaconatus non dicebatur sacer ordo, nempe vsque ad tempora Gregorij Magni. Sic enim ab apostolis traditū est, vsuque perpetuo receptū, ne quis maioribus inauguratus ordinibus, habilis sit matrimonio contrahendo. Hoc docet apertè sexta synodi canon, ad Græcos etiam pertinens, Si quis eorum. distinct. 32. & cap. presbyteris. distinct. 27. capite etiā, Cū in præterito. distinct. 88. In hoc autem discrepat Occidentalis ecclesia ab Orientali, quod Orientalibus connubio iunctis licuit & licet ordinum & coniugij vti officio. Id quod Occidentalibus licuit, licet reclamantibus (sed non prorsus efficaciter) sacris Pontificibus, adusque tempora Syricij & Innocentij primi. Qua tempestate lege cautum est, ne deinceps ad ordines sacros coniugia reciperetur. Hoc docet Stephanus Papa in cap. aliter. 31. distinct. vbi verbum copulantur, pro vsu copulæ accipitur, non pro matrimonio. Græcorum autem vsus digestè traditur eadem distinctione, in capite Nicæna synodus. Item & in cap. quoniam. ex sexta synodo, quæ tempore Agathonis Papæ edita fuit. Occidentalis autem regulæ tenor & observatio præter cap. nuper citatū, Aliter. declaratur in cap. assumi. & in capite præterea, 28. distinct. simulque in cap. proposuisti. & cap. plurimos. distinct. 82. sed maxime in capite, ante triennium. 31. distinct.

Hæc sunt, in quibus conueniunt ac discrepant Orientalis ecclesiæ ministri ab Occidentalibus. Vnum tamē suboritur dubium, Si licuit Orientalibus Græcis ferulæ munus subducere, ac legem de cœlibatu à suo cœtu repellere: cur non idem possit licere Latinis, vt scilicet communi consensu à se abdicent cœlibatum, vbi saltem maior pars consentiat, præsertim quum in cap. Nicæna synodus, plus effecerit dissensus vnus, quàm consensus multorum, & potior sit conditio prohibentis? Prompta est ad id responsio, quod lege iam lata, & causa eadem legis manente, vt spirituali cuique viro appareat, qui solus iudex est idoneus, nullus est iam recantationi locus. Secus est dum lex primū statuitur, & antequam plenè stabilita sit. Nec aliquid proferri potest, vt ex dilutione

contrariarum rationum constat, ob quod inuerti debeat, aut mutari pium sane, vtile, decorum, honestum, expediens (vt multis rationibus demonstratum est) & apprimè religiosum consilium. Græci vero an optimam partem elegerint, ipsi viderint, qui à consilio Dñi Pauli recesserunt. Non damnamus Græcos: verum Latinorum canonem de cœlibatu rectè stabilitum, ideòque amplectendū, etiam priscorum patrum consensu adseueramus.

*Patrum series, qui cœlibatum
sacerdotio copulandum
censuerunt.*

IAM tandem videtur opportunum patrum seriem texere, qui suis canonibus ac decretis cœlibatum cum sacerdotis ordinibus coniunxerunt, iunctum auxerunt, auctū illustrarunt: eorum videlicet, qui post Christum dominum huius cœlibatus institutorem, eiusque primipilum strenuūque buccinatorem Paulum, & castitatis & continentię antesignanum indefessum, in hac cœlibatus acie egregiam nauarunt operam. Occurrit itaque post collegii apostolici ordinatissimam aciem, Pontifex, & martyr Calixtus anno à parta salute ducentesimo quarto: qui matrimonium sacerdotibus interdixisse, edito etiam super hoc canone, manifestèprehenditur distinct. 27. in cap. presbyteris. Vbi presbyteris, diaconibus, subdiaconibus & monachis cōtrahenda prohibet connubia. Et inde deductum est solenne illud placitum, Votum solenne, seu monachatus, seu ordinis saceri, dirimere matrimonium contractum, & impedire contrahendum. Qua de re suo loco differetur. Huius lateri continuo Diuus Vrbanus adhæsit pontifex ipse ac martyr sub annum Domini ducētesimūvigesimalum. Is, inquā, ipse, qui præclarissima castitatis semina in Sicilia seminauerat, Calixti edictū non tantum probauit, sed auxit. Nul- lum enim ad episcopatum assumendū censuit, nisi qui aut presbyter, aut diaconus foret. Extat super hoc canon, Nul- lus in episcopatum 60. distinct. Qui & paupertatis votū mira dexteritate illustrauit: id quod sua decretalis epistola

docet, prolato in hoc Ananiæ Sapphiræque exemplo. Vbi communem vitam eligere volentibus de rebus ecclesiæ prouidet, ne quis inter eos egens inueniatur. Non procul ab his ut tempore, ita & proposito absuit Diuus Stephanus, utraq; redimitus corona, martyrii videlicet ac pontificatus. Qui ut cœlibatus candori alluderet, sacrarum vestiû vsum adiunxit: ut est in cap. vestimenta, de consecratione distinct. prima. Anno post hæc circiter quadringentesimo duo ingentia lumina orbi affulserunt Syricius & Innocentius pontifices summi: quorum edicta recensentur, ac canones plerisque locis. Nam Syricij buccina tonat, præter suæ decretalis caput septimum & octauum, in cap. plurimos. & cap. quia aliquanti. 82. distinct. Quo interim loco aduertendum tunc temporis non fuisse vsque adeo puritati additum subdiaconatus ordinem, ut nuptijs vacare non posset. Nam primum sacer esse cœpit sub ætatem Gregorii Magni circiter annum domini sexcentesimali. Syricio protinus accessit Innocentius primus, auxiliaribus copiis decretaliû epistolarû elegantissime fultus, ad Victoricû Rothomagensem (aliàs Victoricum) super ea re sua decreta dirigens. Qui Victoricus fuit in catalogo præsulû Rothomagensiû numero octauus. Recensetur huius Innocentij edictû ad Victoricû, quæ Gratianus Victorinû appellat. 31: distinct. in cap. tenere. Nec dissimile est, quod sequenti epistola ad Exuperium Tholosanum episcopum scribit, recensitum à Gratiano, octogesima secunda distinctione, capite proposuisti. Ut autem sciamus, quorum suffragijs suffulti fuerint hi sacri Pontifices, constat ex ratione temporum eorum subscripsisse sententiæ clarissimos præfules ac doctores Chrysostomû, Hieronymû, Ambrosiû, Augustinû. Extat epistola Ambrosii ad Syricium epistola. 81. qua Iouiniani dogma omnibus suffragijs damnandum esse docet. Iouiniani Vigilantiæque confutationes à diuo Hieronymo editæ, variæque diui Augustini pro cœlibatu propugnacula omnibus sunt in prospectu. Dixisses illam ætatem in hoc à domino fuisse pleno exercitu instructam aduersus grunientium porcorum morsus alioqui sæuissimos.

Et tamen quum hæc satis esse debuissent cuius etiam audidissimo, ac rerum cupidissimo nouarum, commo-

dum accessit magnæ virtutis & nominis Leo huius nomē-
claturæ primus. Qui si forte pares eloquentia habuerit,
vix reperiatur cui cedere debeat in tota Romanorum acie
pōtificum. Qui inquam de sacris ordinibus priorum con-
firmat sententiam ad Ianuarium Aquileiensem scribēs, re-
censente etiam Gratiano in cap. omnium sacerdotū. xxii.
distinēt. Quo loco & episcopatum ordinem vocat, & sub-
diaconis etiam continentiam indicit. idque ante diui Græ-
gorii tempora, nempe sub annum domini quadringentesi-
mum quadragesimumquartum. Verum lex nō statim, cum
promulgatur, obligat: sed tum primum vim obligandi ha-
bere cœpit, cum vsu recepta creditur, diui scilicet Gre-
gorii ætate.

Hinc erit transitus ad annum domini sexcentesium,
quo magna eruditione, neque impari virtute floruit Gre-
gorius ille cognomento Magnus. Cuius insignis probitas
& auctoritas ei soli incognita est, qui nihil nouit. Huius au-
toritate, quæ ad præsens vsque perseverat, ab episcopatu
vsque ad subdiaconatum inclusuē annexus est ecclibatus.
Cuius sententiam enarrat Gratianus in cap. ante trienniu.
distinēt. xxxi. Quo loco à Pelagio præcessore suo editum
canonem, videlicet Ante triennium, partim confirmat, par-
tim aut tēperat aut elidit. Id quod declarat de Turre Cre-
mata super eo ipso cap. ante trienniu. A cuius canonis pro-
mulgatione tandem inualuit moribus vtentium vsurpata
consuetudo. Et id quidem pro Occidentalibus. Nam quid
Orientalibus congrueret, docet cap. Nicena. ex historia
tripertita, & cap. quoniam. ex sexta synodo tempore Aga-
thonis congregata circiter annum domini sexcentesium
sexagesimum. Item & cap. aliter. ead. distinēt. ex autori-
tate Stephani primi.

Sequitur deinde Martinus, quem ponē sequutus Eu-
genius, cœlibem, vt historiæ tradunt, ordini sacro vitam in-
dixit, & vt iuxta ecclesias proprias domicilia sacerdotum
construeretur, instituit. xii. quæst. prima cap. necessaria est.
Is autem, quem diximus, Martinus circiter annum domi-
ni sexcentesium quinquagesimum canonem edidit, cuius
initium est, Diaconus. xxvii. distinēt. Ex cuius oraculo cō-
stat, quod silentium promouendi habetur pro consensu ad

cœlibatum. Nam cœlibatus adeo annexus est ordini, vt alterum sine altero, hoc est posterius sine priore non recipiatur ab eo, qui scit & audit, nam & hoc loco tacens consentiētis personam induit. Cui succinit cap. Diaconi. distinct. xxviii. Sic tacēs de icōtinētia, clamare cēsetur de cōtinētia: & tacēdo nonnunquā loquimur. Et de hoc in cap. seriatim. xxvii. distinct. Vbi etiam dicitur, q̄ viro, vouente cum solēnitate, mulier facti conscia etiam tacēs vouisse intelligitur.

Nicolaus deinde primus, dum maiorum suorum decretales approbat, vt est in cap. Romanorum. xix. distinct. quid aliud quā cœlibatum statuit? Nec eo contentus oraculo, aliud præterea edidit super castitate monastica in cap. quod interrogasti. xxvii. distinct. scribens ad Albinum Viennensem archiepiscopum, & id circiter annum domini octingentesimum sexagesimum tertium.

Anno deinde millesimo quinquagesimo huic sacræ institutioni de cœlibatu sua autoritate adfuit & præfuit Leo nonus pontifex, Tullensis primum episcopus, vita insignis, miraculis clarus: cuius dicta recensentur in cap. omnino confitemur. xxxi. distinct. Quo loco citans pontifex verba Pauli priore ad Corinth. nono, nequaquam ita intelligendus est, vt voluerit Paulo attribuire vxorem. Vnde & rectē Primasius ait: Habemus potestatem sororem mulierē circumducendi, quæ scilicet nobis ministraret. Non dixit, ducendi tanquam vxorem; sed, circumducendi tanquam sororem & adiutricem, nequis de vxore sua ipsum dixisse putaret. Nam illæ mulieres comitabantur apostolos, vt eorum suis bonis iuuarent: quæ bonæ ab eis pro mercede prædicationis recipiebant. Ergo erant sorores, non vxores. Quod vel ex eo constat, quod Iacobus & Ioannes carebant vxoribus. Non ergo circumducebantur vxores, sed sorores. Adde, quod apostoli non accepissent præmium à suis vxoribus, quas nutrire potius debuissent. Hoc apertē dicit Augustinus lib. de opere monachorum, dicens, Ad hoc fideles mulieres habentes terrenam substantiam ibant cum Apostolis, & ministrabant eis de substantia sua, vt nullius indigerent eorum, quæ ad necessaria huius vitæ pertinet, iuxta illud Lucæ, Erat Maria, quæ vocatur magdalene, & Ioāna vxor Chusæ procuratoris Herodis, & Susanna, & aliæ mul-

te, quæ ministrabant eis de facultatibus suis. Idemque Augustinus subiungit, Hoc quidem non intelligentes, pro muliere coniugem interpretati sunt, sed fefellit eos verbi Græci ambiguitas, quòd scilicet & vxor & mulier eodem verbo Græcè dicitur, quanquam hoc ita posuerit apostolus, vt falli non debuerint: quia neque mulierem tantummodo ait, sed sororem mulierem: neque ducendi, sed circumducendi. Veruntamē alios interpretes nō fefellit hic ambiguitas, & mulierem non vxorem interpretati sunt. Quod quisquis putat non potuisse ab apostolis fieri, vt cum eis sanctæ cōuersionis mulieres irent, quacunque euangelium prædicarent, vt eis de sua substantia ministrarent necessaria: Addam & illud ex Theophylacto: fœminæ vtique locupletiores sequebantur apostolos, illisq̃ue & necessaria subministrabant, & vacuos quibusuis curis reddebant, vt prædicationi duntaxat intenderent vires. Hoc antidoto lectorem præmuniendum esse visum est, ne quam errandi ansam ex eo canone arripere.

At verò Urbanus secundus, qui circiter annum millesimum centesimum ex Cluniacensi monacho pontifex effectus est, canonem edidit, quo subdiaconarum inter ordines sacros, hoc est continentix perpetuæ addictos adnumerat: vt est in cap. erubescant. xxxii. distinct. Eddidit & aliud cap. eos qui, quo concubinas etiam poena seruitutis coerceat.

Qui deinde Urbanum sequuti sunt pontifices, omnes penè ad vnū vsq; ad Gregorium nonum egregiā nauarunt operam in tuendo fouendoque cœlibatu, & componendis sacerdotum moribus, vt ex plerisque decretalium titulis ac capitulis perspicuum est. Præsertim in ea arena diligentissimè vehementerq; sudarunt Innocētius secundus, Alexanderque & Honorius ea appellatione tertii. Quibus utpote spiritualibus viris potius, quàm carnalibus istis nuptiatoribus fides adhibenda est. Vt interim omittam examen catholicorum doctorum in hanc ipsam sententiam vno consensu conspirantium, vt mirum sit, qua audaciâ, vt ne dicam impudentia, leuissimorum hominum colluuiēs hac ætate insurrexerit, quæ obuiam ire audeat. Quæ omnia idcirco dicta sint, ne quis rationis temporum ignarus existimet institutum de cœlibatu recēs inuētum à neotericis aut

præfufibus, aut fynodis. Iam enim nemo id ignorare poterit, qui vel calculum temporum mente collegerit. Poteram & conciliorum catalogum inducere super huiusmodi coelibatus instituto, nisi scirem plura recēferi à Gratiano xxviii. diffin. toto penè decurfu. Insuper & xxxi. ex quibus cætera colligi promptiffime poterunt. Huc etiam fpectant canones, qui in tota caufæ. xxvii. quæftionis primæ area fparfim leguntur tam ex conciliorum, quàm pontificum manifestis fententiis ac decretis. Denique in concilio Carthaginenfi quarto cap. centefimo decimoquinto ita legimus, Si quæ viduæ fe deo denouerint, & in religiofo habitu apparuerint, & pofttea tranfierint ad nuptias: fecundum apostolum damnationem habebunt, quia primam fidem irritam fecerunt, vt vel hinc ognoscere poffis de mente Pauli fuiſſe votum continentię perpetuum ſenſu per eccleſiam approbato. Et hanc quidem mentem in Paulo agnoſcit Auguſtinus, qui ait, Quid eſt dicere, primā fidem irritam fecerūt? hoc eſt votum, quod in viduitate emiſerant de caſtitate ſeruanda; violauerunt, cum poſt tale votum emiſſum, nupſerunt. Huc conſpirat concilium Toletanum quartum ſimilibus penè verbis, Viduæ nempe aſtriçtæ voto, ſi ad nuptias tranſierint, iuxta apoſtolum non ſine damnatione erunt. Et de hoc voto continentię Auguſtinus ad Armentarium ſuum interponens iudicium, ait, Priuſquam eſſes voti reus, liberum fuit vt eſſes inferior: quanuis non ſit gratulanda libertas, quā ſit vt non debeatur, quod cum lucro redditur. Nunc verò quia tenetur apud deum ſponſio tua, non te ad magnam iuſticiam inuito, ſed à magna iniquitate deterreo. Non enim talis eris, ſi non feceris quod vouiſti: qualis māſſiſſes, ſi nihil tale vouiſſes. Minor enim tunc eſſes, nō prior. Modò autem tanto, quod abſit, miſerior, ſi fidem deo fregeris, quanto beator ſi perſolueris. Nec ideo te vouiſſe, pœniteat, imò gaude iam tibi ſic non licere, quod cum tuo detrimento licuiſſet. Aggredere itaque intrepidus, & dicta imple factis, ipſe adiuuabit, qui vota tua expetit. Felix eſt neceſſitas, quæ ad meliora compellit. Hæc Auguſtinus. Ex his palam eſt votum continentię perpetuum ex mediis ſcripturæ fluentis hauſtum eſſe, non (quod hæretici impudenter aiunt) humanum fuiſſe inuentum. Accedit ad cumulum

eiusdem August. sententia de fide ad Petrum cap. 3. Secun-
 dum apostoli dictum, qui statuit in corde suo firmus, non
 habens necessitatem: potestatem autem habens suæ volun-
 tatis, & voverit continentiam deo, deo debet eam vsque in
 finem tota mentis sollicitudine custodire, ne damnationem
 habeat, si primam fidem irritam fecerit. Similiter & coniu-
 gati viri & conjugatæ mulieres, si ex consensu perennem
 deo voverint continentiam: nouerint se sui voti obnoxios
 detineri, nec iam sibi debere commixtionem carnis, quam
 primitus licitam habuerunt, sed deo se debere continentiam,
 quam voverunt. Idemque cap. vigesimonono lib. de sancta
 virginitate, votum perpetuum his verbis commendat. Pre-
 sumite itaque, fideite, roboramini, permanete qui vouetis, &
 redditis domino deo vestro vota perpetuæ continentia, non
 propter præsens seculum, sed propter regnum caelorum. Et
 huius rei fidem perficit & auget idem ipse Augustinus ad
 Pollentium lib. primo cap. 24. Non solum autem mœchân-
 dum non est, quod facit non quidam, sed omnis qui dimit-
 tit uxorem suam & ducit alteram, etsi propterea duxerit ut
 faciat Christianam, sed etiam quisquis non alligatus uxori
 continentiam deo voverit, nullo modo debet ista compen-
 satione peccare, ut ideo credat uxorem sibi esse ducendam:
 quia promissit, quæ nuptias eius appetit, futurâ se esse Chri-
 stianam. Quod enim cuiquâ antequam vouisset, licebat, cû
 id se nunquâ facturum voverit, non licebit, si tamen id vo-
 uerit quod vouendum fuit, sicut est perpetua virginitas, vel
 continentia post experta connubia solutis à vinculo coniu-
 gali, vel ex consensu viuentibus & carnalia debita sibi in-
 uicem relaxantibus, fidelibus castisque coniugibus, quod
 alterum sine altera, vel alteram siue altero vouere phas non
 est. Hæc ergo, & si qua alia sunt, quæ rectissimè vouentur:
 cum homines voverint, nulla conditione rumpenda sunt,
 quæ sine vlla conditione voverunt. Quia & hoc dominum
 præcepisse intelligendum est, ubi legitur, Vouete, & red-
 dite domino deo vestro. Vnde & apostolus de quibusdam,
 quæ continentiam vouent, & postea nubere volunt, quod
 eis antequam vouissent, utique licebat. Habentes, inquit)
 damnationem, quoniam primam fidem irritam fecerunt.
 Nihil ergo expedit quod illicitum est, & nihil quod prohibet

dominus, licitum est. Et ut finem citandorum ex Augusti-
no lecorum faciam, quid in psalmum septuagesimumquin-
tum ipse pronunciauerit, referamus. Sunt vota propria sin-
gulorum. Alius vouet deo castitatem coniugalem, ut præter
uxorem suam non nouerit aliam, sic & femina ut præter vi-
rum suum non nouerit alium. Alii etiam vouent, etsi experti
tale coniugium, ultra nihil tale pati, nihil tale concupiscere aut
sustinere, & ipsi vouerunt aliquid maius quam illi. Alii vir-
ginitatem suam ab ineunte ætate vouerant, ut nihil tale vel
experiantur, quale illi experti sunt, & reliquerunt, & isti
vouerunt plurimum. Alii vouent domum suam esse hospi-
talē omnibus sanctis aduenientibus, magnū votum vouent.
Alius vouet relinquere omnia sua distribuendo pauperibus,
& ire in comunē vitam, in societatem sanctorum, magnū vo-
tum vouit. Vouete & reddite domino deo vestro. Quisque
quod vouere voluerit, voueat, illud attēdat, ut quod vouerit,
reddat. Vnusquisque deo quod vouet, si respicit retrorsum;
malū est. Hæc Augustinus. Post hanc itaq; veritatē in tanta
luce repertā quisquis vltius discutit, in luce caliginem, in
veritate mēdacium quærit. Illud enim certo certius est, quod si
sacri institutū coelibatus diuinæ displicuisset maiestati, nec
huiusmodi cōtinētum vitā heroicis decorasset virtutibus,
nec mortē miraculis illustrasset. Cōstat enim vel ipsius in-
eluctabilis veritatis auctoritate vnāquamq; arborē à suo fru-
ctu cognosci. Gratū igitur semper fuit monasticū, si ritē ser-
uetur, institutū, ex quo veluti ex equo Troiano, clarissimi
toto orbe Christiano heroes prodire. Ut iam mirū sit, post
tā insignia documēta quis lethæus sopor nostræ ætatis he-
reticos detineat: quis lethargicus stupor mentē eorū obscu-
ret, ut ea damnet, quæ potius suspicere, admirari, laudibusq;
in cælū tollere debuerāt, nisi quod excæcauit eos malitia eorū,
& ut sapiens ait, In via stultus ambulans, cum ipse insipiens
sit, omnes stultos æstimat. Adeo procliuē est stupidis ac de-
liris istis hominibus reliquos suo pede metiri, & ex seipsis
tantū de aliis sumere cōiecturā, quasi nemo illuc attingere
possit, quod ipsi luto infixi, humiq; repētes, suisque inuiscati
sceleribus nequeant assurgere. Huc commodū se offert
assuendū, & (ut sic dicā) agglutinādū virginitatis encomiū
ex Hildeberto Cenomanēsi episcopo ad quandā reclusam.

Quæ nã (inquit ille) quies esse potest animæ, cui vel mæritus est pro supplicio, vel conscientia pro flagello? His accedunt innumeræ formandi seminis molestiæ, quæ cõceptũ nunciant, naturam persequuntur. Vultũ pallor inficit, caput vertigine fatigatur, renũ dolor assiduus, stomachi frequēs indignatio. Esuritur etiam inter delicias, & quibusdã nubes oculis circumvolantibus oculi tenebescunt. Hæc & alia nuptiarum incõmoda, quæ numerare longum ducens apostolus, Tribulationẽ, inquit, sustinebunt huiusmodi. Nec tamẽ nuptiis detraho. sed labori requiẽ, seruituti præfero libertatẽ. Virginitas enim quedã carnis libertas est, nihil illi debens seruituti, de qua dicit apostolus, Mulier nõ habet potestatem corporis sui, sed vir. Virginitas maritalis ignara negotii, nõ labores puerperæ, nõ noui partus spurcitiæ experitur. Virginitas vigilias nutriticis ignorans q̃ multa suppellectile. quibũsve sorbitiunculis alũnus indigeat, nõ inquirat. Virginitas cõtenta paruo, sollicita est pro natura, nõ ambitiosa pro matrona. Virginitas curarũ est silentiũ, pax carnis, vitiorũ redemptio, virtutũ principatus. Virginitas angelicam redolens cõuersationem cantat canticũ nouũ, canticum felix, canticum quod nemo potest dicere præter eos, qui cũ mulieribus nõ sunt coinquinati. Cantat aliquid virgo, quod vidua cantare nõ potest, quod nõ potest cõiugata. Quicquid autẽ cõiugata cantat vel vidua, totũ potest cantare virgo. Porro canticũ omnium laudem creatoris & actiones intellige gratiarum. Laudant ergo Christum virgines Christi, laudant viduæ, laudant etiã coniugatę. Laudat cõiugata: quia ex eo habent, q̃ vel nubunt præter culpam, vel operibus misericordiæ redimunt, quã nubendo cõtrahunt culpã. Laudat viduæ, quia ex eo habent, q̃ ex parte nuptias secundũ deũ, denuò dedignantur nubere propter deũ. Laudant innuptæ: quia ex eo habent, vt quibus licuit hominibus nubere virginibus spiritu, deo nubere mallent & carne virgines & spiritu. Ecce sacrarum virginum canticũ sacrũ, canticum non vetus, sed nouum, non illius scilicet Adæ, in quo & per quem mentis & carnis corrupta est integritas: sed eius, in quo & per quem non solum sanata, sed etiam super angelos glorificata est humanitas. Huius laus & exultatio virtus, canticum est quod ignorant viduæ, quod ne-

feiunt coniugata. Cæteris nimirum virtutibus exultare pos-
 sunt, & agere viduæ bonæ gratias: possunt etiam nuptæ, si
 tamen bonæ. Ex virginitatis autē bono nec nuptæ possunt,
 nec viduæ quauvis bonæ. Solis virginibus virtus est ista à
 Christo, Soli istius præmium virtutis & à Christo & cum
 Christo. Cum Christo quippe cōmunem quodāmodo for-
 tiūtur coronā virgines Christi, quæ solæ iuxta Ioannē se-
 quūtur agnum quocunq; ierit. Hūc agnum viduitas quidē
 sequitur, sequitur etiā cōiugalitas. Cæterum nō quocunque
 ierit, vel iugalitas eum sequitur vel viduitas. Vtraq; etenim
 cæterarū virtutum tramite sequi potest agnū, quoniā potest
 imitari Christū. Per virginitatis verō semitā neutra potest
 agnum sequi: quoniam Christū neutra potest imitari. Vir-
 ginitatis enim reflationē sperare, naturæ obliuio est. Cā-
 tant enim canticū nouū solæ virgines Christi. Solæ sequū-
 tur agnum quocunq; ierit. Quibus quippe fuit cū Christo
 quoddam virginitatis participiū, quoddā est & in præmio
 consortiū. Sub hoc autē sponso fœcūditatē nō impedit in-
 tegrilas, nec famulante cōcupiscentia filii procreatur. Bea-
 tum sane coniugiū non cotidianis onerosum molestiis, nō
 de christiano sollicitū, nō virginitati suspectū. Beata nimi-
 rum sponsa, cuius pudor dū concipit, nō deperit: dū gene-
 rat, nō laborat. Beatissimus etiā sponsus, cui, nisi cohæreat
 nulla virgo est, nulla casta, nisi eū diligat: nulla libera, nisi
 ei seruiat. Eius amore nihil honestius, quo nec regia eru-
 bescit sublimitas. Eius amplexu nihil mirabilius, ex quo pa-
 rit, nec perit virginitas. Eius prole nihil viuacius, cum qua
 nulla propagatur mortalitas. Eius dote nihil vtilius, in qua
 sufficientiam comitatur æternitas. Is in sponsa sua transi-
 toriam non quærit pulchritudinem. Non intexto vestibus
 auro, non splendore natalium gloriatur. Affectatus decor
 & quicquid aliud quā quod natum est, oculos fascinat
 intuentes: odium prouocat, non gratiam: repudiū, non fa-
 uorem. Ille nimirum deformem non aspernatur speciosus
 forma præ filiis hominum: pauperi lubens copulatur, diues
 in omnes qui inuocant illum, distortas amplectitur & gib-
 bosas, cui semper oculus simplex totum corpus lucidum fa-
 cit. Generosa non attendit nomina, generationem eius
 quis enarrabit? In decrepitas ardet aniculas primogeni-

tus ante omnem creaturam. Nullam sterilitatis arguet, qui habitare facit sterilem in domo, matrem filiorum lætatem. Vnde tamen est, quo ille sponsam ablaſcat, & propriam difſitetur. Huius etenim ratio diſſidii ſola mentis eſt corruptela. Mentis deformitas offendit virum, ſponſalia diripit, abjudicat dotem, eliminat introductam. Mentem tuus amans explorat, & ex eius qualitate vel dictat repudium, vel maritum pollicetur. Huic autem ſuſpecta eſt ſuperbia: nec fieri poteſt, ut cum eo in gratiam reuertatur. Diuerſum eſt utriſque hoſpitiū, nec in eodem cohabitāt animo, quibus non licuit cohabitare in cælo. In cælo nimirum nata eſt ſuperbia, ſed velut immemor, qua inde via ceciderit, illuc ultra redire non nouit. Ea de ſupernis corruens, & parentans in terris, omnibus ſuis apud inferos æternam pepigit manſionem. Ipſa expreſſiſſimis & ſimplicibus orta ſubſtantiis, puros adhuc animos inquietat, auſa victoriam ſperare de homine, quæ de angelo triumphauit. Vale atque in valle humilitatis diuinarum ſtillicidiis ſcripturarum pudicitæ lilium ne marceſcat irrigare memineris. Hæc ille.

Erant certè deo dicatæ virgines iuxta Theodori hīſtoriam lib. primo cap. xviii. quo tempore Helena Conſtantini parens, & pietatis cultrix, Hieroſolymam petiit annos fermè nata octoginta. Sic enim refert Theodorus de Helena loquens, fecit & aliud dignum memoria laudatiſſima illa & ſuſpicienda regina. (Reginam vocat regæ maiestatis parentem) Congregatis enim virginallis vitæ cultricibus plurimis, ſedilibus præparatis, diſcumbere illas iuſſit, & ipſa circumiens ut ſamula miniſtrauit, cibum apponens, pocula porrigens, vinum inſundens, & pelui allata aquam inſudit manibus illarum. Ex his facile intelliges ſacrarum virginum choris eam non caruiſſe ætatem.

Conſtat ex his quæ dicta ſunt, frequentes fuiſſe virginum conuentus ad tuendam conſeruandamque virginitatem voto ſacramentoque adſtrictas. Quòdque magis mireris, idem ipſe Philo, quem ex Euſebio lib. octauo Polydorus citat, nobis locupletiſſimus teſtis erit Eſſeorum inſtitutum ac placitum ſacramento fuiſſe firmatum, cum dicat ad huiusmodi inſtitutum non admitti aut pueros aut adoꝝ

Iescentes propter instabilitatem ætatis, & quod sequitur, istud est. Quod igitur summè deum diligant, multa nobis argumento sunt, castitas perpetua, iurisiuradi nulla mētio, mendacii odium. Et paulò mox sequitur, Nullus domū habitat, quæ omnium communis non sit. vnum ærarium, vnus sumptus omnibus est, præterea vestis communiter omnib⁹ proposita, communis cibus & potus, cōmunis mensa, denique omnibus cōmunis vita. Quis hic nō agnoscat perseuerantem vsque ad mortem & castitatem & vitæ cōmunionē, à qua non sit liberū reſilire? Id quod manifestius etiam in fœmineo sexu idem ipse Philo docet, Christianam therapeuticen commendans à primis ecclesiæ cunabulis exortā. Cum viris (inquit) quos dicimus, sunt & fœminæ, in quibus plures iam grandæux sunt virgines, integritatem casti corporis non necessitate aliqua, sed deuotione seruantes, dum sapientiæ studiis semet gestiunt non solū animo, sed & corpore consecrare, indignum libidini mancipare vas ad capiendam sapientiam præparatum, & edere partum eas, à quibus diuini verbi sacrosanctus, & immortalis expetitur, ex quo posteritas relinquitur corruptelæ mortalitatis obnoxia. Obsecro, quæ nā foret huiusmodi vsque ad mortē deo sacrata virginitas, nisi voto firmata foret? An non huius voti forma præcesserat in deipara & semper intacta virgine, cū diceret, Quo modo fiet istud, quoniam virū non cognosco? aliàs non operosum fuerat expectare partum, nisi & in præsens & in posterū idem perseuerasset animi institutum.

Diua Iphigenia nisi voto castitatis perpetuò se alligatam sensisset, non vsque adeò constanter Hirtaco regi, & eius nuptias poscenti, & religionis Christianæ iugo ea lege se submittenti, postulata denegasset. Ex his itaque constat nunquā defuisse therapeuticæ perpetuæ continentiæ vota, vt iam non dicamus hanc votorum institutionem aut humanitus aut recens esse inuentā, quin potius cœlitus & prius admodū ritu ad nos vsque deriuatam: quin & omnem in hac re scrupulum diuus Paulus amputat, dum etiā viduis proprio obligatis sacramento & voto omnem nubendi facultatem adimit, vt iam nemo integra religione de votorū obseruatione etiam ab ipsis ecclesiæ primordiis dubitare queat. Ait ille secunda ad Timotheum tertio, Adolescen-

tiores viduas deuota. & sequitur, Sibi damnationem acquirunt, quia primam fidem fregerunt. Hic quid aliud intelligi potest, nisi violatum castitatis votum, cuius fractio damnationē meretur? Qua de re alio etiā differitur loco. Fuit igitur ab omni æuo ante Benedicti tempora apud nonnullos, præsertim therapeutas, perpetuæ etiam castitatis professæ votôq; firmata obligatio. Noster insuper Dionysius Galliarum & præsul & apostolus, therapeutica professionis locupletissimus testis est, cuius super hac re sententias non est ut recenseam, ut quæ sint omnibus hierarchiam ecclesiasticam perlustrare volentibus obuię. Fuit etiā diui Irenęi ætas conscia huiusmodi votorum, ut quisq; agnoscat nullam ætatē ab ecclesia nascente huiusmodi therapeutica professione fuisse vacuam. tātum abest, ut recens nata fuisse credatur. Nam eo ipso Irenæo authore lib. aduersus hæreses tertio, pontifex Eleutherius illius temporis assecla præsulatum tenebat Romanum, idque sub annum domini centesimū nonagesimum plus minus. At verò Urbanus huius nominis primus, proximè secutus videtur hæc tempora. (agnoscet quod dico, quisquis chronographiam viderit) Is inquam Urbanus apertissimè declarat in sua decretali epistola, cui titulus, De rerū communione, tum temporis ipsam communionem ex professione voti fuisse obseruatam. Nam posteaquā omnes Christi baptismo renatos adhortat⁹ est, demum ad eos descendit, qui se voto adstrinxerunt, dū ait, Et quicumq; vestrum communē vitam susceptam habet, & nouit se nihil propriū habere, videat ne pollicitationē suā irritam faciat, sed hoc quod domino pollicitus est, fideliter custodiat, ne damnationē, sed præmiū sibi adquirat: quoniam satius est non vouere, q̃ votū prout melius potest, nō perficere. Grauius enim puniūtur, qui votū fecerūt, aut fidē perceperūt, & votū nō perfecērūt, aut malē vitā finierūt, q̃ illi q̃ sine voto aut fide mortui sunt, & tamē bona egerūt opera. I nūc, & si poteris, nega hāc ætatē voti paupertatis fuisse ignarā. Quātū autē Cypriani seculū in huiusmodi votis sese exercuerit, antiquitatis scrutatorib. notū esse existimo, q̃ huc quicq; à nobis debeat recēferi. Verū ut nonnullorū labori parcā, quos magis ociū q̃ labor ingredi delectat, pferā nonnulla diui Cypriani testimonia, quibus apertissimè cōstabit nō

memoriam modo votorum, imo & ipsum vsum illo seculo Christianis fuisse frequentissimū. Vt interim omittā quod Tertulianus non modo de hac re sententiā tulit, imo vero de velādis virginibus iustū volumen edidit. Quodq; idem ipse Cyprianus mox vt ad fidē Christi conuersus est, omnē suam substantiā pauperibus erogauit: quo fit vt haberet, quibuscum in cōmune viveret. Verū q̄ aperte attestetur huic votorū obseruantix, ipsius sententiā non obscure demonstrant. Diuus Cyprianus ad Quirinū, vbi de voto agit, meminit voti paupertatis: quod etiam probat ex Actis Apostolorū cap. 5. Cur impleuit Satanas cor, tuum mentiri, te spiritui sancto: non hominibus mētitus es, sed deo. Quam sententiā ad votū pertinere censuit, vt scias communicationē bonorū sub voti vinculo cōsistere. Quod autē alio in loco permittere videtur virginibus, ne vratur, vt nubāt: illud ante votū emissum intelligi oportet: aliās euanesceret illud quod idē ipse citat ex Deuteron. cap. 23. Quæ egrediuntur per labia tua, obseruabis, & facies quod locutus es ex ore tuo. Nam de voto adstrictis sanctimonialibus etiam velle nubere, perniciosum esse & damnabile ostendit, cū paucis interiectis subnectit, Si superueniens maritus sponsam suam iacentem cum altero videat, nonne indignatur & fremit? & per zeli dolorem gladium in manu sumit? Ita Christus iudex noster cū virginem sibi dicatam, & sanctitati suæ destinatam iacere cum altero cernat, quantum indignatur & irascitur? Quæ, inquit, hoc crimen admisit? Non mariti, sed Christi adultera est. Hæc ille. Hæc nimirū sunt voto adstrictæ, quibus nullatenus nubere licet, etiam Cypriano auctore. Non ergo de omnibus intellexit, dum ait, Si perseuerare nolūt vel non possunt, meli⁹ est vt nubāt. Istud enim ante voti vinculum, illud post emissionē accipiendū est: cōsentiente diuo Hieronymo, qui aduersus Iovinianū ait, Si nupserit virgo, non peccauit: non illa scilicet virgo, quæ semet dei cultui dedicauit. Harum enim si qua nupserit, habebit damnationem: quia primam fidem irritam fecit. Virgines quæ post consecrationem nupserint, non tam adulteræ sunt q̄ incestæ. Hæc ille. Illud non omittam, quod in hanc rem protulit idem ipse diuus Hieronymus ad Paulinū de institutione monachi, Si cupis esse quod diceris mo-

nachus, id est solus: quid facis in urbibus, quæ utiq; non sũt solorũ habitacula, sed multorum? Habet vnũquodq; propositũ principes suos. Romani duces imitentur Camillos, Fabios, Regulos, Scipiones. Philosophi proponant sibi Pythagoram, Socratem, Platonem, Aristotelem. Poetæ æmulentur Homerũ, Vergiliũ, Menandru, Terentiũ: Historici, Thucydidem, Salustium, Herodotũ, Liuium: Oratores, Lysiam, Gracchos, Demosthenem, Tulliũ. Et vt ad nostra veniamus, episcopi & presbyteri habeant exemplũ apostolorum, & apostolicos viros. quorũ honorem possidẽtes, habere nitantur & meritũ. Nos autem habeamus propositi nostri principes, Paulos & Antonios, Iulianos, Hilarionem, Macarios. Et vt ad scripturaru authoritatẽ redeam, noster princeps Elias, noster Elisẽus, nostri duces filij prophetaru, qui habitabant in agris & solitudinibus, & faciebant sibi tabernacula prope fluentia Iordanis. De his sunt & illi filij Rechab, qui vinũ & siceram non bibebant, qui morabatur in tentoriis, qui dei per Hieremiã voce laudantur, & promittitur eis, quod non deficiat de stirpe eorũ vir sanctus stans corã domino. Hæc ille. Nec obscure hanc perpetuã continentiam agnoscit Chrysostemus in sermone de libello repudij, ita inquit, Etiam si nupserit virgo, non peccauit: virginem hic dicens, non eam quæ renunciavit, sed eã dũtaxat quæ nondum experta est coniugium, & non factam obnoxia perpetuæ virginitatis promissione. Hæc sunt, quæ therapeuticam illustrem ac omnibus orthodoxis gloriosam reddũt, soloq; nomine venerandã: adeo vt quisquis eius glorię inuidet (inuidet autẽ quisquis arrodit monachismum) impium ac irreligiosum se esse demõstret. adeo nemo malus bonum institutum vnquam fauore prosequitur. Cõtra vero probi omnes ac religiosi monachismum (si modo illic sancte viuatur) aut amplectuntur, aut nisi quid aliud possint, laudibus attollunt.

Reliquum itaque est amplius ac diffusius altera, quæ mox sequitur, huius operis sectione instituti monastici venerandam antiquitatem, euangelicæ paupertatis opibus dotatam, continentię ac cõlibatus puritate illustrem, ac profundæ obedientię radicibus innixam, ex vetustissimorum authorum sententiis demonstrare: quanquã de cõ-

libatu plurima ex dictis colligi possunt: quæ quidem omnia in monachismo non satis agnouisse Erasmus Roterdamum sero tandem pœnituit. verum sat cito, si sat bene. Docet hoc ad Cartusianum quendam propria ipsius manu scripta palinodia: quam hoc consilio contexere libuit, vt si qui imitati sunt peccantem, imitentur & ipsi pœnitentem. quando in priore rubor & verecundia, in posteriore vera est constituenda gloria.

TOMVS SECVNDVS,

De Monasticorum ordinum primordiis.



Squeadeo non est res seu recēs seu humanitus adinuēta Therapeutice, vt sit poti⁹ priscū, imo inter prisca antiquissimū, cœlitūsq; demissū institutū. Therapeuticē appello monasticæ vitæ formulā. Nam therapeutæ olim cultores seu monachi dicebantur, qui anachoresin obseruabant, & seuerioris vitæ institutum, quæ monachismū dicere possumus. Formula enim est vitæ syncerioris ac defæcatæ, cuius obseruatores seculo vale dicentes, se totos vitæ contemplatrici ac theoricæ deuouebant. Constat autē Eliæ Elisæq; tēporibus non defuisse ampla ac numerosa therapeutarū, qui tum prophetæ cēsebantur, collegia atq; cœnobia. id quod plane liquet ex 3. Reg. 18. cap. Abdias autē timebat dominū deū valde. Nam cū interficeret Iezabel prophetas domini, tulit ille centū prophetas, & abscondit eos quinquagenos & quinquagenos in spelūcis, & pavit eos pane & aqua. Quod autem huius cultores instituti negociis secularibus de more renunciarent, vel hinc patet, q̄ 3. Reg. 19. Elisæus dixit ad Eliā, Osculer, oro te, patrem meum & matrem meā: & sic sequar te. Qui etiā iuxta tunc tēporis floruisse therapeutarū collegia siue cœnobia vel hinc patet, quod 4. Reg. 1. scribitur, Egressi sunt filij prophetarū, qui erant in Bethel ad Elisæum. Erant autem filij eruditione & disciplina, non natura, mutuo conuiuentes, ac rebus diuinis vacātes. & hinc

4. Reg. 4. habetur, Erat autem fames in terra, & filij prophetarum habitabant coram eo. Et paulo mox eiusdem cap. 6. dixerunt filij prophetarum ad Elisæum, Ecce locus in quo habitamus coram te, angustus nobis est: eamus usque ad Iordanem, & tollant singuli de sylva materias singulas, vt ædificemus nobis ibi locum ad habitandum. Hinc liquet non defuisse cœnobarum numerosa collegia, qui deo seruientes, rebus mundanis vale dixerant. Viguit itaque monasticum institutum sub Elia & Elisæo, anno ab orbe condito aut supra quater millesimum ducentesimo nonagesimo, quo scilicet tempore Elias Thebites in eo curru in cœlum euehitur, qui est annus ante natalem Christianum nongentesimus nonus.

Ordo insuper Therapeutarum seu monachorum multo tempore floruit apud Iudæos in Phariseorum Essenorumque collegiis. Nam cum syncerioris vitæ essent Esseni, præstarentque cæteris, constat Phariseos suo viuendi instituto, si in eo syncere perstitissent, commendabiles fuisse, cum de eis dicat Paulus in Actis cap. 26. Quoniam secundum certissimam sectam nostræ religionis vixi Phariseus. & nunc in spe, quæ ad patres nostros repromissionis facta est à deo, isto iudicio subiectus, in quam duodecim tribus nostræ nocte ac die seruientes, sperant deuenire. Neque enim rectum Phariseorum institutum reprehendit Christus, sed simulatam eorum religionem, & aduectas de capituli proprii officina superstitiones: quibus ademptis, nihil est cur vituperandi fuissent Pharisei. Nos autem de pura eorum religione loquimur, non de simulata ac superstitionosa. Atqui ex Iosepho, atque aliis probatis authoribus, plane constat Essenorum familiam insignis fuisse continentia, qualis est quæ ordini monastico congruit. Floruerunt autem huiusmodi instituta tempore Machabæorum, ante Christum natum annis plusquam trecentis. Nam de Essenis Iosephus lib. 18. cap. 2. Antiquitatum ait, Iudæorum philosophos fuisse, qui cuncta in deum redigunt, immortalem dicunt animam, sacrificia communia habent, vxores non ducunt, nec seruos habere curant. Hi erant sui tēporis therapeutæ seu monachi. Sed de hac re suprâ copiosius.

Canonicos dicimus, qui ex cōmuni placito ac voto ora

tionem ac mutue bonorum distributioni obnoxij erant. Eratautem hoc veluti elementum quoddam atque exemplar futuræ communis in ordine canonicorum, qui triplici voto adstricti se regulares appellat. quem D. Augustinus logo post tempore instituit, ab apostolico fonte se hausisse proficitur. Hic ergo ordo statim ab orbe recepto primum illuxisse visus est tempore Apostolorum: quoniam erat credentium cor unum & anima una, nec quisque proprium aliquid se habere dicebat. Anno à Christiano natali 24. floruit huiusmodi Therapeutarum institutum, quod postea desit esse omnibus Christianis commune: sed redactum est tandem in eorum sortem, qui temporibus Philonis sobrie ac continenter vixerunt: ut authores sunt idem Philo & Euseb. lib. 2, 16, & 7. capitibus. quam sententiam confirmat D. Areopagita Dionysius, qui ad Caium Demophilum; Therapeutas scripsit, eos proprii admonens instituti. Sed & Georgius Pachymeres ipsum Philonem ita loquentem introducit, In plerisque orbis regionibus hoc genus monachorum repire est. Oportebat sane boni istius sic perfecti fieri participem non Græciæ solum, sed & reliquam gentium barbaricam. Eorum enim, qui à solitaria singularique mansionem cognomentum sortiti sunt monachi in Aegypto, quorum numerus creberrimus est maxime circa Alexandriam. Ut enim ubiuis gentium quisque est optimus, in eam concurret demigrare coloniam, inde atque in patriam therapeutarum. Addit insuper Philo huiusmodi therapeutas lucem diurnam totam philosophiam impedere solitos, & corporis curam in breue noctis transferre momentum, asserens nonnullos in tertium diem, alios vero in sextum diem distulisse cibum. Hæc de tertia monastici instituti ætate dicta sint. Superest alios percurrere monachorum ordines, ordinumque origines.

Ab hoc prisca monachatus ævo affulgere coepit, & totis (quod dicitur) radiis orbem illustrare efficacissimum vitæ monasticæ institutum, utpote sanctis legibus regulisque ita circumseptum, ut limites designatos neque ad latum quidem unguem transilire liceret. Viguit hæc formula in Anachoretis, quos ab eremi cultura Eremitas vocamus. Qui si quando gregatim agerent, monachi cœnobitarum: si vero selectim ac priuatim, Anachoretæ dicebantur. Hoc genus therapeutarum sub Constantino Imperatore floruit, ducibus & antesignanis Paulo eremita non primo, ut quidam voluit: eum enim Io-

nes Baptista lógo pręuenit interuallo, Antonio, Hilarione, ac cæteros authoribus. Incidit gloriosum illud Anachoretarum (vt sic dicam) apicium in annum à Christiano ortu trecentessimum, Siluestro Papa, & Constantino imperatore. Erant enim tum temporis in vasta eremo sub Pacomio Patre innumerabiles monachi, sub Amos abbate ad numerum fermè quatuor milium chiliadum, præter alia cœnobìa monachorumque conuentus, qui nullo comprehendì poterant numero. Hic interim nobis dicetur ordo Anachoretarum, qui in eo viuendi instituto penè perdurarunt vsque ad tempora diuorū Basilii, Chrysostomi, Hieronymi. Fuisse his temporibus ex voti professione virgines Theodoritus author est libro 3. cap. 6. Ascalone, inquit, & Gazæ mulierum perpetuam virginitatem professarum aluos dissecuere, & ordeo compleuere, ac porcis escam obiecere. Itē 19. eiusdem, Publia nobilissima fœmina. Hæc habebat secū virginum castitatem vitæ professarum: hæc omnia erant tempore Iuliani Apostatæ, & qui eum præcesserat Constātij Imperatoris anno 340.

Ordo Basilianorum, qui certis legibus, viuendiq; formulis à diuo Basilio editis viuere cœperunt, cœpit illucescere orbi sub magno Pontifice Damaso, Imperatore Iuliano, Basilio Magno, Gregorio Nazianzeno, Hilario Pictauiensi, Ioanne Damasceno, diuo Hieronymo, Martino Turonensi, ac reliquis insignioris notæ pontificibus, qui sub id tempus mirum suę sanctitatis, atque eruditionis inæstimabilis odorem sparserunt. Extat huius ordinis regula diuo Basilio authore. De hac re Theodoritus in catalogo. Huius scilicet Basilij sunt psalmorum matutini cantus, & cœtus virorū ac mulierū virtutem & continentiam exercētū, ἀσκήσεις Græci dixerunt.

Ordo Augustinianus à diuo Augustino regula ac legibus descriptus, florere cœpit circiter annū domini quadringentesimum trigessimum, summis ecclesiæ pontificibus Siricio & Innocentio, imperantibus Theodosio, ac deinde Arcadio, Hieronymo, Ambrosio, Chrysostomo, diuo Martino, Gregorio Nazanzeno sui claritate nominis orbem illustrantibus. Hunc ordinem non tam à se institutum quam ab Apostolis derivatum idem Augustinus censeri voluit.

Plura ea de re & fusius ex Volaterrano libro Commentariorum vigesimoprimum haurire poteris. Hic ordo quū multis annis à sua synceritate defecisset, primū restitutus est suæ integritati à diuo Northberto Præmonstratensis familiæ institutore: deinde sub annum Domini millesimū quadringentesimum per Frigionariam congregationem, aliàs appellatam Lateranensem, in Italia in legitimum ordinem redactus: nouissime vero in Gallia à congregatione, quam appellant Castrinantonis (vulgo Chasteaulandon) suæ puritati restitutus circiter annum millesimum quingentesimū. Qui viri in hoc ordine floruerunt, ex Raphaele Volaterrano discere poteris. Diffusa est in multa hominum milia hæc Augustiniana familia. Aiunt enim cœnobيا olim in Europa ad quatuor milia sexcentaquinque inuenta fuisse, habuitque sui instituti pontifices maximos, Gelasium primum, Leonem octauum, Alexandrum Paschalem, Luciumq; secundos. Itemque Alexandrum, Innocentium, Honorium, suæ nomenclaturæ tertios. Cardinales amplius trecentos, deniq; viros sanctitatis opinione præstantes & celebratos plus minus septies mille quingentos.

Ordo Benedictinus initium sumpsit in monte Cassino circiter annum Domini quingentesimum trigésimum sub id tempus, quo Gregorius Magnus, Mauricio imperante, ecclesiæ præsulatum tenebat: quo tempore floruit, viguitque vitæ regularis ac continentiæ virginis diuæ Brigide sacrum tyrocinium. Ex hoc vno augustissimo sanè, ac sanctissimo viuendi instituto, veluti equo Troiano, innumeri monasticæ integritatis pcceres prodierunt: quandoquidē emisit huius fœtura ordinis Romanos pontifices quatuor & viginti, Cardinales præter cœturiam octogintatres, Abbates insignes supra chiliadem quingentos septuaginta. Lapsa demum in quibusdam locis syncerioris vitæ tenere, repullulauit ordo Celestinatorum, de quo mox plura dicturus sum: tandēq; sub Eugenio quarto surculus emerfit congregationis sanctæ Iustine, quæ transuersos à linea, deuiosq; tyrones regulari exēplo ad viā reduxit. Senserūt eiusmodi purioris regulæ nitorē in Gallia conuētus Casalilis Benedicti, diui Sulpitij cœnobiū apud Bituricas, Gemeticense item claustrum in agro Caletensi, diui Vincentii tē

plum apud Cœnomanos, demum apud Lutetiam Parisiorū diui Germani Pratenſis eſdes. Hi omnes cultioris ac ſynce rioris vitæ exemplar, ab vnius congregationis fonte, diuæ ſcilicet Iuſtinæ pie ac religioſe receperunt.

Ordo Cluniacenſis emerſit anno Domini nongentefi mo duodecimo. Præerat tum ſedi apoſtolicę Anaſtaſius ſe- cundus, imperio vero Conradus primus, authore Bernone ſuccedētibus illi Abbatibus Odone, Adamaro, Maiolo pri- us Maticenſi archidiacono, Odibone, qui defunctorū me- moriam orbi inuexit, celebremque reddidit, annuo ritu ob ſeruandam, Hugone, viris opinione ſanctitatis clariſſimis.

Ordo Vallis vmbroſæ illuxit orbi Chriſtiano anno do mini milleſimooctauo. Alij vero referunt huius originem in annum milleſimum ſeptuageſimum ſeptimum ſub Gre- gorio ſeptimo: authore Ioanne Galberto Florentino, Simo niacæ labis vehementiſſimo inſectatore.

Ordo Humiliatorum prodiit in lucem anno Domini milleſimo decimoſeptimo. Hi primū exilio mulctati ab Henrico Imperatore tertio, vnā cum vxoribus diuinis lau- dibus, abſtinentię ac lanificio egregiam nauarunt operam. demum ſibi redditī, priorem vitæ formulam aut tenuerūt, aut certē auxerunt, vt ſemimonachi cenſeantur. Probator ordinis Innocentius tertius.

Ordo Camaldulenſium primordia ſumpſit anno Do- mini milleſimo trigefimotertio, diuo Romualdo authore, Benediſto nono Pontifice: in hocq; emerſiſſe videtur, vt Benediſtinum ordinem lapſum ſuo reformaret exemplo.

Grandimontenſis ordo pullulauit anno milleſimo ſe- ptuageſimoſexto. Caput ordinis Stephanus Stephani nobi lis Aruernus. Prima ſedes ſita fuit ad montem Muretum. Loricam nudo corpore geſtabat, vixit nihilominus annis octoginta.

Cartuſianus ordo, de quo ſuprà dictum eſt, vigit ſem- per & floruit, hucusque illibatus permanens, ſui ſemper ſi- milis, nulla ex parte vacillans, ab anno Domini milleſimo, octogefimoſexto. In ſuo ſemper inſtituto perſeuerat, au- thore primario Brunone Canonico Carnotenſi, patria Colonienſi, ſcholæ Pariſienſi rectore ſua etate clariſſimo, primo ordinis abbate Hugene Gratianopolitano præſule.

Ordo Sifertienſium ſub dño Roberto Molifmenſi, de quo ſuprà plurima tradidit Robertus, originē habuit anno domini milleſimo nonageſimoquarto. Cui ordini proximē ſucceſſit, tanquā ramus ex radice, flore fruſtuque ſua uiſſimus Clareuallenſis ordo, diuo Bernardo authore primario: idque ſub anno Domini milleſimo centeſimo trigeſimoquarto ſub Stephano abbate Sifertienſi.

Ordo Celeftinorū ortū habuit anno dñi milleſimo nonageſimoſexto à Petro de Murrone, eremita primū, deinde in ſummum pontificem electo, qui Celeftinus quintus dicebatur: tandemque pontificatum abdicauit. Verum egregiam ſanè poſt ſe familiam relinquens, Celeftinorum clariſſimè ſuæ ſanctitatis, celeberrimi que exempli commendationem poſteritati reliquit. Hi enim ſunt Celeftini, qui Carthuſianis moribus quadantenus ſimiles, conſtantiffimè hucusque in ſua integritate perdurarunt. nec à primaria institutione vel ad tranſuerſum quidem vnguem reſceſſiſſe deprehenduntur. Iſtos, vt Carthuſianos in officio ſemper continuit ſolitudo, viſitatio & ſilentium. Nam caput exēptile facit, vt omnes regulæ ſint ſubditi. Hinc ortum adagium, plus prudentiæ continens, quàm verborum elegantiæ. Per ſo, ſi, vi, tenetur Carthuſia in vi. So. i. ſolitudinē. Si. i. ſilentiū. Vi. i. viſitationē. Nā viſitatio & caput exēptile faciūt, vt leges præſint regibus potius, quàm reges legibus.

Ordo Templariorum inſtitutus eſt anno Domini Milleſimo centeſimo vigefimo. Hi ſcilicet Templarii præter militiam profeſſam, religionis ergo orationem dominicam certo numero repetitam pro canonicis horis pronuntiabant, albo amiſtu veſtiti.

Ordo Præmoſtratenſis à loco præmonſtrato ſic dictus, vt quē diuo Nortberto, natione Lotharingo, angelus præmoſtrarat inſtar mōtis Moria: qui appellatus eſt mons, quē Dominus viderat. Hic, inquā, locus Præmoſtrat⁹, nō de ppe moſtrat⁹, vt aliqui volūt, hodie quoque manet toti⁹ ſedes ordinis in medio ſit⁹ nemore in diœceſi Laudunenſi. Eſt autem Laudunum, quaſi mons popularis. Erigi cœpit ſub Calixto ſecūdo, anno domini milleſimo centeſimo vigefimoſecundo plus minus: in hoc inſtitutus, vt lapſus ordo canonicus Auguſtini ſuas detergeret ſordes, & huius Nortberti

106na87r

suorumq; assclorum exemplo meliorem formā indueret.

Ordo Gulielmitarū autore Gulielmo olim duce Aquitania, initium habuit anno Domini millesimo centesimo, quinquagesimooctauo plus minus. Huius familiae alumni etiamnum Albi Mantelli dicuntur, quo velamine quondā tegebantur, nunc vero cuculla induti incedunt. Gulielmus autem qui huic instituto dedit originem, dux Pietauiensis erat, fautor schismatis, stans à parte Petri Perleonis antipa- pæ aduersus Innocentium secundum: qui diui Bernardi zelo commotus, omnem ferociam exuens, anachoresin seueris- sime exercuit, ferrea ad nudam cutem cathena alligata, pœ- nitentiæ posteris reliquit exemplum. Hæc est imitatio de- xteræ excelsi, qui tangit montes, & fumigant: quique fero- cem leonem in mitissimum agnum conuertit.

Ordo semperac superbeatæ & benedictæ Trinitatis, de redemptione captiuorum in agro Meldensi, loco frigi- di cerui appellato, Gallicè Cherfroit, indicio semper ad- orandæ crucis cœlitus effulsit: idque anno Domini mille- simo centesimo nonagesimoseptimo, Ioanne Matta, & Fe- lice anachoreta authoribus: quibus apparuit è cœlo crux rubri cœruleique coloris. Qui ordo in hoc ab Innocentio tertio approbatus est, vt huius professores redimēdis è fau- eibus infidelium captiuis assiduam darent operam.

Anno domini millesimo ducentesimo suo fulgore or- bem illustrauit ordo Dominicanus fratrum prædicatorum sub Dominico Calaguritano: simulque ordo Minorū sub diuo Francisco, flagrantissimo pietatis cultore, probante huiusmodi ordines Honorio tertio pontifice: quorum pro- pagines vni mendicitati innixi, totum orbem impleuerūt. Moxque anno Domini millesimo ducentesimo decimose- ptimo accessit ad numerum ordo sanctæ Clara: anno dein de vigesimo ordo beatæ Mariæ de monte Carmeli confir- matur. Moxque subsequitur confirmatio ordinis Eremita- rum beati Augustini anno Domini millesimo ducētesimo quinquagesimo. Quos ordines Honorius tertius sua au- thoritate interueniente firmavit.

Ordo seruorum beatæ Mariæ semper virginis exordiū habuit anno Domini millesimo ducentesimo octogesimo quinto, tempore Martini quarti, huius familiae capite Phi-

*Isti signum ruben-
dum voluerunt
ad pectus.*

lippo Tudertino. Comprobat^r ordo est sub diui Augusti-
ni regula à Benedicto vndecimo, & Urbano sexto.

Templariorum ordine exautorato, prorsusq; delcto,
continuo succedit ordo militum sancti Ioannis, anno Do-
mini millesimo trecentesimo decimo sub Clemente quin-
to: successeruntq; Ioannitæ milites magna ex parte Tépla-
riorū reliquijs. Cui ordini accessit ordo militaris Teutho-
nicorū sanctę Mariæ. Horū insigne est candid^r amictus cū
nigra cruce. Ex instituto barbam nutriunt, neminem nisi
ex suo genere admittunt. Ex Hierosolymis pulsū Pruteni-
am, pulsus infidelibus, receperunt.

Ordo sanctę Brigidę anno Domini millesimo trecen-
tesimo quinquagesimo nono primū exoritur sub Urbano
quinto, viris & mulieribus sub eodem tecto habitantibus
institut^r : ita tamen, vt superiora tabulata mulieres, inferio-
ra vero viri colerent. Templum erat vtrisque commune,
ita vt omnibus abbatissa præfset. Huius formula regimi-
nis toto fontis Ebraldi ordine obseruatur. Sic enim religi-
osus abbatissæ subest, vt olim virginī matri Ioannes Euan-
gelista fuerat commendatus his verbis, Mulier, ecce filius
tuus. quæ verba huic instituto occasionem dederunt.

Ordo Iesuatorum primū apparere cœpit anno do-
mini millesimo trecentesimo sexagesimo sexto in vrbe Se-
nensi, sub Urbano quinto. Priuatas domos incolunt, certis
tamen legibus inuicem astricti, & simili amictu à cæteris
discrepantes, auctore primario Ioanne Columbino.

Ordo Montoliuetensium anno Domini millesimo
quadringentesimo inualescere cœpit, primario auctore Ber-
nardo è Ptolomæorum familia in colle Senensi. Probator
ordinis Gregorius decimustertius. Hoc fermè tempore e-
mergere cœpit ordo cremitarū Hieronymi, sub ritu tamē
diui Augustini: qui initium apud Phesulas, progressum ve-
ro in Hispania elegantissimum habet.

Ordo Pœnitētium fœminarum anno Domini mille-
simo quadringentesimo nonagesimo exoritur, auctore fra-
tre Ioāne Textore (Gallicè tisserrant) minorita: primum-
que huius ordinis cœnobium erigitur apud Lutetiam Pari-
siorum. Pridem hoc institutum etate beati Ludouici sedem
tenuit in cœnobio diui Antonij Campensis prope muros

Parisienses. Verùm labentibus annis illis successit conuentus virginum, qui hodie extat sub Sifstertiensium regula degentium.

Calabor
Ordo Minimorũ authore diuo Francisco de Paula, natione Siculo, ad muros Turonicæ ciuitatis initium habet, anno Domini millesimo quadringentesimo plus min⁹ octuagesimo.

Plura de his quicunque scire desyderat, legat Raphaelem Volaterranum lib. 21. & Polydorum de inuentorib⁹ rerum lib. 7. qui cum cætera eleganter, & magna fide descripserit, hoc vnum ex eo fidem minimè meretur, quòd dicat temporibus diuorum Antonij, Basilij, Hieronymi, totoq; retroacto æuo monasticum viuendi genus simplex fuisse semper ac liberũ, nullisque votorum repagulis obseratum. Id q̃ longè absit à vero, non difficile fuerit ostendere ex his quæ ex historia Theodoriti in Iuliano Apostata declarauimus. Credibile tamen est ansam accepisse nonnullos aut detruncandi, aut certe arrodingendi status monastici: qui tamen ex suis fructibus omnibus affatim sese commendabilem præbet. Quòd si quosdam reperiās ob id contemptos & despectos, quòd palam ab orbita semel inchoata recedant: tantũ abest, vt hoc nomine inculpandus sit monachatus, vt maxime etiam probandus veniat. Ea enim lex magna commendatione digna censenda est, cuius obseruatores deo hominibusq; probatur: contra verò ludibrio habentur desertores. Hæc enim arbor non nisi bonos suapte natura solet producere fructus: improbi autem sunt & caduci, qui ab huius arboris succo degenerant. Minimè igitur vituperari debet, verum commendari potius ordo iste, quem non omnes pro sui excellentia aut arduitate attingere possunt. Quem qui deserunt, prorsus delirant: qui vero inchoatum prosequuntur, egregiam sane laudem, & præmia ampla reportant.

Sunt tamen nonnulli, quos malè habet monachism⁹: vel hoc vno nomine, quòd monachorum claustra scholæ potius, quàm monasteria dicenda veniant. Verum quid, ad me quo nomine vocentur, modo in eis mores, pudicitia, continentia, purissimæ seruentur? Id quod sine arctissimæ obseruatione disciplinæ nullatenus præstari potest. Quæ res

adegit claustraphylaces, vt qui vellent huiusmodi institutum amplecti, perpetuæ disciplinæ scirēt se esse obnoxios.

Ad hunc certe lapidem mihi offendisse videtur in sua Cappadocia Vadianus, quod pugnantia secum exigat ab hac cœnobitica viuendi formula, nempe morum puritatē perpetuam, & vinculi temporaneum nexum. Quandoquidem vbi libera, dum quis volet nec eo amplius, erit monachismi observatio, quis in officio contineri poterit? Quid aliud in claustris videri poterit, quàm fornicaria quædam, in qua modò abeuntes, aliàs vero reuertentes formicas inspicias? Nihil vbiq; stabile, nihil constans, nihil firmū illic esse poterit. Hoc verum esse sciret author ille, si modo perlegisset beati Benedicti formulam de instituto monastico, apud quem gyrovagi pessimè audiunt. Legisse item debuerat Augustinum de opere monachorum. A quibus tanquā expertis consilium potius haurire debuerat, quàm in se incognita leuē tulisse sententiam. Nam quod humana coniectura nonnunquam vtile credit, sequens experientia noxium esse demonstrat. Vt enim vna hirundo non facit ver, nec obscura dies vna hyemem, nec serena altera æstatem: ita nemo appellauerit mēsurum annuūmue monachum, nisi perpetuo in suo instituto perseueret, sic scilicet vltima semper expectanda dies homini. Quod autem ad eruditionis rationem attinet, malim piū ac modestū quàm elatum multa eruditione monachum. Nec prorsus improbo magna ex parte doctrinarum expertem, modo hoc vnum curet, nempe domino reddat vota sua, quæ distinxerunt labia sua. Illudq; habeat fixū in pectore à deo perpetuò requirendū: Bonitatem, & disciplinam, & scientiam tuā doce me: vt prius habeat moribus & disciplinæ iusudare, quàm literariæ eruditioni. Vtrūq; si adsit, non damno: verum prius posteriori ita præfero, vt si alterutro carendū sit, bonitas sit scientiæ anteferēda: non vt præstans modo, imò vt necessaria. Quis enim tam alphabetus, vt nesciat viros monasticę professionis illustrissimos, tamen si literarum expertes, totum orbem & vita & miraculis illustrasse? An ignoramus verè dictum à Paulo: Scientia inflat: charitas vero ædificat? Quid autem de temporaneo monachatu censeuerit Augustinus, paucis intelliget, qui modò ad eius di-

ſta animum aduerterit. Sic enim ait de opere monachorū, cap. 28. Diabolus tam multos hypocritas ſub habitu monachorū vſquequaq; diſperſit. circūeuntes puincias, nuſquā miſſos, nuſquam fixos, nuſq; ſtantes, nuſquā ſedentes. Alii membra martyrum, ſi tamen martyrum vendicant, alij ſimbrias & phylaſteria ſua magnificant, alij parētes, vel cōſanguineos ſuos in illa vel in illa regiōe ſe audiſſe viuere, & ad eos pergere mentiuntur, & omnes petunt, & omnes exigunt, aut ſumptus lucriſe egeſtatis, aut ſimulatæ precium ſanctitatis: cum interea vbicunq; in factis ſuis malis deprehenſi fuerint, vel quoquomodo innotuerint, ſub generali nomine monachorum, veſtrum propoſitū blaſphematur. Hæc ille. Hinc diſcant omnes non annuum, ſed continuum eſſe debere monachum: non varium, ſed conſtantē: non temporaneum, ſed perpetuum: atque ita pudore ſuffuſi ceſſabunt perpetuum arroderẽ monachatum, quaſi verò ab huiuſmodi technis ac nugis reipublicæ Chriſtianæ moleſpendeat.

Huc etiā ſpectāt ea, quę de ppetuo cōtinētię voto ꝑtulim⁹. Ex quibus quiſquis deſæcatā habet mētis aciē, perſpicuē intelliget, quod quemadmodum ſinus Perſicus, Indicus, Gangeticuſve ex intima ratione pertinent ad mare Oceanum, ea videlicet habitudine quæ riuus pertinet ad fontē: ita & paupertas, caſtitas, atq; obedientia iuri diuino euangelico ſcødere perpetuo iunguntur, ab ipſo ſcilicet certiffima origine deduſta. Quid enim aliud deſignat lex illa paupertatis euangelica: Vende quæ habes, & da pauperibus, Matthei decimonono. Vſus item apoſtolicus, quo omnia diſcipulis erant communia, Actuum ſecundo.

Præterea quis riuus à fonte intimius deduci poteſt, quàm cœlibatus ab eo quod ſcriptum eſt, Sunt qui ſe caſtrauerūt propter regnum dei. qui poteſt capere, capiat, Matthei 19. Quæ verba hortantis eſſe ac vehementer allicientis, non autem abſterrentis, vna eſt ſanctorū patrū ſentētia cōcors: quaſi ita dicat, Beatus qui poterit capere, quando ſcilicet non expedit nubere. quale & illud eſt, Beati pauperes ſpiritu, &c. Cui adhortationi multis rationibus ſuccinit Paul⁹, priore ad Corinthios 7. Qui, inquiēns, matrimonio iungit virginem ſuam, bene facit: & qui nō iungit, melius fa-

cit. Idēq; arbitratur bonū esse hominī mulierē non tange-
 re: quin potius optat omnes esse sicut seipsum, vtpote cō-
 libes & innuptos, atque adeo virgines. Iam vnde obedi-
 entię promptitudo deriuari queat aptius, & hauriri com-
 modius, quā ex eo quod apud Lucam nono scriptum est:
 Qui vult venire post me, abneget semetipsum. Hinc vastif-
 finum pelagus prodijt apud Cassianum de institutis renū-
 ciantium. Hinc est illud Augustini oraculum, Tolle volan-
 tatem, infernus nō erit. Hinc & illud abbatis Ioseph ora-
 culum decimasexta collatione, quo legali quadam sanctio-
 ne apud viros spirituales perscriptum esse asserit, quod ne-
 mo plus iudicio suo quā fratris credere debeat, si nunquā
 velit diaboli calliditate deludi. Hinc & illud Sapientis ora-
 culum, Ne innitaris prudentię tuę. Sic enim fiet, vt nihil
 per contentionem, neque per inanem gloriam, sed in hu-
 militate alter se submittat alteri, suadente Paulo, Honore
 inuicem pręuenientes. Qua in re audiendus est abbas Io-
 seph capitibus vndecimo & duodecimo. Scriptū enim est,
 Vir spiritualis omnia diiudicat, etiam secreta dei. Carnaliū
 vero ridicula capita potius subsannanda veniunt, quā cu-
 randa. Non enim accipit stultus verba prudentię, nisi di-
 xeris quę versantur in corde ipsius. His tribus euange-
 licę doctrinę fluentis absorbeatur ac suffocatur Cerberus
 ille triceps, qui suo ore trifauci orbē vniuersū deuorare cō-
 tendit: quem graphice depinxit diuus Ioannes in sua Cano-
 nica, ita dicens: Omne quod est in mundo, aut est concupi-
 scentia carnis, quā castitas suffocat: aut superbia oculo
 rū, quā spōtanea paupertas extinguit: aut super-
 bia vitę, quam suffodiens mansuetissima
 obœdientia radicitus euertit. Iam
 igitur aptissimē succedit de
 obedientię vi, energia,
 venerandōque in-
 stituto priuatim ac speciatim differendi
 locus.

*Voti obœdientię antiquissimum institutum
 liquidò demonstrare.*

NEc vlla re minus aut vetus aut priscum fuisse obedi-
 etiæ institutū existimabit, q̄squis præfecturę in cō-
 nobiis rationē vel ipsi p̄fecti nomine cōsiderauerit.
 Nam abba quid aliud quā patrem significat, teste Paulo,
 qui ait: In quo clamamus abba pater, sumptum nomen à ve-
 tustissima lingua Hebraica: cum episcopus nōmen sit recen-
 tius, vtpote ex Græco desumptum? Vt autem ex nominis
 vetustate rei etiam deprehendatur antiquitas, constat fili-
 os prophetarum olim appellatos, in quos ipsi prophetæ ius
 paternum exercerent, eos & eruditione instituendo & mo-
 ribus. Erat ergo pater spiritualis is, quem hodie abbatem
 vocamus: sicque ab eo tempore in hanc vsque ætatem dedu-
 cta est spiritualium filiorum selecta, ac verē monastica ob-
 cœdientia. Cui præstandę obnoxij erant ij, qui filii diceban-
 tur prophetarum. Non enim alia ratione filij aut diceban-
 tur, aut erant, quā aut morum disciplina, aut sapiētiae eru-
 ditione. Hi nimirum erant, quorum vetustatem recenset in
 Hebræis diuus Paulus, dum ait: Circumierunt in melotis,
 in pellibus caprinis, egentes, angustati, afflicti, quibus
 dignus non erat mundus. Tales, inquam, erant hi, qui-
 bus Helisæus tuguriola extruenda curauit: & quos alioqui
 fame perituros aluit. 4. Regum 4. & 6. Hos sola obcœdien-
 tia filios faciebat, & morum disciplina. Non est ergo recēs
 inuentum obcœdientię monasticę aut res, aut nomen.
 Nam de ea speciatim loquimur.

De Esseorum obcœdientia quid attinet dicere, quorum
 disciplina viuendique formula, ac parendi necessitas, à Io-
 sepho pariter ac Philone multis nominibus cominenda-
 tur. A verbis eorum recensendis abstinemus. Alio enim
 loco enarrata sunt.

Iam quum obcœdientia in proprię voluntatis abdi-
 catione consistat, Christus Dominus nihil aliud, quā
 obcœdientiam statuit, quum ait: Siquis vult venire post
 me, abneget semetipsum: tollat crucem suam, & sequa-
 tur me. Abnegat autem se, cui nihil iam restat agen-
 dum ex proprię mentis arbitrio, sed alienę subiecit om-
 nia voluntati. H. V. C. Etiam & illud spectat,
 quod Dominus ait: Nisi conuersi fueritis, & efficiami-
 ni sicut paruuli, non intrabitis in regnum cœlorum.

Atqui paruulus non proprio, sed alieno, & eo quidé pater no, regitur arbitrio. Qua de re præclarè diuus Hieronymus ad Rusticum monachum ait, Præpositum monasterii timeas, vt dominum: diligas, vt patrem: credas esse salutare quicquid ille præceperit, nec de maiorum sententia iud ces, cuius officii est obœdire, & implere quæ iussa sunt, dicente Moyse Audi Israel, & tace. Chrysostomus aduersus vituperatores vitæ monasticæ huiusmodi obœdientiam ita commendat, vt in ea vitæ monasticæ proram puppimque constituat. Obœdientiæ vini sanctæ atque energiam eleganter illustrat Cassianus in collatione abbatis Piamonis: qua perlecta, nemo nisi cum summa impietate obœdiētīæ voto detrahere potest. Quæ quidem apud dominum tātum valuit, vt suis cultoribus spiritū prophetiæ impetrarit. Author huius rei idem ipse Cassianus de institutis renunciātium lib, quarto, vbi de abbate Ioanne cap. xxiii. sic ait, Ponimus primum abbatem Ioannem, qui commoratus est iuxta Lico, quod est oppidum Thebaidis: quiq; propter obediētīæ virtutem vsque ad prophetiæ gratiam sublimatus, sic vniuerso claruit orbi, vt etiā regibus mundi huius merito suo redderetur illustris. Nam cū in extremis, vt dixim⁹, Thebaide partibus commaneret, nō ante præsumebat Theodosius imperator ad præpotentiū bella tyrānorum procedere, quā oraculis illius animaretur atque respōsis. Quibus confidēs velut cœlitus sibi delatis, trophea de bellis dēsp̄eratis atque hostibus reportabat. Hæc ille. Jam quis tam impius, vt dānare audeat pium obediētīæ institutum, cum videat illud domino probari signis atque miraculis? Deus est qui iustificat, quis est qui condemnet?

Totus Cassiani liber de institutis renunciātium refertus est huius obediētīæ spiritualibus enolumentis, ex quo cōpertum cuius esse poterit nō sine numinis afflatu mētibus hominum immissam fuisse hāc obediendi legem: cū idem in proœmio ita dicat: In Thebaide cœnobiū est quanto numero populosius cūctis, tanto conuersationis rigore districtius. Siquidem in eo plusquā quinque milia fratrum sub vno abbate reguntur, tantaque sit obediētia hic tam prolixus monachorum numerus omni æuo seniori suo subditus, quanta non potest apud nos vnus vni vel obedire per-

modico tēpore, vel præſſe. Quorum tam longa perfeuerantia, humilitas atque ſubiectione, que admodum tam diuturna perduret, quæve inſtitutione formetur, per quam vſque ad incuruam ſenectam in cœnobio perfeuerēt, opinor nos debere perſtringere. Haſtenus ille. Vides renunciatio nem hoc loco deſignari non annuam, ſed perennē: non variam, ſed perfeuerantē, nō momentaneam, ſed perpetuam. Quod & apertiffimè cap. xxxiii. oſtendit, dicens melius eſſe ſe nō vouere, quān poſt votum promiſſa, nō reddere: ideòque non temere recipiendos eos, qui renunciaturi accedūt, ne rei grauioris ſupplicii efficiantur. Quin & totum caput xxxvi. meminit huius perfeuerantiæ vſque ad mortem duraturæ. Memineris, inquit, quodd ſi quæ deſtruxiſti, iterum reædifices, præuaricatorem te conſtituas: ſed potius in hac nuditate, quam coram deo & angelis eius profeſſus es, ad finem vſq; perdures. Non enim qui cœperit, ſed perfeuerauerit in his vſque in finē, hic ſaluus erit. Hæc ille. Nulla in his verbis reliqua eſſe poteſt temporanei monachatus cōiectura: quam diſciplinæ eccleſiaſticę oſores ſuo Marte exco gitarunt, huc reſpiciētes, vt dum de perpetuo temporaneū, deque neceſſario arbitrariū monachatum conſtituere molitūtur, huiusmodi profeſſionem monaſticā breui, ſi queāt, momento annihilent ac perdant. Verum vt nunquam liuori deeſſe poterit quod arrodat, deerit tamen quod deuo ret, cōſumat, aut perdat. Eſt enim omni adamante ſolidior, omni candidior ebore, omni deniq; gemma venuſtior vitæ monachalis honeſta diſciplina: quā nec diſſoluere poſſunt aut machinæ, aut rauco fulgura miſſa ſono. Et vt cætera o mittam, firmū ſane ac perfeuerans vitæ monachalis inſtitutum florentiſſima diui Auguſtini ætate viguiſſe perſpicuū adeo eſt, vt in ea re ſiquis hæſitet, nihil aliud quā inſcitā ſuam prædat, idque magno ſuo nominis incōmodo. Quid enim ſtupidius eſt, quā de mēte Auguſtini dubitare, quæ nullo nō loco ſe præſtet obuiam eius ſcripta vel ab ipſo limine ſalutāti? Libet igitur pauca ex plurimis delibare. primum occurrit illud, ſermone de obediētia: Placuit vobis omnibus vnum in deo ſentire, & omnia cōmuniter poſſidere. Hæc autem facere voluiſtis nō coactè, ſed ſponte: & vſque ad mortē viuere ſine proprio proſiteri voluiſtis. O preſby-

ter attende, & vigilanter attende, q̃ promittere tuum fuit, sed dimittere nō est tuum. Alligatus es vxori, noli iam quere solutionem. Absolutus es ab vxore, noli iam quære vxorem: quia tecum habes causam. Ligasti te mihi, nunquid te compuli? Nunquid te rogaui, vt venires? Nunquid applausi promittens hæc & illa? Absit omnino. Igitur esto fidelis, & dabo tibi coronam vitæ. Noli mihi resistere, sed esto vsq; ad mortem obcædiēs. Noli mihi resistere, quia omnis potestas à deo est: & qui potestati resistit, dei ordinationi resistit. Non tamen veni, vt super vos potestati haberem: sed tantum, vt cū fratribus meis viuerem in solitudine. Et ecce nunc episcopus sum, & pauperem me esse non erubesco. Quare? Quia pauper paupertatem seruare promisi. Cauete igitur, ne me pauperem relinquatis. Pauperes tecum esse voluistis, caute ne diuitiis capiamini. Illud quoque ad obcædiētis vinculū pertinet, quod subiungitur. Cauete ergo sacerdotes, ne aliquis vestrū audeat insurgere contra præpositum vel presbyterum, qui omniū vestrum curam gerit. Ipsi enim positi sunt in ecclesia ad nostram utilitatem, vt prouideant quid agere debeamus, vt etiam pro nobis rationē deo reddāt, & vnitatem ecclesiæ custodiant: de qua dominus nos voluit esse sollicitos, ne tanquam oues nō habētes pastorem per diuersos errores ab vnitatem fidei diuisi essemus. Sicut enim vnus est dominus, & vnus pastor: sic & vnū ouile esse voluit. Propterea noluit dominus scindi tunicam incōsutilem, quæ integra erat, quia non patitur ecclesiæ violari vnitatem. Ideo Paulus ait, Obsecro fratres per nomē domini Iesu Christi, vt nō sint in vobis schismata, sed seruate vnitatem spiritus in vinculo pacis. Nam sicut multi radii procedunt ab vno sole, & tamen vnum lumen est: ita & nos multi ab vno capite procedentes, omnia pacificè & communiter possidere debemus. Ex hoc certe diu Augustini loco oculatus quisq; facilè deprehendet sanctæ obedientiæ originem ex scripturæ sacræ fontibus deriuari. Nam si, authore Paulo, obediendū est principibus ac ducibus, quos tāquam legem viuam præesse politiæ necesse est, hinc planum esse omni regendæ & instituendæ cōgregationi opus esse non mutis tantum legibus, verū & viuā lege vt sunt in politica principes, in familia parentes, & in eccle-

fiastico cōiūctu pastores, quos meritò quis vocet nomophylaces. Et hi quidem frustra instituuntur, nisi subsint iusta parendi necessitate obligati. Si igitur necessaria est obedientia pro tuenda ciuili tranquillitate & concordia, quanto magis vbi de salute animæ, conuersione morum, & rerum diuinarum contemplatione alenda fouendæque agitur? Quæ omnia tractantur, in cœnobiis ad disciplinæ regulam ritè comparatis. Quàm enim vtilis sunt huiusmodi cœtus, & sacra comitia, tam necessariæ sunt leges, & qui legibus conseruandis præsumt nomophylaces. Quæ omnia vana forèt, nisi accesserit obedientiæ vinculum, parendique necessitas. Ideoque meritò hoc loco diuus Augustinus exigit à sibi credito monachorum grege, iure, & eo quidem iustissimo, debitam obedientiam: cuius necessitatem ex sacræ scripturæ fontibus haurit, seruandamque omnibus proponit. Idem quoque in sermone de communi vita clericorum ad fratres eremitas sic inquit, Ecce ego dico audite. Qui societatem communis vitæ iam susceptam deserit, à voto suo cadit, à professione sancta cadit. Obseruet iudicè scilicet deū, non me. Et paucis interiectis sequitur, Ego scio quantum mali sit profiteri sanctum aliquid nec implere. Vouete, inquit, & reddite domino deo vestro. & Melius est non vouere, quàm vouere & non reddere. Virgo si nūquam fuit in monasterio, & sacrata est, illi nubere nō licet: si autem cœpit esse in monasterio & deserit, virgo est, sed dimidia ruit. Clericus si à proposito cecidit, quo professus est communiter viuendi societatem, dimidius & ipse cecidit. Hæc ille. Nemo certe inficiari potest ex Augustini officina prodisse locos, quos nuper citauimus: cum apertissimè declaret suum de vita monachali institutū, eiusque ingressum ac progressum. Quorum nemo conscius esse poterat, nisi vnus Augustinus: præsertim cum nominatim citet sui sanctissimi instituti indiuiduos comites, authorēsque & fautores. Quæ omnia non nisi ab Augustino dici poterunt, sed ne cogitari quidem.

Rideat ordinem monasticum quantum velit, scurriliter Erasmus, nihil prorsus inde referet à viris cordatis, nisi sinistram aut emulatores aut signorum suorum desertoris opinionem. Dum enim aliis inurere notam existi-

mat, grauiorem sibi proprii nominis iacturam parat: ac veluti in puluerem sufflans, oculorum sibi aciem lucemque adimit. Deniq; malum ad se attrahit, vt Cæcias nubes. Qui dum Paulini paraphrastæ personam sustinet, sibi temperare non potuit, quin scurram ageret statum monasticū traducēs, mutatis parumper elemētis. Carmelium, Augulium, Franquiliū, Benotium, pottétosa nomina suo Marte cōficta vnus protulit, secundum credo non habiturus nec histrionem quidem, aut mimū imitatore. Non enim ita debuit diui Pauli authoritate abuti, vt his scōmatibus suo nomine cæteris illuderet, & quidem viris, quales eos magna ex parte existimo, non sine honoris præfatione nominādis, & eo quidem si nō doctioribus, certe (absit inuidia verbo) melioribus, magisq; probatis deo & hominibus. Idem quoque Erasmus in sua cōcionatoria sylua ægrè admodum ferre videtur, si quis monachum appellauerit Augustinum, quem tamen perpetuo & continentia & paupertatis voto fuisse adstrictum inficiari nemo poterit, qui in suorū lectione voluminum vel mediocriter versatus fuerit. Nam quid apertius his Augustini verbis: Episcopus sum, & pauperem me esse nō erubesco. Quare? quia pauper paupertatem seruare promisi. Atque vtinam sibi temperasset ab istis Erasmus, in quibus edendis nihil præter dedecoris aut ignominia notam sibi comparasse potuit, vt qui volens nolens Augustiniana familiae legibus persanctè iuratis fuerat adstrictus. Profit quod hic dicimus posteritati, vt saltem pudor auocet reliquos ab huiusmodi impio & irreligioso liuoris ac detractionis exemplo. Est autem hæc sylua, vt de ea aliquid obiter dicam, noua quadam feritate insignis aduersus doctores sacros, vt illud dicere possimus, Egressus est aper de sylua, singularis ferus depastus est eam. Singularem ferum appello, qui omnes præ se aut contemnit, aut mordet, aut lacerat, aut arrodit. Qui dum ad declamationes agendas quinani imitandi sint proponit, prius, cæteris longo intervallo sepositis ac semotis, Demostheni ac Ciceroni tribuit. Hoc est verè syluam constituere, hoc est frondosam verborum lenocinio, & ad aures mulcendas magis quam ad excitandōs affectus Christiano more fructuosam.

Qui scire debuerat loquendum esse ad cor Hierusalem, quodque in concionibus declamandis post fusam ad deū orationem prora & puppis in zelo consistit: nequando dicatur, Prophetæ tui prædicauerunt tibi falsa & vana, & noluerunt aperire iniquitatem tuam, ut te ad pœnitentiâ prouocarent. Iam quis ignorat Paulum ex professo vni eloquentiæ postremum, aut nullum dedisse locum in concionibus tractandis: qui ad Corinthios priore cap. 2. ait, Loquimur non in doctis humanæ sapientiæ verbis, sed in doctrina spiritus, spiritualibus spiritualia comparantes. Sed rem totam acu tangit in eo quod mox sequitur, Animalis homo non percipit ea quæ sunt spiritus dei. Stultitia enim est illi, & non potest intelligere, quia spiritualiter examinatur. Deniq; in hoc totus versatur, ut doceat aut nihil conducere, aut parum habere momenti ad rem euangelicam humanæ sapientiæ lenocinia: quæ potius stupidum ac propria philautia ebrium reddunt concionatorem, quàm afficiant auditorē. Cuius hic vnus scopus esse debet, ut somnolentos excitet, gelu torpentes accendat, & de saxeis, quoad fieri poterit, cerea reddat pectora. Quod minime fieri poterit, dum aures tantum mulcentur, nisi cor ipsum penetrauerit vis atque energia verbi.

Nec hoc cõtenta errore viri hui⁹ audacia, suæ insuper cēsura temeritatē adiungit. Dum enim ab eo recēsentur orthodoxorum dotes, vix vnus euadit & alter sine nota & flagello. Origenes nihil attingit affectuū. Tertullianus apud hunc censorem nostrum durus & Afer, nec scurrilitatis suspicione carens. Hilarius parum habet gratiæ. Ambrosius nostræ ætati est incommodus, si creditur huic Rhadamantho, ac etiā subobscurus. Hieronymus, quod non nisi presbyter esset, parum in concionando exercitatus. Augustinus, si tamen hunc audimus, numeris similiter desinentibus plus satis gaudet. Gregorius eadem nota apud hunc inuitur: cum nesciat hic iudex temerarius, quantum possit ea docendi formula ad mouendos affectus, iuuandamque auditorum memoriam. & tamen hoc ineptum videtur, sed apud ineptos cæcosque & iniquos in hac re iudices. Bernardus arte caret, ad formandum mores non prorsus inutilis, sed monachorū. Gerson totus friget apud hunc: qui uti-

nam simili calore aut arsisset, aut certe tepuisset. Thomas naturæ potius debet quam arti, si quid habet aptitudinis. Reliqua concionatorum turba apud hunc agonothesam, sed in ea re vix elementarium, iam toto est explosa theatro. Sicque nemo morsus huius apri euadere potest, etiâ si pulsatus roget, & pugnis bene cæsus adoret, vt liceat paucis cum dentibus inde reuerti. Cùm autem vix vllus ex sacris doctoribus huius momi censuram morsumve effugiat, soli Demosthenes & Cicero ad astra feruntur: adeoque præferuntur cæteris, vt neminem habeant cui conferri possint: cùm tamen, quod ad concionandi negocium pertinet, & ad excitandos ad pœnitentiâ animos nemo sit ex toto cœtu enumeratorum vel infimus quidem, qui non plus promoveat negocium Christianum, quàm omnes humanæ professores sapientiæ: cùm isti nihil habeant cum phrasi verbi diuini commune. Isti tantum mulcent prurientes aures: illi vero incendunt etiâ penetralia cordis. Hoc agnouit qui dixit, nempe Paulus in Hebræis cap. 4. Viuis est sermo dei & efficax & penetrabilior omni gladio ancipiti, & pertingens vsq; ad diuisionem animæ ac spiritus, compagum quoque ac medullarum, & discretor cogitationum & intentionum cordis. Sic hodie vltro se offerunt temerarij indices rerum, quas non nouerunt, quas nec extremis quidem digitis vnquam attigerunt. Nam hic mihi dicat Erasmus, quoties ad populum concionem habuerit, quot hominum chiliades ad pœnitentiâ adduxerit. Qui tamen editis à se opusculis monachorum centurias non paucas (quod vtinâ negari posset) à propriæ professionis auocauit instituto: si non ex industria, certe magnâ in hoc præbuit occasionem, dum illis arma parat tuendæ desertionis post desertum ac dissolutum suæ professionis vinculum. Iam qui nihil est expertus (de vsu concionandi loquimur) quid scit? Scire autē debuerat, quod vir simplex ac timens deum zelo dei armatus, etiâ si modico humanæ sapientiæ fultus adminiculo plus adferret vna concione prouentus ad excitandos piorū animos, addo etiâ & impiorū, q̃ quiuis tota eloquētiæ panorama stipatus, aliàs euacuaretur crux Christi, vt Paulus indicat. & id quidem quotidiana docet experientia. Sed probatione quid opus est? Nonne hoc ipsum Lucas docet in

Artis apostolicis? scriptum enim est, Videntes constantiâ Petri & Ioannis, comperto quòd homines essent sine literis & idiotæ, quasi dicas nihil artis habentes, admirabâtur, & nihil poterant contradicere. Curabit igitur concionator, qui modo rem vtiliter gerere volet, vt eos in se recipiat affectus, quos aliis infundere cupit. Id quod orationis reliq; præsidio assequi poterit. Plus enim profecisse in concionando experientia docuit viros zelo armatos, quàm toto eloquentiæ satellitio stipatos. Sed quid opus est verbis, cum nihil aliud doceat Paulus, qui ad Ephesios scribens ait, Non est nobis colluctatio aduersus carnem & sanguinem, sed aduersus rectores tenebrarum harum, cõtra spiritualia nequitie in cœlestibus: propterea accipite armaturâ dei. Pergit autem describēs huius armaturæ speciem. State, inquit, succincti lumbos vestros in veritate, & induti lorica iustitiæ, & calceati pedes in præparationem euangelij pacis: omnibus sumentes scutum fidei, in quo possitis omnia tela nequissimi ignea extinguere. Et galeam salutis assumite, & gladium spiritus, quod est verbum dei. per omnem orationem & obsecrationem orantes omni tempore in spiritu, & in ipso vigilantes in omni instantia & obsecratione pro omnibus sanctis, & pro me: vt detur mihi sermo in apertione oris mei cum fiducia, notum facere mysterium euangelij, pro quo legatione fungor in catena. ita vt in ipso audeam, prout oportet me loqui. Hæ scilicet sunt artes, hæc sunt vera concionatoris arma, quibus instruendus est ac muniendus Christianus concionator: nisi malit orator esse vaniloquus, carens fructu, solo frondium virore contentus. At huiusmodi oratorem non instruit Paulus: quem tamen, sed falso, ecclesiastem appellat Erasmus. Proinde caueat, ne his Sirenium cantibus indormiat, quisquis concionando salutem animarum inuigilat: ne multum laboris insumens, nihil inde referat prouentus, præter inanes apud quosdam auræ popularis flatus: vt olim per figuram accidit sacratissimis Christi discipulis, qui tota nocte laborantes nihil prebiderunt, vsque dum mittentes in dexteram nauigij rete, suæ piscaturæ vberes (& propria expectatione ac labore ampliores) fructus reportarunt. Quandoquidem euntes ibant & flebāt mittētes semina sua: veniētes aut venerunt portātes

manipulos suos. Et hoc quidē ipsum declarat germana vocabuli ratio. Siquidem coheleth, quem nos ecclesiasten dicimus seu concionatorem, Hebræis congregantem significat: eum nimirum designans, non qui spermologus tantum est aut seminiuerbius, nihil aliud quàm aures demulcens: sed qui viuę vocis ardore & actu auersos à lege dei, ac quodammodo Sirenum cantibus dementatos, ad pœnitentię lineam redire compellit. Vt est in fabulis de Orphæo, qui sua dictione & cantu ingentia ligni robora rupesque saxa saltare cogebat. Quod nunquam efficiet dictio leniens tantum & mulcens, sed viua vox & zelo accensa: quę meritò dici possit, lucerna ardens & lucens.

Hic mihi forsan respōdebit Erasmus, Hos ego omnes Christianos authores laudibus non modicis ad sydera tuli, singulorum singulas dotes enumerans. Verum quid prodest laudasse, quem mox sis vituperaturus? An non magis conspicua est vnica in scripto litura, q̃ tota etiā à tergo descripta pagina? Quid enim scripsisse iuuat, si mox obscurę quę scripseris, atra linea? Aut quid prodest pulueri infixisse vestigia, si statim cauda deleantur? Quis nescit laudandum quidem parcē, sed vituperandum parcius. Deniq; quisquis ea quę suis commendationibus ædificauit, vituperando destruit, quid aliud quàm præuaricatorem se constituit?

Atqui parum decorum quispiam existimabit defunctorum manes insectari, & certamen inire cum vmbreis. Huic respondeo id, quod idem ipse Erasmus aduersus Albertum Pium ait, Quid si vmbre etiam ipsę post mortem sequiunt, & post mortem duratura viris innoxii vulnera infigunt? Hoc igitur in se recipiat Erasmus, quod Pio Alberto obiecerat. Iustum quippe est, vt quam in alios legē tulerat, eandem patiatur & ipse. Alioqui ego silendum existimarem, si ipsa quoque maledicta aut improbe scripta silerent. Quòd si adhuc apud posteros viuunt, lacerant, mordent, obloquuntur: an mihi non licebit pridem etiam mortuos, & eos quidem illustres & innoxios ab iniuria vindicare: quam recēs defunctus intulit, spirante adhuc vulnere? quando & hoc ipsum passim legimus fecisse ecclesię proceres ad retundendam maledictorum aduersus pios memoriā, ne scilicet mor

bus vt cancer serperet: & vt vulnus acceptum antidoti alii
cuius cautione sanaretur. Licet igitur respondere mortuo
adhuc litiganti, & quidem aduersus mortuos. Ignosce le-
ctor, quòd in vindicanda Patrù iniuria fuerim fortasse plu-
rimus: quando hoc ipsum, si non aliud forsan atrocius, rei
postulabat indignitas. Ad filum iam redeat oratio.

Tertium iam superest conscendere gradum, quò citius
operis fastidium attingamus: quo scilicet demonstrandum
est ineluctabili autoritate stabilitas adsertiones de cœli-
batu non posse vllis aduersariorum machinis diuelli, sed
neque dimoueri. Hic igitur finis erit tomi huius secundi.

TOMVS TERTIVS.

*Inanes prorsus hæreticorum calumnias nullo
negocio discutere ac dissoluere.*



VVM ea quæ inconcussa autoritate vsuq;
antiquissimo ac receptissimo probata reli-
quimus, cuius theodidacti certissimâ sint
factura fidem, quam apud omnes quoque
habitura sunt: nisi forte apud quosdâ præ-
fractos, & suis iam excæcatos affectibus:
non desunt tamen, qui impudentium canum more obla-
trent, deuoraturi si possint, quem nec arroderere queunt, mo-
nasticæ sacerdotalisve continentix statum. eoque perue-
nire contendunt frigidissimis quibusdam argutiis iam plus
millies fufis ac refufis, vt nihil aliud quàm actum agere vi-
deantur, & crambem toties recoctam suggerere. Dicas eos
nihil aliud quàm vomere vt resumant, & resumere vt euo-
mant ea, quæ à priscis hæreticis prolata, à virisque sanctis-
simis iam pridem sepulta fuerant, voluentes ac reuoluentes.
Sed omnia frustra, quod exitus ipse docebit. Consilium igi-
tur est fucos ac laruas retegere, reiectas traducere, & quàm
vanæ sint quamque fufiles huiusmodi ratiunculæ manife-
sta luce declarare: vt si saltè non pudet, vt sunt stupidi om-
nes huius erroris adsertores: pudeat saltem eos, qui non

dum delirium hoc penitus imbibebunt, videri tamen volūt huius erroris fautores aut imitatores.

Primum tamen omnium de via tollendum est, quod aduersariorum mentem transuersam agit, erroris offendiculum: quo plerosque laborare videmus, qui sentiunt quosdam ita esse affectos, vt omnino continere non possint. Hoc igitur primum scire oportet neminem esse, cui non sit aperta via ad cœlibatum, si tamen strenuam ac indefessam ad id velit adhibere operam. Hæc enim est omnium authorum sententia, qui carnis castra deserentes, spirituali lumine illustrati sunt. Id quod de singulis verū est, secus de vniuersis. Nunquam enim fiet, vt vere dicas, omnes debere cōtinentiam amplecti: singuli autem si velint, possunt. Proferemus igitur primum huius adsertionis testem Chrysostomum super Matth. 19. cap. in opere imperfecto, Non omnes, inquit, capiunt verbum istud, sed quibus datū est. Non dixit, Non omnes possunt, sed, Non omnes capiunt. Id est, Omnes quidem capere possunt, sed non omnes capere volunt. Palma proposita est: qui concupiscit gloriam, non cogitat de labore. Nemo vinceret, si omnes periculum pugne timerent. Moxque sequitur, Sed dicunt quidam illis sic datum fuisse. Rem non applicant pugnae, sed homini: quanto magis nos cadentium negligentia imputare debemus, non difficultati virginitatis. Quod autem dicit, Quibus datum est: non hoc significat, quoniam quibusdam datur, quibusdam non datur: sed illud ostendit, quia nisi auxilium gratie acceperimus, nihil ex nobis valemus. Quoniam autem volentibus gratia non denegatur, in Euangelio dominus dicit, Petite, & dabitur vobis: quærite, & inuenietis: pulsate, & aperietur vobis. Omnis enim qui petit, accipit: & qui quærit, inuenit: & pulsanti aperietur. Debet autem voluntas præcedere, & sic sequitur gratia. Nam nec gratia sine voluntate aliquid operatur, nec voluntas sine gratia potest. Nam & terra non germinat, nisi pluuiā susceperit, nec pluvia fructificat sine terra. Hæc ille. Iam si quis forte calumniabitur non cōstare hoc opus esse Chrysostomi, illud saltem negari non poterit, quod in integra interpretatione legitur his verbis, Non omnes capiūt, sed quibus datum est. Ita rem extulit, præcipuamque ostendit: & hac ratione at-

traxit, atque hortatus est. Iam quomodo hortaretur ad impossibile? Sed audi quod paulò mox sequitur, Posse autem, inquit, nos perpetuam seruare continentiam ostendit, dicēs, Sunt eunuchi, qui ex vëtre matris ita nati sunt: & sunt, qui ab hominibus facti sunt: & sunt, qui seiplos castrauerunt propter regnum cœlorum. His omnibus ad oprandā eligendamque virginitatem inducit. Possibile nanq; id esse hominibus hoc fere modo confirmat, &c. quę ex eo sequuntur. Nec hoc contentus adi git, Qui potest capere, capiat. Ita magis animat atq; incendit, vel quia magnitudinē virtutis ostendit, vel quia inæstimabili misericordia sua noluit rem in necessitatem legis concludere. Et adhuc possibile id esse monstrat, vt eligendi cupiditas crescere possit. Sed si electionis opus est id, inquires, quomodo incipiens statim dixit, Non omnes capiunt, sed quibus datum est? Vt singulare id esse certamen perdiscas, non vt sorte datam necessitatem suspiceris. His enim datum est, qui sponte id eligūt. Quod ideo dixit, vt ostenderet superiore nobis auxilio esse opus. quod quidem omnibus paratum est, si volumus in hac luctatione superiores euadere. Solitus quippe est, quādocunque res ardua proponitur, hoc vti modo dicendi. Vt etiam quando dicebat, Vobis est datum nosse mysteria regni cœlorum. Quod maxime ita esse præsenti loco approbatur. Nam si datum solummodo superius est: at nihil penitus, qui se in perpetua virginitate conseruant, conferre videntur: superflue ipsis regnum cœlorum pollicetur, nec merito à cæteris eunuchis distinguit. Hæc ille. Non poterat quisquam apertius docere, aut neruosiùs demonstrare, nemini esse denegatum assurgere posse ad continentię cœlibatúsque apicem & excellentiam. Iam si quę sint, quę impotentiam præferre videantur, ea non sunt ad necessitatem naturę referenda, sed ad imbecillitatem potius ac molliciem eius, qui suę desertionis prætextum aliquem quærit. Vt cū quis dicit se non posse assequi id, ad quod trahitur inuitus, aut dum quietem præfert labori.

Nemo tamen arbitretur vnicum esse in hac sententia Chrysostomum, quando huic, vt in cæteris ferme, ita & in hoc maxime Theophylactus accedit his verbis, Dicit dominus magnam esse virginitatis possessionem. At eam non

ab omnibus recte seruari, sed ab his duntaxat, quorum cooperator est deus. Nam hoc loco, Datum est, valet, quibus cooperatur deus. Illis autem datum est, qui petunt. Omnis enim qui petit, accipit. Hæc ille. Si ergo nemini facultas negatur petendi, ita ut in cuiusvis facultate sit petere: quis dicere audeat aliquem non posse obtinere? Istud manifeste pugnaret cum euangelio. Nemo ergo catholice dixerit cuiquam esse impossibile continentiam adsequi.

Iam si cui hæc minime sufficiunt: præsto aderit non inferioris authoritatis testis Hieronymus, cuius in Matthæum hæc verba sunt, His, inquit ille, datum est, qui petierunt, qui voluerunt, qui ut acciperent, laborauerunt. Omni enim petenti dabitur, quærēs inueniet, & pulsanti aperietur: Vbi autem dicitur, Qui potest capere, capiat: quasi hortantis vox domini est, & milites suos ad pudicitæ præmium concitantis. Quem autem de impotentia sermonem interferit, ea (ut diximus) difficultatem & arduitatem quandam sonant, non omnimodam necessitatem.

Concinit huic sententiæ Augustinus sermone quodam de castitate, dicens, Nemo dicat à fornicatione se custodire non posse. Fidelis enim est deus, dicit Apostolus, qui non permittit nos tentari supra id quod possumus: Talis vnicuique homini tentatio datur, siue in carnis desyderio, siue in quacunque molestia: qualem aut cum laude vincere, aut cum opprobrio succumbere possit. Vides ut detur medium inter nubere & vri, nempe istud euangelicum, Hoc genus dæmoniorum pellitur ieiunio & oratione. Præsidium istud quod inter nubere & vri medium est, dum quis vehementer tentatus nec vritur, nec necesse est ut nubat, Paulus in se recepit, qui ait, Ne magnitudo reuelationū extollat me, datus est mihi stimulus carnis meæ, angelus satanæ, qui me colaphizet. Propter quod ter dominum rogaui, ut discederet à me. Et dixit mihi, Sufficit tibi gratia mea. Nam virtus in infirmitate perficitur. Vides ut tertio repetita oratione diuus Paulus à domino impetrauerit, ut liber esset ab utroque incommodo, & tædio nuptialis vinculi, & vitionis flagranti periculo. Quod autem illic de titillatione carnis agatur, potius quàm corporali quapiam ægritudine, præter præcorum patrum consensum plane suffragatur

diuus Hieronymus ad Eustochium, cuius apertissime sententia recensetur in cap. Si Paulus. 32. quæst. 5. Quin & diuus Augustinus super eo quod ad Corinthios nono dicit, Castigo corpus meum, & in seruitutem redigo: sentit non caruisse Paulum concupiscentiarum motibus, quos diuina tamen gratia refrenabat. Theophylactus in Corinthiis satius habet dicere huius stimuli nomine intelligi veneris quædam incitamenta, quibus nonnunquam vrgeretur. Primasius hoc loco, tametsi in aliam partem videatur esse propensior, sentit tamen in Romanis eum non prorsus stimulo caruisse carnis, dum ait, Quis neget Apostolum, cum hæc diceret, adhuc fuisse in corpore mortis huius? Illud addēs, Liberari à corpore mortis est omni sanato lāguore carnis concupiscentiæ non ad pœnam corpus recipere, sed ad gloriam. Quod quidem apertius liquet in Corinthiis prioris 9. cap. Castigo corpus meum, & in seruitutem redigo. Non fingo (inquit Primasius) certamen, aut in vanum pugno Qui igitur certabat, non carebat stimulo vt abstinentiæ retundendo. Vbi & Augustinus ait, Quid faciet agnus, vbi tremit aries? Verum de hac re exactius in Cassiano collatione 23. Vtcunq; res habeat, vt nemo potest accusare impietatis eā, quam dicimus, de Paulo sententiā canonis etiā autoritate firmatā: ita & catholice asseri potest non defuisse diuo Paulo remedium repetitæ orationis suffragio: vt scilicet neque vreretur, neque nuptiali iugo victus teneretur: quæ est nostræ adsertionis basis & fundamentum.

Idemq; alia via ex eodem stabiliri potest. Dico, inquit, non ego, sed dominus, mulierē à viro non recedere. Quod si discesserit, manere innuptam, aut viro suo reconciliari. Iā si demus eam non posse reconciliari suo viro (quod certe vsu venire potest) nec patere illi viam ad nuptias, vt Paulus ait. Quid igitur? dicemus ne eam vri debere? Absit, vt quis dicatur vinculis peccati ita adstrictus, vt inde resilire non possit. Quare necesse est, vt dicamus viam illi patere ad coelibatum, quæ est media inter nubere & vri. De hac re absolutius cum de diuortio, domino adspiratē, agetur. Videant hæretici qua rima hinc euadere possint: nec ultra suum tueantur errorem, dum peruicaciter adseuerant in has hominem detrudi posse angustias, vt illi necesse sit vel nu-

bere vel vri. Quod prorsus à scripturæ linea probatur alienum. Nec se vltra velamine verborum tueantur Pauli dicentis, Melius est nubere quàm vri. Hoc inquam non asserit Paulus simpliciter, sed ex conditione tantum, dum ait, Si se non continent, hoc est, si eis liberum est non continere, & strenue opere labores & tædia perpeti nolunt, iam secundum indulgentiam permittitur eis nubere. Dicit ergo, Si non continent, non quia non possunt, sed quia continentia inter aculeos tædium ferre recusant. Nam & hoc designat quod præcedit, Alioqui bonum est illis si permanerint sicut & ego. Quasi dicat, Illud & bonum & possibile esse in continentia permanere: si tamen efficaciter velint adhibere operam. Quod si nolunt continere, nubant: si tamen nondum (vt Sedulius ait) meliora deuouerunt. Vides quàm felici cursu respondeant sequentia prioribus.

Pari etiam lege tenebitur mulier, sui que similes, cuius conditio recensetur in cap. Quod interrogasti. 27. distinct. quæ postquam celsit in fata maritus, viam perpetuæ continentia ex professo aggressa est: Quæ cum verso velo recurrere vellet ad nuptias, quòd diceret se omnia per simulationem egisse: manifesto ecclesiæ decreto vetita est resiliire, & iure quidem optimo. Vti enim ibi dicitur, Si consenserimus, quòd omnia ecclesiastica sacramenta quisque prout vult fingat, omnis ordo ecclesiasticus turbabitur, nec catholica fidei iura consistēt, nec canones sacri rite obseruabuntur. Hæc ibi. . . Pari ratione non venit audiendus, qui post annuam instituti monastici professionem petit relaxari, allegans professionis verba protulisse, sed non ex animo: alioqui pari opera suo arbitrio relinquēdi erunt qui se baptisatos quidem fatebuntur, sed præter animi liberum consensum. cui tamen sententia iura refragantur: in quibus est capitulum, Plerique, de consecratione, distinct. 4. & quadantenus facit capitulum de Iudæis, 45. distinct. Nam si ita creditur neganti se non consensisse, eo tandem peruenies vt paruulos baptizatis via aperiatur, cum ad adultam peruenerint ætatem, resiliendi à iugo legis Christianæ, vt quos constet non adhibuisse consensum. Cum igitur nulla hic dispensatio locum habeat (nihil enim potest cuiusuis auctoritas in destructionem, sed tantum in ædificationem)

omnino sequens videtur, locum non habere dispensationē in eo, qui post pronunciata professionis verba negat intervenisse consensum: quin potius cogendus est, ut sero saltem sapiat atque consentiat. Vnum enim pro multis dabitur caput, & eo facilius atque expeditius, quod non censeatur dolum passus, cuius meliorata est conditio. Cogendus itaque est ad pergendum in ea qua semel cœperit ire via. Imo ad consentiendum, si antea non consenserit. Quid autem efficiat, imo quid non efficiat dispensatio contra publicam auctoritatem, id probat quod meretur nomen dissipationis. Videant igitur qui contra sentiunt, ne dum extricare volunt eos, quibus se, præstāt indulgētes, ipsos potius innoctēt & illaqueēt. Nunc redeundū est in viā. Nimirū. Quis enim credat neganti, qui sibi non vult credi affirmanti? Ananias quoque vita priuatus est, eo quod mentitus esset spiritui sancto: quocirca meretur ista sua libertate priuari, ut quæ præiudicium sibi sponte fecerit, nemine ad id compellente. Iam quid faciat hæc mulier? Nubat. At hoc vetant canones. Vrat? Nequaquam. Hoc enim Dominus vetat. Quid igitur superest, nisi medium inter nubere & vri? Roget igitur cum diuo Paulo dominum, ut auferatur stimulus carnis. Quod nisi refrigerium, nisi in æstu temperiem senserit, mox auditura est, Sufficiat tibi gratiā mea. Nam & virtus in infirmitate perficitur. Vides ut nemini deest medium inter nubere & vri, seu libertatem quis habeat nubendi, siue ea careat facultate, modo tamen egregiam & Christiano pectore dignam adhibere velit operam.

Docet Ambrosius lib. Hexameron 5. cap. 19. non ita abhorrrere naturam à cœlibatu, ut eum potius ipsa quibusdam animantibus indiderit. Turtur, inquit, iterare conjunctionem recusat, nec pudoris iura aut complaciti viri resoluit fœdera, illi soli suam charitatem referuat, illic custodit nomen vxoris. Discite mulieres quāta sit viduitatis gratia, quæ etiā in auib. prædicatur. Paulo mox sequitur, Turturibus deus hūc infudit affectū, hanc virtutē continētiæ dedit, qui solus potest præscribere quod omnes sequantur. Turtur non vritur flore iuuentutis, non tentatur occasionis illecebra, nescit primam fidem irritam facere. Hæc ille. Non igitur

excedit naturam hominis, quod accedit vsui & naturę turturę. Cur enim oratio apud hominem non impetrabit, quod turturi natura concessit, etiam non petenti? Idem libro de Viduitate sic ait: Quod pro consilio dicimus, non pro præcepto imperamus, prouocantes potius viduam, quā ligantes: Neque enim prohibemus secundas nuptias, sed non suademus. Hęc ille. Qui igitur dissuadet coniugiū, scit non esse homini prorsus necessarium. Sed & coniugiū seruitutem appellat. Absit autem, vt dicatur homo ita seruituti adligatus, vt libertatem sibi asserere non possit. Sic enim ait idem Ambrosius. Videtis quā euidens sit coniu-
galis definitio seruitutis. Si igitur bonum coniugium seruitus est, malum coniugium quid est? Idemque ad virginem lapsam multis verbis cœlibatum non impossibile esse prædicat, ita inquit: Sed dictura es forsitan: Non potui sustinere, quia carnem fragilem circūferebam. Respōdebit tibi beata Thecla cum suis innumerabilibus socijs, Et nos eadē carne amictę fuimus: non tamen plenum propositum castitatis nostrę, aut fragilitas carnis potuit mutilare, aut scru-
tia tyrannorum deiicere. Hic nullam admittit Ambrosius necessitatis excusationē. Ex quo & illud sequitur, dicit aliquis: Melius est, nubere quā vri. Hoc dictum ad non pollicitam pertinet, ad nondum velatam. Ceterum quę spopōdit Christo, & sanctum velamen accepit, iam immortalitūta est viro: iam si voluerit nubere, communi lege coniugii adulterium perpetrat, ancilla mortis efficitur. Hęc ille. Est igitur medium inter hoc quod est nubere & vri, nempe vehemens & flagrans tuendi cœlibatus desiderium per seueranti ad deum oratione semper efficax. Idem de virginibus libro tertio blasphemiam confutat eorum, qui impietatis arguunt vouentes, ita dicens: Si improbum est virginitatis propositum, improba ergo vota sunt omnium, improba est vita angelorum. Sed improbum videri non potest, quod hominibus pro præmio constitutum est: nec potest eius rei species displicere, cuius veritas & in fructu est, & in voto.

Diuus Gregorius perpetuum cœlibatum holocaustum appellat homilia super Ezechielem viceſima. At nemo dixerit holocausti dignam esse nomine rem impiam,

aut penitus impossibilem. Pensemus (inquit ille) quid est sacrificium, quid holocaustum. Sacrificium est, cum quis suum aliquid vouit, & aliquid non vouit. Cum vero omne quod habet, omne quod viuit, omne quod sapit, omnipotēti deo vouerit, holocaustum est. Qua in re haud dubie perpetua continentia clauditur. His adiungerem ex Damasceno, quē in causa sacrę virginitatis aduersus voluptatis patronos argutissime perorauit libro de orthodoxa fide quarto, capite vicesimoquinto, nisi scirem locum omnibus esse peruium. Diuus Thomas, quem tota recentiorum turba sequuta est, his per omnia succinit citatis in hūc locum verę pietatis cultoribus, in ea potissimum interpretatione, quam in Matth. decimonono texuit: illud primum asserens ex dicto apostolorum à Christo quidem non reprobato, sed temperato, per se quidem expedire cuius nō nubere. At expediens nihil esse potest, nisi idem ipsū possibile sit: tamen quibusdam ex circumstantia minime expediat, vt qui non assurgant ad eam virtutem, quę ad huiusmodi continentiam viam parat. Illi ergo carent ea virtute, seu virtutis strenuitate: non autem prorsus absunt à continendi facultate. Mox pergit illud interpretari, Qui potest capere, capiat. quo loco Hieronymum sequutus, hæc verba exhortationis vicem habere ostendit. Facit, inquit, dominus, vt iuxta dux in exercitu, dum proponitur præmium ei, qui primo ciuitatem sit ingressurus. Sic Dauid olim Iobab proposito præmio recipiendę Hierosolymę occasionem dedit. Sic Apostolus in Corinthiis ait prioris duodecimo, Aemulamini charismata meliora. Omnes tamen (inquit) oportet sectari meliora, si non effectu, certe (quod minimum est) affectu. Neque enim bonus est, qui qui non cupit esse melior. Quin & hoc adiungit, Tamen si non possimus ex natura hunc continentię attingere apicem, hoc tamen quiuis potest ex gratia, cum scriptum sit, Petite, & accipietis. Adde quod Paulus ait: Omnia possum in eo, qui me confortat Christus. Subiacet itaque voluntati isthęc gratię coniuncta potestas. Qua quis ita confidit vt dicere possit, Dominus illuminatio mea, & salus mea. quem timebo? Dominus protector vitę meę, à quo trepidabo? Si consistent aduersum me castra, non time-

bit cor meum. Si quis itaque non posse continere dicatur: hoc non simpliciter, sed ex circumstantia accipiendum est, nempe vel ex initi conditione coniugij, vel ex eo quod ita quis despondet animum, vt nolit ferre resistendi tædiū, ac laborem. Hæc ferme omnia ex diui Thomæ sententia: quæ ita affabre textui congruunt, vt vix se offerat quod vel addi possit, vel adimi.

Hanc omnium doctorū sententiā ex toto Pauli decursu demonstrari posse luculenter ostendemus, Omnibus .s. patere viam ad continentiam, qui modo sibi ipsi ac diuinę gratiæ nō deesse velint. Primum diuus Paulus vult omnes esse sicut seipsum. At certe ridiculum omnino foret quippiam serio desiderare omnibus, quod nonnullis impossibile esse iudicet. Nec desunt alia pleraque ex Paulinis locis argumenta. Siquidem ait ille: Bonum esse homini mulierē non tangere, seu (quod idem est) à carnali abstinere commercio. At nemo bonū esse dixerit cuiuspiam id, cuius capax omnino esse nō possit. Nemo enim dixerit bonū esse homini, si fiat angelus secundum naturam: aut asino, si volaret in cœlū. Cur ita? Quia fieri nō potest, vt hæc eueniāt. Ita quoque nemo bonum dicat esse cuius homini continere (nam indefinite loquitur Paulus) nisi huius continentię quicuius homo capax esse posset. Deinde subiungit: Si se non continent, nubant: nimirum hoc supponens, fieri posse vt se contineant, si egregiam & viro dignam adhibere velint operā. Nam hæc conditionis nota libertatem designat, liberāque facultatem, vt cū domin⁹ dicit, Si quis vult venire. post me, abneget semetipsum. & Si vis ad vitam ingredi, serua mandata. & alia id genus innumera, quibus in vtramvis partem libera designatur facultas. Item quomodo diuus Paulus cuius indifferentem consuleret iter virginitatis arripere, quā sciret multis impossibilem? Ait autem, De virginibus præceptum domini non habeo, consilium autem do. Porro aliud est scire aliquid non esse futurum, & scire fieri non posse. Nam idem Paulus ait: Deus vult omnes homines saluos fieri. Quod quamuis futurum non sit, hoc ipsum tamen est possibile, alias nemo vellet diabolū saluari, cum jam res transferit in impossibile. Huc etiam spe stat quod adiungit: Bonum est homini sic esse. Vbi indefinite de homine

sermo est, hoc est, de quouis homine. Quod si bonum est, utique & possibile erit. Pergit item Paulus, & ait: Solutus es ab vxore, noli quærere vxorem.

Iam ad quid diceret Paulus, Noli quærere vxorem, ei, qui vxore carere nō possit? Poterit igitur quiuis solutus abstinere à re vxoria.

Iam si fieri potest, adfertore Paulo, ut qui habent vxores, sint tanquam non habentes: quanto magis, ut qui non habent, deinceps vxore careant? hoc est, cœlibatum exercentes contineant? Aut quomodo diceret, Ad vtilitatē vestrā dico, nisi illud possibile foret? Nihil enim potest dici vtile, quod ipsum non censeatur esse possibile: Addamus

& istud: Qui iungit virginem, bene facit: qui non iungit, melius facit. Hæc igitur abstinencia possibilis est. Iam luce clarius, probatum esse videmus nemini, dum tamen piē id desiderabit, præclusam esse viam ad cœlibatum. ut ex hoc erubescere oporteat libidinum patronos, impudentissimōsque veneris præcones: qui huic vni fundamento innixi, totam cœlibatus aciem diuellere ac prosternere se posse putant: nullum aliud remedium esse putantes ei, qui carnis sentit aculeos, nisi vnicum nuptiarum subsidium.

Quod plāne falsum est & impium, & sacræ scripturæ dogmati ex diametro aduersum. Quin potius intelligere debuerant certissimū illud spiritus sancti oraculum (nisi quod docēt, quā parum sint theodidacti, hoc est docibiles dei) quo reuelante scriptum est: Prope est dominus omnibus inuocantibus eum, omnibus inuocantibus eum in veritate. Voluntatem timentium se faciet, & deprecationem eorum exaudiet, & saluos faciet eos.

Iam satis in ipso limine sumus immorati, nunc opportunum fuerit propius accedere, ac breui manu ostendere, quibus laruis obducti sacri cœlibatus hostes suis technis, imō verius præstigiis, conentur causam suam argutiarum fūco reddere potiolem, ut explosis, quas oculis imprudentium obtendunt, nebulis, promptum sit cuius nudæ ac synæcæ veritatis iubar intueri.

Sequitur responsio ad obiecta Munsteri.

Primum igitur obuiandum erit his, qui se veluti ante-

signanos in hoc certamine præstant & exhibent. Et in his Munsterus se aduersum offert, quasi primæ aciei ductor Iudaico stipatus sodalitis, qui in Matth. xix. cap. nobis opponit impiam recursorum scommata & conuitia, quibus cœlibatum Christianum suis Thalmudicis figmentis flagellare non cessent. Aiunt enim (vt idem refert, impiè tamen magis quàm prudenter, cum videatur in eorum causam plus equo propensus) Christianos nihil aliud agere, quàm tradere filios & filias igne libidinis vrendos, dū perpetuo eos addicunt cœlibatui, ac veluti immolare idolo Moloch, igne scilicet concupiscentiæ traducendos. Huic Iudaicæ perfidiæ patrono hæc vna responsio sufficiet, habendum esse pro lucro à viris turpissimis, & toto orbe profugis vituperari, quorum vituperia vice laudis nō grauatim recipimus, qui pinde negligēdi sunt, vt grunientes porci, canesve latrātes. Nam quid detur, aut quid apponatur ad linguā doctam? Quid? nisi sagittæ potentis acutæ cum carbonibus desolatoriis. Acclamandum igitur erit aduersus hos canes hæc propemodum formula:

Procul ô procul este profani,
 Inclament omnes, totoque absistite claustro.
 Virginei cœtus néve his accedite sacris
 Impuri, ex leges, gens toto in gloria mundo,
 Gens superis inuisa bonis, odiosa quibusque.

Quid autem mirum, si lucifugæ istæ noctuæ ad virginitatē & continentiam, atque adeo lucis euangelicæ iubar excutiant, quando nec ipsius Moysi, qui de facie prodibat, fulgorem sustinere potuerunt. Ideoque, vt diuus Paulus ait, non sine mysterio velamen ante oculos eorum positum est. Nam qui coniugii vincula ferre non potuerunt, ob duritiā cordis indulto illis diuortio: quomodo perpetui cœlibatus gloriam æquanimitèr sustinere poterunt? Quare relinquamus illis deos iratos. A quorum patrocinio si in hac potissimum causa abstinuisset Munsterus, Minoritanum professus ordinem, id quod dissimulari non potest, & causam cœlibatus tuendam suscepisset, beatius cum illo actum existimarem. Quod minime egisse conuincitur ex suis ipsius verbis, dum ait, Vides hic lector, quomodo Iudæi nobis impropere confusionem nostram, imò confodiunt nos pro-

prio gladio nostro, dum diuum Paulum nobis obiiciūt, qui mauult Christianum hominē nubere, quā periculose vri. Nec obstat, precib⁹ posse impetrari, vt detur vnicuiq; caste viuere, cū Christus ita pronunciet: Non omnes apprehendunt verbū istud, sed quibus datum est, quib⁹, inquit, datū est, non qui suo arbitrio id elegerint, poterunt cœlibē agere vitam. Hæc ille. Quod ergo hic dicit preces minus sufficere, vt detur cuique caste viuere, hoc planē Christianæ pietati aduersum esse monstratū est in huius tertij tomi præludio. Nec obstat difficultas: cum omnem difficultatem superet larga dei bonitas, quæ dat omnibus affluēter, & non impropere. Huius magnificentiæ specimen præbet dum ait Ioann. 15. Si manseritis in me, & verba mea in vobis māserint: quodcūque volueritis, petetis, & fiet vobis. Quod autem toties difficultatem in cœlibatu causatur: Difficile est, fateor, sed tendit ad ardua virtus.

Et facient pugnam præmia iuncta leuem.
In virtute labor: sed in ipso certa labore

Spes aderit, certo tempore fida comes.

Denique Munstero sese aduersum præbet Origenes, quī homilia in Leuiticum 9. sic ait: Nutrimenta spiritus, sunt diuina lectio, sermo doctrinæ: his alitur cibus, his conualefcit, his victor efficitur. Nolite igitur dicere quia volumus, sed non possumus: volumus continenter viuere, sed carnis fragilitate decipimur. Tu certe das stimulos carni tuæ, tu eam aduersus spiritum tuum armas, & potentem facis.

Idem sentit Chrysostomus ad Hebræos homilia 17. Non oportet dicere non possum continere, & accusare conditorem. Si enim impotētes fecit nos, qui iubet accusandus est.

Qualiter igitur ais, multi non possunt? Dic, quia non volunt. Si enim voluerint, omnes poterunt. Propterea & Paulus ait, Volo omnes homines esse vt meipsum: quia sciuerat, quod omnes poterāt vt ipse. Hanc igitur facultatem omnibus competere posse ex hoc etiam non obscure colligitur, quod dominus ait: Sunt qui se castrauerunt propter regnum cœlorum. Atqui eadem est omnibus volendi, petēdiq; libertas, & obtinendi facultas: cum dominus indiscriminatim solem suum faciat oriri super bonos & malos. Et Psalmista ait. Accedite ad eum, & illuminamini: &

facies vestræ non confundentur. *Quis* enim sperauit in eo & derelictus est? Et amico nocte etiam intempesta petenti non denegat panes quotquot habet necessarios. Nam filio petenti panem, nunquid porriget scorpionem? *Que* omnia eo spectant, vt certo sciamus dominum nemini negaturum sua dona petenti. Prodeat huc etiam & probus & idoneus, suæque antiquitate venerandus Græcus author Euthymius, qui sententiam hanc confirmat his verbis in Matthei 19. Soli illi sermonem hunc suscipiunt & ferunt, quibus datum est hoc donum à deo, datum est autem his qui petiuerunt. Petite enim ait, & dabitur vobis, petentibus (inquam) non simpliciter, sed feruenter & perseuerâter, & vt semel dicam, sicut oportet. Significatû est ergo virginitatem, dei donû esse, datû his qui petunt vt oportet. Hæc ille.

Hæc idcirco dicta volui, vt Munsterus sui que similes decætero discant non blasphemare aduersus desertum (vt aiunt) per eos cœlibatum, qui scire debuerant suspecta eorum esse testimonia, qui signis propriis desertis ad contrariam aciem confugerunt.

Sunt tamen audentes contra sentire, sed illos conuincit ratio, nec enim habent quo se tueatur, asseuerantes fieri posse, vt quis post votum, eo quod cōtinere nequeat, possit dispensari, vt matrimonium contrahat. Eo enim (vt aiunt) casu, foret alioqui perplexus ille qui vtitur inter duo peccata, fornicationem scilicet, æ iuratæ continentię desertionem: non intelligentes nunquam deesse remedium ei qui tentatur, quo liberari possit à lapsu carnis, cum certa fide teneamus id quod Paulus ait, Fidelis dominus, nō sinet nos tentari vltra id quod possumus, sed faciet in tentatione prouentum, vt possimus sustinere. Nec seipsam potest negare veritas, quæ ait: Si vos cum sitis mali nostis bona data dare hominibus, quanto magis pater vester cœlestis dabit spiritum bonum petentibus se? Accedit & illud ex diuo Iacobo in canonica: Si quis indiget sapientia, petat à deo qui dat omnibus affluenter, & nō improperat. *Qui* enim dedit votum vouenti, qui scilicet cœpit, ipse perficiet bonû opus. hic autem supponimus, vouentem, se suæque omnia, dū voueret, supposuisse deo, idque modesta synceraque mente. Iam quis negare audeat quod dominus ait, Si verba mea in vo-

bis manferint, quodcunque volueritis petetis, & fiet vobis. I nunc & dicas aliquem esse perplexum, cum facilis ac tutifsimus (nisi te fides deserat) pateat ad salutem accessus. nunquam enim resiliet à conuentis qui te ad meliora vocauit. Contra igitur sentire, nihil aliud quàm diffidentiam olet. quæ non longè abest à blasphemia. Huc enim spectat illud, Modice fidei quare dubitasti? Falluntur autem qui existimant idem esse vri quod tentari. Vri enim malum est, propter quod vitandum, Paulus nuptias indulget, sed innuptis & viduis (vtpote nullo vinculo alligatis) Melius est (inquit) nubere, quam vri. non quod vtrunque bonum sit, vri enim malū est. Quippe, cum is dicatur vri, qui tentationi succumbit. Melius itaque dicitur vsu vulgari, vt si quis ita dicat, Melius est quod tu comedas, quàm teipsum inedia interimas. hoc est, vnum tenendum est, vt aliud euites. Sic minus bonum, melius est malo: impropria tamen locutione, qua etiam dici solet, melius est vnum te oculum habere, quàm nullum.

Cæterum tentari, tantum abest vt malum sit, vt diuus Iacobus dicat, Omne gaudium existimate fratres, cum in varias tentationes incideritis: & iuxta Paulum, Tentatio parit probationem. & ad Thobiam Angelus, Cum iustus esses, necesse erat vt tentatio probaret te. Quare & Paulus audiit, Sufficiat tibi gratia mea. virtus enim in infirmitate perficitur, Vt inde elucescat tentationem fide ac humilitate comitibus, gratiæ & gloriæ potius quàm vitio esse affinē. Absit igitur vt idem sit vri quod & tentari. Vritur qui sum cumbit: qui vero tentatur, nisi prior animū desponderit, victoriam obtinet. Fide enim sancti vicerunt regna, operati sunt iustitiam, adepti sunt repromissiones.

Nihil itaque opus est, vt dicas votum continentix cedere præcepto de contrahendo. nunquam enim efficies vt quis teneatur ad contrahendum, post votum, ad fornicationem vitandam, cum non desit remedium auxilii diuini si petatur: secus autē de voto abstinentiæ à carnibus ad mortem vitandam, cum nusquam reperiatur medium ex diuino oraculo depromptum inter votum huiusmodi abstinentiæ, & extremum mortis periculum. Inde fit vt votum istud cedat præcepto de vita consueta, vbi iudicio humano nul-

lum aliud appareat remedium. Et hæc est causa differentiæ inter votum continentiæ, & abſtinentiæ à carnibus. Quod ſcilicet illud non careat diuino remedio, oraculo dei promiſſo. Iſtud autem non habet vnde vouentem poſſit à morte liberare, propter quod ſubtiliſſime Paulus ait, Eſca ventri, & venter eſcis, indicans eſcam eſſe neceſſitati extremæ ſubiectam, vt votum abſtinentiæ, neceſſitati extremæ cedat. Secus autem de actu fornicationis. vt enim idem ait, Corpus nō fornicationi, ſed domino. Secus item de remedio coniugii poſt votum ineundi. Non enim eſt neceſſarium, cum inter vtrumque ex diuino oraculo conſtet eſſe medium, quod vtinam attendiſſet dominus Alphonſus Canarienſis præſul, vir ſuſpiciendę & eruditionis & eloquentiæ, adde etiam & pietatis zelo alioqui inſignis, qui ab hac ſententia deſlectere viſus eſt, citra tamen neceſſitatem. Si quidem in hoc vno hallucinatur, quod exiſtimet dari poſſe aliquos qui continere prorsus nequeant, quadam vocabulorum affinitate deluſus. Quasi vero idem fuerit dicere, Sunt quidam qui non capiunt verbum iſtud: ſeu ſi dicas, qui capere omnino non poſſunt. Non enim capiunt, quia non poſſunt, ſed quia nolunt: quod certe poſſent ſi ſtrenuam in re huiusmodi nauarent operam (vt ſupra ex probatiſſimorum authorum conſenſu demonſtratum eſt) Et huic affine eſt illud ex Paulo, Si ſe non contineant, nubāt. veluti ſi ita dixeris, poſſent quidem aſſurgere ſi vellēt, cum tamen ſint liberi & nullo alio aſtriſti vinculo, nec vltra velint moleſtias carnis perpeti, indulgemus vt nubant. Indulgemus inquam, non iubemus, neq; conſulimus. Hoc enim eſt quod alio loco dicit, ſecundum indulgentiam dico: non ſecundum imperium. Et in Corinth. 7. Cui vult nubat, tantum in domino, beatior autem erit ſi ſic permanſerit ſecundum conſilium meum. Vides neque præcipi, neque conſuli coniugium, quacunque etiam ex cauſa, cum aliud non deſit præſtantius à domino petendum protinusque recipiendum (ſi obnixè petatur) remedium. Nemo igitur incuſet aut diuinam erga nos incuriam, aut abſolutam impotentiam, quin potius propriam cauſetur ſocordiam. Ideoque tota (vt in reliquis ſolet) via aberrat Philip-pus Melanchthon, virtutem dei & ſacra ſcripturæ myſteria

(quod sibi minimè videtur) ignorans, existimans præceptū esse matrimonium, ad molestias carnis vitādas. Si enim diuus Paulus ita existimasset, nunquam dixisset, volo omnes esse sicut ego sum. Item & illud, Volo vos sine solitudine esse. Nam quomodo singulis suaderet cœlibatum, vbi certo sciret ex præcepto quosdam teneri ad nuptias ineūdas? Donum quidem dei est cœlibatus, sed cunctis obuium: si ea (qua decet) dexteritate petatur. Omne quidem datum optimum, & omne donum perfectū de sursum est. Quo si quis indiget (indiget autem qui voto astringitur) petat à deo, qui dat omnibus affluenter. Si apud aliquem essent in præcepto ineundæ nuptiæ, qua fronte Paulus auderet dicere, Solutus es ab vxore, noli quætere vxorem? Delirat igitur Melanchthō, ex indulgentia faciens præceptum, cum Paulus spiritum dei ex professo habens, id omnino neget, omnibus ab vxore solutis suadens cœlibatum. Nec existimes vim præcepti habere verba hæc, Vnusquisque propter fornicationem vxorem suam habeat, sicut nec ista, Qui potest capere, capiat. Hæc enim consulentis sunt, illa vero indulgentis. Non semper præcipit modus imperandi. Verum aliquādo docet, suadet, precatur, permittit, indulget. Ex his omnibus apertissimè constat neminem esse aut fore cui nō protinus adsit continendi præsens facultas, diuino tamen freta subsidio. Quo fit vt nullo casu quis, voto semel (vt decuit) emissio, religionis solui possit, vt ducere valeat vxorē, cuiusvis etiam dispensationis prætextu, præsertim ad molestias carnis vitandas, cum votum quod est in præcepto, nunquam cedat indulgentiæ de matrimonio. Aderit enim semper præsentius, præstantiusque remedium, quod quidem ita ad manum est, vt quemuis ab omni perplexitate, coniugii etiam ineundi obligatione absoluat. Qui contra sentiunt, falso innituntur fundamento, addentes etiam verbo dei: qui cum contentus fuerit dicere esse aliquos qui nō capiunt verbum istud, illud de suo adiungunt quosdam esse qui non possunt capere. Quod prorsus falsum est, & à comuni ecclesiæ sensu alienum. Qua in re cum in reliquis elegantissimè differuerit, imo (vt amplius dicam) non hæreticos solum, imo seipsum vicerit præsul Canariensis, in hoc tamen (bona eius venia dixerim) à recto nulla vi impulsus

mihi defleſcere viſus eſt. verum nemo vigilat omnibus ho-
ris. Legat qui volet Philippicam eius decimam nonam.

Quin tu mihi vide lector, hanc ſententiam recidere in
Melanchthonianum errorem, qui ſcilicet proſitetur, eū qui
vritur (etiam alias voto aſtrictum ad cœlibatum) præcepto
vrgeri ad ineundum coniugium. Nam ſi nullum datur me-
dium inter id quod eſt nubere & vri, & neminem incon-
cuſſe tenemus eſſe perplexum inter duo peccata, quid aliud
ſequi poteſt quàm ſacerdotem, ne vratur, teneri ad coniu-
galem copulam ineundam? Quod ſi verum eſt, quid opus
erit diſpenſatione ei qui ingenuè profiteatur ſe velle pa-
rere mandato de ſuſcipiendo coniugio, ne ſcilicet vratur?
iam quis erit modus aut ſinis dirimendi voti, vt quiſque pro
arbitrio confidenter aſſeueret ſibi imminere lapſum car-
nis, niſi adſit remedium coniugalis copulæ? Mox futurum
vides vt ſibi quiſque, dum volet, viam apertam inueniat ad
nuptias celebrandas, prætextu huius præcepti de matri-
monio ineundo, ad vitandum ſcilicet imminentem lapſum
carnis. Abſit autem à diſciplinæ eccleſiaſticæ honeſtate tā
late patens, tamque pernicioſus error.

Oportuit in ea re fuſius quàm voluiſſem euagari: ne-
que enim breui manu de via tolli poterant, quæ ſe offere-
bant offendicula.

Videant igitur quàm ſibi non conſtent, imo quàm lon-
ge à ſynceræ religionis orbita defleſcant, qui ſuo patro-
cinio (vt ne dicam lenocinio) ſacerdotium matrimonio la-
xatis canonum habenis coniungere tentant. Primum illud
mihi videant quā ſint ſuæ conditionis immemores, qui
in hoc à deo vocati erant, vt ſe opponerent ſepem pro do-
mo Iſrael, quiſque iuxta Urbani pontificis ediſtum, erube-
ſcere debuerant, ſe tamen impudenter exhibent patronos
eorum quos pudor ab huiusmodi petitione auertit. Illud
mihi dicant connubiorum ſacerdotalium deſenſores ac
præcones, An de futuris tantum loquātur, qui nondum ca-
ſtitatem profeſſi ſunt, an de his etiam qui ſe in huius voti
ſolennis vincula coniecerunt, nemine quidem vrgente, ne-
mine compellente, quin potius abſterrentibus his qui huic
negocio præſunt, illud identidem repetentibus, Sumite ma-
teriam veſtris, qui acceditis æquam viribus, & verſate diu
h

quid ferre recusent, quid valeant humeri. his inquam atque aliis admoniti sermonibus, frustra implorant dispensationis auxilium. cum nec sit dispensandi materia, sed neque legitima causa. materiam subesse negavi, cum satis constet nulla dispensatione effici posse, ut ius tertio quæsitum ab eo auferri possit inuito. Cum ergo ius sit quæsitum deo & ecclesiæ ex traditione corporis per votum solenne ad perpetuæ castitatis obsequium, auferri non potest huiusmodi seruitus deo & ecclesiæ promissa, nisi constet per reuelationem aut decretum de consensu partis cui ius quæsitum est. Nam summus pontifex tametsi possit irritare contractum antequam fiat, nullatenus tamen poterit contractu iam celebrato auferre ius acquisitum parti. Procul hinc igitur abest relaxandi materia. Causa vero dispensandi est iusta necessitas, non tam priuata quam publica, quam longe hinc abesse promptum est ostendere. Publica nulla subest, imo potius sequitur totius ordinis ecclesiastici iniuria. daret enim hæc contagio labem, etiam in plures, sicut grex totus in agris vnius scabie cadit ac porrigine porci, Vnaque conspecta liuorem ducit ab vna. Sed neque occurrit necessitas priuata, utpote vitandi lapsus carnis: neque enim ignis igne extingui solet (imo potius augetur) sed abstinencia & oratione. Nam spirituales morbi spiritualibus remediis compescendi sunt, & aqua potius frigida solitarii mœroris ac plâctus incendium extinguit quam crassus liquor olei, ex copula carnali procedens. Non est igitur copula carnalis opportunum vitandæ libidinis remedium, minus etiam necessarium: cum intercedere possit promptissimum aliud & sanctius & proutius è cœlo veniens temperamentum si petatur. Omnis enim qui petit accipit, & qui quærit inuenit, idque apud eum qui facit in tentatione prouentum ut possimus sustinere. Quin potius blasphematur qui asserere audet, vnicum vitandæ libidinis remedium apud eum qui tentatur, esse coniugium. Quid enim aliud sequitur, quam nullam esse spem auxilii à deo, seu quia non possit, seu quia per duritiem quandam non velit? vtrunque meram olet blasphemiam, diuersum prorsus atque aduersum asserente scriptura quam supra retulimus. Omnis qui petit, accipit ab eo qui dat omnibus affluenter, & non improperat. qui etiâ se

propensissimū in nostra subsidia his verbis declarat, Si vos cum sitis mali, nostis dona data dare hominibus, quanto magis pater vester cœlestis dabit spiritum bonum petentibus se, gratiam inquam aut resistendi, aut certe flammam illam extinguendi. Subtracta igitur necessitate euanesçit dispensandi, aut facultas aut occasio. Nunc superest vt dicant, detrahendum posteris iugum castitatis impositum, vt suo scilicet quisque! cōsilio relinquatur an velit continere, an cōiugium inire. Sed quis conduxit hos patronos ad suffragium præstandū his qui nondum petierunt, neque adhuc cogitarunt? Reliqui pro patrocínio mercedem accipiunt, rogati in re etiā honestissima. Isti in re turpi nullo (de quo constet) catholico atque orthodoxo conducente aut rogāte, suam conferunt operam. Prodeant prius & nominatim se inscribant, qui abrogandæ castitatis patrocínio implo- rant, protinus audituri, qui vult edere nucleum frangat nu- cem. Delicatus est miles qui sine certamine vincere cupit. Si non vacet tibi castitatem seruare, nec vacet etiam ad altaris ministerium accedere. Aulæ conditiones in se recipit, qui aulicos ambit honores: perpetui sacrificii ministerium, per- petuam castitatem exigit. In virtute labor, sed spe minuēte laborem, gaudia succedunt. Sustine igitur, cum spe tamen non defuturi auxilii tentationes, & abstine à carnalibus desideriis quæ militant aduersus animam. Ne quære glan- des frugibus inuentis, cedat copulæ carnalis intempestiuū pharmacum, diuino ac præsentissimo (si petatur) remedio. Prope enim est dominus omnibus inuocantibus eum in ve- ritate. Voluntatem timētium se faciet, & deprecationē eo- rum exaudiet & saluos faciet eos. Quis ferat petulantiam serui, qui on⁹ suis humeris à domino suo legitime impositū nedū contendat excutere, imo vero hoc ipsum reliquis etiā subire volētib⁹, vt illud etiā abiiciāt persuadere conei? Quis patiat⁹ seruū domino ius potius dicere, q̄ ab eo recipere, ambientē? An nō hoc ipsum sapiēs vsq; ad horrorē detesta- tur, inquiēs, Propter tria cōtemniscit terra, propter seruū dominantē, & stultū quando satiatur panibus. Prouerb. 30. Idipsum Ecclesiastes vsque ad stuporem admiratur cap. 10. Vidi (inquiēs) seruos incedētes in equis, & principes ambu- lantes super terram, quasi seruos. Dominorū enim est legē

imponere subditis, quos iussa capessere necesse est, si tamen cupiant oblatis conscendere culmen honoris. Nemo cogit accedentē ad ordines continere. hoc solum prædicatur ordinādo, nō nisi per castitatis limē iter esse ad sacri ministerii decus & honorē. Capulo gladius accipitur, ansa quodlibet vas retinetur, freno equ⁹ ducitur, cornu taurus ligatur, vno cœlibatu gradus ad sacri ordinis fastigium conscēditur. Iā non est contendendū de legibus toties repetitis ac refriticis, omniumque consensu stabilitis, sed potius viuendum secundum leges. Qui enim petit traditionē hanc ab Apostolis ad nos deuolutam de non cōtrahendo post ordinem susceptū matrimonio abrogari aut antiquari, pari opera expectet sacrificium missæ, orationes pro defunctis, purgandarū animarū suffragia posse aboleri. Quæ oninia ex æquo ab vna potissimum radice traditionis apostolicæ procedūt. O infœlicissimos Epicureos nuptiatores atq; infœliciores eorū patronos, qui relicto refrigerio fontis aquæ viux, fodiūt sibi cisternas dissipatas in abrogandis continētiae legibus, quæ cōtinere non valent aquas pietatis aut honestatis. Cœlibes vix habent vnde se ac famulitium suum alere possint, vnde igitur nuptiarii isti sibi cōgregare poterūt opes ac subsidia ad vniuersam familiam alendā necessaria? Quin defuncto sacerdote, qua tandē arte vxor vidua filiiq; orphani sibi vitam comparabunt, cum beneficium ad patroni volūtatem, ad aliam manum deuenit? An non sufficit tibi pauperum, qui passim obuii sunt subleuanda inopia, nisi aliam tibi familiam ad satiandam tuam libidinem compares? cui alēdæ vix ingens opum thesaurus, vel sacerdotiorū immensus cumulus sufficere possit. Nihil in his nuptiatorum votis cernere est, nisi turbatum, cōfusum, ac plane præposterū. Qui sacris inītiantur, non recipiuntur, nisi prouentus alicuius continui subsidio freti: quo suffulti, tenui saltem frugalitate vitam transigere possint. Nunc quā immensus exigitur titulus ab eo qui coniugium inire velit & sacerdotium, ingens utique & immensus, qui nisi pinguis sit & opulentus, familiæ in posterum alendæ non satis vnus erit. Quid illud? an in fide & moribus in hunc vsque diem errauit ecclesia, quæ semper obstitit ne coniugium sacerdotio misceretur? Illōsne stupidos esse dicetis (ō nuptiatores im-

prohi)vos autem sapientes? At ipsi spirituales erant, qui omnia diiudicabant, etiam profunda dei. Vos autem carnalēs. Atqui vir carnalis (vt ait Paulus) non sapit quę dei sunt, stultitia enim est illi, qui dum se existimat sapientem, stultus efficitur. Præstiterit igitur vt viuamus moribus præteritis, etiam si loquamur verbis præsentibus, quando (vt ille ait) Moribus antiquis stat res Romana virisque, quod de spiritualibus intelligendum esse nemo diffiteri poterit. Illud autem mirum, quod qui volunt intrudere in sortem ordinis sacerdotalis coniugium, arceant coniugatos à suo ipsorum cœtu ac contubernio. Quid aliud audituri sunt, quàm quod dici solet, Tute patere legem quam ipse tu - leris? Absit igitur vt cœlibatus ex professo cultores, viam suo patrôcinio aperiant nuptiatoribus, quos, velut igna - uum fucos pecus à præsepibus sacrorum ordinum arcere debuerant. Vnus est (etiam si cæteri absint) theologorum ordo, qui huic nupturientium torrenti se totum oppone - re debet, nec sinere omnia in peius ruere, ac retro dela - psa referri. Habes igitur qua ratione queas coruos delu - dere hiantes: qui non in aliud laborant, quàm vt carna - nalia spiritualibus, terrena cœlestibus, lutea aureis & ar - genteis miscendo confundant. denuo idolum effingenteis comminuendum potius quàm venerandum: cuius caput sa - cerdotii titulo venerabile, aurum, pedes vero negotiorum sæcularium sollicitudine ferrei partim, partim vero testei sint & lutei. Iam quid alias nationum externarum acade - mias dicturas censes? si ea quæ cæteris prælucere consue - uit inter orthodoxorum collegia aut vna, aut prima ad hu - iusmodi deuorandas delicias habenas laxauerit. Ecce (inquiunt) quomodo argētum versum est in scoriā, quo - modo mutatus est color optimus, quomodo filii Effrem in - tendentes & mittentes arcum conuersi sunt, imo peruersi in die belli. Dicas oues in hircos mutatas, aut certe canes in lupos. Sint igitur procul à nobis sacer ordo & fœmina iun - cti. Nos patrum vestigiis inhærentes, quod superest, relin - quamus lutheranis deos iratos, nisi breui ad matris suę si - num reditum maturare parent, ac sese infra patrum sacro - rumque ecclesiæ procerum placita continere.

Pigeret sane nimiumque puderet à patrum placitis ita

abhorrrere, vt ab eis in ea re cōstitutos terminos refigendos esse censeremus. Habemus autē cœlibatus in sacris ordinibus constituendi antesignanum ducem Ioannem de Gersono, in dialogo super ea quæstione confectō, sub annū domini quartum ac vigesimum super quadringentesimum ac millesimum. Qui rebus ad viuū expensis, totus in hoc est vt citra controuersiam dicat, omni spe adempta connubii, rectē à patribus, ordinibus sacris adiunctum fuisse cœlibatum. qui naturæ geniales querelas componens ita nomine Sophiæ perorasse legitur. Dicebat enim natura, Cur non censes tollendum esse votum à sacerdotio, cum non sit ei diuina aut inseparabili societate connexū? Ad hæc ita Sophia respondet, quasi stet in nō vouendo tota reformatio, quasi non peceent vxorati. Sed nec refert magnopere, si votū ne quaquam sit annexum essentialiter sacerdotio, postquā ita coniunctū sibi est, vt omnis illud suscipiens nedum voueat, sed votū etiam solennizet, matrimoniū dirimens iam contractū, non minus quā in monachis. Sed nec plus habet dispensabilitatis vnū quam alterum, nisi quod facta monacho dispensatione, desinit esse monachus, quoniā status importat tria vota de sui ratione. Sacerdoti vero concessa dispensatione voti, sacerdos tamen manet. At vero hic non versatur reformatio principalis, sed per alia media qualia nunc & hic aperire non est consilium. Hoc dicimus, quòd de duobus malis minus est, incontinentes tolerare sacerdotes quàm nullos habere. Sicut abutimur bonis dei, sic vititur ipse malis nostris ad electorum salutem, nominatim in sacramentorū ministratione. quod olim figuratū est in pastu Helix per coruos, in quibus peccatorum nigredo figuratur. Non expectet aliquis quòd area dominicæ ministrationis tanta possit sollicitatione purgari, quin plures sint paleæ vitiosorum, vt luxuriosorum inter quos latent & foventur, tanquam grana purissima cultores castitatis. Quis scit si plures nunc ecclesiastici custodiant in cœlibatu castitatem illibatam, quam si iuncti coniugio maritalem integre conseruassent? Quis nesciat in multis & de multis desiderabilibus facilius esse totaliter abstinere quàm vsum moderari? Vidit hoc Epicurus assertor voluptatis, qui teste Seneca dicit, Vis diues fieri: non diuitiis adiiciendū, sed

cupiditatibus & concupiscentiis detrahendum, adeo vel diuitem vel voluptuosum fieri non in exterioribus situm est, sed intra nos. Quid quod non humana præsumptione regitur ecclesia, sed spiritus sancti directione prout omnia tēpus habent. Fuit ecclesia primitus siue dotatione temporaliū. qualiter postmodum per Siluestrum & alios sanctissimos spiritus sanctus large dedit. sic aliquādo per coniugatos regebatur ecclesia, vt in antiqua lege: nunc per cœlibes in noua. Concludimus tandem nos interea contentos esse debere remediorū postulatione, qualia qualiterque tetigimus, vt tranquille concorditerque maneamus sororio nexu iunctæ, natura cum sophia. Natura, fiat precor ita. Hęc Sophia. In summa, vis dicam, audiendus est nobis Paulus perpetuo carni indicto silentio, qui priore ad Corinthios 6. sic ait, An nescitis quoniam membra vestra, templum est spiritus sancti qui in vobis est, quem habetis à deo, & non estis vestri? Empti enim estis pretio magno. Glorificate & portate deum in corpore vestro. Idemque 7. Vnumquēque sicut vocauit deus, ita ambulet, & sicut in omnibus ecclesiis doceo, vnusquisque in ea vocatione in qua vocatus est, in ea pmaneat. Mox subiūgit, Pretio empti estis, nolite fieri serui hominum. Minus autē velitis imperiosissimū omnium muliebris querelæ subire iugum. Nam vt ille ait, Semper habet lites alternaque iurgia lectus, In quo nupta iacet, minimum dormitur in illo.

Iam qui volunt omnes de medio tolli abusus, præterquam quod suis futilibus plane remediis, nouos nec minus noxios inducunt & aduehūt, prius naturæ totius ordinem inuertent, quàm finem imposuerint his qui passim suboriuntur, quique sine magistro discuntur seu vitiis seu erroribus. Nouerint interim inepta remedia veris quandoque periculis esse nocentiora. Nouerint probrum probro non esse diluendum. Nouerint sibi delegisse dominum ex sacerdotali ordine multa hominum milia quæ non flexerunt genua coram Baal. Nouerint & solem apud Græcos esse in occasu, qui pridem rutilantior oriebatur, non multo post quàm à se abiecerunt castitatis iugum suauius, solòsq; esse calogeros thori maritalis expertes, qui apud eos de integro sacerdotum functiones impleant, plurēsque esse fili-

lios desertæ à coniugali thalamo ecclesiæ Latinæ, quàm eius quæ habet virum, Græcæ nimirum, quam scimus omnes durissimam sub Turca subire seruitutem: cui merito illud obijci potest, Vos dereliquistis dominum, & ipse dereliquit vos in manu Sefac, vt vel isti saltē deprehendatis, quātum intersit inter iugum dei, & iugum hominum. Quod si aliqui labantur, vt est via carnis lubrica, non longe aberit qui sanat contritos corde, & alligat contritiones eorum. Reliquum est, vt dicat qui lapsus est, Priusquam humiliarer ego deliqui: propterea eloquium tuum custodiui. Nam vt est in prouerbio, Qui fugit, denuo pugnaturus est. Fidelior certe, iuxta Gregorium, factus est Petrus, postquam fidem amisit.

Satius esse intelligant, vt aliqui ad altiora vocati, cessent à generatione quàm præ multitudine sobolis gens vna aliam loco extrudere conatur. Interim non negauerim adolescentulis, ac bonarum etiam literarū ignaris negandum esse ad sacra aditum, expectandamque esse maturiorem ætatem. vtpote si videbitur annorum triginta, quæ nisi adsit, nullus pateat ad sacros ordines aditus. Cesset igitur atro carbone notandus Melanchthon, nigra dealbare, & alba loquendo denigrare, & veterum canonū placita: quem ita Phygius Campensis suis depinxit coloribus, vt si quis vltra quicquam attingere velit, opus eius absolutissimum obscuret potius quàm illustret. Iam ad alia properemus.

Sequitur Responsio ad Buceri calumnias.

Hanc, quam prædiximus, velitationē atrocitate superat Bucranus incurfus. Qui peculiari quadam temeritate hinc suam delirij telam orditur, asserens, quod cœlibatus Nonnorum (vt vocat) & Nonnarū bonus esse non possit: quod non assumatur propter regnum cœlorū, vt scilicet verbo & opere possit promoueri. Quo loco si de verbo tantū prædicationis agitur sexū totum muliebrē à sacro cœlibatu excludet: de quo à Paulo dictū est, Mulierē in ecclesia docere non permitto. Quin & chorū anachoretarū vniuersum hac seuissima sua sententia damnabit: qui cū cœlibatū mordicus tenuerint, à prædicatione verbi abstinuerunt, sibi tantum canentes musisq; cœlestibus, vna consēti soli-

rudine. Deniq; omnes literarum ignari à cœlibatu excluduntur, eo quod verbo prædicationis promovere non possint, aut dilatare cœlestis regni negociû. Si autem verbû etiam selectæ consolationis intelligat, quid obstat, quo minus verbo & opere, imo & magnæ pietatis exêplo, Nôni (vt ait) & Nonnæ regnum cœlorû promovere possint? Cur non solitudo plurimum momêti habeat ad cœleste regnum propagandû, cum multum valeat oratio iusti assidua? Diuus Gregorius monasticû ordinem tanti facit, vt piâ eorû conuersationem miraculis claruisse testis ipse oculatus cœntâter asseueret. Bucerus negat deo optimo placere monachismû. Quæso, vtri fides potius adhibenda est? Spirituali ne, an carnali viro? Pio ne, an impio? Idê ipse Gregorius monialiu lachrymas & abstinentiam urbem Romam à Longobardorû vi & iniuria tutâ reddidisse ingenue testatur. Bucerus quoad anniti potest, diris deuouet hunc ordinê. Quid hic agendû nobis est? An cæcum ducê sequemur, oculato teste posthabito? Nemo sane id faciat, nisi qui impium ac irreligiosum se esse demonstrat. Gregorius ad Mauriciû Imperatorê sic ait, Scio quanti his diebus meis in monasterio milites conuersi miracula fecerunt, signa & virtutes operati sunt. Quod si cœlibatus iste ad hoc conducit, cur tam improbus est & iniquus iudex, vt solitariâ vitâ cœnobiticâue agêtes sua sentêtia dânatos velit, qui cõtinentiâ amplectuntur? Cum dicimus orantes, Adueniat regnû tuû: nō de verbo tantû prædicationis agitur, vt neq; alio loco, dum Christus ait, Primûm quærite regnum dei, & iustitiam eius. Promouetur certe regnum cœleste, non prædicatione tantum verbi, quin etiam puræ ac syncerioris vitæ exemplo, flagrantiori oratione, & diuinæ contemplationis theoria: quæ vna dos therapeutici status conditionem implet. Monachus enim non prædicantis, sed lugentis habet officium: vt sua & populi peccata defleat. Miseranda certe est hæreticorû cæcitas: quos ita mentis vertigo agit præcipientes, vt videre nequeant vbi corruant. Nemo ab istorum iniuria tutus eualet, si tamen audiatur tam impia sententia. Soli duces verbi cœlibatum colere poterunt, si damnatur solitariorum continentia.

Quod autem dicit Nonnos & Nonnas non ob cha-

ritatem amplecti cœlibatum, vnde illi audacia tanta, vt salua fronte iudicare audeat alienum seruum, qui domino suo stat aut cadit? Nam huiusmodi charitatis intentio secretius in pectore residet, quàm vt à quouis homine agnoscisci possit: quanto minus iudicari?

Nec hoc contentus errore, amplius ineptire pergit, dicens, quòd vt cœlibatu aliquid merearis apud deum, nuptias posthabere impietas est. Hoc enim est deo non satis fidere, dum poscitur merces pro eo, quod aliàs deo debetur, & quod vere donum dei dici debeat. Et vt ad solitas suæ temeritatis artes recurrat, ait in cœlibatu monastico nihil aliud esse quàm hypocrisin, ventrisque ac nominis studium. Hoc inquam impropere audet viris etiam sanctissimis, neminem excipiens, omnes in vniuersum eadem nota inurens, ventris vt si quis alius, venerisque patronus præcipuus. Qua in re Antichristi personam sustinet, dum extollitur super omne id quod dicitur deus, de internis affectibus iudicans, priusquam venerit dominus, qui illuminabit abscondita tenebrarum. Solius enim dei est scrutari corda & renes. Quid insultius hac assertione, quæ spem omnem mercedis de Christiano pectore tollere nititur, cum contrarius accedat Paulus, dicens, Sic curro, non quasi in incertum, sed potius de mercede futura certus. Qui & alio loco dicit, Scio cui credidi: & certus sum quia potens est depositum meum seruare in illum diem. Iam enim docuimus mercedem à deo expectari posse, & quidem sanctissime, ex gratia & promisso, magis quàm ex obligatione & debito, etiam si id ipsum propter quod merces expectatur, sit donum dei. Nam omnia quæcunq; à nobis aut fiunt aut offeruntur, dona dei sunt, iuxta illud 1. Paralip. vltimo, Cuncta quæ in cœlo sunt & in terra, tua sunt. Tuæ diuitiæ, & tua est gloria, tu dominaris omnium. Tua sunt omnia: & quæ de manu tua accepimus, dedimus tibi. Nam omne datum optimum, & omne donum perfectum deforsum est, descendens à patre luminum. Agnouit etiam hoc Martialis ethnicus, qui ait,

Iupiter ambrosia satur est, & nectare viuut:

Nos tamen exta Ioui, thura, merumq; damus.

Alioqui si quod habet, non vult: quæso, quid accipiet? Dona

igitur dei sunt, & de manu dei prodeūtia : ex quibus licuit semperq; licebit, non exiguā expectare mercedem. Frustra alioqui nobis præmia proposuisset, dicens, Ibunt, qui bona egerunt, in resurrectionem vitæ: qui vero mala, in resurrectionem iudicij. Et qui redditurum se pollicetur vnicuique iuxta opera sua, quid aliud q̄ expectandā boni operis mercedem docet? Nobis igitur sperare licet. nam & sperare iubemur. Nec aliquid piaculi fuerit, si quis nuptias cœlibatui postponat. *Quod* tamen impius iste impietatem vocat. Vt enim lib. de viduis Ambrosius ait, Non aliud reprehenditur, vt aliud prædicetur: sed omnia prædicantur, vt quæ meliora sunt, præferantur. Honorabile coniugium, sed honorabilior integritas. Nam & qui matrimonio iungit virginem suam, bene facit: & qui non iungit, melius facit. *Quod* igitur bonum est, vitandum non est: sed quod melius est, eligendum est. Vbi præceptum est, ibi lex est: vbi consilium, ibi gratia est. Licet itaque nuptiis præferre cœlibatum: quem (vt idem ait) dominus honore prouocat, magisterio docet, inuitat exemplo. Inuitat & Paulus dicens, Bonum est, si maneant sicut & ego.

Verū multi sunt, inquit, qui continētiam appetentes, sese exponunt grauissimis incontinentiæ periculis. Ad id respondet Ambrosius, Ergo nemo militet, ne aliquādo vincatur: nec pedis vtatur obsequio, qui gradiendi periculum reformidat: nec oculi intendat officio, qui concupiscentiæ timet lapsum. Hac certe ratione tecta nunquam essent subeunda, ne quis è tecto lapis delapsus nos offendat. Nec fabricanda arma. nam plerique gladio periire. sed nec sumendus ad leuandam inopiam cibus. Nonnulli enim, faucibus obstructis, interierunt. Nam & quidam acino, alius vero pilo strangulatus expirauit. Sed & in ipsum Deum hæc noxa perueniret, si huiusmodi querela locum habeat: qui & præcepta tulit, in quibus offendimus omnes: & elementa creauit, quorum pestilens afflatus multa hominum milia ad interitum perduxit. Quid igitur huic vanissimæ ratiocinationi obiiciendum est, nisi quod Iacobus in sua Canonica ait, Si quis indiget sapientia, postulet à Deo: postulet autem in fide nihil hæsitans. Et quis est, qui desperet, qui modo dicentem

audierit: Si quis sitit, veniat ad me, & bibat. Et qui hoc dicit, dat omnibus affluenter, & non impropere. Cessent igitur oblatrare canes aduersus hunc cœlibatum: qui vtinam essent canes muti, nō valentes latrare, quando meliora, aut saluti viciniore proferre nequeunt.

Iam quis ferat atrocem huius iniuriam ita sœuientis aduersus continentię nitorem, qui ore impuro euomere ausus est castitatem officere solidę animarum atque corporū sanctimonię, & paupertatem dispensationi euangelicę? Sub hoc itaque iudice crudeli sœuorq; tyranno cadet à causa perpetua intemeratę virginis integritas, quę ex constanti decreto virum non cognoscit. Euanesce Ioannis Baptistę & Euangelistę sanctimonia, si castitas officit solidę puritati. Supprimendum erit purum & castum de virginitate comparanda ac tuenda Pauli consiliū, dum ait, Solutus es ab vxore, noli quęrere vxorem. Annę prophetissę, cuius laus est in euangelio, institutum damnabitur: quę tamen vel hoc nomine cōmēdatur, quòd vidua permanserit vsque ad annos octogintaquatuor, non discedens de templo, ieiunijs & orationibus seruiens nocte ac die.

Si verum est quod asserit Epicuri de grege porcus, castitatem officere solidę corporum & animarum sanctimonię, quis non miretur impudentiam frontis perfrictę, cum horum verborum halitus obuius cuique nauseam pariat? At ne id citra rationem dictum putes, profert suę assertionis causam, semper proficiens in peius: vt peculiare solet esse hæreticorum. Malim (inquit) monachos esse maritos, quàm scortatores. Quid audio? Monachus solitarius est. Qui si familię curam habeat, quomodo aut esse aut dici poterit monachus, qui etiam reus sit fracti voti? Proinde ac si aliquis dicat, Malim te esse prædonem, quàm parricidam. Iam qui cum vxore est, diuisus est: quomodo igitur idem vnus erit & plures, solitarius & diuisus? Hic videtur per somniū aludere fabulę de Geryone tricorpore, aut de tricipite Cerbero. Vix credas apud se fuisse hominem, qui tam secum pugnantiā profert. At longe aliter censuit Paulus, qui in Romanis tertio capite ait: Nō vt blasphemamur, & sicut aiunt quidam nos dicere faciamus mala, vt veniant bona: quorum damnatio iusta est. Consultius autem egisset Buce

rus, si meliore mente recepta dixisset: Malim pauciores numero monachos sacerdotē sue, & eos quidem continentes, sacris initiari, & cum iudicio deligi, quā multos effrenes, qui nec ordinis placita, nec canones seruant, quique sine lege, sine regula passim per orbem vagantur. Hoc si dixisset, vnanimi omnium frueretur cōsensu. Ne simul iustus deleatur cum impio, neue dispereat ordo monasticus, cuius splendor & honestas totum orbem suo fulgore illustrauit. Quid enim commeruit sacer piorum cœlibatus, si quorundā petulantia nonnullis dederit offendiculum? Detrahantur noxia, nulla interim infontibus inferatur iniuria. Imo potius audiendus erat Christus, qui ait, Sinite vtrāq; crescere vsq; ad messē, vt non simul eradicetur & triticum. Non enim eradicandæ sunt vites, si vnā cum illis succrescant spuria vitulamina. Eradicetur potius quorundam effrenata licentia vt apud viros pios ac religiosos tuta castitas permaneat, quā quod propter incestos de medio tollatur, quæ viris iustis semper placuit, toto orbe Christiano laudata continentia: Quod si fiat, plures erunt filij desertæ, quā eius quæ habet virum. Non dissimili scommate hoc delirium retūdit Bernardus, qui libro de dispensatione & præcepto hūc suporem eludit, dicens, ac si quis requirit, Quanam morte perire consulendum sit eum, qui seipsum forte perimere velit, incendiōne, an præcipitio? eum potius in hoc suaderi debeat, vt suæ vitæ & salutis consulat, & infixum menti errorem delere prorsus, atque abstergere curet. Id quod profunda & humili ad deum fusa oratione facile fieri.

Prosequitur cœptum suæ temeritatis iter, ita dicens, [Quod autem pōtificiæ castitatis adsertores aiunt præcib⁹ posse impetrari, vt detur vnicuique cœlibi viuere, Christo contradicunt, qui ita pronunciat, Non omnes sunt capaces dicti huius, &c.] Cum tamen hæc verba Christus minime pronunciarit, quin ita potius, Non omnes capiunt verbum istud. Atqui non idem sit dicere, Non omnes capiunt verbum istud: & Non omnes sunt capaces. Non capit, qui sua sponte tentationū carnis tædia ferre detrectans, periculū permutat periculo, coniugii vinculo se adstringens. Qui vero dicit hominem prorsus non esse capacem, facultatem negat, quantumuis conetur assequēdi quod optat. Rectius

interpretatur Chrysostomus, Non capiunt, quia nolunt. Non autem dixit, Non esse capaces, quasi minime possint.

Sed & errorem errori adiungens, sic ait : Deus non vult omnes cœlibes viuere . Non igitur cuiusque cœlibatus ad gloriã dei faciet. puerili sophismate incautis fumã offundens, Nam & quiuis è triniõ rideret ita colligentem: Non omnes possunt ingredi hanc aulã: igitur nõ est cuiusuis ingredi eã. Quis nescit collectim nõ cõuenire omnib⁹ cœlibatũ, & tamẽ seiũctim cuiuis cõpetere posse? Hæ nimirum sũt collectiones nõ tã captiosæ q̃ ridiculæ cuiuis in Dialectica tyrũculo. Proinde nõ omnib⁹, inq̃t, orãdũ est, p cœlibatu. Cũ tamẽ Paulus dicat: Volo omnes vos esse sicut me ipsũ: Distributiuã locutio est, & nõ collectiuã: vt Dialectici volũt. Quin & ampli⁹ pergit suũ ostentare deliriũ. Qui, inquit, orant p cœlibatu, quinetiã orãt ne cibo necesse sit, & alijs vitæ hui⁹ reb⁹ onerari. In prõptu responsio est. Domin⁹ nõ inuitat nos ad perpetuã inediã, cũ tamẽ hortetur ad cœlibatũ: In quo Christus & deipara virgo, & alij præterea innumeri, excellenter pdurarũt: qui tamẽ inediã hanc perpetuã nõ exercuerunt. Verũ adhuc insanire pergit. Imo, inquit, cur nõ oratione sua impetrãt, vt semel deposito corpore beati sint? Sed quid hoc ad rhombum? Hic agitur de perfectione vitæ, & tu diuertis ad consummationem mortis. Cuius quidem desideriũ nõ omnino vicio datur: nisi forte tibi nõ probetur Pauli sententia dicentis ad Philipenses primo, Mihi viuere Christus est, & mori lucrum. Aliud est probare potiora dum viuus, & ad ardua tendere: quod laudabile est, & per se decorũ . Aliud finem quærere laborũ: quod his tantum cõgruit, qui legitime certauerũt. Nobis potius conuenit dicere: Dimitte me, vt glutiam saluam meam. Perfectionum est illud, Cursum consummaui, si dem seruauit: de reliquo reposita est mihi corona iustitiæ. Alias profert suæ cæcitatis indices tendiculas, teneriores vtique araneorum telis, vt quæ nec insecti vnus animantis duriusculum onus ferre possint. Quæ tamen ita sibi subtiles esse videntur, ac neruosæ, vt medium tenere possint quẽ uis etiam Gigantem robustissimum.

Cuius texturæ est, quòd ineptè nugatur, impium esse operis à deo expectare & expetere mercedem: quam exigere

videntur, qui professæ continentia præmia expectant. sed impius est iste, qui impietatem somniat etiam in re maxime pia: nisi Psalter quocq; impietatis arguat, qui ait, Etenim seruus tuus custodit ea, & in custodiendis illis retributio multa. Alio item loco: Inclina cor meum ad faciendas iustificationes tuas propter æternam retributionem. vt Hieronymus in Hebraico legit. Nam Aacheb retributione signat. Et vt mox diximus, Paulus repositam sibi coronam iustitiæ expectat citra omnem impietatis notam. Alioqui quid attineret dominum ipsum mercedis æternæ præmium proponere certantibus, nisi & ipsum expectare & desiderare liceret? Cui totus inhiat Paulus, nec temere dicens, Sic curro, non quasi in incertum: sic pugno non quasi in aere verberans. Id autem omnino licet, modo ne tanquam ex debito, sed ex gratia potius pollicentis speretur. Spes autem vti ex eius definitione constat, partim gratiæ, partim meritis innitur. Hoc certe est hæreticis perpetuum & peculiare malum, vt offundant oculis fumos, ex veris elicere falsa: vt eorum collatione inquinata reddantur, quæ tamen per se vera sunt. Si Dominus inuitat vt petamus præmiū: quid piaculi fuerit id, quod sua gratia pollicetur, expetere? Et tamen hæretici ita absone colligunt, nempe veluti à thesauris ad carbones. Expectas à deo mercedem? Vis igitur iure probe deum tibi constituere debitorem.

Sed nec sibi temperat, quo minus insectetur disciplinæ regularis formulam, dicens eam officere puritati ac nitori legis euangelicæ. Nam positis constitutionibus, (vt ait) humanis, videri potest lex euangelica non sufficere animarum saluti. Sed ignorat stupidus iste, quod sanis, & bene habentibus abunde sufficit cibus delicatus boni succi, & affatim nutriens, quum tamen debilibus, & ægrotis, ob eorum inappetentiam debilitatemque stomachi, minime conueniat per se alioqui optimus. Sic & perfectis vna lex euangelica sufficit, imbecillioribus autem formulæ viuendi ad acquirendam perfectionem viam faciūt. Vt cubiculum iam ingressis claue nihil opus est ostium refferante, quæ tamen necessaria est ingressuris: sic opus malleo & incude, nondum fabricata sera, qua perfecta & completa superuacaneū sit huiusmodi desiderare instrumenta.

Qui apicem montis attingit, nihil opus habet in ipso insudare ascensu: qui vero in imo stat, gradis adhuc illi restat via. Denique regularis disciplina perfectioni conducit acquirēdæ, quum fastigium legis euangelicæ sufficiat acquisitæ. Sic fit, vt constitutio humana viam paret ad diuinam. Istud ex Paulo cuius peruium esse potest, qui ait priore ad Corinthios tertio, Ego fratres non potui vobis loqui quasi spiritalibus, sed quasi carnalibus. Tāquam paruulis in Christo lac vobis potum dedi, non escam. Nondum enim poteratis: sed nec nunc quidem potestis. Adhuc enim carnales estis. Ad leuandam hominum inedia per se quidem sufficeret adulta iam & matura seges in agro: nos tamen illi sepe adhibere solemus, ne feræ noxiæ diripiant, ac breui momento perdant hominum labores, Sic regularis disciplinæ institutum suos cultores in officio continet, & impedimenta adsequendæ perfectionis lōgius arcet. Hæc prescius considerata omne ambiguum facile tollent.

Hic demum suæ improbitati finem imponere debuit Bucerus, si quis apud eum esset aut finis aut modus: quæ tamen non inueniens, crambem plus millies recoctam impudenter mensis apponit, asserens nemini licere cœlibatū sectari, nisi cui datum sit, cōtempo (vt suo Marte effingit) coniugio. Neque enim qui aurum præfert, contemnit argētum: nec qui cœlibatum coniugio præponit, spernit matrimonium. Multos denique esse asserit, qui falso arbitrentur se esse hoc munere donatos. Ad id quidem vna responsio sufficit, quemuis huius doni esse capacem, qui modo velit in sua petitione constanter perseuerare. Nam sine pœnitētia sunt dona dei: nec aliquem deserit, nisi à quo prius deseritur. Non est personarum acceptor Deus, sed in omni gente, qui timet eum, & operatur iustitiam, acceptus est illi. Actuum 10. Donum quidem à deo est cuius præstandum ex quo, qui modo se paratum præstabit. Sed neque expectandum est cœlitūs oraculum, priusquam voueas: quando nec deipara virgo id expectauit, priusquam voueret. Quin ex imo pectore ad deum fusa oratio, sufficiens est ad huiusmodi impetrandam gratiam. Alioqui oraculum desiderandum Paulus docuisset in Corinthijs 7. quod tamē tantum abest vt exigat, vt etiam dicere non dubitauerit, Qui

statuit in corde suo firmus non habens necessitatem, potestatem autem habens suæ voluntatis, & hoc iudicauit in corde suo seruare virginem suam, bene facit. Hic nullus de expectanda reuelatione sermo, aut habetur, aut innuitur. Neque in huiusmodi proposito conseruando opus est miraculo, si exactam miraculi rationem attendas. Nam quotidie dona huiusmodi cœlitus demittuntur, alioqui omnia dona dei miracula forent. Non tamen longe abest à ratione miraculi: quandoquidem in carne præter carnem viuere angelicum potius est, quàm humanum. Sed nõ ita rarũ, quin à quouis flagrantis orationis subsidio possit impetrari. Id autem dixerim, ne quis aut prodigij, aut oraculi mole absteritus, sub onere gemat, ac tandem desperet. Quis enim desperet de eo, qui semper bene velit, vt optimus, qui que nihil non possit, vt maximus? Tantũ adsit pius ac feruens ad impetrandum animus. Qui vbi aderit, qui petit accipiet, qui quærit inueniet, pulsanti quoque aperietur. Nõ igitur absterrendus est miles propter varium belli euentũ, vt fugiar: sed excitandus, vt vincat. Quæ in re grauissime peccant hæretici, præpostero ordine omnia peruertentes. Animi feruor & audacia ex periculi occasione captanda est, nõ pusillanimitas assumenda. Hæc est magna pars decipularum, quas cœlibatui obtendit Bucerus in Matth. cap. 19. quarum vanissimas nugas retegendas curauim, ne quis cæcũ ducem sequutus, errandi occasionem accipiat.

Sed quid non petulanter audeat, & impudenter attentet serpentis huius modo euadendo tortuosi, modo in inuadendo pungendoue amarulenti, virulenta nequitia? Hoc enim apud se statuit, vt abiecta luce veritatis ita sua responsa adumbret & obscurer, vt, nescias in quam partem inclinare velit, eo nimirum & astu & ingenio, vt si forte se videat irritũ, ac luce veritatis deprehensũ, latebras aliquas sibi paret, in quibus pro nata occasione delitescere possit, interimq; è manibus prosequenti elabi. Deniq; illi perpetuũ est ac perenne, omnẽ induere personã, in quã velit se transmutare effigiem: non vt omnibus cum Paulo omnia fiat, verũ potius vt omnes dementet ac fallat, secũq; in erroris præcipitium trahat. Id quod acutissime in hoc Bucero Vintoniẽsis præsul Stephanus deprehẽdisse cernitur. Qui ob id celsit vanã

nulliusq; frugis esse, cum hoc præsertim hæretico, cōtentio
 nē, cum omnia catholicis arma adempta sint, quib⁹ retineri
 possint refuge, perstringi reluctantes, aut cōfodi ptinaces.
 Scripturæ vni⁹ patrocinio se tuētur, cū tamen nihil minus,
 q̃ scripturā sequi velint: sed potius suā corruptissimā intel-
 ligentiā venentur in illa, eum sensum affigentes, non qui à
 spiritu sancti mēte, patrūve sententia pendeat, sed qui eorū
 potissimū seruiat affectibus. Quid igitur facias, dū in diuer-
 sos sensus sub prima disceptationis initia scriptura discerpi-
 tur, quorū vnus legētē ædificet, & alter destruat? In duello
 prius cōuenitur de paribus armis: hic nihil reliquū ab hære-
 ticis relinquitur, quod possit esse vtriq; cōcertatiū cōmune
 nō interpretatio patrū, nō apostolica traditio, nō cōciliorū
 pontificūve decreta, scriptura nuda in medio relinquitur,
 sed nullo p̃babili sēsu, nulla fixa interpretatione munita.
 Accedit ad huiusmodi difficultatē lubrica hæreticorū in re
 quapiā asserēda fides, incōstans assertio ac varia semper &
 mutabilis, frōs impudēs & p̃ficta: & in quāuis partē versati-
 lis, vt sphericū in plano in quāuis partē volubile, atque om-
 nipi curipo mēs versatiliior. Quin & more chamæleōtis af-
 fingūt sibi & assimilāt quoscūq; colores, & p̃ occurrēte cau-
 sa fingūt omnia atq; refingūt. Nec his cōtenti, succo loligi-
 nis (quādo aliud nō possūt) aduersarios loquēdo denigrāt:
 cū deest illis lana quā texere possint: vt interim dilabantur.
 Vnū itaq; superest, quo teneri queāt, cōpendium: vt ex pro-
 prijs eorū dictis plerunq; secum pugnantibus, nō satis me-
 mores illos mendaces cōvincere possis. Nec mirū, si melio-
 res se impetāt maledictis, cū sint ipsi apud pios omnes de-
 ploratissimi, omniū impuritatū assertores ac patroni, nēpe
 veneris & luxus impudētissimi præcones, incesti & nefarii
 coitus ex p̃fesso defēsores, religionis ac disciplinæ osores,
 & contēptores puicacissimi, in dilatādo luxu & augēda car-
 nis licentia supra omnem fidē largi ac p̃fusi; in commendā-
 dis autem atque extollendis spiritualibus donis, castitatis,
 inquam, atque temperantiæ, parcissimi: negātes, expectan-
 dum esse donum dei pro tuendo cōlibatu: imo neque pro
 eo vt obtineatur, orandum. Sic enim Bucerus ait, Dominū
 rogandum non esse pro dono continentiae ab his qui quā-
 uis professi sunt, tamen ad coniugium potius quā ad cō-

libatum deputati sunt. Sed vnde sciemus, quando, quæue
 ætatis parte cuius hominum ad coniugium potius, q̄ ad cœ
 libatum deputatis sit? Imo qui suis precibus obtinuit gra
 tiam, vt voueret: quomodo tã delirus erit, vt desperet de
 gratia id præstandi, quod dei auxilio vouit? An ignoramus
 scriptum esse: *Qui cœpit, ipse perficiet bonum opus: & pr̄
 cipium esse plusquam dimidium totius.* An stupidus erat,
 qui ait, *Ter dominum rogavi, vt auferretur à me stimulus
 iste?* Sed inuenit impostor Bucerus commentum aliquod,
 quo telum istud elidere possit: qui contra omnium catholi
 corum sententiã hæc verba Pauli, Sufficiat tibi gratia mea,
 neget intelligenda esse de auxilio ad tuendũ cœlibatum:
 verum de favore potius ad ineundũ, priore statu mutato,
 coniugiũ. Quasi parciore sit dominus ad cœlibatus auxiliũ
 præstandũ, si cõuenienter petatur, q̄ ad cõiugij p̄mouẽdas
 molestias: cum tamen det omnibus assidue, & nõ impro
 peret. Quasi qui dedit votum vouenti, deneget auxilium
 promissum præstare volenti. Verũ quid sibi vult istud, quod
 mox sequitur, *Virtus in infirmitate perficitur?* Quis enim
 negare audeat hæc verba ad cõtinẽtiã pertinere? p̄ qua tenẽ
 da & angenda Paulus orabat: potius quã ad coniugij sta
 tum, cuius iugum abijciendum consulebat, inquiens, *Solu
 tus es ab vxore, noli quærere vxorem.* Rursum, *Qui nõ nu
 bit, melius facit.* & *Qui habent vxores, sint tanquã non ha
 bentes.* Alias non dixisset, *Castigo corpus meũ, & in serui
 tutem redigo: ne cũ alijs prædicauerim, ipse reprobis effi
 ciar.* dicturus alioqui, *Accingor ad thori maritalis iugum
 subeundũ, ne stimulis carnis agitatus vrrar.* Hic (si audimus
 Bucerum) cui vna vxor satis non esset, alia etiam more Bar
 barico quærenda foret ad extinguendũ portentose libidi
 nis furorem. At longe fallitur cæca Bucerii impietas, vt qui
 scire debuerit lignorum potius subtractione & frigide in
 fusione, hoc est, abstinencia & lachrymis, quã ignem libi
 dinis igne extingui. An ignorat quod scriptum est, *Si man
 seritis in me, & verba mea in vobis manserint, quodcunque
 volueritis petetis, & fiet vobis?* Ideoq; vnusquisq; in qua vo
 catione vocatus est, in ea permaneat. Non igitur inuenio,
 quanã ratione cõtinẽtiam professi, iure deputari possint ad
 ineundũ cõiugiũ: nisi dicas tibi fuisse reuelatũ, quod quoties

cœlibi acciderit carnis tentatio, dominus mutata sententia à cœlibatu deputet eum qui ita afficitur, ad subeundū matrimoniū iugum. Sed dæmonis hæc commenta sunt, nō dei oracula. Quis enim tam impius, ut audeat dei benignitatem hominum moribus stultè metiri, ac pl^o posse dicat impuritatem libidinis, quàm vim ineluctabilem lachrymosæ orationis: cuius tanta est energia, ut vincat inuincibilè, & liget omnipotentem? Interim dormitabit ne tua illa fides, quæ cū sola (ut falsò prædicas) possit quoduis delere peccatū, an nō etiā poterit libidinosæ huius tētationis extinguere formētū? Quod si id possit, quæ impudētia dicere audebis nuptias esse vnicū remediū vstioni extinguendæ? Ad hæc cum alijs tardī^o, citī^o alijs molestia libidinis accedat, factū ad tēp^o de cōtinētia periculo: nōne aliquando saltē per vos vouere licebit? Licebit utiq; nisi votū omnino extinctū velitis: viuet autē semper & vigebit, etiā si nolueritis. Si igitur detur loc^o voto, quid si accedat tētatio? etiāne discedendū erit à signis promissi iā cœlibatus? Absit à nobis tā pestilēs error. Quid autem si non possit vxorem inuenire is qui libidinis æstus patitur? Tūne etiā negabis affuturū illi cœlitus pro tuenda continētia auxiliū? An qui fœminā petijt, auxilium inueniet: & qui votū semel emisit, non reperiet ad suam vocationē tuendam subsidium? Hoc vno cōmento quid absurdius? Alioqui longe grauior & periculosior erit causa cœlibatus, quàm matrimonii: contrā tamē iudicarūt Apostoli dicētes, Si ita se habet causa matrimonij, nō expedit nubere. At Bucerana impietas diuersū ex diametro asserit, adeo grauē esse causā pmissi cœlibat^o, ut minimè expediat pmittere. Delirabat igitur Paul^o, qui volebat omnes esse ut seipsū, cōtrariū hortāte atq; adeo iubēte illud ridiculū omni subsānatione dignū, ac puerili etiā voce exhibādū, qd ait donū cōtinētix potissimū cōsistere in quadā humorū tēperatura, & corporis ad venerē ineptia, qua fieri possit, ut sine omni naturæ lucta continētia seruetur. Sic solent philosophari Epicurei isti carnali cœno inuoluti, ut in volubro sus, qui ita statuerunt oculos suos declinare in terrā, ut quæ à cœlo petēda erāt, nil nisi terrena sapientes, à natura expetant. Non est ō Bucere hoc talentum terræ defodiendum (nam qui de terra est, de terra loquitur) sed à deo po-

tius expetendum cum omne datum optimum, & omne donū perfectum de sursum sit. Atqui bellus iste cōciliator locorum sacræ scripturæ, ita Moysen cū Paulo componendū censuit, imo (vt verius dicā) spiritum sanctū in vtroq; loquētem, vt dicat hanc sententiā: Non est bonū homini esse solum, pertinere ad singulos: Illud autem, Bonū est hominī mulierē non tangere, ad naturā cōmunē, seu ad vniuersitatē generis humani. O rem ridiculā, quod singulis bonū est, id est vniuersitati non bonum. Perinde est, vt si quis subridens omnino ac subsānans dicat ieiunare collegiū, vbi nemo de sodalitis sibi tēperet à cœna, dū tamen mensē publicē nihil apparatū inferatur: aiunt enim tunc aulā ieiunare. Hæ sunt ideæ hæreticorū ac naturæ (vt sic dicā) cōmunes.

Sed quis ex patribus hanc nobis aduexit nouā doctrinam? Proferat Bucerus vnū ex omnibus ecclesiæ patribus, qui sententiā Moysi ad singulos, Pauli vero placitū retulerit ad vniuersos. Proferet, inquam, sed non prius q̄ cœlū mari coniunxerit, & mare cœlo. Quis enim nescit dictum illud: Nō est bonum hominī esse solum, referri ad primæuā naturæ humanæ originē: vt ex coniunctione maris & fœminæ cresceret posteritas, vt multiplicaretur & repletet terrā? Quæ semel repleta, cessat vrgere præceptū de ineundo cōiugio, cui successit libertas colendi cœlibatus. Quid autem putidius eo quod ait, omnes ad matrimonium vocari his verbis: Vnusquisque propter fornicationē uxorem suam habeat? cum manifeste verba ostendant nō nisi de coniugatis istud intelligi. Qui si micā salis habuisset, id deprehendere poterat ex vocabulo, suam. Neq; enim suam quis appellare potest uxore, nisi sit coniugatus. Deprehenditur etiam istud ex verbo habere. Habeat, inquit, suam, hoc est, eam tractet affectu vsuq; vere maritali. Nam de his qui non sunt coniugati, diuersum sentit ita dicens: Dico autem non nuptis & viduis: bonum est illis, si permanserint sicut & ego. Vt scilicet qui prius coniugatos instituerat, quid cœlibatui conueniret, ostenderet.

Sed q̄ insulse ac peruerse tractet verba Pauli ad Timotheum loquentis de his, qui primam fidem irritā fecerūt. Primū negat fidem de voto intelligi, sed de vniuersa in Christum religione. Deinde ab ea responsione deflectens,

ait: etiam si de voto intelligatur, tamen dānatio illa (de quā Paulus) non ad iudicium dei refertur, sed hominum. Demū tertio etiam vacillans, & à prioribus pronunciatis resiliēs: Eſto (inquit) quòd fides de voto, damnatio de gehenna intelligatur: illud tamen minime pertinet ad fœminas verum ad commonefaciendos episcopos, ne facilè permittant mares & fœminas vouere continentiam. Hic quān̄ varius ac lubricus est Bucerus, vt nec cum patribus, nec secum, nec cum veritate constare possit: reluctante nimirum ac renitēte luce veritatis, patrum autoritate, qui hanc fidem de voto interpretati sunt, & tēctæ simulationis ac fraudis conscientia.

Denique nihil vsquam recipit Bucerus, nisi quod ex proprij somnio capitis prodierit. At ego vicissim nihil ex eo recipio, nisi quod ex patrum, procerumq; ecclesiæ sententia proferatur. Ne igitur prorsus inermis in aciē hanc descendisse videatur, adfert Cypriani autoritatem: qua videri potest iussisse Cyprianū, vt deo dicatæ virgines nubant, nēpe ex epistola vndecima de virginibus deo dicatis. Qui si reliqua Cypriani verba cū hoc vno contulisset, vtpote ad Quirinū li. 3. ca. 30. facile intelligeret hanc permissionē ad initiatas tantū virgines referri, nondū tamē p̄fessas. Sic enim conciliari possunt, quæ in speciē cōtrariæ videntur diui Cypriani sententiæ. Hic autē perinde agere videtur, atq; si aliquis ex virgulto vno euellere prorsus ac eradicare conetur annosā totā, quæ virgultū ipsum p̄tulit, frondosam, frugiferamq; arborē. Hoc enim agit, qui ex vno Cypriani verbo, reliquos ex Cypriano locos, quib⁹ voti soliditas constituitur, conatur euertere. Atqui si res ferat, sati⁹ fuerat ab vno auctore cum cæteris omnibus discedere, quā pro suo vnus errore tuendo turbā doctorū à se impudēter abijcere, & sub factitia & adulterina quadam scripturæ umbra veræ lucis radios depellere. Id quod Bucero peculiare esse solet. Desinat igitur impius ille has blasphemias euomere.

Primò q̄ lex cœlibatus sit impossibilis, reclamāte cœlibe Paulo, q̄ ait, Omnia possū in eo qui me confortat Christus. Quem absit vocasse ad rem impossibilem posteros, cum diceret, Volo omnes esse, sicut ego sum.

Secūdò impudēter mētī legē cœlibat⁹ esse naturę cōtra

riam, cum gratia non euertat naturam, imo potius ornet & illustret. Neque enim fides, ad quam mordicus tenendam obligamur, contra sed supra naturam est. Superat enim humanæ mentis aciem: Matrimonium autem, quod secundum naturam est, subiicitur cœlibatui, tãquam minus maiori: nō tamen aduersatur, sicut lumen naturale fidei. *Quemadmodum* de instinctu naturæ est, vim vi repellere: non tamē violatur natura, imò verius perficitur ex consilio euangelico: quo docemur, cædenti alterā præbere maxillā. Aliās cōtra naturam faceret quicunq; adolescens, nisi mox cōtraheret matrimonium, si huiusmodi abstinentia esset cōtra naturā.

Tertiò grauitè offendit, statuens legem cœlibatus voluntati diuinæ esse contrariam. Hoc enim dicens, blasphematur in Paulum, qui sexcentis pene locis nos inuitat ad cœlibatum: quem nemo citra blasphemiam dixerit contrariū voluntati diuinæ consuluisse.

Sed illud non minus impudenter assertum, donū continentię ne his quidem concedi, qui ipsum à deo petierint, refragante omnino dicto Christi, Si vos cum sitis mali, nōstis bona dare filiis vestris, quanto magis pater vester cælestis de cælo dabit spiritum bonum petentibus se?

Quæ omnia nihil aliud quàm desperationem spirant, & diffidentiam de obtinendo in spiritualibus rebus auxilio diuino, cum tamen nihil non de deo præsumat in admitenda ac recipienda indulgentia diuina, in his quæ ad carnalia desideria pertinent. At nō ea fuit mens, sanctorum patrum, qui in spiritualibus omnia audent, in carnalibus vero cum Paulo ab omnibus se abstinere. Sapiens enim videt, & præcauet: stultus autem transilit, & confidit.

Ego sanè posteaquā recentius editos codices ex Phygio Campensi euoluere apud me omnino decreuisssem, atque erroris huius latebras in lucem proferre contenderem, fodiendo (quod dicitur) vsque ad algam: suspicari tandem cœpi ex vno potissimum eorum paradoxo hanc erroris putidam lacunam prodiisse. Profitetur apud Phygium Campensem castitatis osor Bucerus, id se habere pro axioma, nulla deo placere posse nostra opera, nisi quæ ex præcepto fiant, eoque pertineāt vt per ea commodetur proximo. Ex quo errandi ansam Conradus Lagus iure-

consultus in methodica iuris traditione, suæ professionis limites egressus, minus quàm vellem fœliciter arripuit: asseuerans legem de cœlibatu ex voti professione suscepto, instituto dei & naturæ repugnare: nec ita posse violentis vinculis contineri, vt non erumpat. Illud adiungens: quòd sicut aqua nec vi, nec arte cogi potest, vt perpetuò contra suum naturalem motum ascendat: ita nec impetus naturalis in homine coercebitur, vt citra periculum salutis in eo penitus conquiescat. Sed longè fallitur, qui naturalia voluntariis prorsus, necessaria spontaneis, terrena cœlestibus, quasi ex æquo se habeant, imprudenter conferat. Non sic sacra prophanis conferuntur. Nemo enim nisi delirus, canibus catulos, matribus hædos, sacra prophanis componere attentabit vnquam. Dona dei precibus obtinentur, è cælo pendent: sic tamen vt omnia sint possibilia credenti. Reliqua verò naturæ opera ita deus, qui eam cōdidit, administrat, vt proprios motus agere sinat. Pergit tamen humano potius quàm diuino iureconsultus huius sacri cœlibatus machinā arietare, in omnia se vertēs, vt persuadeat votum de cœlibatu esse contra verbum dei, sed nihil aliud quàm principium repetit, identidē resumens quod probare debuerat. Ait enim, Tam peccat, qui citra verbum voluntatem dei sibi fingit: quàm is, qui ductus consilio humano aliquid contra verbum dei instituit. Cui respondendum, nullum hic esse fictionis locum, nisi quē ipse finxerit. In verbis enim Christi nulla est fictio, qui suos cohortatus ait, *Qui potest capere, capiat*. Non enim qui hortatur, absterret, aut arcet, quin potius inuitat, & allicit. Errat ergo fictionis verbum assumens. Neque enim aliquid fingit citra verbum dei, qui fauori diuino innixus hortantem sequitur, & vocantem audit, hoc secum repetens: Propter verba labiorum tuorum ego custodiam vias duras. Ego inquā & mei similes in odorem vnguentorum tuorum curremus, id quod adolescentulæ fecisse leguntur, quæ dilexerunt te nimis. Non sunt ista, mi Conrade, humana, sed diuina consilia, nec contra verbum dei, sed ipsissima Christi non tam iubentis præcepta, quàm adhortantis consilia. *Qui* igitur consulentem audit, nihil contra dei verbum operatur.

Tu vero à calcaria in carbonaria trāsīs, qui à sacerdotū

cœlibatu ad incisionē sanguinariam prophetarū Baal, toto distantem cœlo, miro impetu transcurris. Illud deo viuo ac vero offertur, istud in idoli Baal cultum referebatur. Impid igitur euomis tādē, quā animo conceperas, blasphemīā, ita dicens, Talia sunt & vota monastica, quibus se obligant ad perpetuam continentiam, arbitantes se summo ita placere deo: sed in quanto errore sint, inde liquere potest: Primò, q̃ non extet mandatum dei, quo exigeret e continentīā tanquā cultum. Quid his verbis (tanquam cultū) intelligas, nihil mea refert. Vnum scire debueras multa deo placere, quę illi præstantur, honesta: etiamsi nō exigat ex præcepto. In quibus istud est, Si vis perfectus esse, vade, vende omnia quę habes. Cui & illud ex Paulo accedit, De virginibus præceptum non habeo, consilium autem do. Addis ā nemine exigendam continentiam, quia periculosa sit. In quo bis erras. Neque enim est periculosa, sed honesta semper & laudabilis, insignis inquam & ardua, & quę cum laude & præmio tenetur ab his, qui diuino auxilio innixi, illi adhærere student. Non est igitur periculosa continentia, sed potius incontinentia, vtpote pestilens & noxia. Erras item, qui putes eam exigi, cum nemo ad eius professionem compellatur. Iam quō amplius progredieris, eò grauius exorbitas, & deflectis à recta. Ais enim Bucerano cōmento innixus, errare monachos continentiam citra præceptum obseruātes tanquam cultū. Monachi certe continentiam mordicus retinent in hunc maximē finem, vt purius ac liberius contemplationi insistere possint. Quid in tuo cultu intelligas, tu ipse videris. Neque enim curamus Buceranas glandes, frugibus inuentis. Tu verò culpa vacare nō potes, qui rei, quę ad te nō attinet, te immisces, si vera sunt in quibus versaris placita, dum temporaneam castitatem permittens, perpetuam ita explodis & damnas, vt eam velis esse contra naturę institutum. quod planē impiū est. Dona enim dei tametsi quadantenus sint supra naturam, non tamen contra naturam. Fides enim est supra captum humanum, non tamen aduersatur rationi, cum omne verum cuius verō consonet & congruat. Sic & cætera dona dei, quę qui petit, accipit, & qui quærīt inuenit: nam & pulsanti aperietur. Nec enim temerē nobis ea dona precatur Paulus, qui

ait, Pax dei, quæ exuperat omnem sensum, custodiat corda & corpora vestra.

Iam tuæ modestiæ oblitus, abiectio temperamento, ais errare menachos, qui cum sentiant se non posse continere, instituto dei & naturæ reluctantur. Aliam quoque impietatem euomens, stultitiæ eos arguis in voti professione. Tu verò tuâ ipsius cecitatem non agnoscis, ei maledicto obnoxius, quod apud prophetâ legitur, Væ qui dicitis bonū malū, & malū bonum, ponētes lucē tenebras, & tenebras lucem. Impudenter itaq; & vanissime erras, qui iudicas vouentē non posse continere. Nam fidelis est dominus, qui nō sinet nos tentari ultra id quod possumus. Si iuris diuini adyta penetrasse tibi per ocium licuisset, facile intellexisse poteras verba Iudith à morte mariti vsque ad finem vitæ continentiam vidualem obseruantis, quæ ad hunc modum repōnenda censui, Iudith. 8. *Qui estis vos, qui tentatis dominū?* Non est iste sermo, qui misericordiam prouocet, sed potius qui iram excitet, & furorem accendat. Posuistis vos tempus miserationis domini, & in arbitrium vestrum diem constituistis ei. Tu verò Lage ita exhauris diuinæ bonitatis largitatem, vt illi metas & tempora ponas, qui nullam in suis largitionibus aut metam recipit, aut mensuram. Quod igitur temere iam prædixeras, incautē repetis, tertioque insulfissime recenses, non esse tanti vota religionis, vt propter ea stulte recipiatur, quod naturæ & dei instituto repugnet. Sed nec peccatum peccato redimitur, vt male ac perniciosè imbutus existimas, nec vllum flagitiosum errorem agnoscimus seu in vouendo, seu in conseruando cœlibatu.

Nec leuiter errant, qui pro eodem haberi volunt, tentari & peccare. quasi verò idem sint, certare & vinci. Quod tantum abest à recto, vt ipsa etiam tentatio plerunque victoriam pariat. Hoc intellexit, qui ait, Tentatio patientiā operatur, patientia probationem, probatio vero spem, & hoc maximè in spiritali certamine, in quo tam debilis est hostis, vt vincere nequeat nisi volentem. Tentari itaque aut certare, nec vinci est nec vincere: sed via qua ad vtrum velis, peruenire possis. Non est igitur peccatum tentatio, quin potius methodus ad victoriam & præmium. modò nequis sibi deesse velit. Illud impudentissimum,

quod. launt maris & foeminae coniunctionem vsque adeo esse intimam iuri naturae, vt ab ea abstinere sit offendiculum aduersus legem. Quid enim contumeliosius est, quàm dicere Christiferam virginem peccasse in legem naturae, inquit, Virum non cognosco? Eademque opera Eliã, Ioannem Baptistam, quin & Christum ipsum dominũ canes impudentissimi aut mordere audebunt, aut arroderẽ. Sed istud obiter dictum sit.

Quod si hæc (vt ipse ingenuè fateris) actiorem requirant disputationem, tibi ipsi imputare debes, qui hoc tantum egeris, quod canis in Aegypto, bibens scilicet & abiens, aut Cato in theatro in hoc tantum ingressus vt abiret. Hoc enim est more Parthorum fugacium pugnam inire, qui fugientes tela contorquent. Hæc igitur poterunt vnica litura deleri, vt reliquo operi venusto sanè atque eleganti suus seruetur honos. Hæc nullatenus dissimulanda existimaui, vt scilicet susceptæ functioni nõ deessem, qui cœlibat^o patrociniũ semel in me receperã. Verum quia facile est coniectare, vnde huius delirii ansam hauseris, nempe ex fece Buceranæ impietatis (quod apertè liquet ex impio eius paradoxo, quod ipse recenset, Non esse deo grata opera, quæ citra eius præceptũ fiant) ideòq; in communẽ arenam placitum istud refutaturus, descendere operæ præciũ visum est. Hæc certe sententia à fonte Erasmi per impurum Bucerum canalem, vt Campesii Phygii locupletissimus autor est, ad nos vsque peruenit, adeo nemo est qui ignoret, quod vbi Erasmus innuit, Bucerus irruit: & quæ ille oua fouit, genimen istud viperæ exclusit, vt nescias vtrum verius sit, seu quod Bucerus erasmizat, an quod Erasmus bucerizat.

Vt autẽ ad rem ipsam propius accedamus: nec vnã, nec immodicã impietate redolet Buceranũ illud cõmentũ, quod ex Erasmi penu se hausisse, p̃fitetur, quo vanissimè asseritur, Nulla deo placere posse nostra opera, quæ nõ iuxta ei^{us} præceptũ fiãt, atq; eo p̃tineãt, vt p̃ ea cõmodetur p̃ximo. Primum enim (vt me à logomachia extricẽ) de his quæ cẽsentur cõmoda p̃ximo, nemo (qui aliqd sanæ mētis habet) dubitauerit omnia ea cõmodũ adferre p̃ximo, quæ suo exẽplo ad resipiscẽtiã inducũt homines morib^{us} effrenatos: cuiusmodi sunt abstinentiæ, ieiunia, austeritates, ritus ecclesiæ, quibus

ornatur regina illa Christi sponsa, in vestitu deaurato, circumdata varietate: quibus abiectis, periret ecclesiastica politia, & è conuictu humano tranquillitas, & ordinata inter homines obediētia. Ideoq; si quisq; facultatē iudicandi sibi tribueret, quatenus procedere deberent decreta maiorum, & vsquequo se extenderet commodum proximi: nullus esset in orbe neruus disciplinæ, nisi à patrū legibus pendere nos oporteat, potius quàm à priuatis quenq; iudiciis. Illud ergo est è re proximi, & id quidē necessario, vt pastorū præcepta sequamur, & eis obtemperemus. Iam quot impietates isthæc vnus erroris lacuna pariat, qua dicitur, nullū esse opus laudabile, nisi quod à præcepto domini pendeat, parumper excutiamus. In primis de Maria Magdalena legitur, Bonum opus operata est in me: quod tamen nullatenus erat in præcepto. Quid autem cōmodi adfererebatur proximo huiusmodi vnctio apud eum, de quo scriptum est, Non dabis sanctum tuū videre corruptionē? imo magis in ea laudatur affectus, quàm euētus: & tamen opus illud adeo gratum fuit, vt audirent etiam Apostoli, Vbicunq; prædicatum fuerit euangeliū istud, dicetur, quia factū est in memoriam eius. Quod si dicas sufficere aut affectū, aut exemplū: certum erit hac ratione omnia opera supererogationis cōmodare proximo. Ideoq; euanesceat ea, quæ ex isto pronūciato hæreticus dānata volebat. Hac enim ratione & vota & ieiunia proximo commoditatē adferunt. Verū ad alia progrediamur. Cū piæ mulieres Christum resurgētē vngere miro tentarent affectu, illud neq; habuerunt in mandatis, neq; aliquid cōmodi Christo adferre poterant, cū etiam tangere eū prohiberetur: & tamē nemo (nisi delirus) negabit opus illud gratum domino fuisse & acceptum. Quid de Ioanne Baptista dicam? qui cū esset in penitissimis deserti recessibus extra hominū pecudumq; vias, volucrumq; volatus: quæ tum ab eo fiebant, quæso, quid cōmodi adferrebant proximo? Atqui sua illa heroica anachoresis nulli obligationi præceptōve obnoxia erat. Quam tamen quantis in cælum laudibus extulerit is à quo vera & solida omnium nostrum gloria pendet, quid attinet dicere? cū scriptum sciamus, Quid existis in desertū videre arundinē vëto agitatam? &c. Quis ergo dicere audeat ingrata & illaudata ei,

fuisse opera, quæ non erant secundum præceptum, nec magna ex parte commodabant proximo, utpote omnibus incognita: cum vitæ eius pars maxima nihil nisi anachoresin saperet ac meram solitudinē? Quid ad hæc dicturus est omnium impietatum fex & lacuna Bucerus, fidei potius defensor quàm assertor, disciplinæ spurcator non repurgator, morum non tam corrector quàm corruptor? Veruntamen ut aliquādo discat erubescere, si ruboris capax esse potest frōs petfricta: resiliat saltē ab effatis suis infatuatissimis & corruptissimis canonibus seu regulis irregularibus, cum audierit Paulum diuersum omnino pronunciantē. Ait ille, Qui nubit, bene facit: qui non nubit, melius facit. Vides cœlibatum non esse in præcepto, cum per Paulum liceat nubere: esse tamen acceptum imo gratius coniugio, nullo etiam respectu habito ad id quod cōmodet vel incōmodet proximo, si ad commodum referas, de quo ad præsens agitur. Quo etiam spectat illud à Christo adolescenti propositum, Si vis perfectus esse, vade, vende omnia quæ habes, da pauperibus, & sequere me. Nulla hic præcepti mentio, & plurima laudis & gratiæ se offert occasio, cum de perfectione captanda agatur. Dicat igitur fex impietatis, & osor totius honestatis, cur præ cæteris dilectus fuerit euangelista Ioannes: nisi ob eam potissimum causam, quòd nullo urgente præcepto conscenderit virginittis palmam, ut apprehenderet fructus eius? Rursum an non poterant Apostoli citra offensam sua sibi retinere, qui tantopere ab eo cōmendantur, eo quòd reliquerint omnia ob Christi sequelā, ut qui audierint, Sedebitis super sedes duodecim, iudicantes duodecim tribus Israël? & quæ sequuntur. Quin & omni cessante mandato subiunxit dominus, Omnis qui reliquerit domum, aut agros, aut fratres, aut sorores, centuplū accipiet, & vitam æternam possidebit. I nunc, & dicas nulum esse opus gratum deo citra præceptū: cum cumulatissime præmiū recipiant, qui cessante mandato ad opera supererogationis se accingunt. Dies me deficeret enumerantem opera deo acceptissima, quæ citra præceptū à veræ pietatis cultoribus obseruata fuisse leguntur. Cuiusmodi sunt Abelis oblatio & sacrificia, de quibus nullū extat præceptū. Noe multiplex & varium holocaustū, etiam supra id quod

mandati limitibus continetur, Abraham, Isaac & Iacob religiosissimi cultus, præter eos qui erant in præcepto, Rechabitarum speciale institutum in cibi temperantia, vini abstinētia, & reliqui austeritate victus. Quid de Heha, Heliseo, aliisq; dicere attinet? qui ob id tamē laudantur, quòd circueierint in melotis, in pellibus caprinis, errantes in solitudinibus & montibus, in spelūcis & cauernis terræ. Cū autem Maria cōmendatur, quòd optimam partē elegerit, quæ non auferetur ab ea: ex mandatōne, an potius ex vltroneo animi instituto se ad pedes Christi cōferebat auditura verbū illius? Achab vir aliqui impius, nullo præcepto coactus, dum ciliciū & cinerē subter se sterneret, nunquid audire meruit, Quia humiliatus es mei causā, non addam, vt faciam malum istud in diebus suis? Accedat Niniuitarū insigne & à Christo ipso commendatū ieiunium citra vlliū mandati legē receptum: à domino tamen vsqueadeo collaudatum vt idē ipse dixerit, Viri Niniuitæ surgent in iudicio contra generationem istam. Nulli nota magis est domus sua, quàm omnino frequentior, toties ac toties repetita ciborum ac deliciarum omnium abstinētia. Ezechia oratio lachrymosa, Esdræ perpetui apud posteros exempli austeritas: Iudith, Hester, Danielis, Machabæorum sponte, nullo vrgente præcepto, obseruata ieiunia. Valeant igitur impostores isti, morumq; corruptores, arrosores votorum, speculatores cæci, lupiq; voracissimi: nec vltra audeant suis impurissimis & ab omni honestate alienissimis canonibus imperitæ plebi fumos offundere, cū audiant Niniuitas dicētes in hac etiam parte commendatos, Quis scit, si conuertatur, & ignoscat deus, & reuertatur à furore iræ suæ, & non peribimus? Quid illud in Osea, Quis scit, si conuertatur, & ignoscat, & relinquat post se benedictionem? Moxq; sequitur, Egredietur vir de cubili suo, & sponsa de thalamio suo, Sed hæc eorum opera q̄ grata domino fuerint, ex hoc vno manifeste liquet, quod dicitur, Vidit deus opera eorum, & misertus est super malitia, quam locutus fuerat vt faceret. Ea tamen quæ diximus omnia, neq; à præcepti lege pendebant, neq; ad id vt proximis aliquid inde frugis reportaret. Sed quæ quamq; incredibilis est in hoc vno Bucero cæca temeritas, qui vno suo mucrone confodere tētat omnes

omnium anachoretarum qui sint, qui fuerint, quique futuri sperantur, sacras cōtemplationes, admirabiles potius q̄ imitabiles austeritates & pœnitentias, cœnobarum insuper omniū, qui vita, moribus & miraculis vsq; ad extremos orbis cardines claruerunt, huius sathanicæ tormento machinæ contendat euertere. Relinquendus itaq; est homo huiusmodi tanquam penitus euersus, ac suo ipsius iudicio condemnatus. Illud quis ferat, quod suo paradoxo persuadere nititur vnicum ad compescendos carnis æstus titillantis remedium esse maritale coniugium? Quo cōmento vix aliud perniciosius inuenitur. Huic tamen sententiæ sic adheret mordicus ventris mancipium & inguinis, vt persanctè iurare audeat reliquos cœlibatus cultores meram hypocrisin colere, eosq̄ existimet nomine tenus cœlibes. Hoc interim non aduertens se eò desperationis peruenisse, vt oēs sibi similes iudicet, suamq; turpitudinē omnibus ita esse exploratā, imo (vt verius dicā) deploratā ac perspicuam, vt nec hypocritæ personam (etiā si id cupiat) sustinere possit. Cū enim probitatem simulanti via pateat ad resipiscētiā: hic tantū abest vt resipiscat, vt impudentia plus quā meretricia suum & apud se tueatur, & apud externos commendet errorem: de quo Propheta ait, Frons meretricis (& quidem incestuosæ) facta est tibi: noluisti erubescere. Apud cœlibatus simulatores temporanea, breuique interitura, ac certis contenta limitibus, regnat malitia: & quæ suū tantum laudat authorē, nihil secum adferens offendiculi apud externos, dum sua tegitur simulatione. Vos autem & vobis & aliis perniciosissimi, in omnes vestræ turpitudinis venena diffunditis. Apud eos temporaneus torrens libidinis peruagatur apud vos scēdissimi exēpli fons perpetuus perdurat. Atqui, vt ille ait,

Flumine perpetuo torrens solet altius ire:

Ista quidem brevis est, illa perennis aqua.

Vestra impudentia nec finem habet neq; modū. In immensum enim peruagatur, nec vllis continetur littoribus. Pudor autem simulatæ castitatis sua aliquando mole ruēs, pœnitentiæ repagulis tandē reprimitur. Ad remigitur venio.

Si nuptiæ (vt ais Bucere) censerī debeāt vnicū aduersus incontinentiam ad sedandos carnis aculeos refugium: quid

si salax aliquis aut petulans sortitus sit vxorē aliquam, cuius amplexibus frui nequeat vi cronica ægritudinis obſiſtente: dicturus ne es, quod ad aliam tranſire poſſit vxorem? Id aut null^o Chriſtiane mētis admittat, refragāte ſcilicet lege euangelica, quæ duos non tres admittit in carnem vnā. Quid igitur ſuper eſt, niſi vt nobiſcum cenſeas hanc carnis inbecillitatem vnico orationis ſubſidio ſubleuandam? Id quod in ipſo etiam cœlibatu obſeruandū contēdimus. Tu ab incontinētia ad coniugiū nos relegas: ego cōtrā ab inſtuoſo cōgreſſu, & cœlo terræq; in uiſo deo dicatæ virginis amplexu, ad ſacrā orationis anchorā te tuosq; inuito. Satiſ enim eſt recurrere, quā ſemper currere male. Vos deum incuſatis, qui donum ſuum quibuſdam vltro denega uerit: ego cum Paulo intemperantiam arguo nullo orationis ſuffragio adiutam. quæ ſi ad eſſet, ſtatim procella uertetur in auram. Paulus ait, Propter intemperantiam veſtrā dico, ne tentet vos Sathanas. vbi intemperantiam magis q̄ dæmonem ipſum incuſat. Non igitur ab intemperantia ad dæmonem, verum à dæmone ſuggerente, non cogente ad tuam ipſius intemperantiam te reuoco. De eſt igitur quod tuum tegere poſſis errorem.

Puderet & hoc vaniſſimum repellere commētum, niſi ſcirem inſignioris notæ viros in hac ipſa arena fuiſſe verſatos (Vintonienſem intelligo & Campēſem) quo fingis verba Pauli dicentis, Oportet epiſcopum eſſe vnius vxoris virum, non bigamum, hoc eſt, non habere plures ſimul vxores. Quasi vero hoc genus bigamiæ non ſit etiam iure diuino omnibus vetitum, aut adulterium ſolis prohibeatur epiſcopis. Eſt igitur bigamus ſemel atque iterum nuptiator: ſicut dicere ſolemus, Δις κράμβι θανάτῳ. i. crambe non gemitina ſed repetita, mors: & δις οὖν mulierem appellāt, quæ bis peperit, non quæ geminos fœtus ediderit. Quā ratione bis iterūve conſulem dicimus, qui ſucceſſiue duos geſſit conſulatus. Sic polygamus hoc loco dicendus eſt, qui nuptias non ſemel contraxit. Cui intelligentiæ ſubſeruiunt Epiphanius, Chryſoſtomus. Denique quis non? Falſo igitur detorques bigamiam in verbis Pauli ad plures vno tēpore ductas vxores, quæ verius ad repetitas ſucceſſiuis temporibus nuptias referenda eſt. Sic ergo eſt intelligendum

istud, Oportet episcopum esse vnius vxoris virum, hoc est, non plures aut habere, aut etiā habuisse vxores. Polygamus enim est, qui aut pluribus simul, aut aliquoties repetitis fruitur nuptiis.

Mox sequitur responsio ad impias Zuinglij calūnias.

HOs nuptiatores comes, adsequitur Tigrinus pseudoapostolus Zuinglius, magno calumniarum & impietatum agmine stipatus. Quem in mediis conatibus contemptæ, & quod grauius est, oppugnata Christianæ disciplinæ hostili periisse gladio ferūt. Sui interitus (qui vtinam suæ animæ fuerit salutaris) tempus & annum Ioannes Carion suo chronico hoc aperuit disticho,
Occubuit patrio bellator Zuinglius ense:

Et victa est armis gens populosa suis.

Quem si ætate priorem, hoc loco in acie posteriorem faciamus, nemo miretur, cum apud eos confusa sint omnia, & præpostera. vt non referat quos primos, quosve faciamus esse nouissimos: apud quos nullus ordo, sed sempiternus horror inhabitat. Hic inquam Zuinglius, dum perpetui cœlibatus gloriam prosternere ac scædare nititur, sibi ipsi maculam comparat indelebilem. Nihil enim aliud quàm propriam inscitiam prodit, & notam mentis male sibi cōscia.

Primum itaque censet delirij speciem præferre, si quis promittat amico se illi daturū, quod ex ppria eius officina crumenave hauriat. Cui respondendum est, impium esse hoc negare: imo nihil offerri posse, quod non de manu domini acceperimus: quandoquidem omne datum optimum desursum est. Quare hæreticum est dicere, quicquam posse domino offerri, quod non de manu eius prodierit, qui ait, Sine me nihil potestis facere. Ipse enim est, qui operatur in nobis & velle & perficere. Sed & hæc calumnia ex prædictis abunde refutata est.

Iam deinde temeritatis nos arguit, quòd turmatim ad cœlibatum recipiantur, & continentia professionem complures: cum dominus dissuadens absterreat temerè accedentes, dicens, Qui potest capere, capiat. Et ad id quidem responsum est, ea verba hortantis esse, non absterrentis. Ita enim pij omnes interpretati sunt, vt ex citatis in eam rem

Littere nu-
merales
annū indi-
cāt 1536.

locis demonstratum est. Nam si dominus Christianos abstergeret à cœlibatu, impius esset Paulus, utpote Christo cōtrarius: qui inuitat ad id, à quo dominus absterret. Inuitat autem dum ait, De virginibus præceptum domini non habeo, consilium autem do. Quin diuus Ambrosius quinque ex Paulo citat locos, quibus docet eundem hortari quosque ad amplectendum cœlibatum, dicens, Cōsilium non semel datum, sed sæpe repetitum. Et primo dixit, Bonū est homini mulierem non tangere. Et iterū, Volo sic omnes homines esse, sicut & meipsum. Et tertio, Bonū est illis, si sic maneant sicut & ego. Et quarto, Bonum est propter instātem necessitatem, & hoc placere domino, & hoc honestū esse. Postremo beatiorē esse in viduitate perseuerantem, non tantū suo consilio, sed etiā dei spiritu definiuit. Quænam igitur talis consiliarij benignitatē recuset, qui & voluntati habenas indulgeat, & id suadeat aliis, quod in se expertus vtile iudicauit, non facile comprehendī, nec fastidiosè æquari? Hæc Ambrosius in lib. de viduis, Mira hereticorum cæcitas, quod nihil ex eorum ore prodire possit, quo non impingant ad lapidem offensionis, & petram scandali: cū impietatem in omnibus pro religione obtrudant, stultitiæ & temeritatis accusantes eos, qui nihil aliud quàm ex præscripto sacræ scripturæ sua vota peragant. Cæterum ecclesia nulli patrocinator temeritati: quæ omnes admonet, & ingenti voce obtestatur accessuros ad cœlibatum, ut diu ac multum implorato diuino auxilio, secum cogitēt quid ferre recusent, quid valeant humeri.

Quis non miretur pseudographi huius mores præposterōs: qui cū videri velit totus pēdere ab authoritate scripturæ, eam tamen nusq̃ non vitiat, corrūpit, obscurat? Ait enim idcirco de medio tollenda esse vota, quod ea sint extra scripturam. Id quod falsum esse abunde monstratum est in deipara virgine, quæ ait, Virum non cognosco. Idemq̃; ex Paulo colligi, qui de voto adstrictarum loquitur mulierum, dum ait, Nubere volunt, habētes damnationem, quia primam fidem irritam fecerunt. Est autem huiusmodi fides ex sacrorum conciliorum interpretatione castitatis persanctæ iurata promissio. Adde quod ex cap. Ecclesiasticarum distinct. xi. pleraque extra scripturam reperiuntur: quæ ta-

in ecclesia Christi incōcūsse obseruat, & in huiusmodi instituto cōstantissime perseuerat. Quare hic Zuinglius bis peccat. Falsum enim assumit, & ineptissime colligit.

Futilia sunt, quæ præmisimus: sed istud longe vanissimum ac delirij plenum, quod pronunciare audet, Nullum onus imponendū esse humeris hominū præter mandatū de diligendo plus cæteris omnibus domino. Quare non esse imponendū continentiae & cœlibatus iugū hac ratione cōtendit. Hic tot sunt errata, quot verba. Primū nemini imponitur iugum istud ex præcepto. Nemo nisi volēs accedit. Præmonentur singuli, vt magna cum maturitate id faciant: eisq̃ue designatur anni interuallum aut amplius, quo acceptare possint aut refutare propositæ continentiae fastigiū. Nullus igitur onus imponit, sed pro sua quisque voluntate id accipit, diuino prius suffragio implorato.

Deinde inculcat iste impius Paulum, qui ad hoc omnes passim inuitat, nēpe (vt videri vult) ad nouū onus vltra præceptum de diligēdo deo. Deniq; in Christū ipsum impius est: quem scire debeat nos adhortari ad eunuchismū euāgelicum, eūā vltra mandatū dilectionis dei & proximi. In hoc quoq; suā cæcitātē prodit: qui scire debuerat cōtinentiæ professiōē nedū non sufficere, imo summopere cōducere ad charitatis Christianæ præceptū implendū. Dū enim scriptū sit, Beati mūdo corde, qm̃ ipsi deū videbūt: hæc puritas cœlibatus magna ex parte lippitudinē oculorū abstergit, vt inde diuinæ maiestatis radius purius agnoscat, & agnitus syncerius diligatur. Non igitur vt onus aggrauat cœlibatus, quin potius leuiorē ac faciliorē viā parat ad charitatis culmē assequendū. Hac enim arte non granatur, sed leuatur onus. Quod mirandū est hunc impiū minime aduertisse, qui ex Paulo legisse debuerat, Mulier quæ nupta est, cogitat quæ sunt mundi, quomodo placeat viro.

Illud præterea opponit, sed incassum: sic à domino donari castitatē, vt pro ipsius dātis arbitrio semel atq; iterum quādoq; auferatur oblata, ac vicissim restituat ablata. Non enim in hoc dominus quicq̃ tribuit vt auferat, imo vt perpetuo perseueret, qui ait, Si quis biberit ex hac aqua, fiet ei fons aquæ salietis in vitā æternā. Non cōfert vt auferat, de quo scriptum est, Sine pœnitentia sunt dona dei. Quin potius

prius deseritur, q̄ deserat: nec à se quenpiam dimittit, nisi di-
missus. Nō est ergo cur timere debeas, ne tibi desit inuoca-
tus: imo vt Augustinus ait, Nunquā dominus quæritur, nisi
inuentus. Sic nunquā deseritur, nisi desertus. Timeant po-
tius hæc dona sibi deperire, qui animū ita despondent su-
um, vt audire mereantur illud Psalmistæ, Deū non inuoca-
uerunt: illic trepidauerūt timore, vbi non erat timor.

Necdum ebullire cessat impia temeritas, quæ ait, Irreli-
giosum esse fidere operibus futuris: contra id quod scriptū
est, Nescit homo an odio, vel amore dignus sit. Fidit autem
qui in posterū se obligat. Verū si quid haberet salis hæc
insulsissima ratio, eo deduceret, vt iniquum fore censeatur
quicquā in futuro promittere: sicq; omnia vota etiani tem-
poranea, quæ in scriptura passim legūtur, damnanda forēt.
Dicamus ergo Annā peccasse & Samuelem: peccasse etiam
vnā cum suis parentibus Samsonem, atq; adeo totū Naza-
rethorū ordinē: imo & male consuluisse Moysem, Psalmistā,
ac Salomonem: qui vota edita de futuris persoluenda nu-
mine etiā afflati & inspirati censuerūt, ac districtissime mā-
darunt. Vides vt nusquā, quocunque te vertas, apud Hære-
ticos deest impietas: qui nec verbum sine blasphemia seu
prudentes seu imprudentes aut emittunt, aut euomunt.
Quid igitur? Nemo audebit promittere conuersionē mo-
rum & vitæ: & in exorcismo temere agitur, quoties abrenū-
ciatur diabolo & pōpis eius. Et temere deipara virgo ppo-
nebat se virū non cogniturā, qm̄ illud ex futuro pēdebat.
O cæcas hominum mentes, ô pectora cæca.

Iam video satius esse compedibus & flagris huiusmodi
ppulsare errores, q̄ nihil profutura his puicacibus ingeniis
ratiocinatione, cum eis agere. Satis ergo fuerit ex his speci-
men intueri eorum, qui intus adhuc delitescunt, errorum.
Nam ex his paucis discere poteris reliquos.

*Sequuntur rationes elidendæ, quæ aduersus omnia
in vniuersum sacræ religionis vota proferuntur.*

Hic non satis fuit castitatis institutum inuadere, nisi
simul cætera vota impeteret, & hostiliter aggrede-
retur. Temerarium enim censet perpetuæ se deuo-
uere obedientiæ. Sic enim argutantur Zuingliani, Temē-

re id promittat quispiam, à quo si quis requirat, an perpetuo credat se seruaturum, non ausit illud ex fide polliceri. Si quis autem requirat ab eo, qui votorum monasticorum legibus se adstringit, an secus omnia futura reputans, existimet se responsurum conuentis & pollicitis, quæ in ipso ingressu pollicetur. Respondebit (ad nota conscientia in secretius consilium) existimare se non impleturum omnia, quæ pollicetur. Temere ergo promittit, quod se nunquam exhibiturum confidit. Adhuc neque votum istud esse expediens, his coloribus suadere nituntur. Quoties, inquit, quispiam culpam omnem expiaturus, singula peccata enumerat: quibus enumeratis, proponit se nunquam confessis ac deletis peccatis adhæsurum. Verum ut conuenit ita proponere, non tamen expedit ut voueat se posthac non peccaturum propter periculum lapsus, quo scilicet peccans gemina laboraret culpa, quia præcepti esset desertor & voti. Nunc autem simile periculum imminet ei, qui perpetuo vouet se obseruaturum castitatem, paupertatem, & obedienciam. Non est igitur expediens, ut quis sese huiusmodi votorum vinculis adstringat. Responsio. Attigerat olim huius captiuncule calumniam Petrus Môtius suæ rhapsodiæ lib. xi. Ex cuius lectione istæ (nisi vehementer fallor) mihi mutuata videtur. Cuius dicta posthac elidenda in unum conferam. In primis negat Montius opera ex voto prodeuntia deo esse gratiora, quæ sine voto fiunt. Hinc sui erroris ansam accipiens, quod in voto libertas adimitur: non intelligens libertatem arbitrij non esse diminutam. Nam eadem est volendi & non volendi facultas, non autem eadem facultas iure operandi. Nam si obligatio tolleretur arbitrij facultatem, ea ratione præcepta diuina arbitrij libertatem adimerent. Aequa est, igitur volendi libertas, sed non iuris facultas. Nam & promissio facta alteri obligationem habet, sed libertatem volendi non adimit. Nec minus liberæ sunt beatæ animæ, si ex suo statu peccare non possunt: nec minus liber est voto adstrictus, si iure non licet quod antea licebat. Nam ad volendum & nolendum eadem est præmissio, à qua radix mercedi defluit, iuncta tamē gratia. Adiungit autem Montius non esse de posteris iudicandum. Proinde elati animi esse censet de futuris ista polliceri. Verum non intelligit idem obici posse de quâ-

cunq; in posterū promissione. Sicq; eadē opera dicturus est neminē debere in futurū quicq; polliceri. Quid aut de cōiugio dicendū cēset, vbi corporis alterna potestas hinc & inde tribuitur, si non licet se in futurū obligare? præsertim vbi vndiq; adfluūt innumeræ præter spem molestiæ. Et tamen sine præsumptione iniri possunt cōiugia: nisi Paulo cōtrarius esse pergit, pñunciāū, Honorabiles esse nuptias & thorū immaculatū. Quod aut de merito contēdit Mōtius, illud scire debet, excellētiori virtuti præmiū maius & cumulatiorē paratā esse gratiā: & plus esse offerre vnā cum arbore radicem, q̄ fructus tantū inde prodeūtes. Porro in voto quis abnegat semetipsum tollēs crucē suā quotidie, quo expeditius dominū sequatur. Si ergo, scriptura teste, dominus reddit vniciq; iuxta suū laborē: vbi labor amplior, ibi cumulatius est præmiū. Hac igitur errorū nube depulsa, ad scopū redeundū est, videndūq; quomodo citra præsumptionē quis polliceri possit se cūcta obseruaturū, quæ recepti ordinis regula mādāt. Et ad id quidē respōdet diuus Bernardus in lib. de dispēsatione & præcepto. Quē cōstat ex decursu non dissimiles aduersus monachalē statū audisse calūnias: quas tamē omnes, vt erat & ingenio præditus, & diuino afflatus numine, strenue repellit ac retūdit. Quod notius eualet, si ipsum audiamus loquentē. Primū itaq; hanc præfatur sententiā, Et si omnis inobædiētia sit culpabilis, nulla tamē æternaliter dānabilis est: nisi quā remediū pœnitētiæ nō sanat. Nulla latalit̄ criminalis, nisi quæ supbiæ contemptū nō euitat. Quo iacto fundamēto vltra p̄gredit̄, inq̄s, Verū tamen nemo, si caute p̄fitetur, pollicet̄ se vltra in nullo trāsgressurū, hoc est iā non peccaturū. Alioq; aut pierat, aut sanctior eo est, qui ait, In multis offendim⁹ oēs. Nemo itaque p̄fiteri credatur, quod certū scit nō posse teneri. Particula igit̄ est obseruatio regularis in præcepta & remedia. Præceptis instituit̄ vita cōtra peccatū, remediis restituitur post peccatū innocētia. Solū itaq; censuerim fregisse votū, violasse ppositū, pactū p̄uaricasse: qui & præceptū cōtēpserit & remediū. Securū dico illū, qui se interdū limitē obædiētiae præterierit, consiliū non respuit pœnitentiæ. Pars siquidem regulæ est regularis correctio, & in ea reperitur non bonæ vitæ instructio, sed etiā emēdatio prauæ. Moxq;

sequitur, Cui iam vel ita professio impossibile, imo per dei gratiam non per facile sit cauere præuaricationem, vbi non tam inobœdientia, quàm impœnitentia facit præuaricationem. Tandemque rem ipsam acu tangens, sic ait, Qui se perituum putat, eò quod ad punctum regulam non obseruat, videtur mihi non satis attendere quid iurauerit. Nemo certe cum profitetur, spondet regulam, sed sui quisque conuersionem, suamque deinceps conuersionem iuxta regulam dirigere pollicetur. Quibus Bernardi consummatissimis verbis illud vnũ corollarij vice adiungam, Omnes regulæ monasticæ conditores suarum institutionum efficaciam obligationemque vniuersalis ecclesiæ, ac summorum in ea Pontificum submisisse arbitrio atque iudicio. Iam constat piam matrẽ ecclesiã nõ intẽdere vouẽtẽ ad singula mandata lætali culpa innodari. Satis enim est, si culpam voluntaria pœna sequatur. Atqui non superat vires humanas huiusmodi professio, & professionis observatio. Proinde qui hæc profundius apud se cogitauerit, plane intelliget nihil superesse in ea re ambigui. Iam si cui hæc non satisfaciãt: indignus est qui doceatur: suis magis seruiens affectibus, quàm rationi, Paulique iudicio sibi relinquendus, vtpote vaniloquus & seductor, sanæ doctrinæ impatiens, & qui nulla possit adhortatione domari.

Repellenda est nihilominus Petri Montij calumnia, imprudens, ne dicam, an impudens, quam in vouentes torquet, falsò impingens, quòd arrogantiam Petri imitentur, quum diceret, Etsi omnes scandalizati fuerint, ego non scandalizabor. Sed longe impar est vtriusque conditio, vouentis scilicet, & auxilium dei humiliter implorantis, ac Petri contra verba Christi præsumptis. Ille enim nihil aliud quàm vocatus adest: & interius à spiritu sancto inuitatus, se suamque omnia vocatis deuouet arbitrio. Quasi ita dicere velit, Deus meus es tu, mihi nõ est bene sine te, in manibus tuis sortes meæ. Hic autẽ Petrus Christo præmonenti contrarius ire videtur, vnã & domini verbis repugnans, & se alijs etiam præferens, quin & heroica atque ardua de se promittens.

Desinat ergo Montius eos pari temeritatis iugo premere, qui tam à se inuicem distant, quàm ortus ab occidẽte seiu-

gitur. Desinat, inquam, aut iustum cum impio, aut innoxium damnare cum noxio.

Nunc personatus prodit in aciem Zuinglius, qui reuelata facie nihil promouit. Profert enim laruas, veluti ex sacra scriptura arario depromptas: vt his saltem absterreat incautos, & seducat imprudentes. Verum eius generis est laruarum impostura, vt neque diu, neque multis imponat.

Torquet enim scripturam inuitam ac renitentem aduersus cœlibatum, dum asserit de instituti monastici authoribus Paulum prophetasse his verbis, priore ad Timoth. 4. Spiritus manifeste dicit, quia in nouissimis temporibus discedent quidam à fide, attendentes spiritibus erroris & doctrinis dæmoniorum, in hypocrisi loquentiū mendacium, cauterizatam habentium conscientiam, prohibentiū nubere, & abstinere à cibis, quos deus creauit ad percipiendum cū gratiarū actione fidelibus, & his qui cognouerūt veritatem. Quia omnis creatura dei bona est, & nihil est reijciendum, quod cum gratiarū actione percipitur. Sanctificatur enim per verbū dei & orationē. Et hæc tã sacra, tãq; suscipienda verba prophanare ac scœdare nō veretur scœdissima hæc Zuinglianorū colluies. Quos certe scire oportuit longius se abesse à mente Pauli, q̃ sit semotus ab Arari Parth^o aut à Germania Tigris. Nemo enim non intelligit illud Pauli vaticinium ad Manichæos, Tatianósque relatum ab omnibus, qui hanc sententiam tractauerunt, authoribus. Cui sententiæ apertissimè subscribunt Hieronymus, Chrysostomus, Theophylactus, insuper & Augustinus. Deniq; quis nou? Demū & tacetibus etiam ipsi res ipsa apertissime indicat. Quid enim Paulus dicat, audiamus. Spiritus enim (inquit) manifestè dicit, quòd in nouissimis diebus discedēt quidā à fide, adhærentes doctrinis dæmoniorū: qui scilicet suis præstigijs fallant auditores. In hypocrisi loquentium mendaciū, manifesto argumento significans eos, non per ignorantia, sed per industriā peccaturos, scientes quidē, & volentes, sola simulationis larua tectos & cōtentos. Cauterizatā habentiū conscientia, multa videlicet superstitione inuistā. His vitijs, quis tã perficta fuerit frontis, vt asseueret laborasse authores cœlibatus ac votorū, quales fuerint illi quondā ecclesiæ heroes? qui suis regulis editis,

& seruatis, miro splendore in ecclesia coruscarunt: adeo vt alluxerint coruscationes eorum orbi terræ: quas vt vidit, cōmota est terra, bona scilicet pars hominū: quæ nunc etiam maxima turba est, & Christianæ religionis gloria non infima. Hi olim fuerunt Benedictus, Basilius, Martinus, Bernardus, Augustinus, Fructuosus Episcopus: quo auctore prodijt illud celebre capitulum, Carnem. de consec. distin. 5. Quo manifeste ostendit illud Pauli, vaticinium non officere huic instituto abstinentiæ à carnibus. Carnē (inquit) nec cuiquam monacho gustandi, nec sumendi est concessa licentia: non quod creaturam dei iudicemus indignam.

At Paulus inuehitur in eos, qui idcirco à carnibus abstinent dum ducerent, quòd immundæ essent & indignæ, quibus vesci oporteat Christianum. Omnis (inquit) creatura dei bona est, & nihil reiiciendum, quod cum gratiarum actione percipitur. Is (inquam) Fructuosus suis verbis ostendit non esse contrarium Paulinæ menti suum de abstinentia institutum. Et hic quidem martyrio claruit apud Tarasconem. Hos tam insignes viros quis audeat pronunciare in hypocrisis locutos fuisse mendacium, adhæsisse doctrinis dæmoniorum, & auterizatam habentium conscientiam?

Hęc, inquam, cogitare, nedum proferre quis audeat, nisi qui posuit omnem de fronte pudorem? Quòd si ad eos verba Pauli non pertinent, quis tam hebes, tamque præpostero ingenio, vt dicat ea quæ sequuntur de ciborum delectu, deque arcendo à legitimo copulæ coniugalis thoro, ad eorum spectare statuta? Sed quid de illis paucis loquor? Stephanus, Nicolaus, Gregorius primus ecclesiastici cœlibatus authores, Calixtus item Papa martyr in capite, Præsbyteris. distin. 27. legē de indicendo cœlibatu introduxerunt, introductam probarunt, probatā confirmarunt, confirmatam auxerunt, auctam denique ad nos vsq; perducentā curarunt. Hic tuā conscientiam appello Lutherane, Censes ne hos omnes vita, eruditione ac moribus clarissimos diabolicis delirasse commentis? Cauendū tibi potius est, ne te malus aliquis genius eò dementiæ impulerit, vt isthæc mente tractares. Sed quid mora opus, quādo illi omnes nuptias non prohibent? Prohibet enim nuptias, quisquis inuito legem dicit, quiq; arcet à thoro coniugali libe-

ros & volentes: quasi coniugio aliquid subfit criminis, aut sceleris. Et in hac re reuocanda est memoria ad quartum, & quintū præloquia. Quod autē ad delectum ciborū attinet, non semel illud à me dictū est in Pauli sentētia notari Marcionitas. Qui vna eadēq; opera & nuptias damnbāt, cibos immundos censebāt: ob idq; reiiciendos, quia ex cōplexu p̄dijssent venereo. Hi ergo nō vno errore contenti, bis peccabant, nuptias iniquas, & cibos immūdos arbitran- tes. Cui errori aperte se totum opponit Paulus, dicēs omnē creaturā dei bonā esse. Et huic sententiæ succinit Fructuo- sus Episcopus in dicto cap. Carnē, inquiens, Non iudicare se creaturā dei indignā. Hinc ergo videre prōptū est hanc Pauli sententiam nulla ex parte pugnare cum sacrosanctis de cōlibatu, deq; abstinentia monastica decretis.

Alios nobis fumos offundit ob oculos solita temeritate Zuinglius, verum ita crassē ac stupidē, vt vix responsione digna videantur, quę obijcit. Primū ex priore ad Timoth. 1. cap. citat verba Pauli dicentis, Iusto non esse legē positā Sed quid hoc ad rē nostrā? Cum nihil aliud velit his verbis q̄ hoc, vt nihil opus est frenis calcaribꝫve equo currere vo- lenti: Sic præscripta legis minime terrent eum, qui animo est propenso in hoc, vt Christi mādata sequatur: cui illud semp obuersatur oculis, Bonū mihi lex oris tui super milia auri & argenti. Vt enim nullis tenetur repagulis (tamen si clausus cubiculo) qui quoties vult egreditur, & ingreditur, vtpote clauē secū ferens: aut qui in insula est aquis circūse- ptus, cymbā habens ad manū, se minime putat irretitū. Vt neq; auis in medijs aquis, quæ alarū remigio facile delabi- tur in continentē: Ita nec qui bonę mentis est, & flagrantis erga deū animi, nullis se cōpedibus existimat alligatū. Qui pœna nō terretur, supplicio nō cogitur: quadātenus a lege se liberū censet. Deniq; iusto negat legē esse positā, quod pœna legis eum, qui iustus est, non attingat: legem pro pœ- na legis accipiens. Hoc enim est, quod sequitur: Sed iniu- stis & adulteris. Et huc spectat dictum Christi ad Pilatum, Non haberes potestatem aduersum me vllam, nisi tibi datū esset desuper. Quasi ita dicat, Innocentia facit, vt tibi in nullo sim obnoxius: tibi tamen à deo permittitur quadā pōtestate, facti porius, q̄ iuris, vt me iudices. Cui & illud al-

ludit: Venit princeps mūdi huius, & in me nō habet quicquid
 Hoc insinuans, quod cum princeps terrenus ius non habu-
 erit in Christum: fas tamen illi deo permittente fuit, iudi-
 care Christum. Sed in his omnibus nihil est quod auo-
 cet vouentē ab obœdientia. Hic mihi videtur delphinum
 syluis adpingere, fluctibus aprū. Istud enim extra causam
 vanissimē inductum est, vti & aliud priore ad Corinth. 7.
 Empti estis precio magno, nolite fieri serui hominum. Hic
 nihil aliud agit Paulus, quā vt persuadeat non esse seruandam
 in re iniusta & iniqua obœdientiā: vt deū potius sequamur
 mala dissuadentem, quā hominē impia iubentē. Sed & in hoc
 conspirat tota religionis disciplina. tantū abest, vt huic di-
 cto aduersetur. Regula enim monastica huc maximē tē-
 dit vt ad pietatem & dei cultum omnia votorū exercitia re-
 ferantur. Illud etiam iudicio ac mente caret, quod aiunt vi-
 uendi formulas varie inductas ad seditionem sectamq; per-
 tinere: vt solent omnia semper in peius interpretari. Qui
 si vel micā salis haberent, scirēt huiusmodi instituta viuēdi
 vias potius appellari quā sectas, iuxta phrasim Pauli, qui
 Actorum vicesimo quarto ait, Confiteor hoc tibi, quod se-
 cundum viam, quam dicunt heresim, deseruiuo patrio deo
 meo, credens omnibus quæ in lege scripta sunt, spem habēs
 in deo. Quam viam nos appellamus, Græci ὁδὸν vocant.
 Vnde & periodus nomē habet. Paulo autem odiosius est
 nomen sectæ, tametsi per se indifferens. Plerumq; tamē se-
 cta appellatur, vbi ita quis suum tuetur propositū, vt alienū
 vituperet institutū. Quod genus sectæ lōge abest à piis mē-
 tibus ac verē pietatis cultoribus. Ita enim suæ quisq; regulę
 vacat, vt alienā minimē fastidiat. Imo & quēq; beatum pu-
 tet, si in ea vocatione qua vocatus est, in illa permaneat.

Illud quoq; min⁹ appositē pferunt aduersus monastica
 viuendi instituta, Omnia vestra sunt, siue Paulus, siue A-
 pollo, siue Cephas. Neq; enim prohibet quempiam Petri,
 Pauli, ac proinde Francisci, Dominici, aut cuiusuis alterius
 in sacra religione patriarchæ effici imitatore: cum idem
 ipse alio loco dicat, Imitatores mei estote, sicut & ego
 Christi. Hoc solum prohibet quod subiungit, Ne vnus ad-
 uersus alterum infletur pro alio. Quod & ipsum prohi-
 bent omnia viuendi instituta monastica, ita tamen, vt

liceat prælato subiici & regulæ, potius quàm inniti propriæ prudentiæ. Nam si sic nostra est vita prælatorum, vt eorum etiam imperia nostræ cedant vtilitati, an non etiam debet esse alterius, vt illi se præstet obœdientem, qui senioris præscripto & directione indiget? Quare hæc verba ad obœdientiam magis prouocant, quàm auocent. Cur enim non obsecundem alteri in meum ipsius commodum, si is, qui mihi præest, meæ seruit vtilitati? Quod autem præscriptione votorum libertatē à nobis auferri nugantur, id planè falsum est, cum huiusmodi votorum obseruatio ei, quæ vera libertas est, viam sternat ac præparet. Vera enim libertas est, quæ à peccato auocat, & ad deum accedere facit, affectus retundit, carnis stimulos extinguit, denique ab omni peccandi occasione animum semouet. Quæ omnia præstat votorum obseruatio. Est enim methodus ad libertatem, ad quam nos Paulus inuitat, dicens in Romanis sexto cap. Liberati à peccato, serui facti estis iustitiæ. Mox quæ sequitur, Nunc vero liberati à peccato, serui autem facti deo, habetis fructum vestrum in sanctificationem, finem vero vitam æternam. Verum aliam libertatem quærunt pseudo isti euangelici, quæ verius licentia antichristiana dicenda est, quàm Christiana libertas, de qua scriptum est, Non quasi velamē habentes malitiæ libertatem, sed sicut serui dei. Jam qui sponte & ex animo obœdit, verè liber est: contra seruus, qui licentia ad peccandum abutitur. Hæc enim libertas Christi est, vbi quis se subiicit humanæ creaturæ propter deum. Hoc enim est, quod ait, Subiecti estote quasi liberi. Nam sponte seruire, apud Christum libertas est. Et de Zuinglianis nugis hætenus dictum sit.

Cæterum vsque adeò irrequietum est studium cōtradi-cendi, vt obuia quæque in gladium, si possit, conuertat, vt-pote stipulam tenuissimam in ensē, aut lanceam. Nā quid alienius est à proposito, quàm ita argutari, Non quasi domi-nantes in clero, sed forma facti gregis: ergo non oportet cō-stituire leges humanas, seu ecclesiasticos canones, cum po-tius cōtrarium colligi possit. Dicit enim Petrus prioris epi-stolæ cap. 5. Pascite, qui in vobis est, gregem dei. Hæc autē pastura maxime fit bonis constitutionibus, non tam ad vti-litatem legem constituentis, quàm gregis subiecti. Et hoc

est quod ait, Non quasi dominantes in clero, vt scilicet caueatur ab ea specie tyrannidis, qua propria seruitur vtilitati potius, quàm aliene. Hoc enim est pascere, non dominari, dum maximè subditorum saluti consulitur. Et id quidem fit bonis & sanctis legibus.

Aiunt præterea non esse datam pastoribus aliam auctoritatem, q̄ vt doceant seruare euangelica mandata. Quod prorsus non abnuendum est. Nam canonicæ institutiones eo fine feruntur, vt viam parent ad obseruationem euangelicæ traditionis. Vbi autem duo sunt vnum propter aliud, ibi vnum tantum. Constat autem etiam ipsos apostolos in Actis docuisse præter euangelium traditiones seniorum, Actuum. 15. Et Paulus in Corinth. ait, Cum venero, disponam.

Cum autem volunt nobis vnicam euangelii legem sufficere, reiectis constitutionum humanarum formulis, planè falluntur. Nam sapientibus, & insipientibus debitores sumus, ait Paulus. Cum autem bene habentibus, & qui probè cibos concoquunt, esca necdum planè cocta sufficiat, egrotis tamen ac debilibus opus est aut cibo teneriore, aut certe medicina. Cubiculum iam ingressis, clauē nihil opus est, quæ tamen ingressuris necessaria est, vt illis in domum pateat aditus. Opere completo, nihil opus fabris malleo: quod vt perficiatur, eius vsus necessarius est. Sic qui perfectionē euangelicam nondum adepti sunt (quæ apud Christianos maxima turba est) constitutionibus humanis indigent, vt faber malleo & incude ad tundendum acuendūve ferrum. Et imbecillioribus lacte opus est, necdum solido cibo.

Aiunt præterea non esse peccatū nisi contra legem dei, ideoque legem hominum non parere obligationem. Verum non attendunt id, quod dominus in euangelio dicit. Qui vos audit, me audit: & qui vos spernit, me spernit. Et quasi peccatum ariolandi est nolle obedire. Paulus autem ad Hebræos dicit, Obedite præpositis vestris, & subiaccete eis. Ipsi enim peruigilant quasi rationem reddituri pro animabus vestris. Sic ergo dum contemnitur prælatus, offenditur deus.

Proferunt & istud. Nemini quicquam debeatis, nisi vt inuicem diligatis, ex hoc stupidissime colligētes non debe-

ri hominibus obœdientiam, cum potius eliciatur contrarium. Vult enim diuus Paulus eo loco, vt singulis reddâtur debita. Verum hoc vult, vt soluêdo amplius non debeâtur. Qui ergo debitam persoluit obœdiētiam, iam desinit in ea re esse debitor: nisi forte in charitate, quę semper & debendo persoluitur, & persoluêdo debetur. Non ergo tollit obœdientiam, cui semper vult adhærere dilectionem.

Quod autem toties crambem suggerunt recoctam, dicentes, Vbi spiritus domini, ibi libertas, minimè aduertunt eo loco agi de libertate à culpa, non ab obedientia, à sceleribus, nō à legibus, demum à coactione, non à subiectione. Quin vera libertas Christiana in spontanea obedientia maximè consistit. Liberrimus enim est, qui semper est ex charitate ad obœdiendum paratus.

Sed & illud proferunt ex Deuteronomio. 4. Non addetis ad verbum, quod loquor vobis. Et Deuteronomii. 12. Quod præcipio tibi, hoc tantum facito. Quasi verò Christi apostoli suis traditionibus impeerint ad hunc scopulū. Adeo cæci sunt, vt non videant in quam blasphemiam impingant, qui in Actis legunt, Traditiones & mandata seniorum. Sciant igitur notam exclusionis tantum hoc loco excludere contrarium præcepti diuini. Iubet enim sua præcepta seruari dominus, ita vt nihil admittatur contrarium. Humanæ autem leges, (quæ ad disciplinam ecclesiasticam pertinent) tantum abest vt obuiant mandatis diuinis, vt illis etiam maximè subseruiant. Sed nec huiusmodi statuta condere, addit ad sacram scripturam. Addit autem, qui humana sacris admiscet, & eodem gradu haberi vult leges humanas cum diuinis. Quo maxime errore laborant heretici, qui quicquid illis in buccam venerit, dicunt esse euangelium. At verò præter scripturam aliquid disponere, non est addere ad verba dei. Obscura interpretari, hoc non est addere. Nam ad sacerdotem Leuitici generis recurrendum esse dominus ipse statuit pro interpretatione legis de eius ore suscipienda. Si difficile (inquit) & ambiguum apud te iudicium esse prospexeris, & iudicum videris verba variari, venies ad sacerdotes, qui indicabunt tibi iudicii veritatem, sequerisque sententiam eorum. Deuteronomii. 17. Addunt autē ad scripturam hæretici, qui eam corrumpunt, inflectunt, torquēt,

pseudographè interpretantur, denique in suum sensum repugnantem trahere nituntur. Contra verò licuit apostolis incolumi mandato diuino dicere, Visum est spiritui sancto & nobis, nihil vltra vobis imponere oneris, quàm hæc necessaria. Eadè auctoritate licuit Paulo ad Titum scribere, Reliqui te Cretæ, vt quæ desunt corrigas. Sic & ipsi ecclesiæ licet in his, quæ ad disciplinam ecclesiasticam pertinet, & premere, & laxas permittere iuris habenas. Nihil enim mirum videri debet, si pro varietate tēporum statuta quādoque varientur humana.

*Reliquam calumniarum turbam inconditam
nullo negotio contererere.*

QVo semper inuicta veritas solidum referat de hoste triumphum, quicquid nugarum superest, quo suam tegere conantur impietatem heretici, exhibere conuenit, ac penitus exsufflare velut stipulam ante faciem venti. Superfunt enim puerilia quædam leuioris operæ contra cœlibatum irritamenta, quæ passim in eorū dogmatibus respersa leguntur, quemadmodum

Neglectis vrenda filix innascitur agris.

Quale istud est, Si plerique omnes amplecterentur cœlibatum, quis tandem superesset soboli procreandæ locus? Non minus stupidum erat, quod diuo Hieronymo obiiciebatur, Si solitudinis amore omnes ferarum lustra peterent, sylvas ac nemora incolerent, qui tandem superessent in ciuitatibus? Cui respondendum, ciuitates fore repetendas pro solitudine, nemoribus in vrbes iam conuersis. Ad hunc sane modum prima legis ratio suam resumeret efficaciam, Crescite, & multiplicamini, & replete terram, vt iam opus foret bonam hominum partem cessare à cœlibatu. Sed qui hoc timet, caueat ne cœlum ruat, præsertim cum non desint hoc infelici sæculo in numeri libidinum patroni, adde & improbi exactores: vt stultissimum sit in eo hæsitare.

Sed proficiunt in peius, ita dicentes, Illud non caret præsumptione à deo miraculum exigere. At miraculosum

est angelicam ducere vitam, cum perpetuo continere angelicum potius sit, quàm humanum. Huic ita respondetur. Quid si dominus nos ad huiusmodi miraculum petendum inuitauerit, nobis proponens eunuchismum propter regnũ dei? Nemo præsumptuosus esse poterit, si eo fideliter tēdat, ad quod dominus misericorditer nos inuitat: quanquā de vocabuli ratione nihil moror an istud miraculi rationem mereatur, an secus. Quid si ecclesiæ sponsæ hunc arrhabonem Christus reliquerit, ut nunquam ab ecclesia desint, qui huius castitatis dote polleant? Hortus est ecclesia conclusus, in quo semper lilia vernant, cum dominus promiserit futurum, ut in nomine suo Christi fideles dæmonia eiiciant, linguis loquantur nouis, serpentes tollant. Nemo igitur hanc cœlibatus excellentiam ecclesiæ Christianæ inuideat, ut quā sciat virtutum ac signorum facultate esse donatam. Nemo item pios absterreat, quin ad huius excellentiæ culmen adspirent.

Pergunt autem sui semper esse similes, imo seipsos stupiditate vincunt, dicentes satius fore, ut sacerdotes in coniugio castè viuant, quàm quòd in cœlibatu perpetuo pruritus voluptatis sordescant. At iam dictum est neque vnũ, neque aliud expedire. Quis enim cogit hominem ad sacerdotium adspirare? Si molesta est cuiquam continentia, cur à nemine compulsus improbe exigit, quod nemo ab eo requirit? Semper erunt aliqui, qui continentiæ idonei cultores reperiantur. Adhibeatur interim cautio, ut hi tantum ordinandi accedant. Iam cum cœlibatus ipse non præbeat hanc scandali occasionem, sed ipsa potius sacerdotium ambientium improbitas, accusanda est huiusmodi improborum petulantia. Interim quid commeruit hic ordo continentium, ut ita flagelletur ab his, à quibus ipse commendandus venit? In summa nihil colligi potest contra cœlibatus honorem, nisi quòd cautio adhibeatur, ne petulantes & improbi faciliè admittantur. Alias experientia ipsa doceret coniugatum sacerdotem, tacito omnium hominum consensu, pro non sacerdote habendum esse. Nemo certè talem admitteret ad sacra ministranda, maximè ad iniungendas peccatoribus pœnitentias. Hoc docet in Græcis experientia, qui in administratione sacrorum, reiectis coniugatis, cœlibes sibi

adoptant callogeros, à quibus tantum sacra recipere volūt. Idemque factitatum esse in Neustria fideli narratione primo tomo à nobis declaratum est. Iam qui hoc dicunt, simili stultitia mihi laborare videntur, vt quidam olim imperatores, qui vsum vinearum abolere volentes, terram (vt sic dicam) emasculare conati sunt. Quod minime fieri debuerat, sed potius adhibēdi erant fontes, quibus, vino aqua macerato, ab hominibus tolleretur ebrietas.

Illud quoque acutius considerandum erat, quòd nuptiæ sacerdotibus permittē non effugerent, quin potius augerent periculum eo maxime casu, qui frequenter accidere solet, dum sacerdoti cōiugato, & eo quidem adhuc florenti ac vegeta ætate, sua vxor morte interciperetur: iam quid faciat huiusmodi sacerdos? Nubat ne denuò? At id omnino ne Græcis licuit vnquam. Est enim omnibus ex æquo interdicta bigamia sacerdotibus. Quòd si iam continendū illi est (vt certe res habet) satius illi fuerat nunquam expertas sensisse nuptias. Nam canis à corio vix absterrebitur vncto. Difficilius enim est nuptias semel expertis adhuc florida ætate continere, quàm non expertis. Sic in periculū ducit periculi fuga, dum caret arte. Non igitur nuptiæ sacerdotales prorsus vitarent, sed mutarent tantū, vel potius augerent periculum.

Verum, inquiunt, nobis adimitur nostra libertas. Sed quænam est ista libertas, Christiana ne, an antichristiana? Certe si tanti apud te est ineundi coniugii facultas: si non vacat tibi esse cœlibem, non vacet esse sacerdotem. Simile olim fertur audiisse Traianus à vidua quadam, quæ cum præsentissimum ius exigeret à Traiano aliis negociis implicito, ita respondisse fertur: Si non vacat tibi esse iudicem, non vacet tibi esse imperatorem. Cœlibatus ad sacerdotium ita se habet, vti flos ad fructum, theca ad mundum muliebrem, nucleus ad nucem, ad tegendum & ornandum corpus purpura & quoduis preciosum indumentum. Iam si alterum ab altero secernas, adimas depulchritudine: & quod superat, veluti truncum reddas ac mutilum. Sed quid libertatem vocas, id quod diuus Paulus asseruit esse seruitutem? Quod idem plerisque in locis Ambrosius annotauit. Primum enim sic ait Paulus in Co-

rinthiis priore septimo, Mulier sui corporis potestatem nō habet, sed vir. Et mox apertius, Si infidelis discedit, discedat. Non enim seruituti subiectus est frater aut soror in huiusmodi. Alio item loco, Solutus es ab vxore? noli quærere vxorem. Solutionem autem præcedit vinculum. Nec his contentus, adiecit, Si nupserit virgo, non peccauit. tribulationem tamen carnis habebunt huiusmodi. Ego autem vobis parco. Quin & solitudinem vocat, dicens: Volo autem vos sine solitudine esse. Imò & sectionem quandam, dum ait, Qui cum vxore est, sollicitus est quæ sunt mūdi, quomodo placeat vxori: & diuisus est. Et tamen hæc omnia libertatem vocamus. Sic autem faciunt, qui alba denigrant, & nigra loquendo dealbant: quibus tota opus est anticyra. His apertè succinit Ambrosius, dicens: Copula carnalis, quanuis licita, quadantenus immunditia est, si ad sacræ Eucharistiæ puritatem conferatur, dicente ad Dauid sacerdote, Si mundi sunt pueri, maxime à mulieribus. Libertas Christiana spiritualis est, non carnalis, non humi repens, sed ad excellentiora semper se extendens. Et de hac quidem intelligendum est illud, Qua libertate Christus vos liberauit, in ea state. Quis enim tam demens ac prorsus mentis in compos dicere audeat Christum in hoc venisse, vt nos ad coniugiū incundū, hoc est ad obeundas huius sæculi curas, inuitaret, qui nos toto sui euangelii decursu ab huius sæculi solitudinib⁹ arcet, ac omnino dehortatur? Et tamen non pudet viros istos exæcatissimos de seruitute libertatem facere, hoc est, de tenebris lucem. Sic huiusmodi pseudoeuangelici totum euangelii ordinem peruertunt, cum nulla sit euangelica libertas à viris tradita apostolicis potior ea, quæ hominem ab occasione lapsus longius arcet, quæque semper inuitat ad ardua. Vt ergo in summa rem complectar, si homini alioqui libero semper licuit se alienæ addicere seruituti, aut militiæ exercēdæ, aut victus sibi comparandi gratia: quid (quæso) piaculi fuerit, aut in quo læditur libertas, si in fauorē religionis sacerdotalem quis amplectatur cœlibatū: cū is olim mos esset stipēdia merctibus militaria, vt stigmate aliquo inureretur ad carnē tota vita indelebili? Mirū igitur esse debet, cur tā odiosa sit viris huius farinæ continentia, quam negent posse annexi

sacerdotio. Quæ tamen illi sic congruit, vt gemma auro. Nisi quòd canis balnei delectatione non capitur, nec asinus lyrae concentu, nec fera florum odore quanuis suauissimo. Quòd si his rebus minimè delectatur, saltem non inuideat his, qui ad huiusmodi gratiam adspirant, neque absterreant sub his signis merere volentes.

Audet adhuc irreligiosa temeritas tremendū etiam metuendūque omnibus iudicem in ius vocare. Ait enim, Quòd nobis indita sunt, auspice deo, natura duce, generationis organa, si non permittitur vti? Qua quidē querela quid aliud faciunt, quàm quod ex postulare videntur cum deo: imò verius eum incusare, quod hortetur suos ad cœlibatum, dum ait, Sunt qui se castrauerunt propter regnū cœlorum. Nam & illud est auocare ab vsu cōiugali: Eadē opera dominum accusabunt quod cum in medio paradisi lignū plantauerit sciētiae boni & mali, frondibus decorū, frugiferum ac delectabile, vetuerit tamen ipsius fructibus vti. Incusent etiam eū, qui de cæco nato ait, Neque is peccauit, neque parentes, vt cæcus nasceretur. Nam quòd cæcis oculos, surdis aures, claudis ambulationis organa, si his nō permittitur vti? quasi vero nō in hoc creata sint omnia, vt diuinę seruiant voluntati. Ignis enim, grando, nix, glacies, in hoc potissimū creata sunt, vt faciant verbum eius. Quo fit, vt & vsus rerum dum fata sinunt, sed & ipse non vsus, si & quando diuinę placuerit maiestati, nunquam pro vanis habeantur. Diuina quippe voluntas est vna omnium sufficiens ratio. Nam quis potest ei dicere, cur hoc aut agis, aut non agis? Iam constat deo probari, imò & maximè commendari, virginalem excellentiam. An non illud sufficere debet? Nonne oculus tuus nequam est quia bonus sum? Nōne possum facere quod volo de rebus meis? Quis enim restitit ei, & pacem habuit? Et qui sumus, qui diuinę audeamus resistere voluntati? Iam quid non audebit hæreticorum impudens audacia, si ita os ponunt in cœlum, cum lingua eorū transeat in terra? Qui tamen scire debuerant organa corporis non sibi tantum creata, verum ad ipsius animæ vsum. Iam si vtilius est animæ, gratius deo, Reipub. cōmodius, cessare à generatione, quis neget optima ratione, & ordine congruo, cessandū esse? Quid autem deo gratius, quàm sincera suæ maiestatis contemplatio? qui ait,

Hæc est vita æterna, vt cognoscant te solum deum verum, & quem misisti Iesum Christum. Ad quam quidem contemplationem via rectissima est cœlibatus. Quo etiam ipsa anima sibi comparat virginalis status excellentiam, qua cœlum magis, quàm terra repletur. Quare vtilior est homini cœlibatus, quàm sobolis procreatio, si eam partem spectes quæ in homine præcipua est. Nec vsui tantum corporeo seruire debent sensilia organa, imò & spiritualibus cõpendiis seu per ocium, seu etiam per negocium accommodari oportet. Adde q̃ continentia ipsa, si non in omnibus, saltem in plurimis, pro data occasione non cõmoda solũ, imò & publicę tranquillitati necessaria est. Iam enim videmus nō ciuitates modò, sed & viculos, domosq; ac familias turba hominũ penè vsque ad nauseam esse oppletas. Quod si iam repleta est terra vsq; ad os, nō solum nō opus est, saltem apud plurimos nuptiali vsu, imò cum aliàs tempus foret amplexandi, cum terra suis esset viduata colonis, nunc cõmodum cessandũ est ab amplexibus, ne nimio grauata onere etiã ipsis sit iniqua cultoribus, dum nec omnes alere, nec alius aliũ pro multitudine ferre possit. Organũ igitur generationis nō solũ ad vsum, imò etiã, vbi opus fuerit, ad nō vsum pro re nata creatum est. Cessent igitur hæretici aduersus rerum æquissimũ sapientissimũque arbitrum suas blasphemias euomere, vna eius voluntate contenti, qui ait: Dabo eunuchis meis in domo mea nomen excellentius à filiabus & filiis: sed potius nobiscum acclament, Quàm mirabilia opera tua domine, omnia in sapientia fecisti.

Nec minus insipidũ insulsumq; est Epicuri partes fouetium futile cõmentum. Aiunt nulli ordini statuiue indictũ fuisse cœlibatum, aut interdictum coniugiũ, ideòq; nullum ordinem arcendũ esse à coniugio. Vbi assumunt ineptẽ, & colligunt ineptius, aut quod verius est, vtrunq; perficiunt ineptissimè. Nam assumptũ falsitatis arguit Paulus, qui veras viduas perpetuo cœlibatui alligatas censet, dicens. Viduas honora, quæ verè viduæ sunt. Vbi ex his quæ inde sequuntur, liquet viduali statui annexam esse continentiam. Ait enim, Quæ autem verè vidua est, & desolata, speret in deũ, & instet obsecrationibus & orationibus die ac nocte. Nam quæ in deliciis est, viuēs mortua est. Pergit & hoc de-

clarare liquidi⁹, qui dicit, Vidua eligatur nō minus sexaginta annorū, quę fuerit vnus viri vxor. Quę fuerit, inquit, nō iam vxor futura. Quod autem sequitur, est apertissimū. Adolescentiores viduas deuota. Cum enim luxuriatę fuerint in Christo, nubere volunt, habentes damnationē, quia primā fidem irritam fecerunt. Vides statui verē viduali annexam esse continentiam? Quin & ipse Paulus mulieri diuortium passę mandat, vt in eo quod superest vitę, (nisi marito superuiuat, aut illi reconcilietur) seruare cœlibatum. Dico, inquit, mulierem à viro non discedere. Quod si discesserit, manere innuptam, aut viro reconciliari. Et hunc quidē cœlibatum patitur hæc mulier etiam inuita. Sacerdos autem non alligatur continentię, nisi sciens, prudens ac volens. Quid enim mirum, si accessorium rei præcipuę naturam sequatur?

Quod autem attinet ad id quod infertur, quis ita colligeret vnquam, Nulli ordini iniunctum est, vt voueat, aut vt se iuramento obliget, nemo igitur aut vouere debet, aut iurare? Satis esse debet, quod inuitemur ad continentiam, quā perpetuo tenere qui volet, sibi deligere poterit statum aut ordinem, cui maximē conueniat continere. Nemo ex præcepto obligatur ad cōtrahendum, pleriq; tamen obligātur ex contractu. Nulli à domino interdicta est sæcularis aut ciuilis vitę cōditio, nullus igitur debet euolare ad solitudinē. cum tamen consultius egerit diuus Baptista Ioannes ciuiles tumultus fugiens, & antra deserti penetrans, vt liberius sibi superisque caneret. Quo etiam fine indictus est sacerdoti cœlibatus. Nemo obligatur ad ineundū præsulatū, aut Reipublicę præfecturam, qui tamen onus illud recipit, ad ea implenda tenetur, quę illi incūbunt officio. Cōgruit autem sacerdotio & sacrę studiū philosophię. Nam labia sacerdotis custodiūt scientiā, & legem requirunt de ore ei⁹, quia angelus domini exercituū est. Cōgruit etiā sacerdoti præsertim euangelico mundities ac puritas, vt scilicet mundus sit à mulieribus. Nam semper sit purus, qui altari semper adhæret. Lauamini, (ait scriptura) & mundi esote, qui fertis vasa domini. Iuste igitur & sancte huic ordini alliganda visa est perpetua continentia, vt sacerdotii indiuidua comes ac perpetuum ornamentum. Quod si ex certa

tribu, vt olim Leuitica, prodirent sacerdotes, non deesset illis occasio querimoniarum, cum volentes nolentes ad huiusmodi ministerium traherentur. Hic autem secus res habet, quando ex nulla gente, nulla natione, tribuue, neque ex quouis alio ordine quisquam compellitur, seu ad sacerdotium, seu ad annexum illi cœlibatum. Quare nihil hic iniquitatis subesse potest, cum scienti & volenti nulla fiat iniuria, neque dolus. Hinc autem certissima causa redditur, cur sacerdoti euangelico potius quam Leuitico annexus fuerat cœlibatus. Nam nascebantur Leuitæ, cum sponte tantum accedant euangelici sacerdotes. Aliud autem est necessitate quadam duci, aliud liberè tantum accedere. Sed quid multis moror? Si non expedit nubere propter coniugii molestias, vti apostolis visum est, neque id à domino reprobat: & viuendū est, donec à domino vocemur. Expedit igitur continere, præsertim homini & sacrorum ministeriis occupato, & rei literariæ studiis impedito. Quæ duo sacerdotali functioni semper adhærent. Hoc agnouit, qui dixit, Vix posse quempiam & libris, & vxori pariter inseruire: cū è duobus alterum solidam hominis requirat operam. Quare huic maximè competit continere, præsertim cum nemo id oneris subire cogatur. Inepta igitur est illatio, quæ tam multis instatiis interruptitur. Vt si quis ita ineptè colligat, Nemini interdictæ sunt artes pacis, nemini igitur iniungendum est militiæ onus. In summa, cuius ordini citra iniuriam honestum aliquod onus annexitur, vbi nemo trahitur inuitus, dum tamen illi expedire, aut congruere dignoscitur. Et ob eam causam alligata fuit sacerdotio euangelico continentia. Et quia ab initio liberi sunt contractus, ex postfacto etiam ipsius naturæ consensu obligationem contrahunt. Sic quod dominus sub consilio reliquit, ex consensu ecclesiæ cadit sub præcepto.

Obstreperunt nihilominus heretici hoc etiā adiungētes, Si licet extremam inediam repellere quocunq; cibo, qui in manum venerit, non obstante cōtraria voti ratione iā emis si, cur non etiam rei vxoriæ adminiculo extremum vitæ periculum liceat propulsare? præsertim si medicus neget aliud patere effugium ab ingruente mortis discrimine, quam carnalis vsus copulæ. Ad id vno verbo respondet

Paulus, ita dicens, *Escā ventri, & venter escis: corpus autem non fornicationi, sed domino.* Quasi ita dicat, Per me licebit, ait dominus, quocunque escarum genere ventris subleuare necessitatem: at ego mihi reseruauī corporis humani mundiciem, vt non sinam etiam pro vita seruanda vsu libidinis pollui. Tanto magis tenendum est, id quod superius probauimus, nunquam deesse remedium viroprobo ac pio, modo in domino iacet cogitatum suum, & ipse illum enatriet. Scriptum enim est, *Multæ tribulationes iustorum, & de omnibus his liberabit eos dominus.* Custodit omnia ossa eorū, vnum ex his non conteretur: vt eruat à morte animas eorū, & alat eos in fame. Imitandus potius vir quidam pietate ac religione insignis, qui cū titillatione carnis agitaretur adusque extremum periculū, ait, Malo hinc abire sacris legibus obediens, quā perfidiæ nota inustus in contumeliam viuere. Qui autem ansam arripiunt ab vno Aeneæ Syluij verbulo, quales sint, facile indicāt. Qui ait se existimare maiore causa reddendam esse sacerdotio ineundi coniugij facultatem, quā olim adempta sit. Hoc inquam carnalis Aeneas censet. Verum spiritualium virorum turba reclamat. Sacrorum canonum vna vox & consensus ex diametro repugnat. Quin & ipse sui conscius erroris, spiritualis viri personam sustinens, seipsum arguit. De amore, inquit, quæ scripsimus olim iuuenes, ô mortales cōtemnite, atq; respuite: seni magis quā iuueni credite: nec priuatum hominem pluris facite, quā pontificem: Aeneā reiicite, Pium suscipite. Et hæc verba fenestram nobis aperiunt futuræ responsioni, vt scilicet pectus vere Christianū non attendat quid Aeneas Syluius ex suspitione tantū iudicauerit, cū dicat, Forsan vtilius. Potius huc admoueat oculos, quo spectare dignoscitur piorum omnium spiritualiumq; virorum consensus: quo etiam magno clamore vocat canonicæ tubæ concentus, nempe ad conseruandum in sacerdotio cœlibatum. Neq; enim par fuerit, vt vnus suspicio tantum viri præponderare debeat, præiudiciūque facere, spiritualium omnium virorum constantissimo decreto: cū ille quadantenus sibi contrarius videatur, isti vero in eodem semper tenore sententiæ permāserint immoti. Deniq; spiritualibus creditur & castitatem semper expertis po

tius,quàm carnalibus & lapsis. Et vbi textus canonum stât à parte continentix sacerdotalis,nemo mihi proferat in cōtrarium cuiusuis commenta commentatoris:nisi quis putet non erubescendum sine lege loqui. Est autem glossa in canone,vt pedamentum in vite,nempe vt seruiat viti:sic debet sequi glossa canonem,non imperare canonem.

Iam frustra se protegunt ac tuëtur huiusmodi nuptiatores qualicunq; autoritate Panormitani cap. Cùm olim, de cleric.coniugat. Qui cùm aduersam sibi sciat sacrorum canonum auctoritatem,facile coniectare poterat huiusmodi continentix authoribus nec iudicium defuisse,nec experientiam:proinde iudicasse nihil obstare suo instituto leges pro nuptiatoribus coniecturas. Nihil enim obiicit cœlibatui præter petulantium quorundâ incontinentiam: qui cùm spiritu cœperint,carne consummantur. Non ignorat,quem nihil in canone scriptum latet,quòd delictum personæ non debet in ecclesiæ detrimentũ redundare. Sed quis obsecro,eos ad sacerdotale fastigium traxit inuitos? Quomodo eis vacabat sacris inhiare ordinibus, si non vacet cōtinentix vota sectari? Ex hoc certe nihil colligi potest,quando ad præterita non est recursus,nec iusta resiliendi via:neque enim semel iurata vota iure infringi possunt:nisi quòd in posterum ita caueatur,vt nemo assumatur,nisi iam prouectæ ætatis & longo vsu & experientia morumq; probitate stabilitę. Sic fiet,vt ea,quæ imminere incommoda dicuntur,euanescant. Nec satis consultè dictum videtur ab eo,qui in serinio sui pectoris iura tenebat,expedire vt lex de continentia feratur sub pœna tantum, nulla imminente culpa. Sciebat enim cito violari auro iustitiam,& q̃ reus pœnam non timeret,quam pecunia redimi posse putaret. Hoc esset casses captandæ pecuniæ tendere,non condere leges. Ideo autem non debuit ferri lex de continentia,aut districteissime præcipi. Nam & hoc duplex vinculum culpæ & pœnæ quamuis arctissimum adhuc temere dissolui experimur. Proinde spirituales audiendi sunt,cæteri vero negligendi,vti alio diximus loco. Cur non potius illi veniebat in mentem Urbani secundi decretum in canone,Erubescant. xxxij. distinct. quo censet ac recenset iudicio sancti spiritus arcendos ab omni muliebri con-

sortio sacris ordinibus initiatos? Prospiciebat vir ille integerrimus magno ecclesiæ commodo: sciens ex usu coniugij idem imminere, quo iam ecclesiam Græcam laborare videmus, periculū. Recessit enim à filia Sion omnis decor eius, & denigrata est super carbones facies eius. Fallitur autem qui existimat ignem igne extingui posse, cum longè diuersum sit spiritualium virorum iudicium. In quibus est abbas Theonas collatione xxj. cap. xxxij. Cuius sententiam super ea re subnectere libet, vt collatis vtrinque signis videamus quantum intersit inter carnale ac spirituale iudicium. Non potest, inquit ille, aut vetita concupiscere, aut imperata contemnere: cuius totum studium, totumque desiderium, diuino amoris semper intentum, vsque adeo viliū rerum oblectatione non capitur, vt etiam his, quæ concessa sunt, non vtatur. In lege autem, in qua coniugiorum iura seruantur, quanuis cohibita luxuriæ euagatio vni tantum scæminæ mancipetur: tamen nequaquam possunt carnalis concupiscentiæ aculei non vigere. Et difficile est, vt ignis, cui etiam studiose pabula suggeruntur, ita præfixis terminis includatur, vt non etiam extra euagatus comburat quicquid attigerit. Cui etiam si sua illa ita semper occurrat obiectio, vt ex actuare extrinsecus non sinatur: tamen etiam dum cohibetur, incendit: quia voluptas ipsa culpabilis est, & ad velocissimos adulteriorum raptatur excessus consuetudo concubitus. Cæterum quos gratia saluatoris sancto incorruptionis amore flammauerit, ita omnes carnalium desideriorum spinas dominicæ charitatis igne consumunt: vt nec tepēs fauilla vitiorum refrigerium integritatis imminuat, Legis ergo famuli à licitorum usu ad illicita prolabantur: gratiæ participes dum licita contemnunt, illicita non nouerunt. Hæc ille.

Proinde qui cœlibatui auersionis ac dissuasionis nubē offundunt, sibi cauere debent ab infelici quopiam successu iræ diuinæ eorum ceruicibus imminenti, qui à melioribus auertunt incautos. Ne prohibeas, ait Sapiens, aliis bene facere: sed si vales, ipse bene fac. Scribit enim Baptista Fulgosius de præpeta religione huiusmodi facinus in Vitiza Gotthorum Rege fuisse acerrimè castigatum. Qui cum sacris ecclesiæ decretis obuius ire pergeret, suæ

ditionis sacerdotibus non coniugia modo inducens, sed & polygiam suadens, non multo post id sceleris diuina sequuta est ultio. Nam praelio victus, & à Rhoderico interceptus, orbatúsque luminibus, quod reliquum erat vitæ, retro inclusus carcere infelicissime peregit. Ea nimirum sunt contemptæ religionis præmia.

Nec reticebo eiusdem abbatis Siculi sententiam minus caute prolatam in cap. Cùm in cunctis: de elect. vel ob id maxime quod ad Diui Pauli virginitatem attinet, & continentiae nitorem, dum ait, Paulus fuit fortior Eustochio, qui fuit virgo: & licet fuit fortior, tamen non potuit resistere stimulo carnis. Illud mihi probatur, quod virginem Paulum appellet, vt res est. Illud tamen falsum est, quod non potuerit resistere stimulo carnis. Resistit enim, cui dictum est, Virtus in infirmitate perficitur. Non caruit stimulo, verum non defuit resistentia: imo certamen forte dedit illi dominus, sed vt vinceret. Nam vt beatus Pater Theonas ait collatione vigesimatertia, cap. decimoquinto, Si crimen subesset, non diceret Apostolus Paulus, Infelix ego homo: sed, Impurus aut scelestus ego homo. Nec, De corpore mortis huius: hoc est, de conditione mortali: sed, A flagitiis atque criminibus carnis huius vellet absolui. Infelicem ergo potius se vocat, quàm nocentem. Atqui nocens esset, si stimulis carnis non resisteret. Quare merito quis desyderet in huiusmodi rebus iudicium paulo spiritualius in eo, qui in cæteris censetur oculatissimus. Quod minime dicerem, nisi quatenus facit ad causam cœlibatus tuendam: neve quispiam tanti viri autoritate fallatur.

Sed illis in mentem venit, quæ nunquam non suauius arridet, vetus illa cantio, Crescite, & multiplicamini, & replete terram. Qua ratione efficerent omnes vinculo coniugali obnoxios, pari que opera damnarent omnes ad vnum quotquot cœlibatum, nuptiali posthabito thalamo, coluerunt. Verum in quas, quæso, blasphemias seipso retrudunt: qui omnes cœlibes à Christo domino vsque ad nouissimum continentem sua impia sententia damnant? Damnant autem, si existimant huius-

modi præceptum, Crescite, & multiplicamini, & replete terram, ad singulos pertinere. Quare aut se blasphemus agnoscant, aut nobiscum consentiant huiusmodi præceptum, quod aliquando omnes percellebat & singulos, utpote statim post homines natos, donec amplius terra habitaretur: nunc tantum pertinere ad vniuersos, ut non liceat vniuerso humano generi in totum abstinere à coniugio: tametsi nemo ex eis priuatim huiusmodi obligatione ligetur, ut nihil timendum sit sacerdotibus, quo minus incolumi præcepto cœlibatum colere possint. Verum qua ratione istud intelligi possit, hac similitudine clarius euadet. Iubet Imperator exercitus vni cohorti aut centuriæ tota nocte vigiliis nocturnis insistere. Hoc mandatum non afficit singulos. Satis enim erit, si qui designentur, qui totius nomine cohortis mandato parentes excubias seruent, cæterosque ab huiusmodi onere liberent. Sic in re nostra non desunt, qui iubentis imperio abunde satisfacere possint: ut est tota laicorum, & ea quidem non infima, turba. Quare desinant trepidare timore, ubi nullus timor: sed deum potius inuocent, ut eius numine & afflatu ex professo inchoatam continentiam ad se licem salutis portum perducere queant.

Quid si etiam dicamus non esse de mente imperantis, ut vis obligandi perseveret, si iam finem quis adeptus est, propter quem lex ferebatur? Ut si quis famulo imperet, quod constrato & conscenso equo quempiam ad se vocet, eumque protinus adesse iubeat in remotis agentem: iam si forte is, qui inuitandus erat, præsens adfuerit, tunc cessat obligatio illuc pergendi. Adepto enim fine, cessat labor operis. Non dissimile est quod hic agitur. Dominus enim iubet terram repleri. Quod si (ut res habet) repleta est etiam usque ad nauseam, adeo ut vix aut ferre, aut alere possit suos habitatores: iam quis dubitet vim cessare mandati? Ut si ita dicam, Iubet Christus Dominus caput vngi, faciem lauare, ut maxime inuigilemus, ne videamur hominibus ieiunantes. Iam si apud aliquem cessat huius periculum ambitionis, nihil certe opus erit, aut ut caput vngat, aut faciem lauet. Sed quid in re aperta diutius immoramur, cum constet ex Paulo hu-

iufmodi præceptum nõ attingere fingulos, qui ait, Bonum eſſe cæteris, ſi permaneat, ſicut & ipſe. Adde & illud ex eodem, Qui nubit, bene facit: qui non nubit, melius facit. Quod nullatenus diceret, ſi iſtud diuino repugnaret præcepto.

Sunt qui ita cauillantur: Quicunque ſacerdotio vult annexum eſſe cœlibatum, efficit, vt duo inter ſe ſacramenta pugnare videantur, nempe ſacerdotium, & matrimonium: quum nullus vtriuſque capax præſertim in eccleſia Latina eſſe poſſit. Ad quod reſpondendum, quod viduitas & virginitas virtutes ſunt, quæ tamen ſimul in eodem minime conſiſtere poſſunt. Et vbi crumena argento turgeat, ſimul aurum non recipit: non tamen inter ſe pugnant aurum & argentû, vt nec aqua aquæ cõtraria eſt: quæ ſubintrare nõ poteſt, vaſe iam interius repleto. Nec ſtellæ apparent, vbi ſol illuxerit: ita nec coniugio locus eſt, vbi affuſerit ſacerdotium: Vel ob id vnum, quod vnus vtrique ſufficere non poteſt, quum alterum totum exigat hominem. Non igitur contrarietas in cauſa eſt, verum potius vnus hominis incapitas. Anguſtû enim eſt ſtratû, ita vt alterum decidat, pallium breue vtrunque operire non poteſt.

Ad hæc obſtrepunt Paulum ſibi cauiffe, ne cuiquam laqueû iuduceret, ſi diu ſeparatim viuerent vir & vxor. Proinde cautius agendum cenſent, ne cœlibatus in multitudinem diffuſus det occaſionem ruinæ. Verû ad id plerumque dictum eſt, quod per ſe ſanctum & iuſtum eſt, vtile & honeſtum, nemini cauſam eſſe ruinæ. Quæ ſi ſucceſſerit, ex hominis potius laſciuia incuriãve p̃cedit, quàm ex ipſa lege cõtinentiæ. Porro diu⁹ Paulus vbi de laqueo loquitur, ad eos ſua verba conuertit, qui vinculo maritali ſunt alligati: ne ſcilicet denegata alterutri partium beneuolentia, alteram, cui denegatur, ad incontinentiam inducat. Iam iſtud ceſſat in ſacerdote, qui nulli ſui corporis fecit poteſtatem. Quod autem de coniugatis loqueretur Paulus, verba ſequentia docent, Iterum reuertimini in idipſum, ne tentet vos ſatanas, propter incontinentiam veſtrã. Hoc autem dico ſecundû indulgentiam, non ſecundum imperium. Vides vt Paulus etiam apud coniugatos indulgeat potius, quàm conſulat, copulæ carnalis vſu? Alioq diſturus his, qui voto adſtrinxe

runt. Vnusquisque in ea vocatione, in qua vocatus est in ea permaneat: Aut certe quod alio loco dicit: Accipite armaturam dei, vt possitis stare aduersus insidias diaboli, & cuncta inimici tela ignea extinguere. Iam si occasio ruine, aut laquei vndecunque imminens auocare debeat hominem à statu sacerdotali, idem quoque de thori maritalis conditione dicendum erit. Imminent enim coniugio sua pericula, adeo nihil est à periculo immune, quocunque te vertas. Hinc Psalmista ait, In via hac qua ambulabam, absconderunt laqueum mihi. Nam & aduersarius noster circūit, querens quem deuoret. Cui, inquit Petrus, resistite fortes in bello. Ceterum qui timet ventos, nunquam seminat: qui cōsiderat nubes, non metet. Nos igitur reddant circumfusa pericula cautiore ad effugiendum, & ad resistendum audientiores.

Demum cū neruosa demonstratione nihil efficere possit nuptiatorum calumnia: quod quidam magni alioquin nominis persuadere non valent, rhetoricando (qua pollent arte) suadere conantur: vt quum euertere non possint cœlibatum, saltem nutare faciant in mentibus hominum, suis declamationibus à continentiae puritate leuissimos quosque absterrentes. Egregium scilicet eloquentiae margaritū in lutam proijcientes: hoc certe digni elogio, Sicut annulus aureus in naribus suis, sic mulier pulchra & fatua. Hęc, inquam, Rhetoricis adornata flosculis eloquentia. Qui longe felicius collocare suam artem debuerant, qua vsque ad miraculum pollent in continentiae laudibus: quā ad depingendam lasciuiae speciem, cuius effigies vix secus, quā pererrorū lineamenta queat adumbrari. Scrutādum potius erat, si quid ad inuentas continentiae laudes adiungi posset potius, quā eius deturpare nitorem. Qua in re dum infelicitate laborant, seipsos, tametsi imprudentes & incauti sua arte deturpant & obscurant.

Vt quibus eloquii datur aurea vena poetæ,

Sed cadit in sordes, inficiturq; luto.

Ia quādo in eo parū felici argumento rhetoricari libuit. obuiandum est, prouidendumque pusillorum salutē: ne stare videamur iuxta sanguinem proximi nostri. Aiunt continentiam hanc perpetuam more Gigantum naturæ bellum

indicare: quasi vero non hoc vehementer in mandatis reliquerit & Christus, & Paulus. Christus dum ait: Si quis vult venire post me, abneget semetipsum. Et illud, Qui amat animam suam, perdet eam: & qui odit animam suam in hoc mundo, in vitam æternam custodit eam. Item, Nisi granum frumenti cadens in terram mortuum fuerit, ipsum solum manet. Si autem mortuum fuerit, multum fructum affert.

Quid autem apertius eo, quod dominus ait: Qui non relinquit domum, aut patrem, aut matrem, aut uxorem propter me: non est me dignus. Qui ductam uxorem relinquere mandat, quid de uxore ducenda dicturus sit, apud se recogitet nuptiarius præco ac patronus: & utinam non antichristianus orator, qui absterret ab his, ad quæ Christus inuitat.

An non huiusmodi est, qui à cœlibatu dehortatur his verbis, Tu vel me authore mentem istam mutabis, & cœlibatu relicto sterili, ac parum humano vitæ instituto, sanctissimo coniugio indulgebis. Cui ex diametro aduersum se offert Paulus, qui ait: Tempus breue est, charissimi, ut qui habent uxores, sint tanquam non habentes: & qui possident, sint tanquam non possidentes. Alio item loco in Corinthiis posteriore sexto, In omnibus exhibeamus nosmetipsos sicut dei ministros, in laboribus, in vigilijs, in ieiunijs, in castitate, &c. Et tamen non desunt magni alioqui nominis viri, qui his sirenum cantibus sibi patiantur illudi. Qui si se melius his incantamentis indormiant, plebs tota deinde sequetur. At ubi vulnus in cruderit, vix erit qui malagma apponat. Proinde me authore, aut (si admittere velint) consule, noxia huiusmodi incantationum venena procul à se amouenda curabunt: nisi se ipsos una cum ouili credito citò perditos iri velint. Dominus hanc illis mentem perpetuò conseruandam tribuat.

Ut autem conceptum animo negocium vno contextu prosequar, superesse mihi video telam quandam retexere variis errorum liciis operose magis quam religiose contexta: ne habeant, unde gloriari possint hostes sacri cœlibatus, quin potius intelligant nihil à tergo fuisse relictum, quod non explosum fuerit atque refutatum.

Coniecit in chaos quoddam apologeticum cauillos non paucos Bartholomæus cognomento Bernardus, Sambergē

sis ecclesiæ (appellatione tenus) pastor & rector, re ipsa prædo potius, ac præco nuptiarius, signorumq; suorum desertor perfidus. Quos omnes, ne forte cuius imponât incauto sigillatim conterere libet, & cuique cataplasma apponere vulneri: tamen quæcunq; deliramenta profert ex his quæ suprà allata sunt, abundè fuerint confutata. Orditur itaque suam telam aranearum texturæ similem Bartholomæus ille Sambergensis à vulgata illa sacræ scripturæ pseudographia: qui mos omnibus hæreticis peculiaris esse solet: Episcuri personam agens his verbis,

Ecce facti mei rationes, Nunquā damnavit aut lex, aut euangelium, nuptias: nec ulli statui hominū interdixit. Dictum enim est, *Qui potest capere, capiat.*

Ad id quidem responsum est nuptias non damnari ecclesiastico instituto. Non enim prohibetur nubere. Est tamen in libertate cuiusvis situm, ex voto amplecti id quod prius erat liberum. Vouere consilij est, reddere vero præcepti. Vt autem nemo sit clericus nisi volens, sic invito nemini interdiciuntur nuptiæ: quare scienti ac volenti nō fit iniuria neque dolus. Iam ubi est, qui de iniuria cōqueri potest super vinculo cœlibatus sponte recepto? Singuli ne sponte sua vouentes? At volenti non fit iniuria. Status ne ac conditio clericalis? At nullus status iniuriam patitur, ubi nullus in eo statu iure conqueri possit. Nemini autem superest querelæ locus, qui sua sponte, nemine ad id compellente, iugum sibi perpetui cœlibatus assumpserit. Et hoc vnum abunde sufficit ad obturandum os loquentium iniqua. Pergit nuptiator suam causam defendere, falsum (vt semper solet) assumens.

Qui potest capere, capiat. Hac voce meritò terreri debent, qui se promiscuè addicunt cœlibatui: quoniam quando non omnium, sed paucorum est donum perpetuæ continentiæ. Paulus velut exponens Christi sententiam dicit, Vnusquisque proprium donum habet à Deo.

Responsio.

Vnde tu terrorem elicis, sancti patres confidentiā promittunt, imo & Paulus docet fidendum esse. Nam perinde est istud, *Qui potest capere capiat:* atque si agnotheta iniuret ad præmiū. Simile est illud ex Paulo, *Qui in stadio*

currunt, omnes quidem currūt, sed vnus accipit brauium. Sic currite, vt comprehendatis, Et methodum tradit ad id assequēdū, dicens, Omnis qui in agone contendit, ab omnibus se abstinēt. Illud quoque adiungens, Sic pugno, non quasi aerem verberans, sed castigo corpus meum, & in seruitutem redigo, ne cū alijs prædicauerim, ipse reprobus efficiar. Non sunt isthæc absterrentis, sed potius allicientis, & inuitantis, modumque tradentis, quo quis facile speratū assequatur brauium. Hoc autem ex interpretatione sacrorum patrum suprā diffuse monstratum est. Sed quid facias præposteris istis ingenijs omnia in contrarium peruertentibus? Sequitur ex eodem.

Veretur Paulus, ne si exigat cœlibatum, laqueū iniiciat. Quomodo igitur Pontificum de cœlibatu traditiones vocabimus? Responso.

Vocabimus certè sacras ac sinceras institutiones, vt quæ ad puram ac sinceram contemplationem facilem aditū parent. Non enim exigunt à quopiā cœlibatum, quin omnes potius accedere volentes, vehementer exhortantur, vt diuinum implorent auxilium, secūmq; cogitent, quid ferre recusent, quid valeant humeri. Hoccine est laqueum iniicere incautis?

Ad id vero, quod sacrosanctam de cœlibatu legem ore impio animarū laqueum appellare ausus est, hoc vno sibi responsum putet Sapientis oraculo, qui ait Ecclesiastes decimo, In via stultus ambulans, quū ipse insipiens sit, omnes stultos existimat. Ita & qui ebrietate deliriōue laborat, ex se metiri solet cæteros.

Ad verba autem Pauli ad Timoth. Oportet episcopum esse vnus vxoris virum, scire debuit digamiam tantum illi verbis esse prohibitam, non iussas nuptias, alioqui peccassent Ioannes & Paulus apostolici viri toto suo xuo cœlibes & innupti,

Sed & falso impingit ecclesiæ, quod suam legem sic exigat, vt malit violari diuinam, quàm suam institutionem perire. Quod nunquam ecclesia vel de somnio cogitauit. Falsum enim est quod supponitur, quasi vero non sit medium inter nubere & vri. Iam enim docuimus omnibus viam esse apertā, ac medie temperatam, qua assequi possint, vt nec

vrantur nec nubant. Adde & illud ex Paulo, Esca ventri, & venter escis: corpus autem non fornicationi, sed domino.

Quod autem pseudographe Paulum inducit de his qui in spiritu mendacij prohibent nubere: Tatianos incuset & Manichæos, qui nuptias vetant. Ab eo enim errore longissime absunt ecclesiæ decreta. Non enim nubere vetat inuitum Paulus, qui suo quemque reliquit consilio.

Paphnutii pro nuptijs clericorum intercessio apud Nicenam synodum extra causam est. Illic enim agebatur de his, qui ex professio coniugia cum ordine obseruabant: hic autem de his agitur, qui cœlibatum professi sunt. Non enim æquum erat, vt supra quam professi essent, obligarentur inuiti. Neque enim professi erant cœlibatum. De quibus autē presens sermo est: in qua vocatione, vrgente nemine, numinis fauore implorato vocati sunt, æquissimum est, vt in ea permaneant.

Illud quoque minime ad rem facit, quod ex Paulo citatur, Nolite fieri serui hominum. Nam hoc solum iubet Paulus, ne contra diuina mandata hominū volūtati seruiam⁹.

De iuramenti præstiti ratione nugatur, prætendens generale iuramentum non habere vim obligantem, aliàs omnia plena forent periurijs. Ignorat forsā id quod apud sapientes tritum est, consuetudinem contrariam eleuare & extenuare vinculum iuramenti. At de vxore ducenda in sacris ordinibus, nulla in orbe Christiano apud Latinos est quæstio, quanto minus consuetudo. Vides, vt non curet quid dicat, tantum laborat vt dicat.

Vt autem demus vim obligationis in vniuersali iuramento pendere ab vsu, & consuetudine moribus vtentium approbata, nemo tamen ignorat hanc voti materiam ita esse indissolubilem, vt nullus in contrariū vsus hæcenus admixtus sit: imo, vt alio ostendimus loco, nec ipsa pontificis recipienda sit dispensatio. Frustra autem vim obligationis enervare contendit casu aliquo necessitatis, cum nulla possimus impelli necessitate ad huius voti solennis disruptionem. Verum hoc addit,

Quid si iuratum est cum particula, quatenus humana fragilitas permittit? Esto. Humanæ certe fragilitati subueniri potest ieiunio, eleemosyna & oratione. Nam & do-

minus faciet in tentatione prouentū, vt possimus sustinere.

Sed iuratum est, inquit, tantisper cœlibem fore, dum patitur imbecillitas carnis, qua tamen nihil infirmius.

Verū non attēdit quod diuus Paul⁹ ait, Omnia possum in eo, qui me cōfortat Christus. Et illud, Sufficiētia nostra ex deo est, qui nō finit nos tentari vltra id quod possumus.

Addit, iuratum conceptis verbis cœlibatum rescinden dum fore. Quasi scilicet nemo possit amoliri instans periculum. Quod plane falsum ex suprā dictis ostensū est vno omnium sacrorum interpretum consensu.

Dum autem subiungit, se continere non posse. Plane mētitur iniquitas sibi. Qui enim indiget, postulet à deo, qui dat affluenter, & non improperat.

Minusque audiendus est in hoc quod ait, Iuramenta de cœlibatu esse incauta, vt quæ sine atrocissimis peccatis præstari minime possint. Hoc enim si verum sit, damnabimus impietatis omnes huius ordinis professores, quum Sapiens dicat, Qui amat periculum, peribit in illo. Verum impudentissimus iste est, qui cæteros sua mensura metiendos censet, qui quum in sordibus sit, alios ad volutabrum luti, ne solus sordescere videatur, inuitat: vt de Gryllo apud Vlyxē Circes carminib⁹ in suem mutato Poetę fabulatur.

Quod autem nugatur de impuberum cœlibatu, aut incauto minūsus prudenti iuramento, hæc omnia excluduntur. Nemo enim est ad cœlibatum imprudens, modò cætera ad sint, quæ iure cauentur. Cæterum non recipitur, qui allegat simulatè iuratum fuisse cœlibatum, quum nemo ad id cogatur. Quin potius minimè creditur neganti, qui non vult, quod sibi credatur affirmanti.

Mentitur autem Diomedeam necessitatem ad votum deferendum, qui quoties velit implorare à domino perseuerandi gratiam, præsentaneum sibi non defuturum sentiet auxilium. Omnis qui petit, accipit, qui quærit, inuenit, & pulsanti aperietur: nisi de eorū numero esse malit, quos Psalmista insectatur his verbis, Deum non inuocauerunt: illic trepidauerunt timore, vbi non erat timor. Secum potius cogitet galeatum sero pœnitere due li: & quomodo cœptum potius peragat iter, quàm quod manum mittēs ad aratrum, respiciat retrò: & domin⁹ illi præsto aderit inuocat⁹.

Pater enim est misericordiarū, & de^o totius consolationis, qui cōsolatur nos in omni tribulatiōe nostra. Hęc ad omnia desertoris nostri nūgamenta satisfactiōis vice dicta sint.

Nouissimum hoc demum specie quadam recti velatū patrociniū quærunt prætectu vulgatæ sententiæ, quæ est in capite, Si vero aliquis. de iureiurando. Tantisper seruandum esse iuramentū, donec vergat in deteriore animæ exitū: alias cedere debet occurrenti necessitati. Aiunt autem fieri posse: vt æstus carnis solo coniugio temperari possit. Quod nisi accesserit, imminet præsentissimus lapsus. Quo casu, si non propria autoritate, interueniente saltem dispensatione ab eo qui potest, cessare videtur obligatio voti. Nam si soluto melius est nubere quàm vri ex diui Pauli sententia: & eadem necessitas accidere potest ei, qui voto adstringitur: cur non eadem necessitas pariet voti dissolutionem? Verum hoc est ad eundem semper offendere lapidem, quasi vero non sit inter nubere & vri medium, ac verum accedente tētatione remedium: si modo à deo ea, qua decet, modestia & constantia requiratur. Iam ergo nihil opus relaxatione voti, vbi præsens est subsidium, quod oratione promptissime impetrari potest.

Verum tandem per occasionem hac deuecti sumus, vt inuestigandum sit, an votum continentię aliquam dispensationem admittat, siue prætectu priuatæ necessitatis, seu etiam publicæ vtilitatis. Qua de re vberius disserendum est eo, qui proxime sequitur, tomo.

TOMVS QVARTVS.

Votū castitatis solēne nulla ex caussa dispēsationem in se recipere, quæ ius seu obligationē ppetuò relaxet.

Præfatum primum.



DE Dispēsandi facultate in votis, quod vero maximè consentaneum videbitur, dicturo, ne cui in foribus aberrandi detur occasio, illud præfari visum est, Quod si agitur de dispensatiōe, quæ ius interpretetur ambiguum, nemini dubium, quin circa genus o-

nine voti cadat dispensatio, nō dico iuris relaxatiua, sed tãtum interpretatiua. Quæ tum demum locum habet, quoties dubitatur, an conceptum aut pronunciatum votum ratione voluntarij de integro sortiatur, quam aut metus, aut interueniens dolus, aut certe rei, de qua agitur, ignorantia arrodit, aut detruncat, aut in totum adimit. Eo casu locū habet iuris interpretatio, cū scilicet declaratur ob admixtum inuoluntariū non esse completā voti rationem, ideoq; cum eo dispensatur, qui votū emisit. ita tamē, vt obligatio integra voti perfecti non relaxetur. Eo enim casu nec votū est consummatū, nec obligatio integra. Idē censendū est, quoties materia voti in ambiguo est. Vt si dubiū sit, an id quod promittitur, licitum fuerit nec ne, an forte succedēte euentu, ex licito transferit in illicitum: Re ita in ambiguo existente, locus est dispensationi, quæ ius interpretetur. In summa negari non potest, quoties de iure obligandi meritō dubitatur, in quocunq; genere voti locum habere dispensationē iuris non tam relaxatiuam q̃ interpretatiuam. Relaxatiuam dico, quæ absoluit à debito. vbi citra omne ambigūū constat integram & consummatā præcessisse obligationē. Et hanc dicimus non habere locū in votis. Quod quidem ex his quæ sequuntur, notius euadet.

Præfatum alterum.

Recipiendā insuper censemus, vt certe negari non potest, in voto simplici vinculi dissolutionem, nō quidem vi dispensationis apud eū qui præest, sed ipso iu re naturæ. Id enim à natura comparatum, mentibúsque insitū humanis, q̃ promissio primum facta, citra tamē rei promissæ traditionem cedit posteriori: dum tamen accesserit ipsi⁹ rei traditio. Et ob eam causam votum simplex cedit matrimonio. Nam vnà cum coniugali contractus est corporum traditio. Siquidem tum demum possessio acquiritur, dum res promissa consignatur. Ab hoc fonte effluit ratio decreti ecclesiastici, quo cauetur dissolui matrimoniū nondum consummatum per religionis ingressum, quia ante consummationem nondum traditio facta est, quæ in voto solenni consummatur. Hinc etiam oritur ius illud, quo decernitur reum fracti voti non haberi, qui quod vouit, in religionis institutum commutat. Nam in voto solenni rei

traditæ susceptio fit, quæ abest à voto simplici. Inde etiam tertio sequitur, quod post initū solenne votū, coniugale fœdus attentatum nullū est: secus autem si attentetur post votum simplex, hoc enim est, quod passim circumfertur ab eruditis rei theologicæ professoribus, q̃ votum simplex impedit matrimoniū contrahendum: contractum tamen non dirimit, cum vtrumq; faciat votum solenne. Alioqui consistere minime potest, q̃ votum solenne dirimere queat legitime prius emissā vota, & quæ posterius sequi possent irritare, nisi vim suam obtineret à iure diuino. Oportet enim diuinitus probari votū perpetuæ obœdientiæ, si tantum habeat virium, vt dirimat obligationem votorum omnium legitime antea contractorum. Est igitur votum solenne diuinitus institutum plus roboris habēs, quàm votum simplex. Quod vnum maximè confutat errorem existimantium voto solenni nihil accedere supra votum simplex, nisi quòd iuris humani naturam sapiat. Nemo enim dixerit facultatem humanam posse derogari obligationi diuinæ, quæ voto simplici cohæret. Neque enim ius quæsitum prælato erga sibi subditum cœnobitam tollere posset deo iam quæsitam, voti simplicis obligationem, futuriq; contrahendi facultatem, nisi de consensu tertij, cui iam ius quæsitum est. Quòd ergo votum solenne simplici præiudicet, hoc diuinæ institutioni tribuendum est, quam conceptis verbis pendere diximus ex oraculo diuino, Leuitici vltimo. De anathemate mortis quod redimi non posse, verum ad mortem vsque perdurare, perspicuè eo loco traditur. De simplici autem constat, quòd matrimonio subsequente derimitur, secus de solenni. Plus igitur roboris inest deo ipso authore solenni voto quàm simplici. Horum omnium quæ diximus, vna radix est rei traditio, à qua pendet solidum possessoris dominiū, vt iā transferri in aliū nō possit: nisi de conniuentia, imo (vt verius dicam) solido consensu possessoris. Vt ergo cœptū perficiamus iter, coniugalis copula sequens votū simplex, ipsius vinculū dissoluit, non ex cuiusvis dispensatione, cū nulla interuenerit rei huius cōscia autoritas, aut voluntas, verū ex iure gentiū, & naturali omniū consensu recepto. Quo fit, vt in possessione & rei traditione acquiratur dominium. Quo semel habito, iure fieri non potest, vt

quibus aut pōtifex, aut princeps rei possessæ dominiū transferat, nisi interueniente ipsius consensu, aliās rapina furtūve committeretur auferendo rem alienā inuito domino, nisi forte ex culpa re sua priuari mœreatur. Ex hoc ineluctabili fundamento pendet ea, quam venamur, indispensabilitas circa solenne votum. Huius gratia eam, quæ mox sequitur, proponimus adsertionem.

Adsertio de voto solenni quod sit indispensable.

CVM rei per traditionē possessionēq; adeptē dominiū nulla authoritate externa citra domini cōsensū trāsferri possit: cūq; nullus alius traditionis modus appareat, dū quis ppetuæ seipsum continentix deuouet, q̄ per solenne votū seu religiōis, seu ordinis sacri, vt iura omnia vno consensu prædicant. Et de sacro quidē ordine sese offerunt luculentissimi canones 84. distin. Cū in præterito. Itemq; 28. capite Diaconi. accedente etiā cap. Quod votū, de voto & voti redēp. in sexto. adiecta etiā Extrauagāte. Antiquæ concertationi. eod. tit. Quo loco plane fallitur glossematari⁹ p vera causā supposititiā pferens. Miratur enim, quomodo rantī esse possit voti in ordine solennitas humanitus (vt ait) adīnuenta, vt succedens coniugiū, & ipsum quidem cœlitus institutū, dirimere possit. Sed fallaciā patitur, quam appellant, non causę vt causę. Non enim hoc efficit cœremonia voti, sed vera possessio adepta, ac per rei traditionē cōparata. Quæ iure diuino, gentiū & naturali, dominiū tribuit prorsus inauferibile: dum suscipiens ordinē, eo signo se deuouet perpetuæ continentix, ac sui iuris esse definit: adeo, vt alteri per coniugiū attentata traditio nihil efficere possit. Idemq; de voto religiōis dicendum est. Iam si quis rem alterius per dominū translatam citra recipiētis cōsensum auellere nititur, & aliō transmittere, quid aliud q̄ rem alienam aufert inuito domino? Id quod iure diuino omnino prohibetur. Quo fit, vt ne summus quidem pontifex, quanta maxime polleat authoritate, deuotū deo aut sacerdotem, aut monachum post voti solennis traditionem, religiōe soluere possit, nisi appareat de eorū consensu, quibus se deuouit, vt nec priuatam supellectilem citra possidentis cōsensum in aliū trāsferre. Hoc enim esset auferre alienū inuito domino. Quod cum minime valeat in re temporalī,

quomodo id iure poterit in spiritualibus bonis? Et si transferre nō potest subditi bona Christiani, quomodo dei omnipotentis solenniter quæsitum peculium suo iure, non expectato diuino consensu, transferre poterit? Iam quæ in cōtrarium proferri solent argutiæ, tanquam fumus euanesceāt. Solennitas (inquiūt) voti humanitus est instituta, quocirca à summo pōtifice dirimi potest, cuius nutui & arbitrio subsunt omnia humana decreta. Ad quod prompta est responsio, Quod quauis modus traditionis, seu signum adeptæ possessionis, mutari possit, dominium tamen semel quæsitum est de iure diuino, & naturæ: quod nullatenus auferri potest, nisi consentiente domino. Nihil enim moror, quo signo acquiratur possessio, modò dominiū acquisitum domino inconcussū permaneat. Cum enim equi traditio ex vsu publico tum demum locum habeat, si per frenum exhibetur equus, poterit, si volet vsus, exhibitio huiusmodi fieri per ephippium. Verum signis mutatis res immota manet, nempe inauferibile dominium. Ex hac vna respōsione vno impetu cōteritur argutiarum turba, quæ voti solennis vinculum nititur dissoluere. Quale istud est, Sacerdos potest vti matrimonio contracto, fieri ergo poterit, saltem summæ potestatis accessu & consensu, vt vti possit contrahendo. Nam cœlibatus prior & posterior non nisi tempore differunt. Verum hic subest fallacia, qua vnum pro alio sumitur, videlicet non causa pro causa. Non enim refert qui præcedat, quidve sequatur, verum hoc potius considerandum est, quod dum coniugatus ad sacerdotium recipitur, non se deuouet perpetuæ continentiæ, cum illud non possit, vtpote qui credebatur vxorem defunctam. factus deinde sacerdos eam experitur viuam. Neque enim deo auferre potest, nisi quod in sua est potestate. At qui liber à coniugio sacris sese deuouet ordinibus, suum corpus perpetuæ tradit continentiæ, cuius dominum deum possessorem constituit: ea inquam deuotione, quæ dicitur anathema mortis, de qua suo dicetur loco. Cum igitur adepta possessio dominium transferat, idque inauferibile, nisi conuiuente domino, & tam in ordine sacro quàm in statu monastico, solennis traditio fiat, idem censendū est de indispensabilitate circa ordinem sacrum, & statum monasticum. Nec valet

quod obiciunt, qui diui Thomæ placita sequuntur, dicentes ordinem sacrum iuris esse positum, monasticum autem ad ius pertinere diuinum. Hoc inquam refutatum est ex dictis. Nam quauis signa traditionis in vsum sacrum vtrunque humana sint, possessio tamen adepta est iuris naturalis & diuini. Vti enim modus contrahendi per formulas diplomatum humanitus instituitur: contractus tamen ac promissio iuramento vallata suum robur habet ex iure diuino & naturali, quod dirimi non possit, nisi de consensu domini. Ita eadem est possidendi ratio in ordine sacro, & statu monastico.

Tertium Prefatum.

EX his omnino principiis facile est discernere quàm varia sit dispensandi facultas in solenni & simplici voto, quando (vt mox declaratum est) in voto solenni traditio corporis ad sacros vsus perpetui cœlibatus, efficit, vt res oblata transferri non possit, seu obligatio relaxari in præiudicium domini. Atqui in voto simplici seruandæ perpetuo continentia nondum transfertur dominium quo ad illum vsum irreuocabile. Nam reuocari potest, si post votum simplex contrahatur matrimonium, cum votum simplex non dirimat coniugium post contractum. Loquor autem de dominio quo ad illum vsum & modum, (Nam semper domini est terra, & plenitudo eius) sed nondum censetur habere dominiũ quo ad hunc vsum & modũ irreuocabile, nisi celebrata prius traditione. Quare videtur posse relaxari huiusmodi continentiam citra præiudicium tertii in simplici potius, quàm in solenni voto. Quod vtique verum esset vbi forte accideret rationabilis priuata necessitas, aut vrgentissima publica vtilitas, quibus cessantibus, dissipatio foret, non dispensatio. Nunc ergo excutiendum est vtrumque.

Primum quidem, quod ad priuatam attinet necessitatem, si quis ea, quæ prædiximus, gustata probè concocerit: planè intelliget esse medium inter nubere & vri, nempe orationis suffragium, quo accedente, agnosceret, qui tentatur, fidelem esse dominum, qui non sinet nos tentari ultra id, quod possumus, continuo affuturũ in tentatione prouē-

tum, vt possimus sustinere. Cessat igitur ea parte priuata contrahendi nubendive necessitas. Cessabit igitur relaxandi dispensandive ratio.

Quod autem ad publicam pertinet vtilitatem, vt si forte inimineret regni alicuius dispedium Christiani, nisi adsit præsens nuptiale remedium, vbi solum superstes maneret ex tota regia sobole vnus voto perpetuæ continentiae innodatus, iam videtur publica necessitas exigere, vt pro publica tranquillitate paranda, ac sedando in populo futuro tumultu, soluto continentiae repagulo soboli procreandæ vacet. Verum ad id prompta est responsio, Quod is cui æquale est saluare in paueis & in multis, sicut non deest necessitati priuatæ, ita nec publicæ deerit inuocatus. Quis enim scit, quod futura sit ex contractu illo soboles, aut eam non præmaturè interituram? Quod si superuixerit, magno forte regnatura est totius Reipublicæ incommodo, ita vt omnia prius toleranda fuerint, quàm dirum ac durum succrescentis inde sobolis imperium. Id quod docuit frequens historiarum lectio in prole post irritam continentiae fidem suscepta, vt suo differetur loco. Quare nondum apparet quænam sit illa aut priuata, aut publica necessitas, cui continentiae perpetuæ vinculum ita cedere oporteat, vt relaxatione opus sit. Manet igitur inconcussum, quod neque in voto solenni, sed neque in simplici, supersit vlla dispensationis, quæ ius in totum relaxet, iusta ac salutaris occasio. tametsi detur interpretationi locus, vbi non subest plena ratio voti. In forma quidem, vbi aliquid abest de voluntario, in materia autem, cum votum fertur super re inutili aut impediēte maius bonum. Id tamen non negauerim, quod si in voto simplici attentet pontifex dispensare, & consentiat dispensatus, cum nulli fiat iniuria tertio, quæ modo id quod est alienum, auferat, sequens est, vt de facto validum sit, etsi culpa non careat initium coniugium. Quod minime locum haberet in voto solenni. Nusquam ergo culpa vacat post votum attentatum coniugium, tametsi contractum post voti simplicis emissionem viribus subsistat. Si cui hæc, quæ adstruimus, fidem non fecerint, superest, vt rationes propositas dissoluat, & ineluctabiles in contrariū

proferat. Quod si fiat, facile cedemus arena.

Quin potius aduersus eos, qui contra sentiunt, vibramus telum propria ipsorum officina & incude percussus: quod emissum proprio vix clypeo elidere possint ac propulsare, tametsi dissolutum putet ac retusum D. cardinalis à Turre cremata super cap. de illo clerico. distinct.

xxxij. Si pontifex (vt aiunt) summo iure possit in totum monachum exautorare, & exautorato concedere vt euolet ad nuptias, soluto continentie vinculo. Esto, exempli gratia, quispiam, qui post consummatum cum vera vxore coniugium, ipsa etiam consentiente, ac solenniter continentiam profitente, sese religioni deuoueat: iam fieri potest (vt videri volunt) quòd accidat casus pro totius Reipublice vsu ac salute, vt iste religionem professus, vinculo tandem solutus vxorem ducere possit. Quod si admittant, utique impingent in ius diuinum, quo cauetur vxorem à viro non debere discedere, & contra virum ab vxore, quòd si discesserit, manere innuptam. Nam qui, priore viuente, aliam duxerit, mœchatur: imò vt est in capite Gaudemus, de diuortijs, nulli vnquam licuit simul plures vxores habere, nisi cui fuit diuina reuelatione concessum. Quòd si quis priorem vxorem esse neget, certè vxore dimissa superstitute duci alia de iure non potest, vt eo loco ex intentione scripturę Innocentius docet. Cui consentit Augustinus libro de bono coniugali cap. xviii. ita dicens, A viro viuo in alterius transire connubium nec in veteri licuit, nec nunc licet, nec vnquam licebit. Quòd si eo casu nullum perfugium se offert, quo iste euolare posse dicatur ad alias nuptias, sequens est, vt huiusmodi negocium diuino committatur arbitrio quam in huiusmodi rebus sacram statuisimus anchoram. Expetendus igitur est & expectandus diuini numinis afflatus potius, quàm religione soluatur, qui suam continentiam deo solenniter dicauit. Id quòd persuasum esse volumus.

At forsan nitentur euadere dicentes supradicta locum tantum habere in matrimonio nondum consummato, cuius vnicum religionis ingressu dissolutum existimant. Hoc autem in matrimonio consummato negabunt. Constat (nihilominus matrimonij vinculum presentibus ver-

bis de presenti stabilitū, iure diuino esse indissolubile. Deus enim ante consummatum matrimonium inter Adam & Euam ita pronunciauit, Quos deus coniunxit, homo non separet. Quare si vinculum consummatum voto non dissoluitur, neque etiam dissoluetur coniugium verbis presentibus conceptum & stabilitum: Sicque præcedens quaestio recurrit. Eademque redibit ratio uti in consummato coniugio.

Iam si hoc præcipitur in ecclesia dei, ut religiosus aliàs coniugatus quacunq̃ue ex causa priore superstite aliam superinducat uxorem, idem quoque de tertia & quarta admittendum erit, utpote si post susceptam prolem utraque partium ad religionem recurrat, & denuo simili redeunte casu, ac necessitate urgente, vacandum sit generationi etiam post secundò susceptum religionis institutum. Quin pari ratione sequetur iure admitti posse, quòd mulier tres habeat viros superstites, & vir tres uxores. Quòd nunquam fando auditum est, sed nec cogitatum quidem. Hinc videre potes, quomodo ex hac vna relaxandi facilitate immensum offendiculorum pelagus protinus oriretur. Extinguenda potius est à primo ortu laxa nimium facilitas, ne scintilla crescat in flammam, nève huiusmodi exundans licentia totam culturæ ecclesiasticæ faciem proterat ac laniet. Nam qui parua negligit, paulatim decidet, & ex modico ac primum vadabili fonte immensa prodeunt flumina, quæ etiam vix nauigio superari possunt.

Præter hæc istud quoque sequitur incòmodum. Quòd cum voto omnia vno religionis instituto absorbeantur, ut est in cap. Scripturæ. de vot. & voti redempt. Reus fracti voti non habetur, qui temporale obsequium in perpetuum, noscitur religionis obseruantiam commutare, sequens inde est quòd quoties pontifex summus quempià eximeret à monachatu, simul ab omnium votorū prius emissorum vinculis dissolueret. Quòd minus æquū videtur, cū videatur priorum votorum obligatio reuiuiscere. Quibus adimplèdis cèsetur idoneus pristinè restitutus libertati, utpote de monacho factus nō monachus, resumpta priorū votorū implèdorum facultate. Qui igitur omnia vota in vnum religionis

institutum cōmutanda censuerūt: quid aliud existimabāt, q̄
q̄ perpetuo vinculo foret innodatus, omni spe dissolutionis
adēpta, qui semel in religionis verba iurasset? Ita enim
canon vocat perpetuā religionis obseruātiā. Alioqui ne-
mo dixerit cētera quanuis ingentia vota, quibus nulla sub-
est dissolutionis ratio, vno alio permutari posse: quod &
ipsum dissolubile censeatur. Præstiterit ergo dicere nullam
subesse dispensandi facultatem in voto solenni.

Iam ne huic causæ aliqua ex parte defuisse videamur,
scrutandum est ex ipsis sacræ scripturæ fontibus quid pro
continentiæ indissolubili vinculo ex certo & liquido hau-
riri possit. Cuius negocij magna pars pēdet ex eo quod scri-
bitur Leuitici 27. Id quod diuus Thomas subtili, vt in om-
nibus pollet ingenio, sagacissime deprehendit. Textus sic
habet, Omne quod domino consecratur, siue homo fuerit,
siue animal, siue ager, non veniet, nec redimi poterit. Quē
locū sic interpretantur ad Hebraicā phrasin nōnulli, Nul-
lum anathema, quod homo à se abdicauerit, & domino de-
uouerit, ex omnibus quæ habet, ab homine vsque ad pecus
& vsq; ad agrū possessionis suæ, vendi potest neq; redimi:
sed omne taliter abdicatū, sanctum sanctorū est domino.
Nullū anathema, quod abdicatū fuerit ab homine, redima-
tur, sed morte moriatur. Appositissime autē ad Hebraicam
phrasim sic legitur, Omnis destructio, quam faciet destru-
ere, ex homine non redimetur, sed moriēdo morietur. Nō
quod continuo occidi deberent quæcunq; deuouētur ana-
themata, sed quod in eo statu vsq; ad mortē debeāt perma-
nere, ad eū videlicet vsum ad quem deuouētur. Samuel no-
bis exēplo est, quem ita mater deuouit, vt diceret, Dabo eū
domino omnibus diebus vitæ eius. Et votū recensendo di-
cit Anna 1. Reg. 1. Tradidi eum domino omnibus diebus,
quibus fuit ipse cōmodatus domino. Vt autē appareat li-
quidior rei huius discursus, cōstat ex progressu huius capi-
tuli duplex esse votū, æstimationis inquā & destructionis.
Illud iusta æstimatione redimibile erat: istud nullo quam-
uis ingēti precio poterat cōpensari. Ideoq; anathema mor-
tis aut destructionis appellabatur, vt quod sic sanctificatū
foret, q̄ in eo vsu vsq; admortē perdurare deberet. Interim
nihil prohibet quippiā appellari anathema mortis non tam

ad obsequium, quàm ad supplicium. Sic enim dicta est ciuitas Hiericho anathema, & omnia quæ in ea sunt. Hic autè sanctificata dicimus, quæ diuinis officiis perpetuo sint ad dicta, idq; vsq; ad mortè. Quod non esset, si mox perdèda forent. Nec huiusmodi sanctum immutari poterat aut melius malo, aut peius bono. Moriendo ergo morietur, hoc est, in eo statu fixum immotumq; manebit vsq; ad mortem. Iam quicumq; continentiam deuouit solenniter perpetuo obseruandam: quid nisi voto destructionis censendus est alligatus, & eo quidem irredimibili? Quare relaxari non potest, domino eam facultatè apud se retinente, penes quem est clauis, quæ claudit, & nemo aperit: aperit, & nemo claudit. Frustra autè quis obiecerit ea, quæ veteris organi sunt, nihil ad legè gratiæ pertinere: vt quæ sint exhausta viribus, si rationem obligandi attèdas. Nam id quod est morale, perdurat, vtpote iuri affixum naturali & diuino. Quale est id omne, quod deo deuotum traditur: ac per traditionem transit in ius & dominiū eius, cui deuouetur ad certum quiddam vsum, vtpote continentię cœlibatusve. Nam de iure naturæ est, qd per traditionem acquiratur rei possessio. Si ergo res traditur ad vsum perpetuæ cōtinentię, auferri transferrive minime poterit, nisi consentiente domino. Interim non nego veteres cœremoniārum ritus, vt sunt Nazareitas, nudipedalia, & reliqua id genus viribus non subsistere. Huc respexit diuinus Thomæ perspicacissimū ingenium: qui hoc telo munitus, theodidactis omnibus persuadet emissum perpetuæ continentię votum non esse humanitus relaxabile. Qui tamen si neget parem esse in monachatu & ordine sacro vim obligandi, æqua tamè in vtroq; ratio, nepe traditionis & possessionis, ad perpetuum vsum cœlibatus facile persuadet eandem accedere indispensabilitatis rationem. Quod supra declaratum est abūde. Nam omne quod cōsecratur domino per rei traditionem ad vsum perpetuum, nunquā nisi cōstante domini consensu & apparente, transferri poterit.

Nec refert, an excellentius aliquod cōmodiusve bonum reperiatur, q̃ ipsa continentia, quo scilicet permutari possit. Frustra enim laboratur, nisi adfuerit, de qua constet, apud dominum permutandi volūtas: qui sibi dicatā perpetuo cōtinentiam proprio reseruauit arbitrio, iure per traditionem

voti solennis quæsito. Accedente autem necessitate, prouid-
debit de victima holocausti in re apud homines deplorata,
qui Isaac iam iam perituro immolandoq; arietē supposuit ad
obeundū sacrificiū. Nam si quando huic diuino instituto
humana solertia obuiam ire tētavit: hæc signorū desertio,
effectū deinde sequente, non leui animaduersione, nec ob-
scuro exemplo punita est, vt suo loco proferenda exempla
docebunt. Sic enim tristis exitus infelicitèr attētata proba-
re solet. Nam quoties à voto solenni dispensatū fuisse legi-
tur, vnde tranquilla sperabatur quies: hinc Ilias malorum
quædā prodiisse visa est. Vnde enim plaustra illa calamita-
tibus onusta in Appulia, Sicilia, atque adeo vniuersa Italia
prodierūt, nisi ex infauftis nuptiis Henrici quinti quondā
Imperatoris cum Constantia, Siculi regni hærede, ex cœ-
nobio ad thorū tracta maritalē? Ea res totius Italici incen-
dij fomité ministravit. Ex quo enim cœptū est tractari de
cōnubio inter Henricum Imperatorem & Constantiā iam
quinquagenariam, deo dicatā virginē, immanissima sequu-
ta est tragœdia: quæ totā ætatem Clemētis tertij, Honorij,
Gregorij noni, Innocentij quarti cruentissima clade fœda-
uit. Nam Henricus, vbi rerum in Appulia ac Sicilia potitus
est, Gulielmum filiū Tancredi fraudulēter ad se allectū &
tractum emasculauit: sorores eius innoxias tres in vincula
cōiecit, nisi quod & ipsæ, Neustria ac cœnobio relicto, Ap-
puliā petiisse feruntur. Quo nomine meritas dederunt pro
crimine pœnas. Quid plura? Sua spe fraudatus Innocentius
tertius, iura ecclesiæ perturbantē Henricum diris deuouit.
Et quæ deinde sequuta est proles, nēpe Fridericus & Man-
fredus, nihil præter factiones in omne tēpus duraturas, nec-
dum nostra ætate extinctas Guelphorū scilicet & Gibeli-
norum posteritati reliquit. malum nempe, quo non imma-
nius vllum aut patres audierunt, aut vnquā videre nepotes,
aut sunt aliquando visuri. Hic certe est Fridericus, quem
tametsi vnum eundemq; indefessum propugnatorem Ro-
mana speraret ecclesia: nunquā tamen grauiorē aduersum
se hostem, sibiq; & aliis nequiorē experta est. Adeo infesto
erat animo aduersus Romanā sedē, vt in proprios liberos
fœuierit, vel ob id maxime, qd à parte ecclesiæ stare viderē-
tur. Dixisses flagellū à deo immissum: quod nō prius vexā-

di finem fecit, quàm tres sibi succedentes pontifices ingenti tedio affectos extrema pati compelleret: si Antoninum ac Volaterranum super his differētes audimus. Hi scilicet fructus sunt posthabite religionis, & quocūq; pretextu relicte. Nūquid enim colligūt de spinis vuas, aut de tribulis ficus? Ut appositissime in eā rem à Christo domino pronunciatū legimus, A fructibus itaque eorum cognoscetis eos.

Iam quādo hanc viā accepta occasione sumus ingressi, nonnulla ex rerū toto orbe gestarū sylua proferemus exempla quibus testatissimū erit diuinæ semper displicuisse maiestati signorū continentię ac cœlibatus desertionē: ut inde facile intelligas huiusmodi dispensationibus inhiare, nihil aliud esse, q̃ ire a duersus impetū fluminis. Adeōne impune numini resistitur? Quis enim restitit ei, & pacē habuit? Felix igitur, quem facient aliena pericula cautum.

Author est Naucerus in decursu nouissimo sextę generationis Constantē, Constantij Britāni filiū regnandi libidine seductū, à monachali instituto diuertisse: sed paulo mox à Vortigerno Gerseorum duce, cū vix sui propositi telam ordiretur, interceptum & occisum spretę religionis pœnas dedisse.

Idem de apostata Iuliano recenseri poterat, nisi scirem omnibus esse notam historiam: qui ex diaconus factus in infidelitatem delapsus, misere & infelicitè perijt.

Alfonsus quartus, Riccio ac Volaterrano authoribus, religioso se addixerat instituto, regni deserto diademate, & Ramiro fratre in suum locum successo: qui posteaquam boni propositi pœnitudine ductus, diadema repetere contendit, excitata aduersus Ramirum seditione, mox luminibus ac regnandi facultate priuatur.

Grauiori exemplo Henricū Anglū eius nominis primū pœnas dedisse, sequerisq; fuisse multarum author est Polydorus Anglicanę historię lib. 2. Cū enim regis Scotorū sororē, nomine Matildim, deo dicatā virginē, improbe sibidepoſceret vxorē, ita vt cōpulsus Edgarus, sororē matrimonio iūgendā Henrico dederit. Quę execrata prolē, si qua inde foret, effecit, vt proles inde sequuta infelicitè pierit. Nam Gulielmus ex Matildē genitus vnā cum Maria sorore, cū Angliam ex Gallia repeterēt, naufragio perierunt;

idq; eo infelicius, quòd cùm Gulielmus iam in portu nani-
garet, dum Mariam à periculo liberare conatur, cymba ad-
uectus, sese in eam præcipitantium oppressus multitudine
vnà cum illis pelagi vorticibus absorbetur.

Idem quoq; author est Ioannē filiū nothum Ferdinādī,
qui ab initio monachatu inierat, statim deserto monastico
habitu à Lusitanis ad regiū diadema vocatū, regno aliquā-
tis per præfuisse. Fertur nihilominus Urbano pontifice Ro-
mano religionis vinculū dissoluēte, ducis Leucastrī filiam
Philippā sibi matrimonio iūxisse, nec vtili sane, nec admo-
dū decoro apud posteritatē exēplo. Fuerat enim religionē
Militarē professus. Verū recte Augustinus ait, Quidā cor-
rigūtur, vt Petrus: quidā tolerātur, vt Iudas: quidā ignoran-
tur, donec venerit dominus, qui illuminabit abscondita te-
nebrarū. Vnū tamē dixerim. qd eū iuris probabilis igno-
rantia post receptū pōtificis indultū à culpa releuare potest: cū
ipse arma magis q̄ iura scrutari ac nosse debuerit. Sūt autē
nōnulla, quæ per se quidē illicita sunt, sed probabilis igno-
rantix velamine ipsi authori minime imputāda teguntur.

Huc spectat quod refert Rhegino lib. 2. de Caroloma-
no Caroli regis filio, regnātis circiter annū domini octin-
gentesimū septuagesimū. Hic Carolomanus primo cleric⁹,
inde diaconus ordinatus, in quo ordine pōtifici missam ce-
lebrāti ministrauerat: qua gratia spreta, statim accepto mi-
litari cingulo, sibiq; adiūctis prædonū turmis, mox in eccle-
sias debacchatut, cuncta diripiēs, & inaudita mala perpe-
trās. Qui correpto nec emédato iussu patris oculi cruūtur,
iusto (vt Rhegino ait) dei iudicio: vt qui lucē, quē Christus
est, spreuerat, in tenebras mitteretur exteriores: nisi quòd
breui ad cor rediēs, ad Ludouicū auunculū suū rediit, cala-
mitatē suā deplorāns. Cuius misertus auunculus retruxit eū
in Absteriacū monasteriū sancti Vilibrodi: quo loco pœ-
nitētiē vsq; ad mortē peragēde tēpus illi commissum est.

Poterā citare ex historia Gallica ambitiosi cuiusdā pseu-
domonachi Danielis exemplū, vt inutile sibi, ita apud po-
steritatē parū plausibile, parūq; decorū: qui nihil inde retu-
lit præter capillaturæ ac syluescētis barbæ proceritatē plus
q̄ hircinā, & nominis insuper è sacro in prophanū pmuta-
tionē. Nā pro Daniele Chilpericus appellatus, non multo

post inuicta Martelli virtute in ordinem redactus est.

Ebroinus pari penè exēplo, sed grauiore nota ac infamia, suę temeritatis pœnas luit. Qui authore Gaguino, post desertū religionis habitū, ac Lambertū Heduarū præfulē sua ecclesia extrusum, tandēq; lingua prius abscissa, oculis erutis, ceruice cæsum, vitāq; priuatū, cū finē innoxios persequendi non faceret, insidiis demum Ermenfridi interceptus interimitur.

Quid aut ē opus peregrinis lōgeq; petitis exēplis tēpus inaniter cōsumere: cū nostra nedū memoria, verū etiā ætate ipsi viderim⁹ irā dei incubuisse in eos, qui desertis sacre militiæ signis seculi aurā secuti, sese prophanaūt spe prolis habēdę? Qua in re nūq̃ optatū adsequi potuerūt. Quotquot certe mea ætate experiri potui huius religionis contrēptores cuiusuis necessitatis vtilitatisve prætextu, hi omnes ad vnū suę fabulæ actū infelici fine clausērūt. Ex quo apertē intelligitur multa, quæ apud homines in speciē toleratu digna vidētur, summo ac sapientissimo iudici minimē accepta videri. Noui siquidē duas aut treis illustri admodū sanguine progenitos: qui cū fragilitatis prætextu, & spe futuræ prolis habendæ propagādęq; sobolis, alioqui id sua stirpe pituræ, sui voti relaxationē vndecūq; quæ sitis rationibus impetrarint, magno qdē fastu ac fuco coloratis: hi omnes ad vnū præmatura morte præuenti sunt, nulla adhuc ex animi sentētia vxore inuēta, nedū ple suscepta. Sic domino visum est coruos deludere hiātes. Sua itaq; spe frustrati, signis desertis, nihil præter desertionis ignominiam referre potuerunt. E quibus vnus, qui adhuc superest, ducta vxore paulò mox delirio laborare cœpit, nihil aliud animo agitans, quàm assumptæ cōiugis interitū & exitū. Oderat siquidē illā cane peius & angue. Vidimus illū aliquādo sacris initiatum: qui posteaq̃ vincula dirupit, quāta laborare cœperit infania, certissime cognouimus. Hæc sunt contrēptæ religionis certissima documēta, à quibus abesse non potuit: spretæ pietatis vltio, sed culpam mox pœna sequuta est. Nemo igitur nimium fidat Romanæ sedis diplomatibus, cū videat deo minimē probari multa arte quæ sitas voti solennis relaxationes.

Probat id, quod dicimus, Iacobus Meierus Flandricæ

Scriptor historię. Scribit ille fuisse quendā Bochardū Aueniensem, qui cū à teneris literis humanioribus fuisset imbutus vsq; ad iuris ciuilis professionē, sacerdotiisq; Laudunēsis ac Tornacensis ecclesię stipatus & auctus, tandē hypodiasconus factus, vt ei huiusmodi prouētibus frui liceret, alioqui renitēs, nec in eā partē admodū propensus: post aliquot demū annos tori maritalis libidine attractus, ordine beneficiisq; desertis, equestre militiā inuasit (cuius insignibus à rege Anglię donatus est) vxorē duxit ingenuam admodū & illustrē nomine Margaritam, quam multorū liberorum matrē effecit. Re cognita iubet Innocētius tertius, vt se abstrahat ab huius Margaritę congressu, nisi velit diris execrationibus deuoueri: qui omnia prius se passurum respondet, q̃ tori semel initi abiicere delicias. Sed quā infelicitè hæc illi omnia cesserint, certissimus docuit euentus. Ait enim author ille hunc Bochardū in vincula coniectū fuisse, tandēq; capite truncatū, & id quidem per omnia Flandrorū oppida traductū, ludibrioq; habitum. In summa nullū agnoui huiusmodi sacrorum signorum desertorē, qui non suę temeritatis exempla posteritati reliquerit, etiam si obtinuerit quantumvis in speciem iusta & recta à summis pontificibus diplomata. Deus enim non irridetur, proinde caueat licentiosa posteritas.

Deniq; vix vnū aut alterū perlustratis authoribus reperias, qui non contemptę religionis ac suę temeritatis pœnas luerit, in aliud seculum supplicio minime dilator: vt scias verum esse quod à Psalmista dictum est, Si utique est fructus iusto, est deus iudicans eos in terra.

Eburonum episcopus ex clara Bauarorū ducum familia prognatus, multā sibi à suis confluxit inuidiā: quæ non nisi multorum miliū sanguine extinguere potuit, vel ob hanc vnā causam, quòd hypodiasconus factus maioribus sacris ordinibus initiari nollet, cupiditate inflatus captandorū magnæ maiestatis in seculo principatuum, quos spe successionis deuorabat. Ideoque à sacerdotij inauguratione auersum gerebat animum. (Author in Carolo sexto Paulus Aemilius.) qui meminisse debuerat, si vere præfulem egisset, paulinæ in Hebræis sententię, Contēplantes ne quis desit gratiæ dei, ne quis fornicator, aut prophanus, vt Esau, qui

propter vnam escam vendidit primitiua sua. Scitote enim, quoniam & postea cupiēs hæreditare benedictionem reprobatus est. Nec inuenit pœnitentiæ locum, quanquam cum lachrynis inquisisset eam.

Iam superest, quæcunque occurrent aduersus hunc immobilem scopulum allisa tela retundere, retusa casto ictu deflectere. Quod enim vulgo primum obiicitur de plenitudine potestatis pontificalis ex verbo Christi emanantis, Quæcunque solueris super terram, erunt soluta & in cœlis. Id certe verum est, clauē non errante, modo ne auferatur alienū, seu ius alteri quæ sitū. Nam si post possessionē adeptā rei acquisitæ summus pōtēfex non possit transferre dominiū etiā inter homines aliqui subditos, quanto minus erga deum poterit post traditionem factam per votum solenne ius ipsi domino acquisitum in alium vsum transferre? Dicamus ergo soluta esse, quæcunque pontifex soluerit, modo ne præiudiciū fiat tertio.

Illud pariter in procliui est elidere, quod opponūt votum continentię posse in melius aliquid commutari, scilicet in opus charitatis reipublicæ conducibile. Hoc inquam verum est, modo ne fiat eleemosyna ex rapina. Non enim licet alienum transferre citra domini consensum, vt quis alteri subueniat. Humana enim dispendia humanis compendiis repēdenda sunt: & deo, quod suum est, relinquendum, nisi de eius consensu constiterit. Extrema quidem necessitas, quæ hominum sunt, hominibus cōmunicat: at quæ dei sunt, soli dispositioni diuinæ reservātur, nec humano subici debent arbitrio.

Minus vrget quod deinde obiicitur, voluntati & arbitrio pontificis vota omnia ita subesse, vt semper subaudiendum sit, Modo ita summo pontifici placuerit. Quasi vero quæ domino acquiruntur, pontifici ita subiaceant, vt pro ipsius nutu ac renutu figi debeant ac refigi. Quod plane falsum est. Ne quis tamen aberrer, illud non nego quædam esse, quæ promitti efficaciter non possunt sine ipsius pontificis voluntate, cū scilicet de iure ipsius agitur. Sicut nec pupillus sine tutore, nec vxor sine viro in ipsorum præiudiciū efficac' votum emittere potest. Dico præterea aliqua vota pendere ab auctoritate summi pontificis,

vt cùm occurrente necessitate commutari & possunt & debent. Ea autem quæ sibi dominus reseruauit, & per traditionem sua effecta sunt, & sui (vt sic dicam) peculi; ea non pendent neque ab arbitrio nudo, neq; ab auctoritate summi pontificis: quia nec irritari nec commutari possunt. Hoc enim ius diuinum voluntati non subiacet humanæ. Iam si excipienda foret pontificis auctoritas in emittendis votis, cur non potius attendenda est diuina voluntas in eruenda possessione rei iam quæsitæ? Quanto magis illud attendendum est, minime lædi auctoritatem pontificis, nisi ubi forte in re ad ecclesiam Romanâ pertinente iure suo fraudaretur. In aliis manet sua cuique libertas in rem suam, vt aut retineri, aut alienari possit.

Mox autem occurrit aliud, quod merito quis obiicere possit. Si pontificis auctoritas eo se extendat, vt ius diuinum interpretari suo iure possit, cur non etiam interpretabitur aduenisse occasionem, casumve emeruisse, in quo continentia deo pollicita publicæ necessitati cedere debeat? Plana ad hoc responsio est, quod interpretatio in dubiis tantum locum habet. Hoc autem citra omne ambiguum est, quod continentia acquisita domino, à nemine transferri debet, nisi constiterit de eius consensu. Aliàs interpretationis prætextu quæcunque homines possident, transferri possent à summo pontifice. Quod nemo sanæ mentis asserat.

Verum illud obiiciendum occurrit, Si res semel obsequiis tradita diuinis, nec auferri potest, nec transferri, nisi oraculo diuinitus recepto: ergo non licebit sacros semel conflare calices in vsus pauperum distribuendos. Quod tamen Ambrosius fecisse legitur: & super huiusmodi factio commendatur. Nam eius eleemosynas enarrat omnis ecclesia sanctorum. Huius rei meminere canones, Aurum habet ecclesia. & Gloria episcopi, 12. quæst. secunda. Verum ad id respondere promptum est, Constare de consensu maiestatis diuinæ, vt sacra etiam vasa pro accedente necessitate dispergantur in pauperes. Hoc enim oraculo Christi fieri posse constat, qui ait, Euntes discite, quid est, misericordiam volo, & non sacrificium. Qui etiam iubet, vt prius reconciliemur fratri, quàm offeratur munus ad altare. Ex quibus liquet domino magis probari ac præferri

ri pietatem erga proximum, sacrificiis deo oblatiis. Hic ergo constat de voluntate domini in pietate, colenda: quod minime constat de continentia relinquenda. Laurentium vniuersa ecclesia commendat, quod thesauros ecclesiæ dispersgens pauperibus dederit. At nemo vel sponsi vel sponsæ voce laudatur, quod deo dicatam continentiam quocumque prætextu reliquerit. Sic semper immota manet inuicta veritas de non relaxando continentiae voto. Quin potius ex historiarum lectione constat pertristes inde sequentes effectus ingratam deo fuisse semel dicati cœlibatus relaxationem. Non enim licet post traditionem illi semel factam, ab eo auferre quod suum est.

Verum quid dicturus es, inquires, de eo, cui nisi aperiatur via ad coniugium ex benignitate dispensantis, sibi præmature mortem consciscere parat: nec longe abest ut desperet: an huic etiam negabitur dispensatio? Vtique negabitur: sed aperiatur tamen illi via ad salutem, monebiturque, & quoad fieri poterit, persuadebitur: imo & piorum suffragio adiuuabitur. ad iactandum in domino cogitatum suum, qui & ipsum enutriet, ut diues est in omnes qui inuocant illum: prope enim est omnibus inuocantibus eum, inuocantibus inquani eum in veritate. Nam quæ dei sunt, diuinis sarcienda sunt auxiliis.

Demum explodenda venit Abbatis Siculi à plerisque recepta sententia: ita tamen, ut ex progressu constare possit huius sententiæ consortes non parum à spirituali abesse iudicio. Hic inquam Panormitanus in cap. Cùm ad monasterium. de statu monachorum. satius habuit Innocentij tum commentatoris ac Ioannis Andreae carnalem sequi sententiam, quàm ipsius summi pontificis, à cuius spiritu pèdere oportebat, grauissimam authoritatem. Qui luce clarius à se, suisque successoribus abdicat dispensandi facultatem in votis monasticis. Ait enim, Abdicatio proprietatis, sicut & custodia castitatis, adeo est annexa regulæ monachali, ut contra eam nec summus pontifex possit licentiam indulgere. Nam quod Innocentius licentiam pro abusu accipiens, rimam sibi quæ fieri qua euaderet, stupidius est, quàm ut refelli debeat. Lussisset enim in re seria pontifex, si licentiam pro abusu à se abdicandam

dixisset : cùm nusquam licitus sit abusus . Rectius autem Bartolus licentiam accipit pro relaxatione etiam rationabili . Quo fit etiam contra Parnormitanum , vt textus neget iure , & quidem licito posse relaxari continentiam .

Quæ ex eo sequuntur , ridicula sunt . Ait enim quasi satisfacere volens textui , non posse dari licentiam scilicet ex facili causa . Hoc est torquere textus , non interpretari . Hoc enim est commune cum cæteris , non solum in hoc voto solenni : ideo aliam rimam quærit , quam sibi satis placere profitetur : sed quàm recte placere debeat , non video . Ait enim debere intelligi non licere pontifici dare licentiam , nisi commutando in bonum melius . Sed cur magis in isto , quàm in aliis ? Adde , quòd verba præcedentia hanc intelligentiam explodunt , cùm dicat , Non æstimet abbas , quòd super proprietate possit dispensare : cùm nec ipse summus pontifex id valeat . Iam nullus est hic de commutatione sermo . Ideo istud est corrumpere potius , quàm interpretari . Multo ergo rectius intelligebat pontifex nullum esse relaxationi locum super voto continentie in præiudicium eius , qui post traditionem factam habebat ius quæsitum , nisi de ipsius consensu constaret .

Verum libet ipsius Panormitani singulos fucos excutere , quibus suum tegere conatur errorem . Primum confutandum est eius exemplum propositæ per eum necessitatis , quòd huiusmodi est , Si quispiam rex Ethnicus vellet iurare in verba fidei Christianæ , non nisi ea lege , quòd sibi monialis deo dicata matrimonio iungeretur . Eo (inquit ille) casu huic necessitati cedere deberet continentia etiam voto dicata solenni . Qui si apud se fuisset , recordari debuerat (vir alioqui eruditissimus) contrarium docuisse diuum Matthæum in eo ipso , qui proponitur casu . Neque enim cedere voluit Hirtaco regi Aethiopum offerenti suam ac suorum in verba fidei obœdientiâ , modo liceret Iphigeniam virginē deo dicatâ sibi accipere uxorem . Tibi non licet (inquit Matthæus) summo principi sponsam addictam auferre , & ablatam tuo peculio adscribere . Quin ipse Diuus Matthæus satius habuit mortem

opperere, q̄ huic improbæ petitioni iuxta ac impiæ consen-
tire. Aegleppus author, nascentis, & v̄rè apostolicæ illu-
strator ecclesiæ, Vides q̄ malè cōsentiant inter se diui Mat-
thæi & Panormitani iudicia. Sic solet caro militare aduer-
sus spiritū, & spiritus aduersus carnē. Verū audiendus est
spiritualis, qui omnia dijudicat etiam profunda dei. Minus
etiam audiendus est, dū ait, q̄ virgo obteperans matrimo-
nio se offerret in holocaustum. Quasi vero holocaustū car-
nale sit, non spirituale, aut quasi Paulus absterreat ab holo-
causto, qui à coniugio inuitat ad coelibatū. Sed grauius est,
minusq̄; recipiendum, quod subiungit, maximam hic videri
charitatem, si quis corpus suū ponat pro proximis suis.
Sic semel degustata carne, desipit spiritus. Christus de vita
martyrio consecranda loquitur, hic autē de corpore delitiis
tradendo nuptialibus sentit. Hoccine est euangeliū inter-
pretari, an corrumpere? Nam & pseudographie recitantur
sacra Christi verba, & preposterè adaptantur. Id au-
tem alio soluitur loco, q̄ ait religionem vim suā accipere
ex autoritate pontificis: quo fit, vt dispensare possit. Pri-
mum quidē falsum est, quod assumitur. Nā anathema mor-
tis, de quo Leuit. ult. (vt paulò antè declaratum est) deflu-
xit à iure diuino. Sed vtcunque res habeat collectio nul-
la est, quia auferri non potest alienū, adepta semel possessio
ne in præiudicium eius, qui habet ius quæsitū, nisi constite-
rit de consensu. Neq; enim transferre potest possessionem
vnius in alterū. Quod si non potest erga subditum, quanto
minus erga supremum dominū, cui traditio facta est in vsū
perpetuæ continentię? Quod autem arguatur de causa,
& non causa, constare debet nulla causa fieri debere, vt au-
feratur alienum. Et dominus nunq̄ deerit inuocatus.

Si quis nobis opponat acta pontificū. Huic respondet
Syluester in verbo, votū, post piorum patrū oracula. Dicu-
m dum itaq; dispensasse cū quibusdam ias interpretando Pon-
tifices, vbi vix suberat plena libertas apud vouētē. Qua de
re agitur in cap. Consuluit. & ca. Charissim⁹ de cōuersione
cōiugatorū. Quod si vltà attētatū sit aduersus cōsummatam
voti rationē, q̄ ingrātū id fuerit diuinæ maiestati, ex postfa-
cto tristes docuerūt euēt⁹. Nos autē nō qd factū sit, sed quid
fieri debuērit, ingrim⁹. Scriptū autē est, Spiritu ambulate,

& desideria carnis non perficietis : pinde fluxa est huiusmodi collectio. Quòd vbi pontifex sua autoritate obitare possit, ne quis voueat, si res ita exposcat pro vrgenti necessitate: q̄ etiā possit eo casu succedēte emissū relaxare votū. Hoc, inquā, nullatenus admittendū est. Nā facilius est rei cuiuspiā obuiā ire ne fiat, quā id quod factū est dissoluere. Quod postremum sine iniuria fieri non potest. Nam hoc esset ius alteri quæsitum tollere.

Quid igitur? Dānabimus ne, & qui relaxandā censuere cōtinentiā pontifices, & qui oblata sibi dispensatione vsi sūt reges & p̄ceres? Ad id quidē partim respōsū est p̄babilē su per facto licito æstimationē suffragari potuisse, vt à culpa excusentur, & cū quibusdā ita fuisse actū, vt in voto mutilo ac nō plene cōsummato caderet iuris dispensatio. Nos autē querimus quid reipsa tenendum sit, non quam excusationem ignorantia possit adferre.

Vt autē ad rē propius accedamus, excutiēda est dispensatio illa facta cum rege Arragonū, ad quam veluti ad sacrā anchorā omnes qui aduersam partē tuentur, cōfugere solent. Iste nimirū est Ramirus, quē Sigisbertus Remelium, alij Ramirim vocāt. Cuius meminere Michael Riētius, Raphael Volaterranus in re Hispanica. Refert autē Baptista Fulgosius tit. de religionis cultu, quod tamen pōtificis indulto id obnixē petentib⁹ Arragonijs ex cōnubio transierit ad nuptias: nō tamē ita existimauit se vsq; adeo religione solutum, seu (vt aiunt) de monacho factū non monachū quin suscepta prole etiā deterioris sexus, hoc est, nō mascula, thori relictis deliciis ad monasteriū reuersus sit. Quod quomodo fieri potuisset, nō video, nisi de vxoris consensu, quā etiā pari vinculo cōtinētię innodari oportuisset, si verū erat inter eos cōiugij vinculū. Par itaq; fuerit æstimare, q̄ idcirco ad priora vota redierit, vt proprię conscientię satisfaceret, quæ omnino refragabatur huic relaxationi voti. Sed quid, inquires, attinebat ex toro nō maritali prolem suscipere illegitimā, & ad succedendū minus capacē? Quæ omnia sequi necesse est, nisi hoc loco admittatur voti solēnis relaxatio. Ad quod respōdendū, q̄ cōmunis error facit ius, ex lege Barbarius Philipp⁹: quodq; pōtificis cōsensus interueniēs, bona fides & obœdientia partiū mutuo cōhabitatiū

ex p̄babili ignorātia p̄cedens, ac populi consensus effice-
re poterant. vt proles ad succedendū videretur idonea: quę
tamē res controuersia non caruit apud posteros, causa peni-
tus inspecta, ac ex omni parte discussa. Nā & difficultatem
auxit bellū in ipsa cognatione exortū p̄ successione regni
Arragoniæ. Ideoq; ab huiusmodi dispensatione abstinendū
esse & priora docent, & quę sequūtur, exempla.

Simile accidisse intelliget in quodā Germaniæ principe,
quipost monachatu, suscepta prole, cū ad cōnobiū regrede-
retur medio itinere Diuione apud ædem sancti Benigni an-
te valuas chori sepult⁹ est. Inscriptio sepulchri ei⁹, id quod
asseruim⁹, plane indicat, quā & ipse perlegi testis oculatus.

Nec dissimili vsus est exēplo Vveremundus Hispaniarū
rex. Qui, vt Fulgosius tradit, post susceptos duos ex vxore
liberos, memor diaconat⁹ ante cōnubiū suscepti monachū
induit, regni diademate cōsobrino hæredi succedenti reli-
cto. Id autē quis facturū eū existimasset, si credidisset se p̄
sus religione solutum? Aliud ergo intrinsecus vnctio sua-
det viris theodidactis, aliud ēxteri⁹ humana coniectura tra-
dit. Porro à p̄pria magis cōsciētia, q̄ ab externis, & his qui-
dem non admodum certis, nos oportet pendere iudicijs.

Debet igitur in ea vocatione, qua quisq; vocat⁹ est, per
manere. Et id quidē laude digno exemplo, quale olim fuit
facinus Therasiæ sororis Alphonſi quinti. quā (vt ait Mi-
chael Riētius in rebus Hispaniæ lib. 3.) pertinacissime recu-
santem nuptias Abdalæ Toletani principis, monuisse ferūt
vt designatum coniugē, ne se contingeret olim Christo de
sponsatam: quemadmodū & de beata Cecilia legitur. Cū-
q; Abdalas Toletanus monita negligeret Therasiæ, sequen-
tum inde est, vt in grauissimū incideret morbū, eāque ob
causam ad fratrem remissa est, quæ continuò Parthenonem
cōnobiūve diui Pelagij ingressa, vitam cœlibem duxit.
Cur non istud potius proponitur continentię cōseruandæ,
quàm vnum aut alterum dissoluendi voti exemplum?

Ex eodem quoque Riētio legitur, quòd Ioannes Ferdi-
nandi ex pellice filius quorundam suffragijs euectus sit in
regni fastigium, quum tamen professus esset religionem,
quæ Militaris appellatur. Verū quo iure, quāve iniuria id
fecerit, quo demū euētu, ex historia facile deprehenditur.

Præclarius multò egerunt, qui fatali quadam necessitate ducti pro patria & publica vtilitate secessum monachalem interrumpentes ad tempus sæculo seruierunt: ponte tamen à tergo relicto ad pristina vota redierunt. Hoc enim est seruire præsentì necessitati, non voti vinculis eximi.

Author est Regino Prumiensis sub indicatura anni domini octingentesimi sexagesimo octauì, regem Bulgarorum statim à suscepto baptismo regni præfecturam exuisse, & loco paludameti regij cucullam induisse, suffecto filio nato maiore. Qui cum sui oblitus, totus in prædam & libidinem effusus, ad veteres Gentilium ritus populum inuitaret: pater sacro deposito habitu, ac militiæ cingulo ad tempus resumpto, filiù persequitur, oculos eius effodit, eumq; retrudit in carcerem, assumpto ad regnù minore natu filio, cum interminatione paris aut grauioris supplicij, si paria cum fratre attentare pergat. Quibus peractis, pater religionis habitù vitamq; resumit, & in his ad mortem vsque perseuerauit.

Huic simile est quod apud Sigibertum factum legitur, anno ferè domini millesimo centesimo septuagesimo primo, de abbatissa Rummelsæ Stephani regis filia.

Quæ cum malo & irreligioso exemplo à Matthæo, filio comitis Flandriæ, coniugio abducta fuisset: illa tamen deum timens redijt ad religionem, vnde inuita recesserat.

In huiusmodi dispensationis opere terra maledicta docet nihil esse attentandù, vt quæ non nisi spinas & tribulos germinet, quemadmodù in simili diuus Gregorius docet in responsionibus ad interrogationes Augustini Anglorù episcopi capite sexto. Experimento, inquit, didicimus ex tali coniugio sobolem non posse succrescere, & sacra lex prohibet cognationis turpitudinem reuelare. Vnde necesse est, vt iam tertia vel quarta generatio fidelium licenter sibi iungi debeat. Nam secunda quam diximus, à se omnino debet abstinere. Ecce per effectus docet Gregorius dispensationem nonnunquam iure poli esse inuolidam.

Existimarem satis esse factum in refutandis aduersè opinionis qualibuscunque argumentis, nisi & istud quod obijci possit, occurreret. Si pontificis authoritas sacramentorum, quæ diuinitus instituta sunt, materiam irritam & il-

legitimam reddere possit, vtpote circa gradus cognationum modo plures illegitimando, modò pauciores: vt est in capite, Non debet. de consanguinitate. cur non etiam irritare poterit voti solennis materiam, & ante & post votum emissum? Ad quod respondendum est leges irritationis, commutationis, aut redemptionis votorum pendere à præscriptis legis diuinæ. adeo vt si quis infringere, aut dissoluere, seu irritare votum attentaret contra vniuersalis ecclesiæ placita ex scripturæ fontibus hausta, dissipator potius censendus foret, quàm dispensator.

Nemo itaque dicat pontificem posse dispensare contra ius diuinum aut apostolicum. Nemo enim aduersus legislatorem facit, qui nihil exequitur nisi ex eius præscripto. Pontifex autem, omnia facit sub iuris diuini concessione, vt nò plus possit, quod illi à deo permittatur: iure, inquam, aut scripto, aut per spiritum sanctum, & ecclesiam interpretato. Qui enim dedit clauēs, potestatemque ligandi & soluendi, dominus est. Nisi enim vota interpretationem acciperent, ea potissimum, quæ imperfecta censenda sunt, aut defectu materiæ aut deliberationis, aut alia quauis ex causa. Hæc, inquam, nisi interpretationem acciperent, deterior foret nostra quàm Iudeorum conditio, apud quos locum habebant votorum irritationes, commutationesve in melius, seu pro re æquali redemptiones. Quorum omnium facultas summo pastori concessa est ouium pascendarum commissione, soluendi que ac ligandi, prout vrget necessitas, aut publica suadet vtilitas, indulta potestate.

Quo fit, vt possit illegitimare materiam aut matrimonij, aut pœnitentiæ. Hoc enim pertinet ad ouium pascendarum curam. quum tamen circa materiam sacramenti Eucharistiæ vix occurrat, quod immutari possit, vt quæ nihil habeat cum pastura ouium commune. Quod si forte casus occurreret post promulgatum toto orbe euangelium, quocirca panem & vinum in sacrificijs apud antipodes celebrâdis quidpiam immutandum foret, vbi forte apud illos fidei Christianæ sacramenta complexos panis vsus & vini toto orbe suo à natura denegaretur, illud ecclesiæ indicandum relinquo, quæ sic suo sponso innixa est, vt nunquam secretiore ipsius deferatur afflatu.

te colliguntur ex Numerorum cap. 30. Quo quidem edicitur impuberes nondum plenæ rationis capaces voto minimè adstringi. Indicat enim hoc textus, Si quis virorum votum vouerit domino, non polluet verbum suum. Virorum dicit, non impuberum. Nec sufficit propositum, nisi quoque intentio adsit se obligandi. Hoc enim Hebraica nõ ociose expressit. Si quis virorum iurabit iuramentum ad ligandum ligamen super animam suam quo verbo intentio se obligandi exprimitur. Colligitur ex his, quæ dicta sunt, neminem proprio voto irritando esse idoneum. Nemo enim irritat votum, nisi qui patitur ab altero præiudicium. Atqui nemo sibiipso præiudicium facit, vbi tamen circa materiam licitam ex præmeditato quicquam pollicetur ex voto. Quocirca nec ipse pontifex summus proprium votum mera voluntate irritat, nec circa ipsum salua cõscientia sine causa dispensat. Nec audienda est Felini subtilis exceptio in cap. Constitutus. de rescript. qui censet pontificem ex arbitrio dispensare posse in re iurata ad se pertinente, quia, vt ait, subaudienda fuit eius auctoritas. Hoc certe minimè releuat. Dum enim seipsum obligauit, cessit iuri proprio sciens ac prudens. Aliàs nullus apud pontificem contractus esset validus: qui rem alienam præstare non potest, nec in re sua firmiter contrahere. Quod autem ait posse pontificem differre se suspendere vim iuramenti: id ipsam negauerim, nisi ex causa. Scriptum enim iure diuino: Si quid promiseris deo, ne moreris reddere. Non enim solùm ablatio, sed & dilatio præiudicium facit iuramento, ita vt nec differre sine causa possit, nec auferre. Sed istud parergon. Irritantur autem vota mulieris sub viri potestate constitutæ, seu per coniugium vt vxoris, seu per pupillarem ætatem cuiusvis sexus. Quocirca non possunt alienum distrahere, nisi ex cõsensu. Alienum dico, quod est tutelari potestati obnoxium. Iam si pater requisitus, tacuerit: voti reus est, qui semel vouerit. Silentium enim tutoris habetur pro consensu. Reclamatio autem fieri debet infra diem requisitionis. Hoc declarat Hebraica, Si fregit pater eius eam in die, qua audiuit ipse: vota & iuramenta eius irrita erunt. Moxque sequitur, Si autem audiens vir tacuerit, & distulerit in diem alterum sententiam, firmabit omnia vota eius. Hæc autem dilatio nõ sic accipienda est de eo, qui

ex caussa differt responſionē ſuam. Ea ſiquidem non auferē facultatem irritandi votum. Verū hic agitur de differente, id eſt, de eo qui interrogatur, & nihil reſpōdet, nec dicit ſe velle cōcedere, aut negare, aut differre. Huiuſmodi taciturnitas per diē cōtinuata habetur pro cōſenſu. Sic enim Hebraica dicit, Firmavit ipſa ſcilicet ligamina, quia tacuit in die audire ſui. Quōd ſi poſt huiuſmodi ſilētium attētet irritare votū marit⁹: hoc ei imputabit ad culpā, & vxor obcēdiendo immunis erit à culpa. hoc eſt qđ dicitur, Si franget poſt audire ſuū, portabit iniquitatē ſuā. Quōd ſi pater ſiluerit, nō tamē cōſenſerit, an in foro cōſcientiæ reputetur pro cōſenſu quo ad hūc effectū? Quōd nō: quia lex cōſciētiæ innitur veritati, & nō pręſumptioni. Quōd ſic: quia lex diuina etiā ligat in foro cōſciētię, quę dicit, qđ irritās poſt dilationē ſiue cōſenſerit ſiue nō, facit culpā ſuam. Dicendū qđ verba legis intelligenda ſunt iuxta fori conditionē. Conditio autē fori cōſciētiæ eſt, qđ innitur veritati, & nō pręſumptioni. Ideo nō obſtāt ſilētio, ſi nō cōſenſerit quo ad cōſcientiā, nō peccat irritando: in foro verò exteriori propter pręſumptionē arcebitur ab irritandi facultate. Simile eſt de proferēte verba matrimonii ſine conſenſu in pectore, qui cogitur exterius ad cōtrahēdū, ſi antea fictē cōtraxerit. Verū quaſtio hic oriri poteſt, An in huiuſmodi pręſumpto non vero matrimonio ſine conſenſu cōiugalī copulæ cōſummato, ſummus pontifex diſpenſare poſſit? Quōd ſic: quia non eſt verum matrimoniū, niſi in pręſumptione & foro exteriori. Ceſſat ergo vinculū iuriſ diuini. In reliquis poteſt ſummus pōtifex. Verūtāmē hic aduerſatur ratio. Primū. n. ſumm⁹ pōtifex nō poteſt derogare iuri p vxorē quaſito, nec fictio ita illi prodeſſe debet, vt vxor teneatur credere illum fuiſſe mendacē, dum cōiugii verba proferret. Neq; enim credendū eſt neganti, qui nō vult qđ ſibi credatur affirmāti, & ſibi fidē derogat, qui aſſerit ſe fuiſſe mēdacē. Verū demus partē alterā cōſentire diſſolutioni hui⁹ matrimonii. Nec ſic quidē admittēda eſt diſſolutio, vel ob id maximē, quia decolorare tur eccleſię ſtat⁹. Siquidē plurimos videres, qui in odiū inīti cōiugii pſanctē iurarēt ſe fictitiē verba protuliſſe. Sic nuſq̃ eſſent tuta matrimonia, ſi quā diſpēſationis rimulā inuenire poſſent pleriq; cōiugatorū. Papa autē nō poteſt, niſi ad cōdi-

ficationē, nō in destructionē. Ex his omnib⁹ cōstat irritādī facultatē à deo cōcessam ita ad ius irritātis ptinere, vt aliē-
 nō iuri prēiudiciū nō inferat. Votū autē solēne si relaxaret,
 ius deo quēsitū nō expectato cōsensu auferretur: quare va-
 na est illatio ab irritatione ad dispēnationē voti solēnis. Nec
 cadit interpretatio in cōtrariū, quā somniat Rosellan⁹ Are-
 tius falso ius tribuēdo pōtifici, quo decernere possit matri-
 moniū ad tēpus in monacho pro salute Reip. cum in iure
 manifesto nullus sit interpretationi locus in contrarium.
 Quid autem clarius hac lege: Quos deus coniunxit, homo
 nō separet? Nulla igitur cadit indulgētia matrimonii ad tē-
 pus, dū scilicet ples emerferit Quare frustra laborat Rosel-
 lanus. Nec sequitur, Papa pōtest illegitimare materiā aliās
 legitimā: erga legitimare illegitimā, ratiōe voti solēnis. Cū
 de⁹ hoc sibi reseruauerit, ne sacra ac sibi dicata post quēsitā
 possessionē aliis prophanētur vsibus, vt vberimē supra p-
 batum est. Omnino autē quod ad vinculū dissolutionem-
 ve attinet, idem existimandum censeo in voto solenni, seu
 sacri ordinis, seu monastico, quod dici solet in matrimonio
 consummato, in quo tam metus quā ignorantia non ligāt,
 aut metū passum aut prorsus ignorantem ob defectum cō-
 sensus. Quapropter si quis in cunabulis (quod aiūt) ordina-
 retur, aut certe metu cōpelleretur ad ordines suscipiendos,
 hūc ego negauerim teneri ad cōlibatū, nisi de nouo cōsen-
 taret. Ideoq; apud eos, dispēnatio esset iuris declaratio. Ve-
 rum si quis accederet, nēpe tantū dissentiens, omnino tamen
 tacēs nulloq; externo reluctās iudicio, merito cogere^r cō-
 sentire in vinculū cōlibat⁹, vt de vinculo cōiugii dici solet
 apud eū qui negat se cōsensisse, cū verba cōsensus ptulerit,
 Cui vt iura clamāt, nō creditur negāti, qui sibi credi nō vult
 affirmāti. Sic & in eo qui suo silētio annuit, & man⁹ dedisse
 cēsetur cōlibatui, nō credetur si dicat se dissensisse. In vtro-
 que enim matrimonio tam corporali q̄ spiritali solēnizato
 ac iā cōsummato, quos deus cōiūxit, homo nō separet. Nec
 minus ius quēsitum est deo & ecclesiē in cōlibatu q̄ viro in
 mulierē, aut mulieri in virū, cōsummato semel matrimonio.
 Nulla igitur dispēnatione tolli poterit ius quēsitū, quinetiā
 decoloraretur stat⁹ ecclesiē vniuersalis, qua in re cessat au-
 thoritas summi pōtificis. Neque id mirū cū scriptum sit,

INDEX LOCO- rum insigniorum hu- ius operis, ordine al- phabetico.

A

Abbatis Siculi rationes dilu-
untur. 197. 198.

De Aenea Sylvio iudicium

167.

Ananix votum persuadetur. 41.

Anguillæ hæretici cōparantur. 8.

Apostoli magna ex parte nupti-
arum expertes 35.

Apostolos vouisse docetur. 38.
39. 40.

Arator de cœlibatu. 52.

Arbitrii libertatem non tollit ob-
ligatio. 17.

Augustinianus ordo. 76.

Aurum immergere luto quid sit.

173.

Author quare hoc opus compo-
suerit. 10 & 11.

Authoritate conciliorum statui-
tur votum continentix. 32.

B

Barptolomæi Bernardi argutix
refelluntur. 175 & 176.

Basilianorum ordo. 76.

Benedictinorum ordo. 77.

Sanctæ Brigidæ ordo. 81.

Buceranæ calumniæ eliduntur.
121 & sequentes.

Futiles Bucerargutiolæ exhibi-
lantur. 126.

C

Camaldulensium ordo. 78.

Canonici qui dicantur. 74.

Capere omnes possunt, nisi qui
non volunt. 28.

Carmelitarum ordo. 80.

Carnis illecebris mederi vnicum
coniugium, perniciosus error
est. 143.

Carnis incendium aliter vinci
potest, quam per subsidiū con-
iugii. 106.

Carthusianus ordo. 78 & 79.

Castitas turturis laudata. 102.

Castitatis votum asseritur The-
ophylacto, Primasio, & Augu-
stino. 36.

Cato Censor cur Romanū quē-
dam veniam petenti non audi-
uit. 12.

S. Clare ordo. 80.

Cluniacensis ordo. 78.

Cœlestinorum ordo. 79.

Cœlibatus à veteribus institutus
52.

Cœlibatus cum sit utilis, est e-
tiam possibilis. 106.

Cœlibatus edictum quos tangit.
16.

Cœlibatus Essenorum. 19. et seq.

Cœlibatus ex diuino afflatu pro-
cedit. 23.

Cœlibatus institutio fauet legi
diuinæ, non aduersatur. 135.

Cœlibatus promissio non est in-
canta. 128.

Cœlibatus religioni tam necessa-
rius, quàm paxillus viti. pa. 11.

Cœlibatui coniugium compara-
tur. 43. 44.

Cœlibatui non officit tentatio.

De deos perādū nō de virib. 30
 Digamos vere quis dicat. 144
 Dionysii Areopagite opa de-
 fenduntur. 3. & sequentibus.
 Dispensare aliud quā illegi-
 timare materiam. 103
 Dispensationē à voto solenni
 deo minime pbari docet mul-
 tis exēplis. 190. 1. 91 & sequē.
 De dispensatione voti solēnis
 quid tenēdum. 179. 180
 Indispensabile cur votum solē-
 ne. 182. & 183
 Indispensabilitas voti solennis
 elicitur ex scriptura. 188. 189
 Doctoris est dissolvere quaesti-
 ones, nō dubia proferre. 6.
 Non censetur dol⁹ passus, cu-
 i⁹ meliorata est conditio. 53
 Dominicanus ordo fratrum
 prædicatorum. 80
 Donū dei petētib⁹ datur. 109
 E
 Ecclesiæ Occidentalis ab Ori-
 entali differentia. 157
 Edictum quid. 16.
 Edictum de cœlibatu quos tā-
 git. 16.
 Erasmus dubitatorum antefig-
 nanus. 7.
 Erasmi cōsiliū exploditur. 48
 Erasmi sētētia cōfutatur de cō-
 iugio Pauli falso asserto. 34
 Erasmi sylua repurgatur. 91.
92. 93.
 Erasmicus error est dicere, nul-
 lū esse opus laudabile, nisi qđ
 præceptum sit. 140. & 141
 Erasmicū lenociniū taxat. 174

Eremitarum beati Augustini
confirmatio. 80
 Esca ventri, venter escis quo-
 modo intelligatur. 167
 Essētorū mores ex Plinio. 18.
 Essētorū siue Essētorū cōuer-
 satio, vita & modus viuēdi.
 19. 20. 11. & corū laudes. 22
 Eunuchū euāgelicū facit ne-
 cessitas iuris pot⁹ q̄ facti. 17
 Eunuchi qui se castrauerunt
 propter regnū dei, quomo-
 do intelligatur. 16
 Eunuchismus euangelicus
 perpetuus. 17
 Eusebij autoritas eleuatur
 Hieronymo. 35
 F
 Non faciēda mala, vt inde e-
 ueniant bona. 124
 Fides supat captū humanū, nō
 tamē aduersatur rationi. 137
 Per fornicationē nō succurrit
 periculo vitæ extremo. 111
 Nō p̄cipit, sed indulget Paul⁹
 qui ait, vnusquisq; ppter for-
nicationē vxorē suā habeat
112.
 Franciscanorum ordo. 80
 Fratrum prædicatorū ordo. 80
 Qui fugit, denuō pugnaturus
 est. 120. G
 A generatione cessare, vtile
 quibuscū & honestum. 164
 Lex de generando respicit v-
 niuersos non singulos. 171
 Godēfrid⁹ Tilmannus opera
 Dionysij Areopagite aduer-
 sus Erasmus defendit. 8.

- Grandimontensis ordo. 78
 Gratia à deo speratur in futurū
 idq; citra temeritatem. 151
 Guelmularum ordo, 80
 Gryllus apud Plutarchum. 56
H
 Hæretici huius temporis lōge
 peiores antiquioribus. 4. & 5.
 Hæretici dubitatores & opinatores.
6. 7. & 8
 Hæretici in quamvis partē de-
 flectere solent. 5. 6
 Hæretici cur perseverant in sua
 varietate. 9
 Hæreticorum temeritas cū deo
 expostulatiū flagellatur. 161
 Humiliatorum ordo 78
I
 Iesuatorum ordo. 81
 Ignis igne non exstinguitur.
169
 Illegitimare materiā aliud est,
 quā dispensare. 203
 Immunditia quōduplex 162
 Impetrari potest precibus con-
 tinentia. 108
 Impietas maxima nec scire nec
 credere quod ex officio in-
 cumbit. 9
 Incommoda coniugii sacerdo-
 talis. 45. 46
 Incommoda familiæ sacerdo-
 talis. 51
 Institutio cœlibatus fauet legi
 diuinæ non aduersatur. 135
 Institutio Therapeutices ex
 Dionysio & Ireneo. 70
 In veteri instrumento commē-
 data virginitas, 32
 Ioannes virgo secretorum cœ-
 lestium capax. 32
 Ioannis Gerson sententia ex-
 penditur. 118
 Ioseph non petiturum vsum
 copulæ carnalis sciebat vir-
 go Maria. 25
 Ioseph sponsus Mariæ, virgo.
36.
 Institutiones veterum circa
 cœlibatum. 52
 Institutum quid. 16
 Institutum monasticum statu-
 tur. 65
 Interpretatio locum non ha-
 bet in manifesto iure. 196
 Ius alteri quæsitum tolli non
 potest nisi de consensu. 200
 Ius inauferibile dat rei tradi-
 tio. 195
 Iuris compensatio admittitur,
 non pura relaxatio. 185
 In iure manifesto non habet
 locum interpretatio. 196
 Iusto non esse legem positā,
 illud exponitur. 154
L
 Lagi paradoxum refellitur.
136
 Leuitarum alia, alia sacerdotū
 euangelicorum conditio.
166
 Lex quid. 15
 Lex de cœlibatu nulli infert
 iniuriam. 55
 Leges humanæ disciplinam fo-
 uentes, deo probantur & ho-
 minibus. 158
 Libertas Christiana in quo

- consistat. 156
 Libertatem arbitrii non tollit obligatio. 17
 M
 Mala non facienda, vt inde eueniant bona. 124
 Maria semper virgo virginitatem vovuit. 24
 Prima omnium mater virginitas. 31
 Matrimonium verū parit mutuus consensus, etiam si nulla subsit carnalis copula. 25
 Minimorum ordo. 82
 Minorum ordo. 80
 Misericordia immisericors, vni parcere, vt in discrimen mul ti adducantur. 13
 Monachismus ab initio ecclesiæ ortū habet Hieronymo. 36
 Monachismus an possit exau torari, 186 & 187
 Monachismus apud Hebræos. 74
 Monachismi insectator Vadianus refutatur. 83
 Monachismi perseverantia statuitur. 84
 Monastici ordinis primordia. 73
 Monasticum institutum statuitur. 65
 Montolinetensium ordo. 81
 Mortuo sacerdote nuptiario, quid filius & vxori contin get. 13
 Mosquid. 16
 Morum paritas hominum pe-
- ciora conciliat. 3
 Si bonum est mulierem non tangere, id quoque natura possibile est. 105
 N
 Necessitas iuris potius quam facti facit eunuchum euan gelicum. 17
 Non creditur neganti, qui sibi non vult credi affirmanti. 102
 Nemo perplexus inter duo peccata. 100. & 113
 Nemo præsumit eò tendens, ad quod deus inuitat, siue id miraculi rationem habeat. siue non. 160
 Nolite fieri serui hominum, quomodo intelligatur. 155
 Nubere non licet sacerdoti, nec expedit. 49
 Melius est nubere quam vri, quomodo intelligatur. 101
 Inter nubere & vri datur me dium. 103
 Cum expediat non nubere, potest quis obseruare cœli- batum. 104
 Nuptiæ replent terram, virgi- nitas cœli. 31
 Nuptiarum expertes Aposto- li magna ex parte. 35
 Nuptiarum sacerdotalium pa troni confutantur. 114, 115. 116
 O
 Obœdientiæ votum stabili- tur. 86. 87. 88
 Obligatio ad finē, non ad me-

- dia. 121
 Obligatio duplex. 16
 Obligatio non tollit libertatē arbitrii. 17
 Occidentalis ecclesię ab Oriē tali differentia. 17
 Offerendum deo quod ipsius est. 145
 Diuersa sunt ista, Non omnia capiunt verbum, &, non omnes sūt capaces verbi. 125
 Omnis ætas habilis est continentię. 30
 Opinio Cardinalis de Turre Cremata refellitur. 41. 42.
 Nullum opus esse laudabile, nisi quod præceptum sit, mētitur Erasmus. 140. & 141
 Oratio vice miraculi habenda est ad votū continēdū. 129
 Ordo Augustinianus. 76
 Ordo Basilianorum. 76
 Ordo Benedictinus. 77
 Ordo Minimorum. 82
 Ordo sēper ac super benedictę Trinitatis seruorū beatę Marię, Fratrum prædicatorū, Frāciscanorum, siue Minorū, sanctę Clarę, Carmelitarū, Eremitarum beati Augustini, Gulielmitarum. 80
 Ordo Rhodiensiu, S. Brigide, Iesuatorū, Montoliuetensiu, Pœnitētium foeminarum. 81
 Ordo Sistiertiensiu, Cœlestinorum, Templariorū, Præmonstratensis. 79
 Ordines Cluniacensis, Vallis Vmbrosę, Humiliatorū, Camaldulensium, Grandimontensis, Carthusianus. 79
 Ordinis sui desertores taxantur. 82
 Ordinis & coniugii sacramēta, non pugnāt inter se. 122
 Ad ordines suscipiendos maturior ætas instituenda fortē videtur. 120
- P
- Panormitani sententia expenditur. 168
 Paphnutii sētētię expēdit. 177
 Paraclesis ad lectorem. 12
 Paulus non præcipit, sed indulget, qui ait, Vnusquisq; propter fornicationem uxorem suam habeat. 112
 De Pauli carnis stimulo. 170
 Pauli coniugium falsū assertū ab Erasmo. 34
 Pauli virginitas asseritur, & probatur. 33
 Paupertatis votum. 71
 Peccatorum peccato minimē redimitur. 118
 Inter duo peccata nemo est perplexus. 110. & 113
 Periculis veris inepta remedia nocentiora. 119
 Perseuerantia monachismi statuitur. 84
 Pet. Mōtū elidit ratio. 149. 150
 Philosophię tria genera apud Iudæos, ex Iosepho. 19
 Pietas ipiavni subuenire, vt in discrimē multi adducātur. 13
 Plebiscitum quid. 16

Pœnitentiũ fœminarũ ordo. 81
Potest quis cogi ad cœlibatũ
in calu. 55

Hoc possumus, quod deo ad-
iuuante possumus. 27

Possunt capere omnes, nisi qui
non volunt. 28

Præmonstratenſis ordo. 79

Aliud deo probari, quã homi-
nibus, multis exemplis de-
monstratur. 201. 102

Proles sacerdotum nuptiariorũ
infelix foret. 50

Promissionẽ de cœlibatu non
esse incautam. 178

Fieri potest, vt qui non cogi-
tur promittere, cogatur pro-
missa tenere. 165

R.

Rationi non aduersatur fides.
137

Regula cuius proponitur, im-
ponitur nulli. 54.

Remedia inepta veris pericu-
lis nocentiora. 119

Rhodienſum ordo. 81

S

Sacerdoti Latino refilire non
licet: 57

Sacerdoti nec licet nec expe-
dit nubere. 49

Sacerdotũ euãgelicorũ alia cõ-
ditio, alia Leuitarum. 166

Sacerdotum nuptiariorũ pro-
les infelix foret. 50

Sacerdotale coniugiũ vilipen-
ditur apud Græcos. 47

Sacerdotalis coniugii incom-
moda. 45. 46 & 161

Sacerdotalis familiæ incom-
moda. 51

Sacerdotaliũ nuptiarũ patroni
cõsulantur. 114. 115. & 116

Sacramenta ordinis & cõiugii
nõ pugnant inter se. 172

Scienti & volenti non fit iniu-
ria neque dolus. 16

Scriptura hortatur ad cœliba-
tum, non absterret. 146

Scripturarii scripturam ipsam
corrumpunt. 130

Sententia Panormitani expen-
ditur. 168.

Seruorũ beatę Marię ordo. 80

Sistertienſum ordo. 79

Socratis dictum, Hoc tantum
scio, quod nescio. quomodo
intelligendum. 9

Sperandum de deo, non de vi-
ribus. 30

Sperare licet de futura erga
nos Dei gratia. 148

Speratur à deo gratia in futu-
rũ, idq; citra temeritatẽ. 151.

Spes partim gratiæ, partim me-
ritis innititur. 127

Spiritus manifestẽ dicit &c. ad
Timoth. 4. quomodo intel-
ligatur. 152. & 153

Sponsam Christi offendit, qui
detrahit voto perpetuo. 18

De stimulo carnis Pauli. 170

Subligacula in vet. orgão sibi
q̃q; aptabat nemo alteri. 54

Sufficiat tibi gratia mea, quo-
modo intelligi debeat. 131

Sylua Erasmi repurgatur.
91. 92. 93.

- T**
- Templariorum ordo. 79
- Tentari aliud est quàm vri. 110
- Tentatio non officit cœlibatu, sed ipsum perficit. 132
- Thalmudica ratio eliditur. 107
- Therapeutę qui apud Dionysium Arcopagitam. 75
- Therapeutices institutio ex Dionysio & Irenęo. 70
- Transmissio rei datius inaufertibile. 195
- Traditiones humanę quibus profint. 157
- Trinitatis semper ac superbe-nedictę ordo. 80
- Turturis castitas laudata. 102
- V**
- Vadianus insectator monachismi refutatur. 85
- Vallis Vmbrosę ordo: 78
- Non omnia capiunt verbum, & non omnes sunt capaces verbi, differunt. 125
- Vidualis status asseritur. 125
- Virginitas commendata in veteri instrumento. 32
- Virginitas non est contra legem naturę. 139
- Virginitas Pauli asseritur & probatur. 33
- Virginitas prima omnium mater. 31
- Virginitas replet cœlum, nuptię terram. 31
- Virginitas commoda. 67
- Virginitatis laus. 66
- Virginitatem vouit virgo Maria. 24
- Virginum cœnobita ex prisco instituto. 68. 69
- Virgo beata sciebat Ioseph non petiturum vsum copulę carnalis. 25
- Vnitas diuisionem non recipit. 45
- Votum Ananix persuadetur. 41
- Votum castitatis asseritur Theophylacto & Primasio, atque Augustino. 36
- Votum continentię auctoritate conciliorum statuitur. 37
- Ad votum continuandum, oratione vice miraculi habenda est. 129
- Votum est de mente scripturę. 146
- Votum obedientię stabilitur. 86. 87. 88
- Votum paupertatis. 71
- Votum perpetuum asseritur Ambrosio. 26
- Votum reddendum. 17
- Votum solenne ad diuinum ius pertinere. 181
- Votum solenne cur indispensable, 182. & 183
- Inter solenne & simplex votum discrimen. 184
- De voti solennis dispensatione quid tenendum. 179. 180
- Voti solentis indispensabilitas elicitur ex scriptura. 188. et 189
- Voto perpetuo qui detrahit, sponsam Christi offedit. 18

- A** voto solenni dispensari, deo
 minime pbari docetur mul-
 tis exemplis. 190. 191. & se-
 quentibus.
Vota non possunt irritari, nisi
 ex præiudicio. 204
Quæ vota, & quomodo, irri-
 tari possint. 206. & 207
Vt voueas, nihil opus miracu-
 lo. 128
Ad vouendum nihil opus re-
 uelatione, 27
Vouisse apostolos docetur.
 38. & sequentibus.
Vri est tētationi succumbere,
 ideoq; malum est. 110
Vxorem suam habere quid sit
 133
Vnusquisque propter fornica-
 tionem vxorem suā habeat.
 quomodo intelligatur. 112
 Z
Zuinglius ad omnem impin-
 git lapidem. 147
Zuinglii fœdum exitiū. 145

Errata quædam sic castigato.

Pagina.	Linca.	
3.	21	filentaria.
18.	26.	quisque, lege suisque.
27.	25.	Quot enim, dele enim.
31,	35.	Senson, lege Sanson.
53.	19.	fotis, lege fontis.
64.	5.	costodire, lege custodire.
65.	28.	sorpor, lege sopor.
76.	37.	Nazanzeno, lege Nazianzeno.
157.	13.	Cùm venero, lege, Cætera cū venero.
Eadé.	18.	Cùm autem, lege Cum enim
160.	21.	pruritum, lege pruritu voluptatis.
161.	15.	lege, ne Græcis quidem licuit.
193.	19	duas, lege duos.
Eadé.	22.	id sua, lege alioqui à sua.

PARISIIS
EXCVDEBAT IOANNES LODOVICVS
TILBTANVS.

1 5 4 5

1870

THE AMERICAN

REVIEW

1870







